

C. STALPARTII
OBSERVAT. RARIOR.
Medic. Chirurg. Anatomie
Tomus Secundus.





C. STALPAITII VANDER WIEL

Melici Hagienfis

OBSERVATIONUM
RARIORUM

MEDIC. ANATOMIC.
CHIRURGICARUM

CENTURIE POSTERIORIS
PARS PRIOR,

Auctior longe, atque emendatior.

ACCEDIT

P. STALPARTII VANDER WIEL,
CORN. FIL. M. D.

De

NUTRITIONE FOETUS
EXERCITATIO.



LUGDUNI BATAVORUM,
Apud PETRUM vander AA, Bibliopolam,

CIO. 12. G. LXXVII.



AD LECTOREM.

PRima hæc, amice Lector,
Observationum alterius
Centuriæ pars, ne ni-
miâ liber mole turgeret, seorsum
prodit. Monuit me equidem,
movitque sæpius literis omnis hu-
manitatis, animique quam maxi-
me benevoli undequaque ple-
nis Nobilissimus, ac Celeber-
rimus Vir *Joh: Ludovicus Hanne-*
mannus Physices in Athenæo Chi-
lonensi Professor, nec non S. R.
Imperii Naturæ curiosorum colle-
ga dictus *Nestor* II, ut, quam jam

AD LECTOREM.

pridem Tomo I. promiseram ,
publico Centuriam darem , cur-
tantique mihi , ut vel hinc Wiri
desiderium agnoscas , non ita
vulgarium suppeditavit rerum ma-
teriem , quas , nisi ejus menttio-
ne factâ , memorare religio fuit.
Quod si qualiacunque hæc mon-
nimum difficiles inveniant lecto-
res , operam dabo , uti , quæ prio-
ris libelli numerum adæquent ,
hisce accedant , nec minus utilita-
te , quam mirandorum varietate
eventuum certent.

OBSERVATIONUM
PARTIS PRIORIS

CENTUR. POSTERIORIS.

- I. **C**apitis vulnus non sine ipsius Peri-
cranii læsione. pag. 1
- II. Prava symptomata, utut illæso exterius
capite, orta. p. 11
- III. Grave capitis vulnus, illæsa tamen
cute. p. 18
- IV. Cranii vulnus supra oculum. p. 29
- V. Auditus per biennium, & loquela per
annos quatuordecim amissa subito restitu-
ta. p. 35
- VI. Solita sternutatio ante actum venereum.
p. 45
- VII. Vibrissæ evulsæ mortis causa. p. 59
- VIII. Mirandum oculi vulnus. p. 62
- IX. Oculi procidentia. p. 72
- X. Musculorum oculi paralyxis. p. 85
- XI. Aranea aure contenta. p. 91
- XII. Spasmus oris, cynicus perperam dic-
tus. p. 100
- XIII. Labii Pseudo-cancer. p. 104
- XIV. Hy-

INDEX OBSERVATIONUM.

- XIV. *Hydrocephalus.* p. 109
- XV. *Diuturna admodum à cibo, potuque abstinentia.* p. 134
- XVI. *Per vomitum, & secessum ejecta piceâ nigredine tincta.* p. 185
- XVII. *Menstrua vomitu egesta.* p. 196
- XVIII. *Glans plumbea deglutita, ac per vias urinarias emissa.* p. 200
- XIX. *Delirium, aliaque symptomata assumptionem sanguinis menstrui sequentia.* p. 220
- XX. *Fila pilæ in modum ipso in ventriculo conglobata.* p. 235
- XXI. *Maxilla passeris (piscis) deglutita.* p. 242
- XXII. *Araneæ comesæ.* p. 247
- XXIII. *Nimius raparum esus funestus.* p. 252
- XXIV. *Glandula per alvum ejecta.* p. 259
- XXV. *Intestini coli vulnus.* p. 264
- XXVI. *Ventriculus exesus.* p. 272
- XXVII. *Oesophagi Paralysis.* p. 278
- XXVIII. *Peritonæi Hydrops.* p. 283
- XXIX. *Vermes ex utero prodeuntes.* p. 310
- XXX. *Fætus materno in corpore extra uterum repertus.* p. 315
- XXXI. *Im-*

INDEX OBSERVATIONUM.

- XXXI. *Imprægnatio, nullis unquam præviis
menstruis.* p. 323
- XXXII. *Fætus humanus absque umbilico
editus,* p. 327
- XXXIII. *Infans cum Exomphalo ; sive mi-
nus vera umbilici hernia , natus.* p. 364
- XXXIV. *Fætus diffractis in utero lumbis
editus.* p. 368
- XXXV. *Squammeus , ac veluti Phocæ pel-
le contactus puer.* p. 374
- XXXVI. *Nævi uterini.* p. 379
- XXXVII. *Pili , & os in testiculo puellæ
reperta.* p. 388
- XXXVIII. *Lac cum urina excretum.* p. 391
- XXXIX. *Urethra prope scrotum aperta.* p. 402
- XL. *Urethra callosis obstructa excrescentiis.* p. 409
- XLI. *Subita coëundi impotentia.* p. 416
- XLII. *Infans intra tres hebdomadas variolis
bis impetitus.* p. 424
- XLIII. *Totius corporis cutis sensu , ac calo-
re destituta.* p. 432
- XLIV. *Exostosis , sive ossis excrescentia.* p. 435
- XLV. *Discissus, ac percuratus tendo.* p. 438
- XLVI. *Vas*

INDEX OBSERVATIONUM.

XLVI. *Vas lymphaticum vulneratum.* p. 452

XLVII. *Conchæ falsis gravidæ anseribus.*

p. 458

XLVIII. *Insolitus cervicis galli gallinacei
tumor.*

p. 469

XLIX. *Ovum in ovo repertum.*

p. 475

L. *Non datur Basiliscus infestior.*

p. 480

A A N
D E N Z E L V E N,
O P Z Y N
T W E D E D E E L.

PÆONIUM IN MOREM.



O krygt men door vernuft den doot,
elx vyant, onder,
Door zorg, Apol en zyn geneeskunst
toegewydt.

Zo help Hippokrates het krankbedt door zyn
vlyt,
Zich zelf aan ewige eer door schriften in 't by-
zonder.

Volgt STALPART hem niet braaf, die ons
zo menig wonder
Van quale en hulpe ontvout, zelf na zyn levens
tydt,
Den doot door 't melden van de kragt des doots
bestrydt?
Besteedtge uw uren dus, ô kloek natuurdoor-
gronder?

Verplichtge al 't vaderlant dus met den Haag?
en staan

**

On-

Ons zulke Zeldzaamheên by honderden voor-
taan,
Of by halfhonderden, te wachten in uw blaren?

Wie pryft niet, wie volpryft dien dierbren
arrebeit?
Uw naam (dus dichte ik voort) verdient onsterf-
lykheit,
Uw leven kracht en duur voor meer dan hondert
jaren.

J. VOLLENHOVE.

A A N.

A A N D A G H T

Op de hondert Seldzame

A A N M E R K I N G E N

D E N

Welwijfen, Hoog-geleerden, en feer Ervaren Heer

Hr. CORNELIS STALPART

V A N D E R W I E L,

Doctor in de Medicinen

Geduyrende een vijf- en - veertig jarige
Oeffening defer Wetenfchap, ontmoet,
en by den felven behandelt,

E N N U

Ten dienfte van 't Gemeen in 't ligt gegeven.



Ie tragt een hegt Gebouw *De wijsheyt*
op te regten,

Tc fluiten vast in een aan alle kanten,
dat

De valsche Redenfchijn met domme kragt, en
wat

Haar Woeftheyt medebrengt, niet fchudden
kan, min flegten:

Die hoeft vry meer, als *Nett'* en *Heldere Ge-*
dagten,

Het Algemeen vervult oorspronckelijck den
Geest.

En meerder niet; maar die het *Groote Boeck*
door leeft, En

En al 't gewrochte telt van 't *Heel-Al*; spant zijn
kragten

Met vrugt in, is bequaam den Hoecksteen uyt-
tekiesen,

Den Regten Grondtflag van so hegt een *Wijf-*
heys Kerck,

Bouwt met zijn Zielen-oog hier op het verder
werck,

't Geen, gantsch onwrickbaer, noyt zijn vastheyt
kan verliezen.

Dit's Waerheyt: maer blinckt uyt in 't konstige
genesen

Van allerhande Quael, hier dient insonder-
heit

Gelet op 't wonderbaer'en groote onderscheyt
Der Werken des Natuirs, indienmen Wijs wil
wesen.

Merck, Leser, hoe sig hier H E E R S T A L P A R T
heeft gequeeten,

H Y, die soo meenigmael de wrede Doot ver-
kragt,

De Ziel, reets vlugtig, we'er ten lyve heeft
gebragt,

En in die oeffening ruym veertigh jaer versleten.

't Is maer een kleyne proev', 't geen H Y ons hier
wil schencken,

Zijn Lessenaer besluyt een ongemeene schat,

En soo d'Afgunst dit werk niet averegts en vat,

Zijn Gunst sal daer me' d'Eeuw', ook sal H E M
d'Eeuw' gedencken.

't Is maer een proev; nochtans wat rare wonder-
heden

Ont-

Ontmoeten ons in 't eerst, in 't midden, en
in 't leest.

Zoo speelt Natuur haer rol; en volgen haer om
best

Ons Hoofst, ons Borst, ons Buyck, en uyer-
lijke Leden.

Siet hier een Edelman de bittre doot ontsprongen,
Met driereys negenmael sijn Herfenpan door-
boort,

Siet hier een Herteklop werdt buytens huys
gehoort;

Een anders Hert is plat, en tegens een gedrongen.
Siet hier een swangre Vrouw, om onbenauwt te
leven,

Wert d'ader vijftig-mael geopent, en gesont
Voldraegt haer vrugt ten eynd; siet hier een
Suyg'lings mont

Gevoet met Peltig fog, en sonder smet gebleven.
Siet hier een Vrouwe-vrugt gantsch herfenloos
gebooren

Zjn leden roeren, en beleven nagt en dag;

Siet hier, hoe dat een Vrouw, dien 't niet en
gaet, als 't plag,

Gezuyvert wert door hand', oog, tepels, neus,
en ooren.

Siet hier dien Pruyfcher Boer, die 't mes inswolg,
genesen,

En 't scherpe yfer we'er ter mage uytgesne'en;
Een Maegt baert hier een klomp met kermen
en Geween,

't Welk' buyten wonderwerck, noyt wierdt ge-
looft voor desen. ** 3 Waght

Wagt u voor Coloquint , befaemde Paddeftoe-
len,

Oenanthes gift; fiet hier, de doot in dese pot,
Die met uw' gulfigheyt , en kleyne toeflig
spot,

Endoet u, maer telaet, uw misflag bitter voe-
len.

Gy Wijsgier, die op 't hoogft uw' kennis wilt
verheffen,

En tragt te breyden uyt door Redenkave-
ling,

Tot dat gy, Hemel , Logt, Zee, Aerd',
jae alle ding,

En al't verwisselen der ceuwen kondt befessen;

En roept Gebreck van hulp, om dat een mensch
fijn Reden

Wel oordeel vellen kan van al 't geen hem
ontmoet,

Maer dat een mensch ontbreekt Tijdt, Oeffe-
ning, en Goet,

Om in een ider faek te sien d'omftandigheden.

Siet hier voor 't meerder deel uw' klagten wegge-
nomen,

Heer STALPART Leert ons, en niet met
fijn Penalleen,

Sijn Voorbeelt wijft den weg, en prikkelt
yder een,

Om uw' Gebrek met vlyt, en ernft te hulp te
komen.

Dank' hebb' soo meenig uyr ind' Oeffening ver-
fleten,

Der

Der sieken *koortſig* Bet ſoo meenigmael beſogt,
En d'ondervinding aen het onderſoek ver-
knogt

Van 't geen de Jonger Eeuw' kan van d'Aloude
weten.

Wat ſal nu STALPARTS Roem in 't alderminſt
beſnyden?

Wie prijſt dit kleyn begrip, dog gulde blaren
niet?

Soo groot als 't nut is, 't geen 't Gemeen daer
uyt geniet,

Soo verr' ſal ook ſijn Naem op 's Werelts tongen
ryden.

Avunculo ſuo ἀμφοτέρω ἀντιμάτως

J. D. F. ALPHENUS, J.C.

Nobilissimo, & Expertissimo

DN. CORN. STALP. VANDER WIEL;
SENIORI,

Hagiensium Proto-Medico,

Amico, & Fautori suo honoratissimo.

OBSERVATIONES
CURIOSAS,

Tertiū cum applausu edenti, ὁλοψύχως
congratulatur.

JOHAN. EGIDIUS EUTH,

*Med. Doctor Archiater Saxonicus Practi-
cus Hagiensis.*



Cquis non novit STALPARTUM?
scripta loquuntur :

Queis casus raros, monstraque mi-
ra refert.

I ngenia exacuit, multis ac dotibus ornat :

Erroresque sagax hinc procul esse jubet.

Perge novis partam scriptis extendere famam !

Ut pergam laudes deproperare tuas.

Non est, quod Momi cæcos verearis iniqui

Morsus. Infelix, qui caret invidiâ.

En igitur Tibi perpetuum vernantia ferta

Nectam : ut in cœlis sit bene, posco DEUM.

EJVS-

EXUSDEM in EUNDEM.

Cernite solertem STALPART ! qui cuncta
revelat ,

Et facit, ut vita hæc longa sit, arsque brevis.

Ah ! si complures STALPARTOS orbis ha-
beret,

Frigerent Coi non ita iussa senis.

IN
OBSERVATIONES
MEDICAS

Viri Celeberrimi

CORN. STALPARTII vander WIEL

M. D. Hagiensis.

ERgo, novos iterum Stalparti accincte labores,

Indefessus amor, domitrixque industria
fortis

Haud cessant? Iterumne studes, iterumne mereri

Læta Machaoniæ solers præconia gentis?

Succrescit fama usque recens; dum, legibus artis

¹Posthabitis, rerum stupefacta mente Parentem

Susplicere, ignotasque jubes spectare cohortes

Morborum, & minimo latitantem vulnere mortem.

Quisquis, ut est hominum pars vero haud credula, quondam

Viderit attonitus, stupuit quæ turba medentum

Optima, non renuat venerando credere testi,

Qui tot mira oculis nuper subjecta fideli

Descripfit studio, voluitque patefcere causas.

Hu

Humānos quisquam potuisset credere vĕntres
Edere posse canem? Scyllæi fabula monstri
Illa foret, fallax nunquam ni charta vetaret.
Grandior uva, nihil miror, si guttura vatis
Clauserite egregii, cui Teia Musa canenti
Adstitit, & dio perfusum nectare fovit;
Nec stupeo, exiguo lactis si flebilis haustu;
Immixtoque pilo Fabius periisse feratur.
Non minus hic sævit fruticans, qui naribus ar-
ctis

Evulsus, pilus, est. pænas nam poscit iniquas,
Ac festinati monstrat compendia leti.

Audeat ut nemo non cauto vellere sævos
Ungue pilos, queis vita comes parat ire sub
umbras.

Mortis mille viæ, mille officiosa, necentur
Ut miseri, mala sunt: Concessum hac vivere
lege est.

Hic frustra Æmonias quisquam decurrit ad ar-
tes;

Non tenera modo natus equus quod fronte gere-
bat,

Hippomanesve malis notum, lectumque nover-
cis,

Pocula nec Circes, medicatæ aut frugibus offæ,
Carminave indomitas mittent in pectora flam-
mas.

Menstrua maturis aufert quem luna puellis,
Mox agitat nimis, potus, terroribus, humor,
Perturbatque ægras mentes, læditque veneno.
Pallida namque his philtro nocent. Hæc vince-
re norunt

Flos

Flos novus, & minor matura forma juvena.
 Diliciæ juvenum, roseum cum lumina vultum
 Condecorant, lætique oculis afflantur honores,
 Mentis opes castæ, pudor, & blandissima mo-
 rum
 Gratia, & hæc superans multum dos ampla pu-
 ellas
 Commendant, animosque trahunt, flectuntque
 rebelles.
 His illi cedunt, inflammanturque venenis.
 Quicquid ubique hominum degit, mutabile
 semper,
 Ac varium est, sibi nec constat; sed fluminis
 instar
 Mobile nunquam una fixum statione quiescit.
 Nec tantum hoc juvenis vitio, seniumque labo-
 rat.
 Vitales etiam simulatque in luminis auras
 Transfuga materno de corpore prodiit, infans
 Vagitu querulo mutata tædia sortis
 Indicat haud aliter, quam si genitricis in alvum,
 Underubet, cupiat, desertaque castra reverti.
 Cernitur hic foetus, mentemque, oculosque
 moratur,
 Qui velut impatiens stabuli, quod legibus iis-
 dem
 Cræsus, & Irus init, paribusque angoribus im-
 plet,
 Ignarus tamen & vitæ melioris, & auræ,
 Carcere profiliit rupto: (Exhorrescite quotquot
 Viscera maturo fertis turgentia partu.)

Ut non sede sua miseræ post funera matris
Viveret, ac saltem hoc moribundæ munus ha-
beret.

Ergo puellarum quid non lasciva merentur
Furta, venustantos peperit si casta labores?
Toxica cum profint, quos non speremus abun-
de

E tellure cibos, avidoque alimenta palato?
Tota fere venter gratum hic dat aranea ventri
Humano victum: Suavi placet illa sapore,
Nec nocet esca nocens; sed quondam nomen
edentis

Servabit, tineas, blattasque fugabit inertes.
Sibila diffundat sinuosum arcentia vulgus
Horridus, agmen agens, turba & sublimior
omni

Imperio Libycas teneat Basiliscus arenas:
Adspectu tamen, & stygii qui fingitur oris
Posse necare sono, letali hic concidit ictu;
Exuat ut trepidam quivis formidine mentem.

Nobilius certe, cornu & præstantius uno
Est animal, tellus merito quo se Africa tollit.
Quis non obstupeat, pueri cum debile tergum
Corripuisse legit labem, pectusque, latusque,
Brachiaque, plantasque, recens dum ventre
latebat

Matris inassueto pascentis lumina visu;
Squameus illi horror, fuscas ac sparsa per artus
Ut frontis niveos ferrugo augetet honores?
An credat vester, Medici, miracula Cous,
Si vacui haud finita sciat jejunia ventris,

Ter-

Tertia dum reducis fulserunt cornua Phœbes?
Nempe Deus vitæ fons, & spes unica, post-
quam

Nil opis humanæ est, tandem mortalibus ægris
Dexter adest, animosque malis, & pectora sol-
vit.

Relligio hæc eadem, & conceptis debita ver-
bis

Sancta fides, quæ vos, Phœbeæ lumina turbæ,
Ulli hominum tacitæ temerare silentia linguæ
Non finit, o quantum præstet, si pandere co-
gat

Asclepî quodcunque juvat, decoratque nepo-
tes!

Stalparti, hoc, sed sponte, facis : ferventior
instas,

parque flagellanti morborum flagra retundens
Hæc priscis indicta viris caligine mergi,
Urgerique vetas tenebris. Quam digna thea-
tris,

Unde Palæphatiæ procul absint somnia chartæ,
Prodigus haud levium pandis spectula rerum!
Plaudo equidem; plaudent, queis non inscitia
nube

Mentem Cimmeria leti soror horrida cæcat.
Pæonii quoniam mecum stent vota Senatus,
Non fundet stolidæ livor convitia linguæ.

O quoties studiis tua, quamquam grandior,
ætas

Immoriens juvenes pulchris ardoribus annos
Imbuit, ingenuasque avidum me traxit ad artes!
O quo-

O quoties vulgi deliramenta furentis
Risimus, & curas, cum doctior ipse recessi !
Sidera tardus adi, tempestivusque vocantem,
Quem proavi longo scanderunt ordine, Olym-
pum,

* Quicecinere modis non interitura canoris,
Bilbilis alta sui dicat quæ, carmina, vatis,
Quæque suo felix Verona adscribat alumno.
Cum tamen emerito veniet lux ultima vitæ,
Non omnis moriere; tui pars multa superstes
Horrida vitabit Libitinæ spicula, & altum
Æthera pervolitans rabiem contemnet iniqui
Temporis, & seris constabit gloria fastis.
Haud aliter, patrium, florens accola, flu-
men

Qui bibit, Amstelios qua spumeus Ya iusur-
ros

Excipit omne Tagi pleno nunc ditior alveo
Provolvens aurum, plaussit, cum Tulpius in-
gens

Per simile exegisset opus. Non celsior urbis
Fascibus ille fuit, cui Tethys omnibus undis,
Oceanusque Pater famulatur, victa vetustas,
Atque altæ cedunt arces, queis Hadria turget;
Quam, virtutis opus, cum famam extendere
factis

Pergeret, & senibus nomen transcribere seclis.
Sic etiam, o Hagæ dudum laus inclyta nostræ,
Non animum spe deceptum lactabis inani.

Quin

• Sic Augustinus, ac Joannes Stalpartii suis quisque Poëma-
tibus inclaruere,

Quin tibi persolvēt dignas Germania grates,
Nec sola in memores referet te lætior annos.
Ergo alios supra tollet se nominis olim
Fama, jubarque tui. Puro velut æthere quan-
do

Luna micat, fugiunt late, noluntque videri
Vicini igniculi, pallet Cynosura, minores
Lumina fusca faces submitunt, Cynosia lan-
guent

Sidera, & Oebalii cedunt, par nobile, fratres.

Commoda sed quamvis jam non ignobilis
otî

Percipere, & tantis possis te attollere rebus;
Perge tamen, dum fata sinunt, turbasque ja-
centes

Erige : pelle febres, lenta quæ corpora tabe
Fracta minutatim diris languoribus angunt.

Quid liquor excussus foliis, herbæque poten-
tes

Quid valeant, sensi. Juvit sua dextera Flud-
dum

Sæpius, & succis morbi cessere minores.

Quantus agit mentem Phœbus, cum corpora
sanas

Quæ sanie, taboque fluunt, atque arida mar-
cent,

Queis neque Phillyrides præstet solatia Chiron,
Stalparti, effœtos accersere robur in artus

Quo melior nemo, quanto ardent pectora mo-
tu!

Intrepidum tibi nunquam animum furibunda ca-
num vis

Ter-

erruit, infestum quamvis in viscera virus
infundat morfu, cedit cui Sirius ardor.
Ipse animam tandem latebris exire parantem
ostendere, & erectis potuisti reddere membris.
Cepius illa licet jamjam morientis amicos
cecisset pariter dubios, pallensne cadaver
conspicerent, oculos an certa morte gravatos;
Irida, qui fuerat, rursus color ora notavit:
Deinde, novæ postquam rediere in pristina vires,
idem incendit præcordia fervor.
Multi, quos Charites averſæ, ac lævus Apollo
despexere, stylum nec quicquam, unguesque
fatigant.

Mole tument alii: violas velut inter avenæ
ascuntur steriles, dominantique agmine vin-
cunt.

Immanis prurigo suos agit: Horrida at illi
Non nisi monstra foveant, & scombris digna lo-
cuti

Damnato, inveniunt tandem, conamine, lau-
dem,

Quam dedit Alpino Trojani everſor Achilles
Imperii, ac luteus, diffracto vertice, Rhœcus:
Les nimis arcta domi, scelerumque uberrima ma-
ter

Paupertas quosdam famam servare tacentes

* * * Heu!

Leges accuratissimas animadversiones, notasque Celebern.
Dan. Heinsii ad lib. 1. Sat. 10. Horatii.

Dea equidem Penia bonæ mentis soror. Verum
Limus ut hic dureſcit, & hæc ut cera liqueſcit
Uno, eodemque igni;

Sic & inopes pro indolis ductu in diversa feruntur. sed
plures mali.

Heu! vetat. Usque adeone nocet mortalibus
aurum?

* Ipsane, at, utilitas, Stalparti, an Cimbricus ille
Hoc tibi Nestor opus non parco extorserit, ingens
Qui tibi scribenti stimulus, vix dicere possis.
Cumque hic mole liber nusquam turgescat inani,
Copia non felix, dignarum aut pondera rerum,
Utilibus passim misces dum dulcia, defunt.
Ille levis procul esse jubet fastidia Marfi,
Pectora cui Fabii nunquam arrisere loquacis.
Casta placet brevitās, & amœnæ gratia linguæ.
Laus etiam sua parva manet; præstantior usque est
In minimis natura: olim quod viderat ille,
Cui fuit exitio Ætnæos victura furores
Fumorum piceo cum turbine flamma Vesevis
Faucibus erumpens, candentique aucta favillâ.

• Joh. Lud. Hannemannus Physic. in Athenæo Chilonen.
Prof. S. R. Imperii Acad. naturæ curiosorum collega di-
ctus Nestor I I.

IN EFFICIEM EJUSDEM.

*Quisquis in artificis Stalpartum conspicis ære,
Ora vides, summis quæ placuere viris.
Hac pictus cum parte silet, non muta loquun-
tur,
Quæ victura animi dat monumenta sui.*

J. FLUD. A. GHILDE.
Hagiensis.

C. STAL



C. STALPARTII VANDER WIEL
OBSERVATIONUM
RARIORUM
CENT: POST: PARS PRIOR.

OBSERVATIO I.

*Capitis vulnus non sine ipsius Pericranii
contusione.*



Ræclare equidem, ac pruden-
ter Medicorum Prin-
ceps Hippocrates Cous ini-
tio tractatus de capitis
vulneribus, Nullum, inquit,
capitis vulnus utcumque mi-
nimum, leve putandum est:
Sæpe enim cutis sola contusa ferro, aut aliâ
aliquâ re si non diligenter, & cum quâdam
A cautio-

cautione curetur, veluti si sanguis concretus non expurgetur, aut aliud quiddam negligatur, ulcus recrudescens non parum molestiæ exhibet, & aliquando etiam febrem inducit, ac Medico quidem negotia, ægroto verò periculum non minus adfert.

Verba hæc Divini Senis me quidem circa prognosin capitis vulnerum, sed speciatim hoc casu (siquidem is, qui vulnus, de quo hic sermo, inflixerat, carcere includebatur) cautum effecerunt, & circumspectum.

Anno 1684 die 20 Januarii vir quidam robustior Hagæ ænei candelabri orbem inferiorem in Procuratoris cujusdam caput multâ vi impegit (erat autem illud pileo, galericuloque è corio Hispanico munitum) prope futuræ sagittalis, & coronalis unionem, sed tamen paulo magis versus sinistrum latus, capitis cute ad pericranium usque pertusâ, ita ut vulnus medium adulti hominis magnitudine æquaret digitum, unde magnum sanguinis profluvium.

Ipse autem cum Chirurgo *Frederico Kempio* arcessitus ipsum etiam Pericranium ictu non parum reperi contusum.

Con-

Conclusimus itaque illud levi incisione aperire. Quo factò, læsum solitâ methòdo intra octo hebdomadas (non tamen absque officulorum quorundam separatione) curavimus.

IN OBSERVATIONEM I.

Licet hæc observatio non adeo sit rara, sæpiusque in praxi occurrat, inconsultum tamen non existimavi eandem hic loci exhibere, siquidem magna sæpe circa talia vulnera contentio, & controversia, scilicet propter prognosin, & determinationem imminentis periculi vel majoris, vel minoris, vulnerante imprimis deprehenso, exoritur.

Quæritur ergo, an quisquam caput vulneratus, contuso etiam pericranio, respectu istius vulneris extra omne mortis periculum sit?

Experientia certe adductæ *Hippocratis* admonitionis, ratiociniique veritatem plus satis confirmavit. *Franciscus Valleriola obs. med. lib. 3. obs. 1. fol. mihi 183.* vocatum se fuisse ait ad *Arduynum Ferrerium* 13 annos natum juvenem, leviter caput fuste lignea, eaque prolunga, levi tamen, utpote saligna, sed secundum alterum extremorum mucronata, & ab alto dejectâ, vulneratum; licet autem leve quidem initio hoc vulnus, quod scilicet sine ulla calva-

4 OBSERVAT. RARIORUM

riæ fractura , scissurave constitisset, sola tantum capitis cute vulneratâ, videretur, cum tamen post sextum ab accepto vulnere diem accerferetur, læsum acriter febricitantem , biliosa vomentem, & caput gravissimè dolentem invenit.

Quin etiam inflammatio in vulnere cum delirio, resolutio in crure dextro, brachioque sinistro, tum & convulsio in manibus apparere coëperunt, ac mors tandem subsecuta est. Dissectâ post obitum vulneris inspicendi gratiâ, capitis cute, amotoque pericranio, visum est, quâ parte telum impactum fuerat, os livens, contuso utique à ligno pericranio, atque etiamnum cranio ipso. Quum igitur, ita pergit *Valleriola*, de morte hujus vulnerati, ac undecimo post acceptum vulnus die mortui, sententiam coram Magistratu ferre juberer: dixi ad juvenis vulnus, et si essentiâ suâ è numero necessario letalium non fuerit, quum simplex esset, absque cranii fracturâ, rimâ, scissurave, quæ ut plurimum salubria magis, quam letalia esse solent, nihil secius tamen mortem pueri esse referendam, accidentium, quæ vulnere supervenerant respectu: utpote quæ vulneribus capitis evenientia, illisque copulata, ut plurimum letalia esse soleant.

Illud etiam testati sunt *Hippocrates*, & *Galenus lib. 5. aphoris. comm. 2. ejusdemque lib. 6. comm. 50*, nec non *lib. 7. ejusdem tractatus comm. 14.*, ut & *Celsus lib. 5. cap. 26.*

Sic quoque scribit *Joh. Petrus Passerus cap. 3. de vulneribus Capitis* Bergomi Nobilem Causticum D. Nicol. de Curte Regia ætatis annorum 28 in dorsum cadentem caput illis in angulum clynopodii, cute in regione futuræ Lambdoïdis fractâ. Licet autem primis diebus nihil, quod metum inferre posset, supervenerit, septimâ tamen die os stomachi dolore coëpit, octavâ febris læsum corripuit, nec remisit; undecimâ rigores supervenere, decimâque septima obiit, tametsi vulnus ad pericranium non pertigerit.

Tradit & ille ibidem, quomodo Clerico cuidam, filio fabri lignarii baculo percusso in regione sagittalis futuræ cutis leviter fracta sit, qui, cum ad decimum septimum diem bene se habere visus esset, febris mox superveniente, quam rigores, deinde & paralytis partis oppositæ exceperunt, vigesimo die obierit. Ablato cranio nullum in cerebro, membranisve apostema, venæ autem crassam meningem permeantes magis quam par esset, sanguine turgidæ apparuere.

Ioh. Manardus epist. med. lib. 6. fol. 73. refert, quomodo capiti fabri cujusdam ferrarii, *Alovissi* nomine, inflicta fuerint duo vulnera duobus catenæ ferreæ annulis, alterum supra supercilium sinistrum, alterum in eodem latere parum infra angulum ubi futura sagittalis coronariæ conjungitur. Narrat autem octavo post vulnerationem die erysipelas in facie, quod paulo post totum caput cum febre complexum sit,

6 OBSERVAT. RARIORUM

dieque duodecimo resolutionem quandam dextræ manus cum diminutione loquelæ, & duodecimo demum mortem supervenisse. Hæc autem duo capitis vulnera, siquidem cutis tantum exigua pars præcisa fuerit, letalia per se non agnovisse se ait *Manardus*.

His ergo, similibusque evidens est capitis vulnus, etiamsi leve, mortis quandoque esse causam. Nec tamen adeo mirum videatur, siquidem contingere potest (quemadmodum etiam supra memoratis revera contigit) ut vulnera fiant supra futuras, vel in aliâ quadam cranii parte, per quam vas aliquod (sive vena fuerit, sive arteria, vel fibra denique, aut nervus) à meningibus originem habens transcurrit, unde subjæctæ partes vulneris non omnino sunt immunes, ita ut propter capitis excellentiam (etiamsi vulnus nonnunquam leve appareat, nullique fuerint vel à Chirurgo in curatione, vel à patiente in diætâ commissi errores) mors nihilominus adveniat. Nonnunquam etiam post ictum, lapsumve, quoddam vas sanguineum sub cranio illæso rumpitur, unde sanguis extravasatus putrescit, & meningum producit inflammationes, quale exemplum habet *G. Fabrit. Hildanus cent. 1. obs. 21. fol. mihi 2.*

Multi etiam, capite pugno cæso, sine ullo externo vulnere obiere, qualia exempla extant apud *Hippocratem de morb. vulg. lib. 5. cap. 21. v. 6. &c. Horat. Augenium Epist. & consult. med.*

med. tom. 1. lib. 9. epist. 2. Melch. Sebizium prodrom. exam. vulnerat. part. 3. thesi 90. Gothofr. Welsch. rational. vuln. letal. indicat. eap. 14. Joh. Rudolph. Camerar. memorabil. med. cent. 10. obs. 43. Thom. Bartholinum ætis med. anni 1. pag. 68. Helwigium obs. 21. fol. mihi 68. Miscell. med. Phys. curios. an. 2. pag. 203. & anni 6. pag. 305. Apud Anthon. Benivenium obs. med. cap. 10. pag. mihi 285. G. Fabrit. Hildanum cent. 5. obs. 85. & cent. 6. obs. 11. fol. mihi 507. Henric. ab Heers obs. 12. fol. mihi 120. & apud Marcellum Donatum lib. 2. de med. hist. mirab. cap. 6. fol. mihi 167.

Quapropter admonitum velim unumquemque Chirurgum, cui ejusmodi capitis vulnera cum læsione, aut contusione cranii forte occurrunt, ut in Medicinæ nostræ honorem nullam certam, aut determinatam faciat prognosin, sed *Damasceni* aureæ sententiæ memor sit: *Si interrogatus fueris, semper velociter respondeas: dubitandum est; nam veluti magna, & gravia capitis vulnera (teste Galen. lib. 5. aph. comm. 2, nec non usu quotidiano) non semper sequitur mors, sic & levia sæpenumero mortis causæ sunt.*

Capiti vulnera leviter inflicta, segniter tractata, letalia posse evadere, præter exempla apud *Valeriolam* lib. 3. obs. 1. *G: Fabrit: Hild: centur: 1. obs. 21. H: Fabrit: ab Aquapend. lib. 2. Chirurg. cap. 15. nec non P: Zacch: quest: med. Leg: lib: 5.*

8 OBSERVAT. RARIORUM

tit. 2. quest. 9. § 2. E contra gravissima capitis vulnera, imò cum ipsa cerebri substantiæ deperditione à prudenti Chirurgo curata fuisse, accedente ægrinatura bene disposita, & obedientia, pluribus constat exemplis, qualia præter *Schenckium* recensent cerebri substantiam sine morte subsequente deperditam *Borellus cap. 1. obs. 88. Fabrit. Hild. cent. 1. obs. 13. cent. 4. obs. 1, 2, 3. centur. 5. obs. 44. Pet: Ioh: Lotichius lib: 6 obs: cap: 8 obs. 2. Fallop. de cur: vuln: cap: 45. Andr. à Cruce lib: 1 Chirurg. tr: 2 cap: 14 Ambros. Paræus lib: 4 cap: 22 & lib. 24 cap: 19. Cabrolins obs: 16. 22. 34. aliique quamplurimi.*

Rationes verò, propter quas contusio, & vulnus pericranii suspicionem aliquam Medico posset movere, hæ sunt, quod videlicet membrana illa, respectu nervorum, cum cerebro habeat communionem; sic etiam in contusione, nisi tempestive satis caro incidatur, putrefactio, & gangræna, tractuque porrò temporis subjecti cranii caries oriri possunt; Vel etiam humor ille in contusâ membranâ circulum debitum absolvere nequiens efficiet, ut totum intumescat caput, quemadmodum similia utriusque generis exempla sæpe mihi in Praxi occurrerunt; Sic quoque *Sculdetus Armament. Chir. obs. 16. fol. mihi 213.* de puello septem annos nato refert, qui casu ecchymosin in dextra syncipitis parte prope futuram coronalem, & sagittalem contraxerat, cui succedebat primo capitis dolor, dein-

deinde & convulsiones totius, quæ circa novilunium augebantur. Cum tandem tumor capitis indies major fieret, tertio à vulnere mense per scalpellum cruciformis facta est usque ad cranium sectio, repertumque fuit id subnigrum, & asperum, certissimo indicio isthæc symptomata ægro à materiâ acri, erodente, ac vellicante excitata fuisse. Ejusmodi à periostii contusionibus produci posse symptomata exemplo etiam indicat *Roonhufius fol. 39.*

Dignosci insuper vix potest, sitne sub contuso pericranio ipsum etiam cranium læsum, vel etiam, anne per ictum, lapsumve, ossis quædam particula soluta irregularibus suis angulis pungat, sicque immensi doloris, adeoque & inflammationis causa sit. Contingere enim potest, ut, quando vulnus (veluti nostro casu accidit) prope futuram quandam factum est, portio quædam acris materiæ in parte contusâ latentis facile per futuram penetret introrsum, unde meninge affectâ, nervorum convulsio, delirium, apoplexia, tandemque ipsa sequatur mors. Vulnus ergo Pericranii, quod per contusionem, vel collisum oritur, gravius est, quam quod fit per incisionem, nec non periculosius, si proxime quandam cranii futuram fuerit inflictum. Hic loci autem quæstio oritur circa capitis vulnerum prognosin: num scilicet caput vulneratis post diem quadragesimum, respectu istius vulneris nihil timendum sit?

Istam prognosin non adeo esse certam probat *P. de Marchettis obs. 15. fol. 38, &c.* ubi multoties se vidisse refert nonnullos post tertium etiam decessisse mensem.

Marcellus Donatus libr. 5. de Med. hist. mir. cap. 4. fol. mihi 561. mirandum sane, ait, Juriſtas tranſacto 46 die in capitis vulnere nullum amplius ſubeſſe periculum ſtatuiſſe, ſique poſt dictum tempus mori contigerit ægrotantem, id nequaquam in vulnus rejiciendum eſſe decreviſſe; Cum tamen celebres admodum viri, quales *Rogerus, Jacobus de Carpo*, alique, teſtentur caput vulneratos ad centeſimum uſque diem periculo non eſſe exemptos, aſſertque idem *Marcellus Donatus* exemplum quoddam contuſionis capitis, à quâ patiens tandem poſt centeſimum vigefimum nonum diem vivere deſierit. *Scul-tetus* etiam *Armament. obs. 7 fol. mihi 204* facit mentionem cujuſdam, qui, collifo capite, centefimo demum obierit die.

Paulus Zacchias libr. 5. quaſt. med. legal. tit. 2. quaſt. 9. fol. mihi 391. hac dere, licet, ait, ſecundum communem opinionem poſt 40. dies non dicatur quis ex vulnere quopiam mori, ea tamen in vulneribus capitis locum non habet, quia etiam poſt centeſimum, & ultra, hæc periculum afferunt, ratio ejus multiplex eſſe po-teſt, &c.

Illa ergo fuit ratio, cur ego, & modo adductus Chirurgus *Fred. Kempius* certò aſſeverare

re non potuerimus læsum intra duorum mensium spatium mortis periculo omnino fuisse liberum. Nostra autem sententia (cum, quantum ad dimittendum reum controversia quædam suboriretur, ideoque libello supplice à Brabantix Concilio impetraretur, uti rerum periti auctoritate publicâ, quicquid hoc esset litigii, dirimerent) postea fuit approbata à Medicis expertiss: *Petro van Wouw*, ac *Leonardo Comenick*, nec non Chirurgo *Bekesteyn*, quos Senatores, ut inquirerent, elegerant.

OBSERVATIO II.

Prava Symptomata, utut illæso exterius capite, orta.

TOmi primi observ. 7. exemplum de di capitis vulneris, è quo, non adhibito trepano, extravasata materia per modum transfudationis decimo quarto, & sequentibus diebus, feliciter fuerit egesta. Hîc loci autem mentionem faciam capitis graviter icti, at alio plane modo percurati.

Claudii D'Ombaal hîc Hagæ habitantis caput mense Junio Anni 1668. ligno quodâm bis fuit ictum, primo quidem

occipite, deinde & latere pulsato, unde subito humi procubuit. Domum autem portatus, cum dimidiam circiter horam absque sensu, motuque jacuisset, sensim quodammodo ad se rediit; quapropter venam ipsi aperuit *Cornelius Bekesteyn* Chirurgus Hagiensis, pilosque omnes abrasit, ac deinde, siquidem parvam duntaxat contusionem, nullamque continui solutionem in cute, multò minus fissuram quandam cranii adverteret, caput primò inunxit oleo rosarum, mox & defensivum quoddam applicuit. Hæc autem continua illico infecuta est febris, at ipse quarto die cum dicto Chirurgo advocatus nervorum convulsionibus eum laborare, portionemque aliquam coagulati sanguinis è naribus excerni animadverti, quæ excretio septimo die iterata est. Tum vero imminui febris, ac post tertiam hujusmodi coagulati sanguinis excretionem ægrum omnino relinquere. Interim sequentem adhibui fotum:

*℞. Rad. Feniculi**Petros. āā ℥ ij.**Herb. Betonica**Rutæ āā m. j.**Flor. Chamem.**Meliloti**Sambuci āā m. j. ℞.**Lavend. pug. ij.**Sem. Cum. ℥ ij.**Bacc. Lauri ℥ ij.**Cop. in aq. comm. sub finem coctionis addendo
vini rubr. ℥ j. ℞.**Fiat fomentum.*

Hocce fomento humectabantur segmenta quædam lanea, quibus caput per dies aliquot continuos fovebatur, eique tandem impositum est Emplast. de Betonica cum Cerat. de Cumin. aa. p. æq. invicem commixtis, sicque ille intra 14. dies pristinæ sanitati fuit restitutus.

IN OBSERVATIONEM II.

EX hoc, &, quod sequetur, exemplo, discimus in omnibus capitis contusionibus, quas symptomata comitantur, non continuo ad cutis apertionem, craniive terebrationem esse recurrendum, siquidem id nec tutum sit, nec rationi

14 OBSERVAT. RARIORUM.

ni conveniens. Sæpe enim sanantur quædam capitis contusiones absque ullâ incisione, trepanove, quibus nullum quidem adest cutis vulnus, sed læsio quædam partium capitis interiorum.

Ita meminit *P. M. Rossius fol. 120.* infantis cujusdam quinque annorum, cui dextra cranii pars multum erat contusa, ab initio videlicet musculi temporalis dextri usque ad os bregmatis. In ipso, inquit, osse capitis manifesta depressio, simulque cutis ingens tumor erat, sub quo effusi è vasis sanguinis digitis dignosci poterat undatio, ambiebatque hic tumor totum muscolum temporalem ad oculum usque, quamquam dicta undatio eo usque non pergeret: hanc contusionem isthæc comitabantur symptomata. Puer instar mortui absque sensu, motuque, apertisque, ac contortis jacuit oculis, eoque in statu tres horas permansit, cum interim è dextra aure, ac naribus sanguis efflueret; in parte oppositâ oris distortio animadversa, totoque in latere sinistro motus diminutus apparebat, atque hoc modo usque ad decimum quartum diem misellus decubuit, primis duobus diebus nec cibum, nec potum retinens, sed assumpta rejiciens.

Ex quibus evidenter constat interiores capitis partes fuisse læsas. Nihilominus tamen infans sine ullâ capitis incisione, aut trepano per idonea externa (generalibus tamen internis non omissis) sanatus est.

Animadvertendum itaque est, si cui caput contusum sit absque ullo cutis vulnere, & mox post lapsum, ictumve varia mala appareant symptomata, v. g. biliosus vomitus, amissio loquelæ, sanguinis per nares, & aures ejectio, sensus, motusque privatio, ac denique febris, non continuo oportere Chirurgum cutim incidere, craniumve terebrare; caput autem ei dextrè percutiendum, inquirendumque, anne alicubi cranii quædam depressio, vel fractura sit; quâ non inventâ, ubi, quæso, instituet incisionem? Si enim respicere velit capitis tumorem, hujusque aliquam mollitiem (ubi aliàs juxta *Celsum libr. 8. cap. 4.* in dubio fracturæ cranii casu incisionem facere licitum est) nonnunquam totum cranium cute denudandum esset, siquidem id undique sæpe sit tumidum, & molle.

Necessum igitur est ante omnia perspicere, num similia post lapsum, ictumve cuiquam supervenire possint symptomata absque ipsius cranii læsione; quod si queant, anne porro tali casu curatio absque terebratione fieri possit, videndum. Hujusmodi autem accidentia absque cranii fracturâ provenire posse evidenter, opinor, ex jam dictis liquet. Obveniunt autem ea, quando cerebrum per gravem aliquem lapsum concutitur, testibus *Hippocrate sect. 6. Aphor. 58.* & *Galeno in eundem Aphor. Celsus* quoque dicit, aliquando, sed rarius, contingere, ut osse capitis integro, intus per ictum, lapsumve arteria quædam in
menin-

meningerumpatur, sicque sanguis ejiciatur.

An vero quisquam istis accidentibus obrutus sine cranii perterebratione possit curari, dignoscetur ex iis, quæ vulgo circa ossis apertionem solent proponi, nempe, si aliquid præter naturaliter intra cranium contineatur, quod exitum quærit; alias enim nihil commodi à trepano.

Quicquid ergo illo infantis exemplo sub cranio contra naturam latuit, vel magna fuit coagulati sanguinis quantitas, vel ossis quoddam frustulum meningibus infixum, vel etiam os adeo depressum, ut membranas, cavitatesque cerebri notabiliter presserit; quorum omnium symptomatum primum tantum fuit animadversum. Siquidem ergo sanguis sponte per aures, & nares effluxerit, perterebratio fuisset inutilis. Sed dubitare quisquam potuisset, num etiam quædam intus permanisset portio, quæ ibidem stagnando mala quædam productura fuisset symptomata? Verosimile est sanguinem extravasatum, & incrassatum, tam febre superveniente, quam dictorum calefacientium, & attenuantium usu, rursus ita fuisse attenuatum, fluidumque factum, ut tam per aures, quam nares potuerit exonerari. Licet autem fortè quicquam remansisset (quo casu Celsus perterebrationem admittit) attamen Chirurgus præscire nequit, ubinam apertio sit instituenda; locus enim extravasatum sanguinem continens liquido discerni nequit, quemadmodum *scholio in observat. 7. tom. primi fol.*

fol. 26. nec non *observat.* 8. ostendi; ubi syncipitelapsulæso, tamen non nisi post trepanum demum vigesimum septimum sanguis extravasatus in occipite apparuit. Satius ergo est ejusmodi casu subjectum os non aperire, sed institutâ venæ sectione, in id incumbere, ut per idonea remedia externa curatio promoveatur, quod etiam probat *Galen. l. 2. de comp. med.* sec loc. ubi dicit: *Optimum itaque fuerit in his, nisi ætas prohibeat, viresque sint nimis debiles, à venæ-sectione curationis initium facere: & convenientibus capitis irrigationibus uti, &c.*

Sic *Vidus Vidius libr. 6. cap. 3.* experientiâ non semel constitisse ait eos facilius percurari, servarique, quorum capitibus non terebratio, sed externa adhibita fuissent medicamina, quam quibus cutis divisa, exitusque saniei membranæ nocenti concessus fuisset. Nec deest ratio, cute enim integrâ manente, ab aëre externo non alteratur plaga, eoque citius ad concoctionem perducitur è vasis effusus humor, ac divisa ossis frustra sibi invicem melius reuniuntur.

De notabilibus cranii depressionibus infantum, malisque inde secutis symptomatibus, quæ nullo tamen vitio superstite, fomentis tantum ad curationem perducta sint, vide *Lyserum pag. 279.* nec non *P. de Marchettis pag. 18. River. obs. p. 355. Sculteti armament. Chirurg. p. 109. Smetium pag. 563.* Ejus etiam exemplum dedimus *Centur. nostr. 1. obs. 6. fol. 27.*

Gabriel Fallopius libr. de vuln. cap. fol. mihi

18 OBSERVAT. RARIORUM.

584. quando, ait, os fractum est, integrâ adhuc cuti non statim instituenda est sectio, quia ea frustra est: possumus enim discutere, & digerere materiam, quod non possumus facere osse detecto: nam quando generatur sanies, & fit ossis refrigeratio, non potest fieri bona digestio. *Jacob. Guillemaeus lib. 1. de vuln. capitis. fol. 605.* Apertura cranii, inquit, quovis osse fisso, non requiritur necessariò. Idem affirmant *Schenckius obs. med. lib. 1. fol. 19.* Nec non *Sculdet. Arment. Chirurg. fol. 103. & 240.*

OBSERVATIO III.

Grave capitis vulnus, illæsa tamen cute.

QUemadmodum præcedente observatione de capitis vulnere absque cutis apertione, non autem sine malis symptomatibus, actum, nec non scholio dictum est de aliis gravibus casibus, quorum ultimo depressio cranii, cute illæsa, animadversa fuit, ubi tamen omnia symptomata circa periculosum capitis vulnus observari solita sine trepano fuere percurata; ita etiam hic mentio fiet contusi capitis absque externâ cutis læsione, non tantum depressio, sed

CENT. POST. PARS PRIOR. OBS. III. 19
sed & fracto cranio , cui admotum fuit
trepanum.

In caput cujusdam Juvenis 20. annorum corporis robusti , & fani , cum aliquando arenam in novum quoddam ædificium apportaret , infortunio trabs quædam ex alto lapsa alterâ parte (alterâ namque in terram ruebat) ita incidit , ut mortuo similis illicò prolaberetur in terram : quare in auxilium vocati *Carolus* , ejusque filius *Joh. Teurier* (apud quem Chirurgiam tunc temporis discebat *Cornel. Solingius* , nunc temporis Medicus , & Chirurgus Hagienfis) continuo venam illi secuere. Cranium namque , quamvis capitis illæscâ cute , valde depressum dextro in latere solutionem continui passa erat. Circa futuram coronalem non contusæ tantum partis , sed & palpebrarum reperiebatur tumor : advertebatur etiam capitis vertîgo , sopor , delirium , cæcitas , amissio loquelæ , bilis , sanguinisque vomitus , nariumque hæmorrhagia , quæ symptomata omnia læsas esse internas capitis partes satis clamabant. Præter cranii depreffionem conspiciebatur quoque fissura , quoniam

autem non ita magna erat depressio, ut subjectam premeret meningem, nulla adhibita fuere instrumenta elevatoria, sed tertio die applicitum fuit trepanum circa infimam fissi ossis partem, unde magna sanguinis extravasati portio illico per aperturam, non sine magno ægri levamine, fuit exonerata: cumque ille per aliquot dies alvum non dejecisset, lene aliquod præscribebatur purgans, quo simul cum fæcibus multum coagulati sanguinis ejectum est. Ab illo dein tempore pleraque valde imminuebantur symptomata, læsusque sensim (quamvis non sine ingenii quadam læsione) pristinæ fuit restitutus valetudini.

IN OBSERVATIONEM III.

Super illo, de quo observamus, perpendendum, & inquirendum occurrit, unde contigerit, ut cum bile simul & sanguinem evomuerit, nec non, unde factum fuerit, ut coagulatum etiam quotidie postea per alvum excreverit? Illud autem haud dubie contigit, quod sanguis in naso aliquatenus incrassatus, ac coagulatus, commodo exitu non invento, per foramen naribus cum palato commune in ipsum delapsus esset ventricu-

triculum, & hinc in intestina. Longè autem aliter sese reshabuit in illo, cujus meminit *Roonhusius obs. part. 2 fol. 192.* quique, graviter in glaciem impacto occipite, lapsus motu, sensuque pene carens jacuit, quem casum multa, ac prava admodum sequebantur accidentia, sed tamen nulla advertebatur narium, vel aurium Hæmorrhagia: refertque porro *Roonhusius* de eodem, quomodo, sumpto postridie syrupo quodam purgante, septimo demum die de vehementi circa aures dolore, lacrymisque vel invito profluentibus, ut & olfactus amissione conqueri cœperit, nec non octavo auditum amiserit die, undecimo autem intolerabilem senserit in collo dolorem, tandemque duodecimo sanguinem coagulatum per alvum dejecerit, unde aurium dolore imminuto, cessantibusque lacrymationibus æger auditum recuperavit. Quoniam is itaque nullum initio ejecerat per nares, vel os, auresve sanguinem, non inutiliter fortean videbimus, undenam tandem sanguis ille per alvum dejectus provenerit?

Non equidem verosimile est, modo supradicto ex capite per foramen naribus cum palato commune in ventriculum, & indè porro in intestina descendisse sanguinem, quod nulla hujusmodi descensus apparuerint signa; & licet supponamus insensibiliter id contigisse, dictum tamen difficile est, cur non initio statim post assumptum purgans coagulatum sanguinem, qui duo-

decimo demum prodiit die, ejecerit; nisi quis statuât illum tam diu cellulis, rugisque intestini coli inhæsisse, posteaque per fermentationem, putrefactionemve solutum fuisse. Hoc autem rationi non est consonum; eo enim casu febris, permanente putrefactione, fuisset aucta, cum tamen contra scriptor dicat ægrum decimo die, febris imminutâ, melius sese habuisse. Quare existimaverim, quicquid hoc fuerit coagulati cruoris non ex capite prodiisse, ac per œsophagum in ventriculum descendisse, sed totam sanguinis massam particulis quibusdam acribus, circulationis lege à vulnere abreptis inquinatam fuisse, undè venæ quædam subtiles mesaraicæ fuerint apertæ, quæ per consequens sanguinis non nihil in intestina evomuerint.

Mirabundus equidem quandoque legi, olimque phænomenon illud mihi ipsi dilucidare non potui, quî fieri posset, ut abscessus in hepate à capitis vulneribus oriretur, quales casus tamen *Paræus lib. 10. cap. 12. & lib. 16. cap. 49, Ballonius lib. de convuls. fol. 50. nec non Pigræus lib. 4. cap. 8. fol. mihi 364. & cap. 9. fol. 377.* aliique de abscessibus à levioribus etiam capitis vulneribus ortis, at letalibus tamen, quamvis deficientibus gravioribus symptomatibus, præcipuè superveniente die tertio febris, annotarunt. Quamquam scribat *Joh. Virsungus* se ex apertione multorum cadaverum didicisse ejusmodi abscessus post funesta imprimis musculi temporalis vulnera provenisse.

Petr.

Petr. de Marchettis obs. med. chirurg. 15. fol. mihi 35. sæpius se observasse scribit, quando in his vulneribus collum incipit dolere, parte potissimum postica, & laterali, materiam purulentam delabi ad thoracis, & abdominis cavitatem, quæ longiori morâ cum pulmonum, tum pleuræ aliquas partes erodit, è quibus multa sanies emanat, quæ postmodum ad abdomen defluit cum jecoris, & pulmonis labe, in quibus varias pustulas excitat, quibus disruptis, perinde ac ex pulmonibus, & pleurâ, ita & ex his materia purulenta effluit.

Paulus Marquardus Slegelius, referente H. Velschio obs. med. episagm. 56. fol. mihi 34 animadvertit omnes, quibus capitis vulnus letale fuisset, ante obitum conquestos fuisse de hepatis, vel lienis dolore, dicitque se in ipsorum cadaveribus abscessum semper reperisse hepatis, quem ex metastasi puris ortum fuisse putat, quia vulnus eo tempore fuerat valde aridum, & siccum; quo phænomeno apparente, mortem haud dubiam prædicat.

Antho. Stadlender Chirurgus civitatis Thorunensis in Borussia, ut tradit Phil. Jac. Sachs miscell. med. Phys. curios. decur. 1. an. 2. obs. 119. fol. 197. se ter ad minimum Apostemata in hepate invenisse apud illos ait, quibus caput insigniter fuerat vulneratum, refertque ibidem de alio, cui frontis ossi supra oculum sinistrum grave vulnus cum cranii fractura inflictum erat,

ut ipsa cerebri substantia egrederetur; aperto autem illius, cum decimo quarto die obiisset, capite, non solum fractura in cranio reperta, sed & fissura in dura matre. Dum autem abdomen fuit incisum, in hepate Apostema insignæ maximi fætoris se invenisse dicit, cum, quod notatu dignum, octiduum ante hujus ægri obitum ex vulneribus nullum pus amplius egressum esset, sed plane evanuisset.

Jobus Mekeranus cap. 2. obs. Med. Chirurg. fol. 28. meminit cujusdam Othonis Regneri filii Oldenburgensis, cujus capiti 12 Junij non unum inflictum erat vulnus, præcipuum autem in occipite ad futuram Lambdoideam conspiciebatur, fracturâ cranii, quæ ἐσφλασις Hippocrati vocatur, ubi nempe fragmentum se dimittit ad inferiora, sic ut sub osse integro abscondatur, stipatum. Ad diem usque vigesimum læsus febris, convulsione, paralyti, sopore, vigiliis, vomitu, omnibusque symptomatibus, quæ fracturis cranii supervenire solent, liber fuit. At paucis ante obitum diebus de gravi circa hepatis, ventriculique regionem dolore conquestus fuit. Diminuebatur interea pus quod satis copiosè antea è vulnere profluxerat: hujus autem labiorum, fundique insignis animadvertēbatur siccitas, unde non sine delirio febris ingravescebat vigesimo octavo ejusdem mensis die vitæ ejus filum abruptit. Ventre (cujus dolor tempore decubitus valde fuerat molestus) aperto, hepar tumidum admodum, absces-

abscessuque notabili correptum reperiēbatur. Ex eo enim aperto tantum effluxit puris, quantum cotyla caperet.

De hujusmodi abscessibus paucis etiam monuimus *Schol: obs. 7. centur. nostræ I. fol. 36*

Variè admodum multi hanc rem considerant, quod opinati fuerint nonnulli abscessus post caput vulneratum in hepate repertos ibidem casu, morbique cujusdam vitio, non autem à capitis vulneribus ortos, multò minus his ipsis extinctos fuisse ægros: neque enim credebant puris multum è capite ad inferiora deferri posse viscera. Cum tamen celeberrimum *Petrum de Marcbettis* docuerit experientia mediam sæpius pectoris, abdominisque cavitatem eo fuisse refertam.

Petrus Pigræus loco supra adscripto abscessum hepatis ex sympathiâ, quam habet cum cerebro, ratione sexti, sive vagi nervorum paris nasci statuit. Illud autem nequaquam locum habet in hepate, siquidem ibi nulli, aut oppido pauci, ac per tunicas tantum, minime vero per substantiam jecinoris dispersi reperiantur nervi, ut *Vesalius* etiam annotat; quapropter etiam dolor in eo non acutus, sed gravativus existit; licet se expertum *Riolanus* referat duos nervulos juxta longitudinem venæ portæ discurrere intra hepar. Quamvis autem harum partium quædam communio per dictum nervulum existeret concipere tamen vix possum, quo pacto pus il-

lud juxta nervi ejusdem ductum trajiceretur in hepar.

Paulus Barbettius idem numero, ac specie pus à cerebro minimè ad hepar deferri autumat, sed cerebrum, sive vulneratis tantum meningibus, sive ipsâ etiam substantia, ex læsis arteriis modo uberius, modo parcius emittere sanguinem, qui calore, spiritibusque orbus necessariò tandem putrescat, & in pus convertatur. Sanguinem quoque nutritium circa vulnus contaminari, nec sine labe adductum ipsum etiam inficere hepar statuit.

Verum *Barbettius* loqui ibidem videtur de simplici prætereunte, spirituosoque contagio, quod ex vulneris pure transfret ad sanguinem, cum tamen *Paræus* ipsum pus sub ratione puris cum sanguine misceri, & transferri statuatur, quod & magis est verosimile, siquidem id vel hinc possit animadverti, quod in ita vulneratis, abscessuque hepatis laborantibus, instante morte, (uti modo dictum) vulnus multò aridius, minorque puris quantitas reperiatur: unde inferre liceat illud, postquam viam in arterias sibi sensim efformavit, ad hepar deferri: vulneris autem illa exsiccatio minime contingeret, si spirituosum saltem contagium puris transfret ad sanguinem: sequeretur etiam inde ex omnibus vulneratis, & putrefactis partibus semper exorturos abscessus in hepate, cum enim sanguis perfluat omnes circa vulnera, & abscessus partes,

coge-

cogeretur semper tenuiores puris partes secum abripere, ut iisdem inficeretur.

Quapropter cum *Pareo* existimaverim (utut ille tum temporis circulationem sanguinis nescierit) abscessus istos per metastasin, sive demigrationem fieri, humoremque purulentum in ita læsis ex capite, ad ipsum corporis centrum reverti. Neque etiam minus est probabile sanguinem circulum suum circa vulnus efficientem portionem quandam ibi stagnantis puris, dum revertitur, secum ex partibus vicinis abripere, unde istius sanguinis partes aliam nactæ figuram, primòque versus cor delatæ, & deinde per universum sanguinem dispersæ, ac postea hepar transituræ glandularum poris viam negantibus, in quibusdam hepatis locis stagnant, vel forsan à bile ibidem præcipitantur, quibus sensim major consimilis materiæ portio additur, imo & illud, quod antea secer ni solebat in vulnere capitis, jam in hepate deponitur, ut necessario vulnus exsiccet. Adde depositam in hepate hanc materiam fermenti induere naturam, quod plures alias sanguinis particulas sensim in simile commutat pus, sicque malo accrescente, pus illud non potest non contaminationis totius sanguinis, & per consequens etiam mortis causa existere. Nèc tamen hujusmodi materiæ purulentæ translocationem valde miremur, quoniam in aliis quoque abunde patescit vitii. Quâ de re vide sis *obs.* 26, 34, 35.

Tomi nostri primi, nec non *Paraenz lib. 10. cap. 12*, & *lib. 16. cap. 49*, *Ballonium lib. de convulsionibus fol. 4. & 51*, ut & *Tulpium obs. med. lib. 2. cap. 6. & 27*.

Galenus lib. 6. de loc. aff. cap. 4 scribit pus, quamquam sanguini non mixtum, ex universo corpore per venas, & arterias ad renes, & vesicam unà cum urinâ, vel etiam ad hepar fluere, indeque in intestina ejici, uti jam antea annotavimus *Scholiis ad obs. 24 & 35. cent. 1. obs. nostr.* Considerandum etiam judico illum, cujus supra meminit *Roonhusius*, undecimo die de intolerabili cervicis dolore fuisse questum, à quo tumor deinde, dolorque capitis indies minuebatur; Deinde & animadvertendum est eundem de immenso spinæ dolore conquestum esse, qui ut pelleretur, fots, & linimenta (veluti antea diximus in vulnere capitis) fuère adhibita, sicque dolorem postea usque ad os Coccygis, & tandem ad femora, & tibias descendisse, verum sensim omnia evanuisse symptomata.

Supra adductus *P. de Marchettis, obs. eâdem, fol. 35.* se expertum fuisse refert, dolente hisce capitis in vulneribus collo, ac præsertim parte ejus posteriore, lateralive, materiam purulentam in pectoris, abdominisque cavitatem fuisse delapsam.

Idem, cujus memini, *Jobus Mekeranus* ad foramen ossis occipitis, per quod spinalis medulla ad vertebrae spinæ descendit, omnia, præsertim-

CENT. POST. PARS PRIOR. OBS. III. 29
timque membranas medullam investientes, musculoque cervicis caput retrorsum moventes sero
scatuiffe tradit, de cujus affectæ partis dolore
læsus non frustra fuerat questus. Sed nec adeo
mirum hoc fuit, siquidem meninges intus un-
dique thoracem, & abdomen indifferenter
vestiant, undè sympathiæ illius deducenda est
causa, quæ satis ex sternutationibus, vomitibus,
tussibus, &c. liquet.

OBSERVATIO IV.

Cranii Vulnus supra oculum.

Q Uemadmodum partes capitis tam
externæ, quàm internæ, bene mul-
tæ, indoleque diversæ sunt, ita & magna
inter earundem vulnera, tam ratione
partis vulneratæ, quàm ipsius instru-
menti, quo vulnus infligitur, existit dif-
ferentia. Hujus autem exemplum sup-
peditabit filia octo annorum politoris
cujusdam argentarii Hagæ-Comitum ha-
bitantis: Ad quam ego unà cum Chirur-
go *Ludovico Cock* anno 1668, vocatus
sum. Ejus autem synciput supra palpe-
bram finistram ita calce percusserat
equus, ut vulnus exortum fuerit non tan-
tum

30 OBSERVAT. RARIORUM
tum cum fracturâ , sed & cum cranii
quadam eò loci depreffione. Cum ita-
que primo die ad sanguinis fluxum sup-
primendum , vulnus simpliciter tantum
effet obligatum , secundo vulneris appa-
ratu pulsum quendam intus in fracto of-
se , motumque animadverti , quem primo
quidem duræ matris credebam , sed
cum subiret mihi os frontis supra oculos
cavitate quâdam donatum , non amplius
eâ de re fuimus solliciti , præsertim
cum specillo experiremur infimam cra-
nii tabulam illæsam esse ; quare ipsum
vulnus, de ossis depreffi restitutione non
amplius anxii, usitatioe percuravimus
methodo.

IN OBSERVATIONEM IV.

CIrca dicti ossis frontis cavitatem varia occur-
runt consideranda, siquidem ea reperitur in
quibusdam valdè magna, in nonnullis verò par-
va, in aliis existit in alterutrâ saltem ossis parte,
in aliis autem omnino deficit.

*Fabrit. Hildanus centur. 5. obs. 1. p. 381. re-
fert eam communiter magnam admodum reperi-
ri in iis, quibus frons, supericiliaque protube-
rant.*

Bartholinus autem lib. de off. cap. 6. cavitatem illam non reperiri in iis ait, quibus facies, & frons planiores sunt, ac latiores; quod & affirmant *Fallopins* exposit. de offibus cap. 13. fol. mihi 497. & *Nathan. Higmorus* lib. 3. disquisit. Anatom. part. 1. cap. 4. quorum hic refert se ancillæ cujusdam caput aperuisse, cui facies dicto modo deformis erat, deficiente tamen cavitate illâ.

Non ita pridem conspicere mihi licuit apud *Dom. Anth. Nuck*. Medicum, & Anatomicum Hagiensem cranium quoddam, cui talis cavitas omnino deficiebat. In tenellis quoque infantibus ætatis primo anno eadem non reperitur, Teste *Bartholino*, sed successu temporis se manifestat. Prout enim ossa infantum sensim perducuntur ad perfectionem, sic etiam hoc os tandem ita prominere incipit, ut inter ipsius hiantia latera quædam producat cavitas: hoc quoque, loco modo adducto, confirmat *Fallopins*. Quamvis autem *Bartholinus* cavitatem hanc iis deesse dicat, quibus os frontis futurâ quadam in duas dividitur partes, attamen celeberrimus ille Anatomicus *P. Pauw* Discipulis suis olim varia ostendit crania cavitate hac donata, etiam si futura sagittalis idem os in duas divisisset partes; confirmatque hoc *Higmorus*, dum cavitatem illam etiam in diviso frontis osse se conspexisse memorat.

Ille cujus supra memini *Anth. Nuck* nuper etiam cranium viri, qui 30. ad minimum natus fuisset

fuiſſet annos , mihi monſtravit , in cujus offe ſincipitis ad dictæ futuræ latus ſiniſtrum una aderat cavitas , ad dextrum verò duæ.

Schneiderus de offe cribriformi fol. mihi. 126. ſe crania vidiffe ait , quorum in dextrâ ſupercilii parte cavitas hæc reperta fuerit , ſiniſtrâ parte non excavatâ , ſed plenâ , & ſpongioſâ , pumiceâque conſtante ſubſtantiâ : quodque annotatu dignum erat , in internâ cranii facie ita prominebat hæc cavitas , uti ipſum prope ſupercilium dextrum ſynciput , cui hæc cavitas ſuberat. Aliis verò deficiebat hæc ipſa in latere dextro. Ejuſmodi etiam protuberantiæ internæ mentionem *obſ. 38. centur. noſtr. I. p. 152.* fecimus.

Obſervandum quoque hic eſt , cavitatem illam intus undique tenui quâdam inveſtitam , & obductam eſſe membranâ , & , quamvis nonnulli contendant eâdem humorem quendam viſcoſum contineri : plerumque tamen reperitur vacua , teſte eodem *Schneidero de offe cribriformi p. 116. &c.* nec non *Riolano notis ad Anat. Laurentii cap. 9. lib. 2.* imò in ipſorum brutorum v. gr. vitulorum , ovium , aliorumque humidiorum ejuſmodi cavitare (iis enim illa ſatis eſt magna) nihil ut plurimum , aut certè perparum liquoris reperitur. De cavitatis huius in ſyncipite uſu , varia ſcriptores ſentiunt. *Joh. Anthon. Lindanus Medicinæ Phyſiolog. fol. 369.* viſcidum humorem per cavitatem illam ad nares demitti tradit. Ejuſdem eſt opinionis *N. Higmorus* , qui ideo duo in

in illa existere foramina scribit: juxta quorum alterius longitudinem humor mucosus à cerebro per ossis cribriformis foramen deferatur, ac deinceps per alterum versus inferiora in nasum descendat.

Opinionis hujus veritas, ut ait idem *Lindanus*, evidenter è supremarum nasi partium obstructione patet, nec non ex pure, aquâ, & sanguine, per nares quorundam nonnunquam effluentibus in cephalalgia, unde juxta *Hippocratis sect. 6. Aph. 10.* hæc ut plurimum evanescit. Existimant alii cavitationem illam aëris inservire præparationi, ne scilicet per nares attractus, & ibidem aliquamdiu retentus, nimis frigidus, vel crudus in cerebrum admittatur.

Nonnulli, quos inter & *Fallopins*, cavitationem hanc veluti resonantiæ quendam locum ad vocis claritatem facere existimarunt, unde illi quibus nasus latus est, & planus, non clarum, sed ex naso proveniente quodam susurro mixtum edant sonum. Ab his autem diversi locum hunc per attractum aerem odoratum quodammodo adjuvare credidere, è quibus *Fallopins*, *Vesalius*, *Spigelinus*, alii.

Sæpius adductus *Anth. Nuck* retulit mihi nuperrime hic Hagæ à se dissectum canem quendam, in quo cavitas hæc communionem haberet cum organis odoratui inservientibus: verum *Alex. Benedictus*, *Riolanus*, alique hanc sæpe eorum craniis defuisse testantur,

34 OBSERVAT. RARIORUM
qui antea bene olfecerint, ac clare voce locuti
fuerint.

Ego vero in illorum descendo opinionem,
qui asserunt cavitates illas præcipuè efformatas
esse, ut ossis supra oculum eminentiam produ-
cerent, quæ alias ibidem deficeret, si os per-
fectam acquisivisset firmitudinem, siquidem
illud hoc catu gravitate sua aliquatenus impedi-
mento fuisset; quamvis interim non diffitear
illius alium quendam, minorisque momenti esse
usum; siquidem & similis cavitas in brutis,
videlicet bobus, ovibus, equisque reperitur,
& quidem multo major, oblongiorque quam
in hominibus: intra eam quoque, ardente Si-
rio, vermes reperiuntur, unde dicta animalia
aliquando vertigine corripuntur, & in furias
ruunt, teste *Diemerbroeckio anatom. lib. 9.
cap. 6. fol. 897*, & *Fabrit. Hildano cent. 5.
obs. 1. fol. 381*.

G. Fallopius lib. de vuln. in genere cap. 4.
sincipitis vulnus, sive fracturam curari non posse
statuit: se tamen semel illam sanatam, & carne
repletam observasse; quod exemplum miraculi
instar habuerit; utpote quod aliis nunquam ob-
tigisse meminerit.

OBSERVATIO V.

*Auditus per biennium, & loquela per
annos quatuordecim amissa su-
bito restituta.*

ADmiranda sunt circa humana cor-
pora Dei omnipotentis opera, quæ
uti multis, ac diuturnis sæpe obnoxia
fecit morbis, ita etiam, quando ipsi
visum fuerit (quamvis non absque natu-
talibus mediis) eosdem nonnunquam
valde subito, & inexpectato modo
aufert; cujus rei evidens nobis suppe-
ditabit sequens relatio exemplum.

Medicus noster, ac Chirurgus *Cornel.
Solingius* nuper mecum litteras quasdam
communicabat ad ipsum à Fratre *Hercu-
le Solingio* Gorcomii habitante datas,
quibus prolixè narratur, quomodo in
pago *Aal* nomine, sive *Eyl*, alias *Andel
Workomium* inter, & *Hoesdam* ad agge-
rem sito, rusticus quidam 40 annorum,
nomine *Gisbertus*, natus in ci-
vitate Campensi habitaverit, qui illuc
anno 1666 mutus, & surdus cum cam-

panula quadam (ut solent ejusmodi homines) ad colligendas eleëmofinas advenerat. Quem, cum laboriosus esset admodum, vidua quædam, etiam furdastria, misericordia ducta hospitio excepit, ita ut ab eo usque tempore res perageret rusticas, in quibus semper diligentem se, solertemque præstitit.

Postquam vero ibidem per biennium laboribus intudasset, ac aliquando fossam quandam foderet, contigit, ut inter operandum campanæ audierit sonum, quod digitorum suorum allissione sodalibus suis satis indicabat. & ab eo usque tempore auditum conservavit integrum.

Duodecim autem post annis, die 12. April. 1680. cum consortio cuidam interfuisset Dominicâ palmarum, ancilla Heræ, cui famulabatur, lecto ipsum incumbere rata pro more domum clausit, lectumque petiit. Ille vero multa demum nocte reversus, januam reperit clausam, quapropter vicini sui domum adiit. à quo commodiore tunc temporis lecto destitutus ad fœnile dimissus est, rogatusque fuit, uti mature domesticos
exci-

CENT. POST. PARS PRIOR. OBS. V. 37
excitaret secuturo die, qui Lunæ esset,
multo mane mercatum adituros Gorcomiensem. *Gisbertus* ergo in prædicto
fœnili decumbens vocem quandam, uti
postea retulit, audiit, vel forsan sibi au-
dire visus est, vel somniavit, claman-
tem: *Surge Gisberte, & Loquere!* ipse
ergo surgens mox vicini domum adiit,
cujus ostio frustra ter pulsato, Heræ fo-
res pulsavit; unde ancilla surgens roga-
bat, quisnam adesset, cui ille: ego
sum *Gisbertus*, Deus mihi linguæ resti-
tuit usum: quod minus credens ancilla,
dissolutiorisque vitæ homines adesse sus-
picata, qui domum ingredi conarentur,
januam non aperuit. Coactus ergo fuit
Gisbertus vicini sui domum repetere,
cujus uxor, quæ interea surrexerat, uti
itineri se accingeret Gorcomiensi, stre-
pitum quendam ante fores audiit, qua-
propter accurrens quis esset, rogavit;
Gisbertum autem se nominantem illa
accedens cognoscensque exclamavit:
Tunc ades *Gisberte*, & loqueris? Ille
autem non sine amplexu respondit:
Deus mihi loquelam restituit, ipsi sit honos,
& gloria. Unde mulier stupefacta pri-

mo quidem loqui non poterat, sed tamen parumper ad se rediens, quo pacto loquendi recuperasset usum, rogavit, quare ipse, quicquid sibi accidisset, narravit. Adventante autem, quo uxor discederet, tempore, *Gisbertus* maritum adiit, eique rem significavit: omnium autem primo mulier ista se ad meas (ita scribit *Hercules Solingius*) contulit ædes, ut nonnulla emeret. Dum autem nos simul (ita pergit) pranderemus, intravit & *Gisbertus*, quem quidem unà ad prandium invitabam, sed verecundior ille (uti videbatur) abnuvit. Interroganti igitur mihi, quid ni Juvenis ille ad comedendum accederet, vicini uxor, tui, dixit, causa pudore afficitur, ac mox singula exposuit, quæ ipse etiam confirmavit referens, quomodo primò in pagum pervenisset. Famulam autem quacum simul diu habitarat, postea uxorem duxit, sed cum ipsà diu in matrimonio non vixit, toto isto tempore valetudinarius admodum. Uxore itaque sine liberis relicta, fatis cessit anno 1681. mense Martio. Quæ relatio (ut ait *Hercules Solingius*) non tantum

CENT. POST. PARS PRIOR. OBS. V. 39
tum verissima est, sed & centenis aliis
testimoniis, siquidem opus foret, con-
firmari posset.

IN OBSERVATIONEM V.

DE eodem rustico quædam etiam breviter
proponit Expertus Medicus *Steph. Blan-
kardus part. 1. collect. med. phys. cent. 2. obs. 21.
fol. 105 ut & part. 2. cent. 6. fol. 143.* quamquam
utraque narratio diversis modis (juxta literas
Joh. van Deuren) facta sit. Quapropter operæ
pretium judicavi, si rarum hunc, mirandumque
casum ab amico quodam cognito prolixè omni-
bus cum circumstantiis descriptum etiam huc
adferrem.

Licet autem casus ille valde admirandus, ra-
riorque sit, attamen sine miraculo naturalique
modo contingere potest, quemadmodum & simi-
lia de auditus, visus, motuum corporis diu amif-
forum restitutione traduntur. Divinam tamen
providentiam hic præcipue suspicere, ac reve-
reri fas est.

Memini etiam exempli cujusdam, quod ju-
venis animadverti de homine quodam, qui cum
post annorum aliquot gravem paralyfin, rescir-
ret aliquando templum ædibus suis vicinum,
flaminis esse correptum, neminemque tunc tem-
poris adesse, qui ipsi opem ferret, magnâ ani-

mi cum consternatione è lecto profiluit fugâ se subducens posteaque paralyfi liber mansit.

Franciscus Valleriola l: 2 obs: 4 fol. 116. simile quid habet de cive quodam Arelatensi, nomine *Joh. Berla*, qui resolutione alterius lateris multos annos laborans, quum diu resolutus mansisset, incendii metu, cum flagraret igne domus, in quâ degebat, propeque jam cubile ejus flamma serperet, incendii metu à domo saltu præcipitem se dederit, posteaque incolumis, & probè incedens derepente factus fuerit.

Tale etiam subitanæ à paralyfi liberationis exemplum contigisse perhibetur Amstelodami anno 1676 in muliere quadam 40 annorum, nomine *Geeske Claas*, quæ quatuordecim annorum paralyfi subito fuit exempta; de quâ etiam vide *D. Steph. Blankardum collect: med: phys: cent: 3 cap: 49 fol: 249.*

Vidi, & diu novi, inquit *Isbr. de Diemerbroeck Anatom. lib. 8 cap. 1 de nervis, fol. 851.* mulierem per triginta annos adeo paralyticam, ut neque brachia, neque cruris sinistri ullum articulum loco movere posset, cui tamen per maximum, horrendumque nocturnum cum fulmine tonitru, quo illa mundum perituum putabat, immenso terrore percussæ, materia obstruens è nervis subito expulsa sit. Ipsa autem paralyfi repente liberata fuit, & mansit.

Thom: Bartholinus act: med: anno 1671 & 1672 obs: 71, fol: 157 narrat ex *Olao Borrichio*
de

CENT. POST. PARS PRIOR. OBS. V. 41
de cive quodam Christiano - Hafnienſi , quem
ipſemet *Borrichius* ſe cognoviſſe teſtatur, quo-
modo mutus factus toto quadriennio vocis
uſum fruſtra expectarit, tandem vero , cum
domum aliquando properaret , in ponte publicio,
qui utramque urbem dirimit, obviam forte vi-
derit vetulam quandam, ob inimicitias funeſtas
jam olim ſibi inviſam ; quâ conſpectâ , toto
animo exardeſcens , & vindictæ accenſus cupi-
dine , in hæc prorumpit verba : *Ut te Dii,
Deaque omnes perdant !* ſimulque laxata linguæ
ſuæ frena ſtupens obſervat ; tum demum ſibi
ipſi iratior quàm aniculæ , quòd fauſtiſſimum
ejus occurſum conviciis excepiffet , & primum
redeuntis linguæ uſum à maledictis eſſet auſpi-
catus. Scilicet credibile eſt (ita *Bartholinus*)
grumum aliquem ſanguinis, vel pituitæ tenacio-
rem principio arteriæ loquacis linguæ impactum ,
& hætenus vicinos nervos comprimentem, ad
motum illum incandefcentis animi concitatiſſi-
mum , & ſecutum hinc irritati ſanguinis motum
vehementem deliſſe.

*Joh. Dolens miſc: med: phyſ: cur: decur. 2 ann.
I obſ: 38 fol. 109.* de puellâ quadam agit decem
annorum , quæ trimula variolis malignis labo-
raverit, hiſque , materiâ nimirum peccante per
metaſtaſin ad nervos linguæ delatâ, pulſis muta
evaſerit, talisque permanſerit ad annum uſque de-
cimum. Poſtea verò ex improviſo æſtate maxime
ardenti (fortè materiâ nervos obſtruente à calo-

42 OBSERVAT. RARIORUM

re resolutâ) non sine Parentum, Consanguineorumque maximâ admiratione loqui cœpit, & nunc cum quolibet, haud aliter, quam si nullo laborasset incommodo, colloquitur.

Petrus à Castro miscell. med. phys. curios. dec. 1. ann. 1. obs. 35. fol. 191. meminit quorundam, qui infantes muti fuerint, ac postea distinctè loqui potuerint. Adde & *Reusnerum obs. 49. fol. 27.* qui de quodam post decem annorum, deque alio itidem post quadraginta annorum surditatem pristinum recuperante aurium usum memorat.

Tradit *Herodoti Clio lib. 1. fol. mihi 40.* *Cræso* fuisse filium cætera habilem, sed mutum; ad cuius vitium emendandum *Cræsus* pro viribus omnia, quamquam frustra, fecerat: hic autem cum *Cyri* exercitu victus, ac captis moenibus subito oppressus esset, quidam *Perses*, *Cræsum* sibi ignotum occisurus vadebat. Quem invadentem se *Cræsus* cum videret, tamen præsentī clade affectus devitare negligebat nihil interesse ratus percussusne oppeteret mortem, an secus. Id ubi filius mutus aspexit, patri timens erupit in vocem dicens: *Homone perimas Cræsum*: Atque hoc ille primum effatus postmodum per omne vitæ tempus vocalis extitit, *Cræsusque* postea captivus in *Cyri* manus traditus est.

Æglis cujusdam luctatoris ex insula Samo mentionem faciunt *Val. Max. lib. 1. cap. 8.* & *Aulus Gellius lib. 5. cap. 9.* hic, cum muto victoriæ, quam adeptus erat, titulus, & præmium eri-

eriperetur, indignatione accensus vocalis evalit. Ratio est, quod irâ celerior sanguini concilietur motus, qui viscidos, & tenaces, obstructionemque nervorum inducentes humores solvere aptus est.

Ille autem, de quo nos, rusticus forsan auditum recepit, quod maximo in fodiendâ fossâ labore sanguine ejus fluidiore, mobilioreque reddito, spiritibusque concitatis, materia nervos auditorios obstruens quasi delicuerit, ut commodè inde potuerit expelli. Restitutio autem auditus ante loquelam forte contigit, quod obstructio nervorum auditoriorum non fuerit adeo gravis, & magna, quam nervorum loquelæ inservientum, unde tenax illa materia, quæ spirituum transitum antea impendierat, tanto ocys eo, quam alio loco fuerit soluta.

Verosimile etiam est ipsum vocis donum deinde noctu recuperasse, cum de die haud dubie in commilitonum consortio hilarior extitisset, spiritusque vino recreasset, undè hi valde fuerint ad motum concitati, & volatiliores redditi. Accedit, quod eâdem nocte forsitan per somnum se in eodem consortio etiamnum existere ratus multâ cum vi nonnihil sodalium cuiquam significare gestierit, unde spiritus (qui tempore somni copiosiores intus sunt, nec adeo ad externum sensuum usum disperguntur) eo tempore fortius, quam quidem interdum fuerint agitati, eodem modo, ac supra jam diximus de filio Cræsi, cui

44 OBSERVAT. RARIORUM
cui alioquin effectui producendo fuissent omnino
impares.

Ita etiam *Theoph. Bonetus Med. Septentr. libr. de peēt. affect. sect. 18. cap. 5. fol. 437. ex Joh. Schmiedio* refert *Christianum Omuth* virum verè probum, & doctum, verbi divini Ministrum è somno expergefatum, in inopinatam subito incidisse ἀφωρίαν, ac post 14. dies somniantem de nocte se undis submergi, anxium voce clarâ, & eloquio prompto opem implorasse, expergefatum autem à proprio clamore grates Deo precibus ardentissimis, & cantu persolvisse.

Quemadmodum jam adducta sunt subitæ auditus, & loquelæ restitutionis, obstructis nervis orta exempla, ita quoque depulsæ, cujus causa fuerat nervorum opticom obstructio, cæcitatæ quædam dabo.

G. H. Velsch. obs. med. Episagm. 20. f. 14. exemplum habuit fæminæ cujusdam ex *amaurosi* sive guttâ serenâ cæcæ, quæ tandem post febrem aliquam vehementem pristinum recuperavit visum.

Memorat *Laz. Riverius obs. communic. à Samuele Formio obs. 29. fol. 361.* mulierem quandam *amaurosi* ita fuisse correptam, ut per cibi abstinentiam mortem sibi inferre decrevisset, quo in statu annum perseverârit integrum, unde ad extremam deducta fuerit maciem, calore nativo. (uti loquitur *S. Formius*) defectu pabuli humidum substantificum depopulante. Cum eo vero omnis simul corporis humiditas, tum ipsa mate-
ria

ria guttam serenam efficiens absumpta fuit; sicque ægra visum recuperavit, ac postmodum victu analeptico refecta fuit.

OBSERVATIO VI.

NOvi ego quendam etiamnum superstitem, qui quoties cum uxore rem habere gestiret, immediate ante cœptum opus, ter, quaterve sternutare cgebatur: cujus phænomeni causâ ille non-nihil sollicitus (siquidem alioquin vir erat robustus, & sanus, sensuumque compos) me aliquando consuluit.

IN OBSERVATIONEM VI.

MUlti, quos inter est *Avicenna lib. 3. fen. 5. tr. 2. cap. 3.* jam olim existimarunt, posteaque etiam alii, ut *Riolanus particul. meth. cap. 17.* *Untzerus lib. de Epilepsiâ*, aliique confirmarunt, sternutationem levem quandam esse Epilepsiam.

Convenientia symptomatum illorum vel hinc, meo quidem iudicio, quodammodo poterit elici, quod utrumque ex acri quadam, & pungente materiâ, originem habeat ac, sensu teste, conjunctam sibi habeat convulsionis aliquam speciem, & denique, quod in utroque vel
nervi

46 OBSERVAT. RARIORUM.

nervi, vel meninges contrahantur, hâc tamen cum differentiâ, quod sternutationis subitanea, Epilepsiæ vero diuturnior sit convulsio.

Sternutationis autem causæ diversæ, earumque quædam externæ, quædam internæ sunt. Sub externis comprehenduntur vulgo aër ficcus, acrisque, qui hoc anni tempore magis, illo vero minus, particulis est refertus nitrosis; vapor etiam sulphuris, camphoræ, aceti, allii, sinapios, raphani, ellebori, &c. sive per nares attractus, sive per os admissus, narium quoque vellicatio, pilorumve ejus evulsio (cujus mentionem faciemus *obs. seq.*) assumptio fortium sternutatoriorum (quorum exempla nonnulla attulimus *obs. 10. fol. 48. Tom. nost. prim.*) vel alia quædam materia acris, & mordax. Nonnunquam etiam à splendore Solis, vel immediatè, vel mediatè, v. gr. à reflexione nivis, aquæ splendidæ, speculi &c. excitatur sternutatio; unde *Aristoteles* dixit, *sternutat, qui sub Sole se committit*; forsan quia calefaciens Sol nasi fibrillas, eodem modo, quo pluma quædam titillat. Certum utique est à Solis calore, vel fervore potus, humores intus in capite contentos attenuari, fluidioresque reddi.

C. V. Schneiderus tract. de sternutatione fol. 460. concionatorem quendam se cognovisse refert, qui, cum Soli exponeretur, bis, ter, vel etiam sæpius sternutare coactus fuerit. Membrana enim nasum intus circumcingens in nonnullis hominibus sensibilibior est, quam quidem in aliis;

aliis; ideoque facilius ab acido, acri, tenuive aëre quibusdam vellicatur, vel etiam forsan Sol radiis humores intra caput attenuando efficit, ut acris quidam ascendat vapor, qui exitum per angustam viam quærens cerebri membranas vellicat.

Hinc *Hippocrates sect. 7. aphor: 51, Sternutatio fit ex capite, ex calfacto, aut per humectato spatio in capite inani; aër enim intus contentus foras erumpit, Strepit autem, quia per angustum ipsi est exitus,*

Internæ sternutationis causæ sunt, vel humores acres, & tenues à capite ad nasum in coryza depluentes, & ex vasis nasi nonnunquam transudantes, vel etiam vapores acres e ventriculo, vel tenuibus intestinis sursum ascendentes, nasique membranas interiores, ac præcipue quidem superiores earum prope os cribriforme partes vellicantes; porroque ea omnia quæ apta nata sunt ad tunicas narium irritandas; unde hæ molestiam, qua afficiuntur, à se abigere conantur, ac sic quidem pectus ipsum, musculique abdominis, nec non diaphragmatis inflati meningibus succurrunt, cum quibus communionem habent tunicæ nasi fibrillarum quarundam nervosarum, cribrosique ossis foraminula percurrentium ope. Atque ita quidem fortioris aëris expulsionem sonitus ille producitur multum huc facientibus angustis narium ductibus, per quos aër non sine strepitu erumpit: videtur.

deturque tussis circa laryngem, & pulmonem; eadem esse, quæ sternutatio circa meninges, & narium tunicas, sed tamen pectus in sternutatione aliter quam in tussi irritatur, moveturque.

Aristoteles sect. 33, lib. 7, problem. 9. sternutamentum salutarem quandam expirationem appellat, valetudinisque indicium. Quid, quod etiam inter Medicorum arcana illud idem *Aristoteles* ponat: ægros videlicet, affectosque, & gravi morbo decumbentes excitandos esse, ut sternutent; id nisi efficere valent, salutis spem nullam superesse. Hinc quoque *Theophrastus* difficulter admodum ægros sternutare posse ait, propter spirituum & virium defectum; eandemque ob rationem *Ballonius ad Theophrastilib. de vertigine p. 9.* Vulgo, ait, è *Xenodochiis* jubent ægro exire, cum primum sternutant, quod bono id fiat omine, & quod in limine sint sanitatis, quasi victa calore naturali morbifica materia sit cocta, & mitigata.

Cum vero sternutationes salutares nonnunquam, ita etiam contra noxiæ quandoque sunt, & periculosæ; præsertim ubi fuerint irritæ, & frustranæ, continuæ, & immodicæ; tum namque anguem in herba latere indicant, hinc enim sæpenumero cæcitas, obstructis nervis opticis (de quâ *G. Fabrit. Hildanus centur. 1. obs. 24.*) vel hernia, magnâ existente pressione, vel alia gravia symptomata, quorum aliquot attulimus *obs. 10. tom. nost. prim.* vel etiam ipsa mors provenit,

venit, præsertim corporibus intemperatioribus; contingere etiam potest, ut violenta sternutatione arteria quædam intra caput rumpatur, unde mors, de qua vide *Theoph: Bonetum Anatom. pract. lib. 1. sect: 20. obs. 17. fol. 353.*

H. Cardanus lib. 5. aph. 47. Hipp. fol. 559. observasse se tradit frustraneos multos sternutandi conatus secutam fuisse Epilepsiam, & *comm. ad lib. 7. aph. 45. fol. 817.* juvenem quendam ægrum se vidisse ait, qui postquam velperi plusquam tricies frustra sternutationem tentasset, sequenti die convulsionibus extinctus fuerit.

Narrat & simile quid de sene quodam 64. annorum, qui post parvas aliquot, iteratasque sternutationes frustraneas, tertio die vivis fuerit exemptus.

Plura habent *Philip. Salmuth. cent. 1. obs. 93. fol. 56. G. Fabrit. Hildanus cent. 4. obs. 12. F. Platerus tom. 1. prax. pag. 34. & seqq. Rondeletius lib. 1. de curand. morb. cap. 70. alique. Thucydides lib. de bello Peloponnesiaco §. 131. fol. mihi 108.* pestilentis cujusdam, malignæque sternutationis meminit in famosa illa Atheniensium peste grassantis; *Polydorus etiam Virgilius lib. 6. de inventione rerum cap. 2. fol. mihi 413.* itidem similis sternutationis mentionem facit, qua omnes, qui aliquoties sternutassent paulo post extinguerentur: quod & testatur *H. Cardanus in lib. 5. Aphor. 47. Hipp. fol. mihi 559.*

ut & *Carolus Sigonius lib. 1. histor. de Regibus Italia*, asseritque *Iſbr. de Diemerbroeck lib. de peste cap. 15. fol. 80. & lib. 4. hist. 18 fol. 236.* tempore gravis illius *Neomagenſis* pestis anno 1635. neminem se vidisse convalescere, qui durante morbo sternutasset sæpius. Tradunt quidam sternutationem tempore *Gregorii Pont: Max.* contagiosum quendam fuisse morbum epidemicum, quo homines sternutando obierint, & inde ortam sternutantibus bene precandi consuetudinem. Quam longe autem *C. Sigonius* qui hunc salutem precandi sternutantibus morem à *Gregorii* tempore deducit, aliique, qui idem, quæ ille, sentiunt, à vero absint, non ineleganter sane demonstrat *Famianus Strada soc. Jesh. Prolusion. Academicar. lib. 3. Prælect. 4. de Pistore suburrano*, qui jucunda admodum hac de re habet. Mos autem ille diu ante *Sospitatoris* nostri ortum apud *Ethnicos*, & ante ipsum obtinuit *Aristotelem*, ut idem *Strada pag. mihi 438.* Græcus enim Poëta apud eundem ibidem, *Aristotelesque, Theocritus, Aristenæus, Petronius Apulejus, Plinius*, aliique bene multi illius meminere. Causæ autem variæ statui possunt; quarum quinque dat *Strada* dicta *Prælect. 4.* Superstitiosum tamen qualecunque hujus consuetudinis fuisse initium nemo dubitaverit, siquidem & *Ethnici* à sternutamentis auguria capere soliti fuerint; quapropter *Ammianus*, ac *D. Augustinus* imo ipse *Cicero* istam repudiarunt.

Hic

Hic enim *lib. 2. de Divinat. Quæ si observamus, ait, & pedis offensio nobis, & corrigiæ abruptio, & sternutamenta observanda.*

Dicebatur autem Epilepsia olim Græcis morbus sacer, vel quia putabant illum hominibus immediate à Deo fuisse immissum, (uti voluit *Hippocrates*) vel quia nobilissimam, maximeque sacram corporis partem, cujus regimine partes reliquæ gubernantur, occupat, uti scribit *Plato Timæo*, sive *de natura fol. 759.*, vel quia in illa parte sedem habet ratio, quod voluit *Aristoteles sect. 33. problem. quæst. 7. Plato* (teste *Apulejo*) totum hominem sive ejus essentiam in solo capite consistere dixit: quod Veteribus ansam dedit sternutationem vocandi sacram, & dicendi sternuentibus Σεῦ σῶσον, *Jupiter ò adsis!* Unde Europæi *Deus te adjuvet*, ad quæ verba etiam salutare, vel corpus inclinare solemus. Caput olim Veteribus sacrum appellatum fuisse etiam *Aristophanes* testis est, quia per illud jurare solebant, quapropter etiam sternutationes è capite provenientes (secundum *Athenæum Dipnosophistam*) adorabant tanquam sacras. Illud & confirmat *Aristoteles*, cum ait sternutationem Veteribus adeo fuisse sacram, ut eam tanquam numen adorarent, ut patet ex *Xenophonte lib. 3. expedit. Cyri, Persarum Regis*, dum dicit, ubi Rege præsentem quisquam sternutasset, adstantes in genua provolutos Deum illum adorasse.

Sed quærat hic quispiam, an non perversa quædam sit consuetudo etiamnum sternutantes salutare, beneque iis precari, utpote quæ paganorum erroribus originem debeat?

Patrum equidem nonnulli morem illum, profligata superstitione, non improbarunt. Illos autem procul esse jusserunt, qui sternutationes dimetirentur juxta Lunæ Phases, earumve multitudinem, paucitatemve, vel eas, quæ dextrorsum, vel sinistrorsum, antrorsumve, aut retrorsum, de die, vel de nocte, in exequiis, epulisve, &c. contingerent, observarent, hisque adversa, vel prospera portendi hallucinarentur.

Pater Augustinus Serm. 241. de Templ. Illas inquit, non solum sacrilegas, sed etiam ridiculas sternutationes considerare, & observare nolite.

Aliud itaque agit, qui (malum!) sternutationes ad secutura bona, vel mala, &c. quidquam facere autumat, ac is, qui more non damnando sternuentibus precatur prospera.

Verum quid ni itidem tussientes, oscitantes, ructum, crepitumve ventris emittentes salutamus?

Michael de Montaigne Conaminum lib. 3. cap. 6. hanc rationem dat, quod sternutatio flatuum, vel expirationum omnium è corpore prodeuntium honestissima, utpote ex capite proveniens, ac idcirco reprehensionis expers sit,
cui

cui idcirco præstemus honorem. In ructu autem, crepituve ventris salutare, hominis esse plus satis urbani Doctorum elegantissimus *D. Erasmus* tradit. Sicco autem pede præterire nequeo Ægyptios, aliasque gentes Ethnicas inter innumeros, quos adorabant Deos, numerasse etiam quicquid eximium excellensque, ac magna virtute præditum esset, v. gr. animi affectus, tanquam imperium in nos habentes, imo & ipsos corporis affectus. Hinc *Febris* fanum in Palatio: hac enim placata salutem sperarunt. In numero istorum Deorum erant quoque & alia multa nugatoria, ridicula, & sordida, v. gr. Crepitus ventris. Honorem præfatur *Joh. Seldenus de Dis Syris Prolegom. pag. 58.* quod emissus (verba recito Seldeni) sanitati corporis haud parum sit conducibilis, supressus item noxius. Inde Regi minus imparem esse joculari Epigrammate scripsit *Nicarchus*, quod vitæ, & necis (hominis ingenium!) habuerit potestatem. Id autem tale est.

Οὐκ ἔν ἐι σώζει, καὶ ἀποκτείνει πάλι περδὴ,
Τοῖς βασιλεύσιν ἴσω περδὴ ἔχῃ δύναμιν.

Quod Latinè ita sonat.

*Si servare queunt Crepitus, & perdere
ventris,*

Regibus anne putes viribus ergo pares?

Considerandum etiam est sternutationes morbosum quid nonnunquam involvere, morborumque sæpè, ut supra dictum existere accidentia. Quidni autem quæso, (præsertim cum diuturnior id confirmavit usus) sternutantibus non ignari plurima quandoque frequentiores, violentioresque sternutationes insequi incommoda, bene precemur, ac aliis occasionibus facere consuevimus? Ita operis aliquid agentibus prosperum optamus eventum, cœnantibusque, ac peregrè ituris fausta omnia precamur. Hinc etiam *D. Augustinus serm. 42. de Sanctis, tom. 10. Siquis obvium sibi, inquit, non saluet, à viatore non habebitur homo, sed truncus, aut statua Mercurialis.*

Quando itaque consuetudo huiusmodi salutationem (sive ea ore contingat, sive solâ capitis denudatione, aut corporis denique inclinatione) introduxit, confirmavitque, minus urbanus habebitur, quisquis hoc quicquid est humanitatis negligit.

Ambrosius lib. 7 in Lucam cap. 10. Salutatio, inquit, communis est usus gratie. Sic inferiores superiorum favorem sibi conciliare consueverunt; Gentiles quoque cum Christianis ejusmodi habent commercia. Prudentis igitur Christiani est, (modo ne committatur error) hoc casu personarum, locorum, temporumque se accommodare circumstantiis.

Præter internas, externasque sternutationis cau-

CENT. POST. PARS PRIOR. OBS. VI. 55
caulas vulgatiores, ac jam adductas, jure etiam
merito considerandus est coitus appetitus, sternu-
tamenti utut rarior causa.

Inter sternutationis causas recenset, etiam *Joh. Mezu* lib. 2. de agitudine: appropinquationem
ad mulierem, desideriumque cum eâ coeundi.

Amatus Lusitanus Schol. curat. 3 cent. 4 fol.
mibi 370; Scire decet, ait, quod, qui coitus sunt
dediti, & ab eo per dies aliquot abstinere &
mulierem pulchram contemplantur, aut vident,
breui in sternutamentum labuntur: sed sternu-
tamenta hac coitus facile solvit: hoc enim consi-
liopramunitus quidam, qui ad Principem simul
cum uxore stantem, accedebat, & saepe frequen-
ti sternutamento dedecorabatur, libere evadebat.

Theoph: Bonetus Anat. pract. lib. 1. sect. 20.
schol. ad obs. 17. fol. mibi 353. sibi casum huic
nostro valde similem obvenisse refert. Qui-
dam enim ab illo quæsierat, cur inter venereos
amplexus, instante *συγχοία* bis, terve sternu-
tatione percelleretur? Hujus rei hanc ille ratio-
nem dedit, quod aura nempe seminalis à testi-
bus & vasis spermaticis suscitata sursum repens
sensibiles narium tunicas vellicaret, atque ad
ejusmodi motum impelleret. Verosimilius au-
tem existimem per fortem imaginationem (quæ
quantum corporibus imperet, quotidie licet
experiri) humores nervosos, sive spiritus, cele-
riter admodum, singularique impetu in nervos,
& partes generationi inservientes impelli inte-

reaque cerebri tubulos, ex quibus illi proveniunt, non longo tempore vacuos aliquo modo subsidere, & occludi, unde levior quædam eorundem convulsio, usquedum novi iterum in eos deferantur spiritus, siquidem recentes tam subito suppeditari nequeunt, quam quidem alii forti imaginatione in nervos vehuntur.

Vel etiam in meningibus, ac præsertim durâ, ubi ea variis os cribriforme pertransit fibrillis, collectæ antea fuere particulæ quædam acres, vel salinæ, & forsan etiam viscosæ quædam, quæ ibidem stagnantes postea per fortiores sanguinis pressionem (est autem ille tempore appetitus venerei celerior, majorique cum impetu fertur) ulterius propelluntur, quod equidem absque fibrillarum vellicatione quadam fieri nequit, quæ contractione à vicinis fibrillis ortâ adjuvantur. Hac autem de re suum cuique sit judicium. Non diffiteor tamen testium cum plurimis aliis corporis partibus valde magnam esse Sympathiam, uti non semel indicat *Hippocrates sect. 1 & sect. 3 lib. 2 Epidem.* alibique, nec non *Aristoteles 2 de generatione Animalium cap. 7 & 4 particular. problem.*, ut & *Galen. lib. 1 de semine cap. 16.* Evidenter etiam id liquet ex Eunuchis quorum vox, si infantia tempore castrati fuerint, non tantum tenera est valde, sed & nullâ, aut minimâ malas lanugine vestiuntur, teste *Juvenali Satyrâ 6.*

Verum hæc testium, aliarumque partium
sym-

CENT. POST. PARS PRIOR. OBS. VI. 57
sympathia imprimis observatur circa cerebrum,
& nervos, monstrat namque experientia nimia
Venere non cerebrum tantum, sed & nervos
generaliter debilitari, quod etiam annotavit
modo adscripto loco *Galenus*. Hinc itaque
primò cæcitas oritur, quia magna spirituum
quantitas per Venerem oculis detrahitur, unde
membranæ duræ admodum, rugosæque eva-
dunt, meatibusque velut invicem compressis,
transpiratio debita fieri nequit, fibrillæque ner-
vorum, membranarumque oculorum crassiores
evadunt. Quin & immodicum Veneris usum
nonnunquam Arthritis, tremor, paralytis, apo-
plexia, ac subitanea nonnunquam mors sequi-
tur, quâ de re vide sis *Henr. ab Heers obs. med. 9*
fol. mihi 103, ubi exemplum habet nobilis cujus-
dam viri, qui inter uxoris amplexus subitâ cor-
reptus fuerit apoplexiâ. Memorat & ibidem
de alio quodam, qui propter similem abusum
in Epilepsiam incidit.

Contigit etiam olim, ut strenui hujusmodi
certatores brevem voluptatem morte abruperint;
quale quid inter alios refert *Galenus lib. 1 de*
sem. cap. 16. *Jovinianus Pontanus in opusc. de*
obedientiâ cap 10 meminit cujusdam *Beltran-*
di, cognomine *Ferrerii* cui *Barcelonæ* in
Hispania nimia Veneris gaudia mortem matura-
runt.

Tradit *Plinius lib. 7 cap. 53 Hist: nat: Cornel.*
Gallum, Titumque Haterium Equites Romanos

in ipso opere fuisse suffocatos, teste etiam *Valer: Max: lib: 9 cap 12.* Plura ejusmodi reperiuntur apud *Alex: Benedictum lib. 24 de curand: morb: cap: 22.* de Senatore *Viturio*, & apud *Fulgosum lib. 9 cap. 12.* de quodam *Giachero Geneva Salvatiano.*

Tertullianus Apologetico idem *Spensippo Platonico* contigisse scribit.

Memorabile est, nec filere possum, quod scripsit *Nicolaus Grudius* è tribus Fratribus Belgis unus Epigramma de adolescente quodam qui anno 1555. Bruxellæ novo mortis genere periit. Adolescens autem loquitur.

*Rustica me strictis nimium complexibus
urgens,*

*(Quis credat?) collum luxat amica
mihi.*

*Ilicet, ecce, humero incubuit caput; atque
soluta*

*Cervice, ipsa simul semita clausa cibo
est.*

*Hoc quoque vix potui suppressâ voce profari,
Es mihi tu raræ, Cypria, causa necis.*

Ad quod haud dubie alludens *Joh: Secundus Hagienfis N: Grudii* Frater hoc composuit Epigramma.

*Inter opus medium lascivâ morte solutus,
Hic situs est, & init jam Menelaus humum.*

Quæ omnia gravia symptomata ex spirituum, immodico coitu nimis dissipatorum, inopiâ provenire solent ; unde calor corporis minuitur, circulatio sanguinis retardatur, transpirationes impediuntur, sicque cruditates, & obstructiones multæ corpori obveniunt.

OBSERVATIO VII.

Vibrissæ evulsæ mortis causa.

Viles, & exigui sæpenumero momenti res sunt, quæ mortem nobis festinant. Experientia enim docuit externam tantum punctiōem ab ape, vel alio quodam insecto factam, aut læsionem quandam à parvâ festucâ, vel spinâ pisciculi, deglutitionem pili, acini uvæ, muscæ, culicis, similiumque plurium, mortis non semel fuisse causas.

Sic nuper mihi per literas significavit (cum plura transmitteret) D. Joh. Ludov. Hannemannus Phys. in inclytâ Christ-Alberti Academiâ Chilonensi Professor Tribuno cuidam Suecici exercitus Buxtehudæ in Comitatu Bremensi per
pilo-

pilorum tantum è naribus evulsionem primo quidem narium, mox & cerebri inflammationem, tandem vero ipsam supervenisse mortem.

IN OBSERVATIONEM VII.

HUmoribus corporis nostri per hunc, illumve in Diætâ commissum errorem debito temperamento destitutis, vel acribus existentibus, levis quandoque dolor inflammationem producit, atque ita quidem exiguæ causæ externæ magnum afferre possunt corporibus detrimentum.

Certum est membranam nasum intus cingentem sensibilem admodum esse, magnamque cum meningibus habere sympathiam, à quibusetiam multas, diversasque acquirit fibrillas præsertimque unam, quæ adeo manifeste ibidem apparet, ut *Andr. Vesalius* inde nasi tunicam provenire credat: unde facile contingere potest, ut, eâdem, sive vibrissarum evulsione, sive fortioribus sternutatoriis, vel iterata vellicatione, aliave tandem acriori re irritatâ, gravia oriantur symptomata, imo etiam corporibus intemperatioribus ipsa superveniat mors, quamvis nullus diffitear alium præ alio membranæ sensibilibus uti. Acutissimi in hisce membranæ sensus exemplum exhibet *Godofredus Schubartus miscell. med. phys. German. ann. 3. obs. 138. fol. 227.* in quadam

CENT. POST. PARS PRIOR. OBS. VII. 61
dam virgine, & *Amatus Lust.* cent. 4. curat. 3.
fol. mihi 369. in Juvene quodam, qui nonnun-
quam adeo fortiter, & sæpe sternutarit, ut cum
hominibus conversari erubesceret.

*Joh. Anthon. Lindanus Medicina olim in
Academia Lugduno-Batava Professor tradit
Med. suæ Physiol. cap. 12. art. 1. §. 15. fol. 532.*
celebrem quendam se novisse Medicum, qui,
cælo sicco, & acri, sæpissime, ac vehementer
sternutaret, ita ut tali casu nasum intus tepido
lacte dulci humectare cogeretur, quo etiam mo-
do curasse se dicit *Forestus lib. 10. obs. 127.*
ancillam vehementer admodum, ac sæpe sternu-
tantem.

*Conr. Victor Schneiderus lib. 5. cap. 1. de
catarrh. pag. 62. Narium*, ait, *inflammatio-
nem comitantur gravitas, dolorque capitis, ar-
teriarum capitis pulsus citatior, sonitus au-
rium, delacrymatio, narium pruritus, libidoque
emungendi, jugis sternutatio, amissio sensus
odoratus, vitium vocis, tandemque fluor ipsius
humoris. Sique cerebrum nimio, fortiorisve
cujusdam vini haustu, vel aliis modis incalescat,
eo casu sanguis, aliusve acris humor à membra-
nis cerebri prodiens narium tunicam vellicare non
desinet.*

Non fuit itaque adeo mirum, si ad membra-
nas nasi illius Tribuni evulsione primo irritatas,
cujus humores forsan commissi in diætâ errores
fecere intemperatos, humor aliquis acer per
duc-

62 OBSERVAT. RARIORUM
ductum arteriarum delapsus fuerit, unde ipsæ
quoque meninges, quæ magnam, uti diximus,
cum nasi tunicis communionem habent, inflam-
matae fuerint.

OBSERVATIO VIII.

Mirandum oculi vulnus.

INter dona illa omnia, quæ nobis lar-
gitus est Deus T. O. M. nullum, meo
quidem iudicio gratius est, aut nobilius
visu, hic namque non tantum hominem
idoneum reddit ad victum, & amictum
sibi comparandum, sed & reliquas Dei
Creaturas dignoscendas, distinguendas-
que, ut easdem contemplatus erecto ad
sidera vultu Creatorem tanto magis sus-
piceret: Hinc non sine ratione cæcos
vocamus miseros, duosque propter ma-
ximam visus necessitatem omniscius
Deus homini concessit oculos, quorum
alterutro forte amisso, alter homini in-
serviat.

Exemplum alterutrius oculi pungente
gladio amissi hic videre est in *Guilhelmo*
Arthon, cujus oculi dextri canthus ma-
jor



Fig:1

B

A


Fig:2

D

Fig:3

C

B



CENT. POST. PARS PRIOR. OBS. VIII. 63
por 31. Octob. an. 1674 gladio tenuiore
ita fuit læsus, ut ipsius ensis lamina ibi-
dem fuerit rupta, ejusque portio quæ-
dam medium longitudine exceden adul-
ti viri digitum (qualem fig. 1 ad literas
B. B. exhibet) remanserit; hoc itaque
in statu *Cornelium* adiit *Solingium* Medi-
cum, & Chirurgum Hagiensem qui il-
lud gladii frustum non sine magnâ vi, &
molestia forcipe extraxit, nam propter
magnam longitudinem forsan penetra-
verat ad os sphænoides, ibidemque fixa
permanerat: extatque etiam in hunc
usque diem ipsum sanguinis (quod nota-
tu dignum est) in dicto frusto vestigium
ad longitudinem litera C. notatam; læ-
sus tamen remanente quidem istius oculi
cæcitate, percuratus est.

IN OBSERVATIONEM VIII.

OCulorum vulnera, præsertimque orbitam
ipsam penetrantia, periculosa admodum
esse, ita ut inde visu non tantum quis privetur,
sed & nonnunquam paraly sis, apoplexia, memo-
riæ defectus, imo ipsa mors proveniat, testan-
tur inter alios *Rhodius obs. med. centur. 1. cap. 28.*
pag. 51. Joh. Schmidius miscell. med. Phys. curios.
an.

is, omnia conspiceret geminata. Cujus phænomeni causa erat ejus pupilla infimæ palpebræ nonnihil agglutinata, inferioremque alterâ habens locum; si enim crySTALLINUS alterius oculi humor è loco suo, sive versus superiora, sive inferiora, aliquantulum fuerit dimotus, omnia (teste *Galeno lib. de causis symptom. cap. 2. fol. mihi 14*) geminata apparent. Postea tamen illud, ut ait *Langius*, continuâ oculi motitatione vitium evanuit, unde pupillâ ab infimâ palpebrâ solutâ apparentium duplicitas cessavit.

Ad præcavendam vero illam oculi cum palpebrâ agglutinationem, utrâque illâ parte læsâ, necessum erit digito nonnunquam ultro, citroque impellere. Quem etiam in finem nonnulli duplex, vel triplex aurum foliatum oculo imponunt.

Simile quid reperias apud *Benivenium de abdit, & admir. morb. & sanat. causis cap. 73. fol. mihi 242*, de puellâ quadam quatuor annos natâ, cui, dum nodum in panno solvere acuto gladio niteretur, resiliens mucro oculum dextrum percussit: quo perforatâ ipsius oculi tunicâ, plurimus statim inde fluxit humor; quare etsi visum prorsus amiserit, ipsum tamen haud multo post rite curata recepit. Tanta enim inest vis tenellæ ætati, ut hunc ipsum (quod sæpe accidit) in integrum reficere possit.

G. Fallopius tract. de vulneribus particul. cap. 3. fol. mihi 199. testatur se ejusmodi oculorum

lorum vulnera absque visus privatione sæpius percurasse: præcipue autem in octuagenario, cui vi deposita fuit suffusio seu cataracta; dum autem acus exempta fuit ex oculo, magna copia humoris aquei effluxit, cum tamen tertio die appareret oculus ipso humore plenus, neque quidquam mali propter effluxum humoris, quantum ad visionem, passus esset.

Nicol. Tulpius obs. med. lib. 1. cap. 30. fol. mihi 64. sibi etiam hujusmodi oculi vulnus occurrisset scribit, in quo non tantum aqueus humor effunderetur, sed & membrana subsideret uvea, hebescente inde adeo visus acie, ut ne admotæ quidem candelæ conspiciere posset lumen; illud tamen curavit per anodyna, & exsiccantia, remanente visus officio naturali, at imbecilliore, ob cicatricem uveæ à vulnere relictam.

Ophthalmista quidam affirmabat humorem illum semel amissum restitui neutiquam posse, quia acu pertusâ in suffusione oculi tunicâ, prædictâque suffusione solutâ, putabat se eandem suctione attracturum, verum non membranam tubulo, sed humorem aqueum attrahebat, unde oculus flaccidior evasit, & minor, dictusque humor postea accrescere non potuit: unde concludebat illud experimentum nunquam posse succedere: verum, mehercle, aliter se habet humor aqueus in suffusione, quam in recenti vulnere; ejus enim restitutio illo casu impeditur, quia tunicæ uveæ glandulæ operationem

suam, sive sequestrationem humorum non ita recte absolvunt, quod materiâ pituitosâ, viscidâque obstructæ sint.

Quid autem causæ est, quod oculorum alterutro læso uterque occludendus sit? Respondemus, quia moto uno, movetur & alter, unde dolor oculi læsi adaugetur, & sanatio, quæ quietem requirit, impeditur.

Sunt qui multa gloriantur de medicamento humores ex læsis, vulneratisque oculis egresfos restituente, inter quos præcipuus quidem est *Franc. Joseph. Burrhus*, qui eum in finem utebatur aquâ quâdam (uti tradit literis ad *Thom. Bartholinum an. 1669. mense Februarii*) super folia chelidonii, addito parum Camphoræ, in B. M. destillatâ, postea tamen dicit se meliorem invenisse, quæ non sine magno labore magnisque præparari queat sumptibus. Alii huic rei aptos existimarunt humores è vivorum animalium oculis eductos.

Verum quidem est chelidonium, sive hircinariam majorem priscis medicis ad sananda oculorum vitia valde fuisse laudatam, præsertimque in suffusione, sive cataracta, succus enim istius herbæ valde detergens est, & discutiens, sive dissolvens: verum an succus ille tantis gaudeat viribus, ut humores è vulnere ejectos de novo possit suppeditare, ipse equidem vix crediderim existimans hujusmodi oculorum vulnera non externis remediis, sed novi humoris affluxu
fa-

fanari. Si vero ejusmodi reperiretur ars, qua humores amissi possent restitui, circulatio revera humorum in oculo frustanea esset, superfluique essent ad visum tres distincti humores, si sola injectione visus posset recuperari. Verum enim vero talisne gloriatio Creatorem corrigere velle videtur, artemque præferre naturæ, reclamante tamen ratione, & experientia? Fieri nequit, scribente *Th. Bartholino act. tom. 1. fol. 153.* ut aquâ chelidonii majoris, vel alio quocumque liquore, sive sint membranæ, sive ligamenta, stillatio rupta omnia, resarciantur.

„ Quis rerum naturæ gnarus ab aqua destil-
 „ lando per alembicum evocatâ membranas,
 „ & ligamenta speret? Quin etiam ne quid
 „ dissimulem, ex quo didici aquam illam *Bur-*
 „ *rhianam* ophthalmicam destillando parari
 „ (neque enim Amstelredami visis experimentis
 „ ejus, & Epigrammate honoratis, id scieram)
 statim ita mecum; aqua illa acuit haud dubiè
 visum, & labra vulneris oculi ad cicatricem
 forsan disponit, restituere tamen crassos ocu-
 li humores, solius naturæ est. Hactenus *Bar-*
tholinus.

Hinc quoque nihil ad accretionem, sive re-
 stitutionem aquæ magis requiri quam cicatricis
 productionem *Tulpius* scribit.

Anne autem & Veteres restitutionem illam hu-
 morum in oculis sciverunt? *Galenus lib. 1 de*

70 OBSERVAT. RARIORUM.
causis symptom. cap. 2. fol. mihi 15. Incredibile quiddam, inquit, nec fieri vulgo solitum in puero vidimus, qui stylo in pupilla loco fuerat compunctus. Nam cum statim effluxisset aquosus humor, tum pupilla ipsa minor est reddita, tum tota cornea apparuit rugosior: ceterum sanatus, postea recte vidit, collecto scilicet paulatim eo, qui effluxerat, humore. Verum hæc rara sunt.

C. Plinius lib. 29. hist. natural. cap. 6. mustellæ, inquit, viridesque lacertæ, oculis perforatis, & læsis visum restituere dicuntur: indicantque porro ejusdem rationes id absque medicamenti ipsâ naturâ, & sponte fieri.

Avibus, præsertimque hirundinibus, visum amissum sponte restitui jam olim indicavit Corn. Celsus lib. 6. cap. 6. sub finem fol. 578. Hirundinibus, inquit amissa ex vulnere oculorum acies interposito tempore restituitur sensim, jacturâ ejus humoris reparatâ.

Idem confirmat Aristoteles lib. 6. de hist. Animalium. Licet enim hirundinum lædantur acie quadam oculi, imo & effodiantur, hos tamen de novo accrescere, visumque iis redire tradit.

Patet itaque adductis exemplis circulationi, affluxuique soli humorum, non vero prædictis artificialibus aquis, vel aliis externis remediis, adscribendam humorum in oculis restitutionem: idque tanto magis, quanto plura fecerunt eum in finem experimenta multi Philosophi, Medici, Chirurghi, Anatomici, perforando tunicas corneas

CENT. POST. PARS PRIOR. OBS. VIII. 71
neas anferum, gallinarum, ovium, columbarum
anatum, &c. phlebotomis, & acubus humo-
res omnes digitis exprimendo; relictis enim vul-
neribus, sine ullâ remediorum impositione, vi-
sus, & humores sponte fuerunt restituti, & qui-
dem intra breve tempus, remanente tantum cica-
trice quâdam, quæ successu temporis minuebatur,
imo etiam (teste *Burrho*) plane evanescebat.

Ita etiam *Fr. Rhedi* se vidisse refert visum istis
animalibus intra viginti quatuor horarum spa-
tium fuisse restitutum absque ullâ remediorum
externorum applicatione.

Si quis autem remedium aliquod ad arcendam
inflammationem initio, cicatricemque produ-
cendam adhibere velit, non inutiliter aquâ plan-
tag. cum bolo, album. ovi, & granis aliquot
Camphoræ utetur.

Optimum vero, meo quidem judicio, reme-
dium externum est, si oculus vulneratus, quan-
tum fieri queat, optime operiatur, & ab aëre
defendatur, sic enim non tantum citius genera-
bitur cicatrix, verum humores restituentur. Vidi
aliquando unâ cum aliis Medicis Dexterrimum
Anatomicum nostrum *Antho. Nuck* tunicam
utriusque pupillæ caninæ dissecurisse, ita ut omnis
illico efflueret humor aqueus; postridie vero,
deligato tantum simpliciter vulnere, absque aliis
remediis idem humor restitutus erat, cicatrice
tamen valde molli, & tenerâ, quæ indies accres-
cens solidior evasit.

Th. Barthol. aët. med. tom. 1. cap. 69. fol. 151. refert *Olaum Borrichium* virgunculam quandam septennem sanasse, quæ ferreum unicum improvise ictu in medium impegerat oculum vulnere ita profundo, & amplo, ut proximo triduo non solum quicquid humoris aquei, sed & quicquid vitrei esset, effunderetur; id quod crassamentum cocto leviter ovi albumini simillimum continuè effluens clarè ostendebat. Hiantis ergo oculi foramen sensim perducebat ad cicatricem ratus fore, ut ex cerebri vasis, sive arteriolis tunicarum ejus, paulatim tantum in vacuum pene locum distillaret humoris, quantum implendo oculi bulbo sufficeret; Illum autem ipsum liquorem omni alio peregrino convenientiorem esse. Destillare autem aliquid ipsi videbatur ex eo, quod oculi in perpetuo motu, & calore versarentur, atque adeo non possent non quotidie aliquid exhalando amittere, in cujus locum aliquid continuo succedere necesse est, ne bulbus oculi flaccescat, tum quod ægrotantium oculos in morbis, præsertim ardentibus, flaccidiores videamus, humore, qui ex cerebri vasis alias subministrari solet, aliò translato, convalescentium autem, & sanorum vividos, & humoribus suis refertos. |

Addit & idem in præcedentium confirmationem humoris aliquid solo moderato pressu ex quibusdam bulbi oculorum bubulorum poris profillire, observatore *Clariss. Stenqnio*: Nec, inquit
idem

idem, fefellit eventus; quamquam enim impotuosus ictus omnia confuderit, & ligamentorum ciliarium appendices vel distorterit, vel disruperit, hoc est, certam visui objecerit desperationem impletus tamen bulbus est, & visus non plane abolitus, ut qui ad certas Lunæ phases jam tum recurreret.

Contingit autem, ut vulnera oculorum lapsu, ictuve obtusiorum quorundam instrumentorum facta sæpius sequatur cæcitas: quia inde non humor tantum aqueus plerumque effluit, sed simul etiam membranæ & ligamenta, vel etiam quidam nervorum rami læduntur, cum contra in vulneribus pungendo, sive peritâ quadam manu in brutis, sive infortunio quodam in hominibus factis humores non nisi lente, & absque contusione, vel laceratione emittantur.

Sunt, qui aqueum hunc humorem partem oculi vivam, & seminalem appellent: alii vero excrementum tantum ex nutrimento crystallini humoris procedens vocant. *Realdo Columbo de re Anat. libr. 10. fol. mihi 403.* humor aqueus excrementum est, quia bis se vidisse refert post inflictum vulnus, eundem amissum fuisse restitutum, visumque recuperatum.

Joh. Riolan. sect. 4. Anat. cap. 50. fol. 551.
 „ Si verum sit, inquit, eum humorem ex vul-
 „ nere emissum regenerari, oculorum acie re-
 „ stitutâ, lubentius eorum opinionem amplec-
 „ tor, qui excrementum esse statuunt. Idem

74 OBSERVAT. RARIORUM
confirmat *G. Fabrit. Hildan. Schol. obs. 26. centur. 1. fol. 27.* dicens ipsum esse excrementum quoddam ex vasis tunicæ uveæ sanguiferis secretum, quæ circa humoris aquei locum terminantur, asseritque idem *Plempius Ophthalmographiâ suâ.*

Thom. Barthol. lib. 3. cap. 8. de Anat. oculi fol. mihi 350. de dicto humore sequentem fatur in modum: „ hic humor non est pars animata, sed „ tantum excrementum esse videtur ex nutritione „ crystallini; nam & in morbis absumitur, & in „ vulneribus oculorum deperditus, restituitur; „ certum autem est omnia, quæ antea intra oculum „ deducta erant, & ex quibus producti erant humores, per circulationem sanguinis, deficientibus „ humoribus, iterum suppeditari, & restitui.

Hinc quoque *Galenus lib: de oculo cap: 1.* alibi-que, statuit crystallinum humorem, nutrimentum accipere à vitreo, hunc autem à cerebro provenire; dicitque nutritionem suppeditatione novi nutrimenti fieri: ita ut doctrina illa de humorum amissorum restitutione cum *Galen*i sententiâ omnino conveniat,

Quæritur autem, an & ipse restitui possit humor oculi crystallinus?

Affirmat *Burrhus*, modo nervus opticus, ejusque rami manserint illæsi, tunc enim ab affluente latice nervoso restituitur:

Convenit *Kerkringius*, qui *obs. anat. 100. p. mihi 198.* non tantum crystallinum, sed & reliquos

CENT. POST. PARS PRIOR. OBS. VIII. 75
quos humores restitui posse statuit , scribitque
idem *fol. 291.* sese, etiamsi humores omnes è
bruti cujusdam oculo fuerint expressi, medica-
mento tamen nobili, eumque in finem invento
effecturum, ut brevi visus restituatur, affirmat-
que se dissectionem illam ter quidem in uno, eo-
demque cane instituisse, semperque curationem
feliciter successisse.

Thom. Barthol. act. an. 1. cap. 133. fol: mihi
265. se integrum humorem crySTALLINUM è gal-
linæ cujusdam oculo expressisse ait, quæ postea,
occluso oculo sano, non quidem æque felici-
ter, ac ante (forsan quia nondum erat adsueta)
grana collegerit, licet iis vesci non desierit. Ut
autem certior redderetur, an ipse crySTALLINUS
humor regenerari posset, post octo hebdoma-
das gallinæ capite amputato, oculum læsum dis-
secuit, & hunc pari fere felicitate, ac reliquis
solet animalibus, renatum invenit, licet nondum
ad debitam pervenisset magnitudinem, sano enim
minor aliquanto erat. Forsan si gallina, inquit
idem, diutius fuisset servata, crySTALLINUS ille hu-
mor perfecte fuisset restitutus.

Talisne autem crySTALLINI humoris restitutio
æque in homine succederet, valde equidem ego
dubitaverim, quoniam idem *Bartholinus lib.,*
& cap. eodem fol. mihi 266. tradit purpurati cu-
jusdam pueri in aula Danica è nobili stemmate
oriundi alterum oculum ita fuisse læsum, ut
omnes humores, quâ data via, elapsi fuerint,
ad

ad quem jussu Regis vocatus sit *D. Burrhus*, ut eâ, quam præ se ferebat, arte & humores, & visum ægro restitueret. Sed ille difficultatem subolens, subterfugium in dierum aliquot morâ venabatur, quorum prætextu speciosum artis suæ commentum tueretur; ita ut tandem ad eum advocatus Vir celeberrimus, & in omni meliore literaturâ excellentissimus *D. Henricus à Moinichen*, Regis dignissimus Medicus, postquam *Bartholinum* sibi elegisset socium, nihil eorum, quæ cum ad sanitatis restitutionem, tum ad artis incrementum facere videbantur, prætermisit, sed tantum abfuit, ut vel aqua chelidoniæ, vel aliis in subsidium vocatis, restitui potuerit, ut etiam hodie factitium ex auro gestet oculum. De quo usurpandi modo scripserunt *Henr: Petrus Encheirid: Chirurg. tr. 8. cap. 4*, *Paræus lib. 22 Chirurg. cap. 1*, *Daniel Sennert. lib. 1 part: 3 sect: 2 cap. 40 de oculorum defectu fol. 319*, *Schenkius fol. 176* aliique.

CrySTALLINUM humorem restitui non posse etiam *G. Fabrit. Hildan. centur. 1. obs. 26. fol. mihi 27* testatur, quia præcipuum, ut ait, visionis est organum, propriâque arachnoide (propter subtilitatem ita dictâ) includitur, quâ disruptâ, crystallinus humor officio suo amplius fungi nequit.

Notandum etiam esse idem ait, pupillâ læsâ, quamvis crystallinus humor illæsus, aqueusque restitutus fuerit, visum tamen rite restitui non posse

CENT. POST. PARS PRIOR. OBS. VIII. 77
posse, siquidem inevitabilis cicatrix impedit,
quo minus radii ab objectis penetrare queant ad
humorem crystallinum, quamvis *Burrhus* cica-
tricem temporis successu evanescere dixerit.

OBSERVATIO IX.

Oculi Procidentia.

CORpora nostra innumeris obnoxia
esse morbis vel hinc patet, quod
circa membrum minimum, oculum vi-
delicet, olim à *Jacobo Guillemæo*, experto
in Gallia Chirurgo centum ferè vitia,
junctâ & sanandi ratione, sint descrip-
ta, quorum tamen numerus à recentio-
rum nonnullis (præsertim *Joh. Verbrigge*)
nuper adauctus est ad centum, & tre-
decim, inter quæ haud minimum est
oculi ex orbitâ procidentia.

Ante aliquot annos puella quædam
annorum quindecim meæ committeba-
tur curæ, cui variolas passæ oculus pro-
cidit, quod malum *G. Fabrit. Hild. ex-
ophthalmiam* dicit.

Postea autem trigesimo mensis May
anno 1683 hic Hagæ curandam suscepi
puel-

78 OBSERVAT. RARIORUM
puellulam quandam bimulam, cui ter-
tiâ post erumpentes variolas hebdoma-
dâ oculi etiam prolapsus supervenit
non sine ipsius pupillæ ulcere. Quæ
tamen symptomata (quamvis cum pu-
pillæ jacturâ) intra tres hebdomadas
sequentibus sublata sunt remediis.

Primò scilicet ad dolorem sedandum,
simulque inflammationem, quantum
fieri poterat, avertendam, oculo se-
quens applicabatur cataplasma.

℞. *Mica panis alb. ℥j.*

lactis dulc. q. s.

*Coq. ad consistentiam pultis,
dein adde vitell. ovor. n°. ij*

Ol. rosar. ℥ij.

pulv. croci ℥ss.

Camph. ℥ss.

Fiat Cataplasma.

Hoc remedio dolor, & inflammatio
intra biduum minuebantur admodum,
tumorque oculi adeo subsidebat, ut intra
eundem guttæ aliquot lactis muliebris
tepidi infundi potuerint. Postea plu-
maceolis quibusdam occludebamus ip-
sius oculos, sequenti unguento delibu-
tos,

CENT. POST. PARS PRIOR. OBS. IX. 79
tos, porroque præcedens impositum fuit
cataplasma, quod bis de die iterare jussi-
mus, unde tandem, sine ulteriori pu-
pillæ exulceratione, intra dicti tempo-
ris spatium ad ulteriorem pervenit sani-
tatem. Unguentum vero erat hujus-
modi.

℞. *Mucilag: sem: cydon.*

psyllii aq: plant: extr: q. s:

Ung: rosar: ℥j.

M: F: Ung: molle.

IN OBSERVATIONEM IX.

QUamvis quibusdam hominibus veluti na-
turalis sit oculorum exitus, uti liquet in
iis quibus oculi majores, crassioresque,
bovinorum in morem, prominent, quibusque
nulla adhiberi solent remedia; animadvertimus
tamen sæpe hoc qualecumque vitium ab inter-
nis, quamvis ut plurimum ab externis produci
causis.

Interne exophthalmia à maligno quodam tu-
more, primo inflammationem deinde & exul-
cerationem producente oritur, unde venæ, &
forſan etiam vascula lymphatica premuntur, ita
ut per eorundem canales circulatio humorum rite
peragi nequeat, ſed ad novos oculares meatus,
non ita pridem ab expertiſſ., & indefeſſo noſtro
Anato-

Anatomico *Anth. Nuck* unà cum ducta salivali novo detectos, uberior exoriatur humorum secretio: quapropter continuo hoc humoris ad oculum affluxu, impeditoque refluxu filiolæ, quâ de loquimur, oculus indies intumuit, ac versus exteriora propulsus est, ita ut palpebrâ obtegi non potuerit.

Memorat etiam *G. Fabrit. Hild.* se hoc quicquid est vitii in puello quodam *Losannæ* habitante post variolas animadvertisse.

Similis quoque oculi prominentia à scirrho juxta oculum provenire potest. Qua de re vide *Marcell: Donatum lib. 5. cap: 4. fol. mihi 568, G: Fabrit: Hildan: cent: 1. obs. 1, Joh: de Muralto obs. 126. miscell. cur. German. decur. 2. an. 3, Fel. Platerum lib. 3. obs. fol. 719, & Petr. Pauw obs. 23. fol. 38.*

Verosimile est prominentiam oculorum post variolas sese manifestantem provenisse, vel quod nimis fregefactans aliquod collyrium inflammatis oculis tempore variolarum fuerit applicitum, vel quod laborantes nimis mature, & intempestive frigido sese exposuerint aeri, ita ut maligna illa materia commode nequiverit transpirare externo aëre frigido coagulata, & condensata.

Contingit etiam nonnunquam, ut malum hoc ab impura lue venerea originem habeat, quo casu partem affectam aqua, unguentove mercuriali, aliis tamen haud omissis, humectare præstat.

G. Fabrit. Hild. hujusmodi oculi vitium ex furunculis natum, qui copiose pueris orti, & intempestive repulsi fuerant, vidisse se scribit. *Nic. Tulpius obs. med. lib. 1. cap. 28. fol. mihi 61.* exemplum habet filiæ cujusdam, cui post impeditum menstruum fluxum immensum obvenerat sanguinis per nares profluvium, quo citius, quam par erat, ob iracundiam suppresso, omnis illico inhibiti sanguinis impetus in oculum dextrum conversus est, qui inde usque adeo intumuit, ut sede sua propulsus mirum in modum puellæ faciem deformaverit, ita ut non obstantibus multis, saluberrimis consiliis, auxiliisque, malum illud curari non potuerit, sed in carcinoma, cujus pus adeo acre esset, ut vitiata inde forent, exesaque narium ossa, degenerarit. Quapropter tali casu (quando scilicet malum eo usque nondum proserpsit, ut vicinarum partium, subjectorumque ossium corruptela fuerit suborta, ægri viribus etiamnum integris, totum quantum excidere utilius fuerit. Cujusmodi exemplum, methodumque prolixè exhibet modo adductus *G. Fabrit. Hildanus obs. cent. 1. cap. 1.* Caute tamen prospiciendum est, ut totus auferatur oculus, ne minimâ quidem portione relicta: radice enim mali in imis oculi penetralibus superstitæ, provenit denuo subitanea, & horrenda excrecentia, teste eodem *Hildano cent. 6. obs. 1. fol. 498.* ut & *Nicol. Tulpio loco adscripto.*

Externæ procidentię oculi causæ sunt lapsus, allisio, vulneratio, magna pressio, flatus fortior, iteratusque, vehemens vomitus, & laboriosus, molestusque partus, colaphus, ictus pilæ, lapidis, alteriusve duræ in oculum materiæ. Exoriuntur etiam hujusmodi prolapsus nonnunquam post graves capitis contusiones, & ictus, utut absente vulnere, modo sanguis intra caput extravasatus, commodo exitu non reposito, delabatur ad oculum: quale quid sibi visum tradit *G. Fabrit. Hildannus centur. 5. obs. 12. fol. 398.*

H. ab Heers obs. med. lib. 1. obs. 4. fol. 49. Historiam viri cujusdam habet, cujus alter oculus ab hostibus cultro omnino fuerat excisus, alter verò digitis usque ad extremitatem nasi orbitâ expressus, ejusdem & parte quadam cultro præscissâ, ubi pendulum illum super genam reliquerant: hic vero satis commode tamen visu fruens chirurgi domum adierat, qui oculum cavo suo, sive orbitâ repositum aliquamdiu obligavit, sanumque postea hominem, ac bene se habentem dimisit: Sed affirmaverat idem sese (quod equidem mirandum est) propendente oculo ambulanti viam, qua incedendum esset, optime vidisse, sed tamen cum agitatione quadam, sive fluctuatione, qualis in superficie fluminum vento agitatorum vulgo observatur; quæ haud dubie orta fuit, quod oculus, nervusque opticus, dum moveretur, inconstan-

CENT. POST. PARS PRIOR. OBS. IX. 83
tes admodum receperit rerum visibiles ima-
gines.

Verum quærat hic quisquam, quo pacto fieri
potuerit, ut oculus ita propenderit absque ip-
sius nervi optici ruptione?

Andr. Spigelius omnes corporis nostri ner-
vos, atque adeo & opticos, ingentem in longi-
tudinem extendi posse demonstrat. Habet &
ille itidem pueri cujusdam exemplum, cui ocu-
lum lapis jactus extra orbitam excusserat, ut ad
medium usque propenderet nasum, hic tamen
Chirurgi dexteritate adeo lente, recteque repo-
nebatur, ut nullum remanserit vitium.

De simili etiam symptomate ictu baculi exorto
Joh. Baptist. de Lamzweerde obs. 69. fol. 269.
agit, quem ægrum nullo superstite visus defectu,
sequentis Cataplasmatibus beneficio perfecte secu-
rassè refert.

℞. *Herb. malv.*

bismalv.

rut.

Semperviv. ā mʒ.

Far. Hordei

lin. ā ʒß.

Camphor.

Croci ā ʒß.

Ol rosar. ʒ iʒ.

Lact. muliebr. ʒ iʒ.

Aq. rosar, q. s.

fiat Cataplasma.

Hoc autem coquendum non esse ait, sed quavis vice ad usum simpliciter miscendum, sicque tepidum imponendum. De Unguento quodam simul cum illo cataplasmate adhibito videri poterit idem dicto loco.

Fr. Josephus Burrhus epist. ad Thom. Bartholinum oculi prominentiam collyrio quodam adstringente, emplastroque defensivo *Vigonis* collo applicito, se sustulisse scribit,

Nullum efficacius reperiri ad tollendam oculi procidentiam remedium cucurbitulâ quâdam magnâ sine scarificatione, posteriori capitis parti applicitâ jam olim, teste *Joh. Rhodio obs. med. cent. 1. obs. 84. fol. mihi 54. Aldrigettis Medicinæ Professor Pataviensis* docuit. Quale quid etiam asserit *Ætius tetrab. 2. serm. 3. cap. 24. fol. 340.* qui, inflammatione decresciente, posteriori capitis parti cucurbitam admovendam ait, cui adstipulatur *Ætuarinus meth: med: lib: 4. cap: 11. fol. mihi 328.*

Lud: Duretus not: ad Jacob: Hollery lib: 1. de morb: intern: cap: 20. fol: mihi 152. cæcitatem nobilis cujusdam Virginis à lapsu exortam simili cucurbitulâ posteriori capitis parti adhibita subito fuisse depulsam tradit.

OBSERVATIO X.

Musculorum oculi paralyfis.

TEnellos etiam infantes in ipso matris utero , & ante nativitatem , multis obnoxios esse morbis post plures ex oculi vitiis demonstrat infans *Henrici vander Hoeve* Cauponis Hagienfis , qui die 19. mensis Februarii an. 1683. uterū claustris solutis , in lucem prodiit non sine gravi finistri oculi inflammatione , dextrique tremore : quam inflammationem multi admirantes dubitarunt , originemne ex errore quodam obstetricis in partu commissō haberet. Parentes autem vitium illud non multum curantes lac tantum muliebri tepidum infantis oculo instillarunt , quo remedio necquicquam adbibito , secuta est sex dicti oculi musculorum paralyfis ; Quamvis autem oculus hic pro arbitrio nec versus superiora , nec inferiora , nec dextrorsum , sinistrorsumve moveri posset , palpebram tamen , vigilante infante , versus superiora eyehi , dor-

miente vero demitti, atque occludi animadvertimus.

Dexter vero oculus continuè movebatur dicitur autem vitium hoc Veteribus, nec non hodiernis Medicis propter motus inconstantiam *Hippos*, *Equus*, vel etiam *Oculus instabilis*; quæ denominatio propriè desumpta est ab equorum oculis, qui vagi plerumque, atque inconstantes sunt, imprimis illis, quibus orbita oculi notabilius prominet; unde tam versus anteriora, quam retrorsum prospicere solent, sique nullis ad latera muniantur tegumentis, expavescunt plerumque, pupillasque perpetuo movent. Hujusmodi autem equis oculi ut plurimum maximè sunt.

IN OBSERVATIONEM X.

ANnotatu dignum est, dum ab unâ parte sinister infantis oculus omni prorsus motu carebat, dextrum contra indefinenter fuisse motum, quemadmodum vero prima istius vitii causa est affluxus humoris cujusdam tenacis nervos oculorum motorios obstruentis, ita forsan alterius vitii causa fuit motus quidam convulsivus, quo spiritus irregulariter influendo inconstan-

stantem producant motum; qui minus constans spirituum influxus, tubulis quibusdam nervorum obstructis, oriri potest.

De paralyfi musculorum oculi omnium, nulum me unquam exemplum legisse memini: *Celsus lib. 6. cap. 6.* generaliter tantum de universali musculorum oculi paralyfi loquitur, ut & *Ætius tetrab: 2. centur. 3. cap. 49. fol. 356.* dicens: *Si vero totus oculus resolutus fuerit, motus ad dextram, & sinistram sursumque, ac deorsum perficere non potest. Et si quis acrius pharmacum sublinat, non percipit morsum. Hoc autem malum ægre curabile est; maximeque in ætate provectis, si vero ex nativitate contigerit resolutis, impossibile est hanc corrigere.*

Eodem quoque modo loquitur *Guillemaus de oculi vitiis sect. 3. cap. 3. fol. mihi 755.*

Nonnulla equidem exempla quidam referunt, quibus tamen non omnes, sed nonnulli tantum oculi musculi paralyfi fuerunt affecti: Sic etiam *P: Forestus lib: 10 obs: 89 fol. mihi 429.* vidisse se scribit quorundam oculi musculorum è vehementer quodam in capite ictu ortam paralyfin. Tradit *L: Sigismundus Grassius miscell: med: phys: curios: decur: I. an I obs: 71 fol: 173*, de semet ipso, quomodo ex equo lapsus, ac in caput volutus oculi, palpebræque alterius correptus fuerit paralyfi, ita ut quando eam digitis attolleret, pupilla dextra appareret triplo amplior, & objecta per nebulam quasi densissimam con-

fusa cernerentur, siquidem pupilla magis versus externum oculi canthum esset conversa, quod inde proveniebat, quia sanus musculus antagonista eò oculum deduxerat. *Philip: Salmuth: centur: 3 obs: 42.* simile quid habet, cui itidem ex equo lapsus causam dederat, oculo tamen non ad latus, sed versus superiora ducto, quod infimus musculus paralyti esset affectus.

Quantum vero ad curationem paralyseos musculorum oculi attinet, de ea consuli potest *Guillemauslib: & cap: jam adscriptis; Vel utendum est remediis, quæ caput speciatim superfluis liberent humoribus: Ut*

℞. *Extract: cathol. ℥ss.*
Mercur. dulc. gr: vj.
Ol: cinnam: gut: ij.

Fiant pilula n^o. v.

Posteaque sumenda sunt, quæ crassam, viscosamque materiam attenuant, & consumant, qualia sunt decoctum internè assumptum è *salsa parilla, guajaco, sassafra, &c. additis sub finem decoctionis neuriticis quibusdam herbis.*
 Ex gr.

℞. *Rad. salsaparil. ℥ij.*
ras. lign. guajaco ℥vj.
Macerentur horis xxv in aq. pura ℔iij.
postea f. decoct: sub finem addendo
Herb. chamæpit.
salv. rosmar. āā mß.
Colatura detur usui.

Topicum denique præstabit sequens.

℞. *Aq. stillat. fœnic.**euphrag.**Regina Hungar. ā ʒij.**Spir. salis ammon. gut. xxx.**Camphoræ gr. vj.**M. F. Collyrium.*

Quo tangendi sunt oculi, cujusque portio quædam iis instillari poterit. Video equidem scriptores continui oculorum motus, cui nomen *Hippos*, non nisi perfunctorie meminisse, existimant autem recentiores quidam non solum contra veterum auctoritatem, sed & reclamante veritate, vitium hoc in palpebris locum habere, vitiatumque earum esse motum, quia, uti contendunt, hæ inordinato clauduntur, aperiunturque modo, ac quasi tremere videntur; Sed vehementer hac in re falluntur, illud enim, de quo ipsi, vitium *Nictatio* dicitur.

Nec provenit *Hippos* ex malâ quadam corporis constitutione, aut humorum quodam ad oculum affluxu, verum connatum, & naturale quoddam non palpebrarum, sed ipsorum oculorum malum est. Tradit *Riolanus* Pater se hoc vitii non in oculi bulbo, sed in pupillâ tantum vidisse. Tremulus ille pupillæ motus haud dubie in tunicâ uveâ fuit, quid enim, quæso, aliud tam notabiliter in oculo tremeret? Provenit autem ille ex ligamento ciliari, quod recurrens multa, eaque tenuia filamenta, sive fibrillas in-

star

star tinearum quarundam nigrarum, pilis cili-
 orum similium de se spargit, quibus pupillæ di-
 latatio, & contractio efficitur.

Verum quidem est ejusmodi continuum mo-
 tum oculo nonnunquam à flatibus oriri, eo au-
 tem casu non diu continuatur, diciturque illa
 species potius palpitatio: nonnunquam & à con-
 vulsione provenit, vel etiam ex terrore, irâve:
 posterioribus autem casibus natus oculorum tre-
 mor *Hippos* dici nequit, quia *Galenus comm: 2*
sect. 21 in prognost. Hippocr. vitium illud ocul-
 lorum assimilat connato cuidam dentium strido-
 ri, unde non morbum quendam, sed velut in-
 genitum quoddam malum esse patet, idque tan-
 to magis liquet, quia nemo de mali hujus cura-
 tione quicquam nunquam in medium protulit,
 mentionemve fecit.

Quod si tamen cuiquam hujusmodi post na-
 tivitatem vitium suboriat, consultum dicit
P. Aegineta libr. 3. ut instrumentum aliquod
 oculis efformetur, quo non nisi per parvum quod-
 dam foramen conspiciant, ut ita cogantur recte
 prospicere, quantumque fieri potest, immobi-
 les, constantesque maneant. Quidam vero hoc
 malo laborantium oculos deligandos censent, ita
 ut per temporis aliquantum occæcentur non-
 nunquam iterum resolvendi.

OBSERVATIO XI.

Aranea aure contenta.

QUot, quantisque malis humana corpora tam internis, quam externis, exiguæ quandoque premant, obruantque causæ, evidenter demonstrat, quod referre aggredior.

In *Michaëlis Digbaucher* die 30 Decemb. anno 1682. sub recto quodam nudo capite operantis aurem aranea quædam coloris fusci, magnitudinisque, qualem exhibet Tab. 1. Fig. 2. ad litteram A. irrepsit, quæ ipsum adeo torfit, ut non parum anxius, quò eam eximeret, omnem moveret lapidem. Trium autem Chirurgorum ope necquicquam imploratâ, tandem ad Medicum, Chirurgumque nostrum *Cornelium Solingium* itur, qui, licet speculo, sive instrumento dilatatorio, cavitate auris ampliata, araneam conspiciere non potuit. Capitem tamen inimicum, hominem tam misere cruciantem, post quinque horarum moras, discedere coëgit.

tenui

tenui quodam, planoque, ac lapidilli in morem efformato cochleari usus. Animadvertebatur autem circa Aranearum illico post extractionem extinctam nonnihil saniei, cujus reliquiis exemptis, *Solinguus* auri *Arcae* balsamum cum Peruviano, & oleo hyperici, gummi-que elemmi mixtum instillavit, cujus virium effectus tanti fuere, ut, *Michaël* postridie optime se habens, lætusque non sine gratiarum actione à Medico discesserit.

IN OBSERVATIONEM XI.

COntingit nonnunquam, ut viva quædam in hominum, præsertim dormientium, aures irrepant insecta; ut vermiculi, muscæ, culices, erucæ, curculiones, aliaque similia, quæ, si diu ibidem hospitantur, gravium admodum, ut post dicetur, accidentium causæ sunt.

De curculione intra aurem contento loquitur *Trincavellus lib. 4. cap. 6. de ratione curandi part. hum. corp. affect.*

Andr. Cnoëffelius miscell. med. phys. curios. decur. 1. an. 4. obs. 50. fol. 44. exemplum Rustici cujusdam dat, qui aliquando penes fornacem in scamno sopitus gryllum in aurem ingredien-

dientem non senferat, quem tamen expergefactus ex immenfo, ut dicebat, clamore, & volutatione ftatim percipiebat. Hic autem pene ad infaniam redactus illum neutiquam interimere, vel eximere poterat. Tandem ei *Cnoëffelius* confultus fuafit, ut fcorpionis oleum in aurem infunderet. Ille quidem paruit, at fruftra. Jufit itaque, ut vivum adduceret gryllum: allatum oleo olivarum mersit, unde mox interiit. Hujus olei cum duodecim fere guttæ in aurem laborantis immitterentur, paulo poft gryllus deficere cœpit; inter moriendum tamen retrogradum quafi motum repentis infecti fenfit rufticus, & fruftatim deinde cum multo pure gryllus ex aure prodiit, atque ille quidem convaluit.

Verum infelicioꝝ multo erat, uxor Sacerdotis cujufdam, in cujus aurem, referente *Samuele Ledelio ephem. german. decur. 2. an. obf. 39. fol. 69.* etiam gryllus irrepferat, unde poft fruftranea multa remedia, horrendis doloribus excruciatâ tandem vivere defuit.

Joh. Georg. Volkamerus mifcell. med. phyf. curiof. an. 3. obf. 166. fol. 480. puellæ cujufdam, annorum 18. mentionem facit, cui laboribus defatigatæ, ac in prato decumbenti, dormientique vermiculus rotundus mediî auricularis digiti longitudine, lumbricum craffitie adæquans, aurem fubintraverit dextram, paulatimque rodendo in ifrontem afcenderit, ibique per quatuor hebdomadas hofpitatus incommoda puellæ pepe-

94 OBSERVAT. RARIORUM
pepererit quamplurima? Undique ergo ope,
consilioque implorato, sine successu tamen,
tandem jussit Pharmacopæus quidam, ut in au-
respuellæ, reclinato capite, oleum juniperinum
immitteretur, quo aliquoties immisso, duo
ejecti fuere vermiculi minores, ac albi, prio-
ris haud dubie suboles. Post ulteriorem illius
olei infusionem tandem & eorum genitrix rubei
coloris, enectaque comparuit, subsequente in-
tolerabili circa frontem dolore, qui suffitu gum-
mi ammoniaci post saniei foetentis effluxum so-
pitus fuit.

Nonnunquam etiam muscæ, culices, aliud-
que insectorum genus, uti modo dictum, in-
tra aures se confert, quod motibus reciprocis
magnam vim inferendo multa producit miseris
incommoda:

Narrat etiam *Volkamerus* loco eodem ad sese
aliquando accessisse vetulam, quæ ante annos
viginti, cum incautius molem graminis capiti
impositam gestasset, fessa linteamini istius sarcina-
æ infectis scatenti capiti supposito obdormive-
rat, cujusque in aurem dextram forbicinæ in-
terea, quas vermes auriculares, *Ooz-wormen*,
dicimus, irreperant, quarum una chirurgi ope
fuit extracta, relictis aliis, quas elicere, vel so-
lertissimi tunc temporis Medici nequivere. Huc-
usque immensa earum copia cerebrum inter, &
cranium commorata, indiesque immensior red-
dita, ærumnosam miseræ vitam reddebat, ut,
hac

hac illac repentibus infectis, dolorem tam in manuum, quam in pedum extremis sentiret. Quod si caput, inquit, *Volkamerus*, hinc inde moveret, interiora capitis crepitare adstantes non obscure audiebant. Huic vero, utut auxilio esse annitebar, incassum tamen omnes nostri abiere conatus. Balsamum sulphuris therebinthinatum auribus ejus immisi at præter unicam, sed enectam, non potui elicere, infectum enim ilud meatus auditorios longo satis tempore obvallasse vero admodum fuit simile. Fumi gum. Ammon. crebro usu mire delectabatur vetula, dum ad exitum accurrere forbicinas semper observasset: Cum igitur nullum superesse videret fœmina auxilium, ad extremum vitæ terminum tolerare hoc malum decrevit rogitans saltem, ut exantlatis tandem istis ærumnis, calvaria ejus aperiretur, ut, quæ ex tanto infestorum hospitum grege tormenta fuisset perpeffa, omnibus innotesceret.

Evenire quoque potest, ut vermes in ulceribus quibusdam aurium intus crescant, & producantur.

Ita *Valescus de Taranta lib. 4. cap. 30.* se vidisse refert tres, quatuorve vermes figurâ nucleorum pini, quamvis hisce nonnihil majores, qui ex auribus Juvenis cujusdam vehementiori febre afflicti prodierant, post quorum exitum Juvenis convaluerat.

Non dissimile est, quod habet *Arnoldus de Vil-*

Villanova cap: 32. lib. 3. Montanus consil: 39; Solenander Consil: 15. Fernelius lib. 6. pathol: cap. 10. Zacut. Lusitan: prax: admir: lib: 1. obs: 63. fol. 51. nec non Carol: Raygerus miscell: med. phys: decur. 1. ann, 5. obs: 5. fol: 7.

Henr. à Moirichen obs. 16. vidit Romæ vermes ex auribus eâ magnitudine, qua in nucibus reperiri solent, prodeuntes, quorum aliqui, infusis in aurem spiritus vini aliquot guttis, continuo versus exteriores ejus partes serpere visi sunt, qui vossella arrepti, cæterique asperso Mercurii sublimati dulcis pulvere enecti fuere.

Antho. Stadlender, Chirurgus civitatis Thorunensis in Borussîâ è puelli cujusdam aure vermem eduxit iis plane similem, qui ex perforatis prodire solent nucibus, sed nonnihil majorem, coloris valde candidi; narratque idem se quinque similes ex alterius cujusdam aure extraxisse, sed minores paulo, qui nullis, excepto spiritu vini, remediis potuerint necari: refertque Simon Schultzius miscell: med: phys: curios. decur: 1. ann: 2. obs: 24. fol: 43. se eosdem etiamnum viventes conspexisse.

Christoph: Mientzelius Ephem: Germ: decur: 2. an: 2. obs: 57. fol. 95. se ex aure cujusdam misere ejulantis rustici dextrâ an. 1672. magna cum molestia octo albicantis coloris vermes extraxisse refert. Quod malum rustico illi (uti postea exposuit) ab exulceratione auris dextræ provenerat, in quam muscæ, cum sub dio, æstate, capite

CENT. POST. PARS PRIOR. OBS. XI. 97
nudo, dormiret, sua spermata, & fætus egerant.

Præter infecta, alia etiam quandoque seu casu quodam, sive per petulantiam illabuntur in aures. Ita refert *G. Fabrit: Hildanus centur: 1. obs: 4. fol. 15.* de globulo quodam vitreo pisi magnitudinem non excedente, cujusmodi virguncularum constituunt brachialia, qui insinuat-
us fuerat in concavum auris sinistræ puellæ cu-
jusdam 10. annorum, unde gravia sequebantur
symptomata; dolor videlicet in capitis parte si-
nistra, stupores usque ad pollicem, & indicem
progredientes ad lumbos usque, tibiam, & pe-
dem: imo totum latus sinistrum continuis stu-
poribus languebat, sequebanturque convulsio-
nes, tussis sicca, &c.

Qui globulus, postquam aliquot ibi hæsisset
annos, quatuorque necquicquam in auxilium
advocati fuissent diversis temporibus Medici,
ipse tandem *Hildanus* globulum feliciter (etiam-
si profundius prope tympanum sordibus firmissi-
me adhæreret) sine ullâ violentia, instrumento
quodam eum in finem adaptato extraxit.

Admiranda vero est historia illa, quam tra-
dit *Marcellus Donatus de hist: med: mirabili*
lib. 2. cap. 12. fol. 219. de nobili puero, qui
dum aliis consociis, quibuscum lusus agebat, se
joculariæ artis peritum ostendere vellet, arreptis
ceraforum nucleis binis, ex dextra aure ad si-
nistram manuum dexteritate ut pervolarent, se
factu-

facturum prædicabat, quod dum exequi parat ita illorum alterum in intimiorem auris partem indidit, ut nullo unquam ingenio à medicis, astantibusve extrahi valuerit, qui id non semel pertentassent; non levem enim illi cerasi nucleus noxam inferebat. Quare toto negotio naturæ derelicto, post multos dies plurima humiditate madente aure, is germinare coepit, germenque prodiit, quod jam conspicuum tenaculis leviter arreptum altera nuclei pars germi adhærens insequuta, altera vero (nam in binas scissus erat) haud difficile extracta est.

Idem haud dissimilem subnectit historiam de femine ex Anagyride (vulgo Venetis *Karobe*) quod cum intra *Joh. Maria Bonardi* aurem forte fortuna incidisset, ipseque illud extrahere pertentaret, penitus impulit. Quare dolore excitato valde urgente, concitata fluxio, apostemaque genitum, quod per plures menses misellum hominem afflixit, donec tandem germinans semen prominente germine extractum esset, sicque medicamentis opportunis rite ulcere curato convaluisset:

Si insectum aliquod forte vel in aurem irrepserit, vel intus productum fuerit, curandum quantocius est ut eximatur, vel ad minimum enecetur, siquidem *Rhases* dicat, si diu ibi permanferit (præsertim quando simul maligna pollet qualitate) non atroces tantum inde exoriri dolores, inflammationes, hæcque sequentia ul-

C. cera,

cera, sed nonnunquam & convulsiones, aliaque accidentia, qualia ex adducto *Hildani* exemplo demonstravimus. Idem & confirmat *Hippocrates* 3. *prognost.* 13. & *Galenus comm*: Hujusmodi vero symptomata proveniunt, quia cavum auris propter membranam circumcingentem sensibile est admodum, ac nervosum, fibrillisque multis nervosis intertextum, quas à quinto pari nervorum auditoriorum, ut & à secundo pari vertebrarum recipit, ita ut verissime dicere queamus nullam in universo corpore humano reperiri membranam, quæ respectu magnitudinis pluribus gaudeat nervis: adde, quod & auris cavitas non ad duram tantum extendatur matrem, sed & nervum auditorium attingat, qui (juxta opinionem *Galenii in calce lib. 6. meth: med:*) à cerebro in illam cavitatem descendit, ita ut dubitandum non sit, quin cerebrum, nervique ipso queant affligi. Ideoque recte existimavit *Celsus* majus esse circa aurium, quam oculorum vitia periculum; propter humorum enim affluxum à dolore proveniente tympanum tandem corrumpitur, unde surdita: nec non, accedente exulceratione, auris ossis caries, vel alias fungus, sive caro luxurians, & spuria, teste *G. Fabrit: Hildano*, centur: 3. obs: 1. fol: 183, nascitur.

Instrumenta ad extractionem rerum in aures illasfarum apprime utilia descripsit *G: Fabrit: Hild:* centur: 1. obs: 4, ac figuris expressit.

Quod vero ad vivorum insectorum enecationes attinet, maximam partem adductis exemplis elucescit. Omnibus autem usurpatis *Galenus* sulphur calce, & melle subactum, ac cum aceto auri instillatum laudat. Extinguuntur & vermes succo absynthii, centauri, felle brutorum, fumo sulphuris, aut gum: Ammon: per infundibulum in aurem immisso, nec non spiritu vini, ut modo dictum, quamvis *D. Du Verney* part: 3. de auditus organo fol: 37. omnibus præferat crassa, & oleosa, siquidem, ut ait, talia occludant insectorum oscula, sicque eadem suffocent.

Nonnulli viva insecta allicere conantur dulcibus externe applicitis, vel etiam in aurem immixtis v: gr: dulci malo assato, calidoque, ac dissecto imposito, vel medullâ ejusdem cum melle, vel saccharo cum melle mixto, tepidoque in aurem intruso. Alii turundam illinunt therebinthinâ, filoque alligatam profunde in aurem, ut eidem adhæreant insecta, injiciunt.

OBSERVATIO XII.

Spasmus oris, cynicus perperam dictus.

Quam incaute puerperæ quædam nonnunquam frigido sese exponant aeri, nec leve incurrant morborum peri-

CENT. POST. PARS PRIOR. OBS. XII. 101
riculum, sæpiusque in eisdem incidant,
experientia satis monstrat. Exemplo
nobis erit Uxor *N. Verboom* futoris Ha-
giensis. Hæc decimo quarto puerpe-
rii die, quamquam temere admodum,
& imprudenter, initio Decembris 1683
ad templum sese contulit Deo propter
felicem partum gratias actura: verum
brevis post spasmo corripiebatur oris à
sinistra parte versus dextram, ita ut
(vitium namque erat valde molestum)
me illico ea de re consuluerit; ego ita-
que omnibus rite perpensis, tertiâ à
puerperio hebdomada lenè quoddam
præscripsi purgans, partemque affectam
unguento nervino ungi jussi: cucurbitu-
las etiam cervici, emplastrumque pha-
gedænicum pone aurem sinistram admo-
veri præcepi: Addidi & sternutatoria,
decoctumque ex ligno guajaci, falsa pa-
rilla, & sassafras: cui sub finem decoct.
addebantur herb. Chamæp. prim. veris,
& beton., ac denique sequenti usa fuit re-
medio.

℞. Fol: lauri:

rutæ:

rorism:

G 3

ma-

majoran: āā Mj℥.

Flor: stachad:

Salvia

lavend: āā Mj.

Coq: ex aq: comm: s: a: ad ℥iij.

Hoc gargarismate usa est, partemque affectam fovit, ad cerebrum autem cum nervis corroborandum sequens datum fuit Electuarium.

℞. Conserv: flor: rosmar:

salvia ā ℥j℥.

Nuc: mosch. conditæ: ℥j.

Syr: de stoechade q: s:

M. F. Electuarium

Sicque hac Methodo, Divina favente gratia, intra tres hebdomadas isto incommodo fuit liberata.

IN OBSERVATIONEM XII.

Hic affectus *Celso lib. 4. cap. 2.* aliisque à similitudine torturæ oris *Spasmus Cynicus* nuncupatur. Tortura autem, sive distorsio oris, cum generalior sit vox, multiplex est; omnibus enim illa oris distorsionibus convenit, etiamsi ea ut plurimum vel ex paralyfi, vel alterutrius tantum lateris oriatur spasmus, testibus

bus *Galeno 4 de loc: aff: cap: 2 Avicenna fen: 2 tr: 3 cap. 15*, aliisque eorum sectatoribus : Verum *spasmus Cynicus*, proprieque dictus, utriusque lateris spasmus est, unde & nomen habet, utpote canino rictui simillimus : Hunc enim quilibet non exprimit oris spasmus, quare *Felix* etiam *Platerus* illam tantum oris distortionem spasmum cynicum dicit, quo labra una cum buccâ utrinque distorquentur, expandunturque, quale exemplum idem habet *obs: lib: 1 pag: 130*, quo tota tremebat bucca tam sursum, quam deorsum tracta.

Ita ut illa distortio, quæ ab alterius faciei partis musculorum paralyfi provenit (quali affecta fuit illa, de quâ nostra observatio) revera spasmus Cynicus dici nequeat, siquidem paralyfis nequeat esse spasmus, etiamsi hæc duo promiscue sæpe sumantur.

Exstitisse autem paralyfin musculorum faciei sinistrae partis uxoris *N: Verboom* flacciditas, mollitiesque, & doloris insuper absentia, nec non sensus in eodem latere imminutio abunde indicarunt; Hæc autem haud dubie illâ in parte ab obstructione nervorum illac excurrentium ex pari gustatorio orta fuit, cui viscosus, atque externo frigore condensatus humor, qui cavitatem illorum nervorum opplevit, transitumque spirituum ad musculos impedivit, causam dedit; unde cum sinistrae partis muscoli moveri non possent, antagonista alterius lateris interim mu-

nus suum obire non cessantes, nullamque ab alterâ parte resistantiam invenientes maxillam ita detorsere.

Huc accedebat, quod rite manducare non posset, labiis male junctis. Oculorum quoque alter minus recte connivebat. Dein non nisi in uno tantum latere efflare, aut exspuere valebat salivam sponte ex ore profluentem. Hanc autem functionum cessionem ortam crediderim, quod læsæ partes, ramis, quos à pari nervorum, Veteribus tertio, nanciscuntur, obstructis, adeoque denegato spirituum influxu, muneri obeundo impares factæ fuerint.

De eorundem musculorum paralyfi, hancque insequentis oris alterius partis distortionis lege sis *Hippocrat: 2. epidem. sect: 2. circa finem.*

Curationem autem hujusce mali ex catarrhis, & coryzâ oriundi *Ephemerid. Germ: ann. 3 obs: 332 fol: 544*, nec non *Balthas: Timæus lib. 1 cap: 39. fol: 72.* dabunt.

OBSERVATIO XIII.

Labii Pseudo - Cancer.

Singulas corporis nostri partes invadere posse cancrum jam olim *Galenus lib. 2. ad Glaucon: cap. 10, & lib. introd. 16* docuit. Sæpe numero tamen contingit,

CENT. POST. PARS PRIOR. OBS. XIII. 105
git, ut nonnulli se cancos sustulisse
glorientur, cum ne simile quidem illis
malum fuisset. Unde non famam tan-
tum, laudemque inter plebejos affectant,
sed & plus aliis sapere videri volunt,
ægrosque non raro decipiunt.

Muliercula quædam gravida, nec æta-
te provecta 22 Aprilis 1682, meum im-
ploravit auxilium, cujus labii inferio-
ris parvum tumorem, minorisque fabæ
magnitudinem non nihil excedentem,
cæruleique coloris, ac quibusdam can-
crum habitum secabat Medicus, Chirur-
gusque *Corn. Solingius*.

In dissectione, quæ crasso fiebat for-
cipe, è tumore, præter viscosum, len-
tumque quendam humorem, nihil om-
nino profluere animadvertimus, qui,
(ut optime notat *Job: Mekeranus obs. med.*
Chirurg. cap. 12) commordentibus labium
dentibus, in læsam quandam glandu-
lam (qualibus infimum labium, nec non
aliæ oris abundant partes) juxta arte-
riolam quandam effusus, commodo
exitu negato, stagnavit, unde glandula
magis, magisque intumescens quicquid
hoc est vitii (*Mekerano* belgicè *een Lip-
knoop*)

106 OBSERVAT. RARIORUM
knoop) produxit. Tumore itaque sublato, Hungarico supprimebatur sanguinis affluvium vitriolo, nec non lapide hæmatitide, ac postridie in partem affectam, syrupus è ros. sic. illinebatur, unde brevi percuratum vulnus. Scribit idem *Mekranus* se vesiculas illas pituitosas forcipe dissectas melle rosar., spirituque vini exsicasse, & sanasse, quamvis & fateatur, non obstante earum apertione, nec non juxta dictam methodum sanatione, duritiem quandam nihilominus remansisse, quæ allusione dentium dolorem sæpenumero, loquendique difficultatem ciens excidenda fuerit eo modo, quem *obs. cap. 12. fol. 108* describit.

IN OBSERVATIONEM XIII.

Non diffiteor equidem veros etiam cancos ipsis obvenire posse labiis, utpote fungosâ constantibus, glandulosâque, ac plurimis, obnoxia incommodis substantiâ, unde facilius (præsertim si corporum sint minus recte temperatorum) cancer supervenit.

Ut autem certa sitejussmodi tumorum cognitio, sciaturque, maligne sint, an secus, signa adscribam diagnostica.

Par-

Parvus quidem labii tumor, coloris cærulei, tactuque mollis, cancer dici nequit, verum si color iste cæruleus sit magis plumbeus, aterve, & tumor tactu durus, solidus, & renitens, malignus evadit, atque cancrofus quem eo casu tempestive forcipe auferre satius est.

De extirpationibus, methodoque tumores illos excidendi consulatur *Paræus lib. 6. cap. 29*, ut & *Corn. Solingius Operat. Manual. Chirurg. cap. 36. fol. 75.*

In infantum labiis alia nonnunquam exulcerationum malignarum species provenit, quæ cavæ, duræque, nec sine dolore nigricantes, & fœtentes, subitoque proserpentes à Scorbuto plerumque, adeoque à male constitutâ salivâ oriuntur, nostratibus *Water-Hankers*. Quæ vitia ego sæpe absque notabili molestiâ, corporibus scilicet prius rite præparatis, hac mixturâ sustuli.

℞. *Mellis rosar.* ℥j.

Ægyptiaci ℥ij.

Ol: vitrioli gutt: aliquot.

Misce.

Hoc remedio imbuto penicillo ulcera tangi jussi, sicque intra paucos dies sanavi.

Descripsit & hoc Malum *Arnoldus Boëtius obs: Med: de omissis, & non descriptis morbis cap: 19*, vocaturque ei *Cheilocace*, Anglis *Mouth-Hanker* / sive *Hanker of the Mouth*; Hoc

Hoc autem malum in Anglia, Hybernique grassari admodum, sæpiusque instar luis cujusdam epidemicæ multos simul infantes, intactis adultis, invadere ait. Illud autem si initio negligatur, nec bene curetur, malignum, ac non tantum curatu difficile, sed & insanabile evadit; malignitas enim proserpens miseros infantes lentâ quasi tæbe rapit, enecatque.

Oris cancrum, sive ulcus *Nome* à corrodente quodam humore pueris ortum, *Ioh: Muys Prax. Chirurg: ration: decur. 2. obs. 10. fol. 39.* satis feliciter hoc unguento se sanasse refert.

℞. Theriacæ ℥ij ℞.

Vng: Egypt: ℥iss.

Gum: lacca

Spir: sal: ammon: ā ℥ij.

Cochlear: ℥ij.

M: F: Unguentum.

Quo, cum spiritus vini nonnihil addidisset, partem exulceratam sexies uno die abluit, posteaque linthea carpta hoc medicamine imbuta parti laboranti admovit, atque ita brevicationem absolvit.

OBSERVATIO XIV.

Hydrocephalus.

QUamvis in ventre ut plurimum sese manifestat Hydrops, eum tamen in omnibus fere corporis partibus nasci posse experimur. Præter abdominis enim hydropem, five ascitem, pectoris etiam datur hydrops, capitisque, ac testiculorum, tam virilium quam muliebrium, nec internis tantum, sed & in externis corporis partibus, cujus veritatem demonstrabo *obs.* 28. hîc loci saltem acturus de hydrocephalo, quem mihi videre licuit 4. Decembr. an. 1685. in filiolo Chirurgi cujusdam Hagiensis bimulo, cujus caput latitudinem adulti capitis multum excedebat, hoc enim totum ambiens, à syncipite videlicet ad occiput, linteum tres spithamas, five ulnam longitudine æquabat.

Infans ille, sano quamvis, & bene disposito corpore in lucem editus, sexto demum mense quodam correptus fuit morbo, à quo usque tempore caput


110 OBSERVAT. RARIORUM.
put primo increfcere, vifufque fenfim
imminui cœpit tandem omnino sub-
latus.


Delineationem hydrocephali hujus
dabit Tabula 2 cujus literæ A: B: C: di-
ftentum denotant cranium, unà cum
fubjecto cerebro, & D: aperturam non-
dum occlufi cranii.

IN OBSERVATIONEM XIV.

Q Uemadmodum diverfus admodum eft ab-
dominis hydrops, ita etiam hydrocephalus,
qui tam partium capitis aqua diftentarum,
quam caufarum intuitu multiplex eft. Collectio
enim aquarum contingit, vel in toto capite vel in
aliqua parte, fiquidem nonnunquam in externis
tantum advertatur partibus, inter cutem vide-
licet, & pericranium, vel inter pericranium,
ac cranium, quandoque & internis tantum par-
tibus inter cranium, & meninges, inter dupli-
caturam duræ meningis, falcisve, vel ipfas inter
cerebri membranas, aut inter piam matrem, &
cerebrum, imo aliquando in dimidia tantum ca-
pitis parte, interdumque fimul tam in internis,
quam externis.

Atteftante *Vefalio lib. 1. de humani corp. Fa-
brica cap. 5. Ut & Fabrit: Hildano centur. 1.
obf. 10. in ipfa interdum cerebri cavitate repe-
ri-*





ritur aquæ quantitas, hydrocephali sæpius causa.

Dionys. vander Sterre tract. de partu fol. 168. se duos hydropes in embryonum partibus caput exterioribus vidisse narrat, è quibus, aperta tantum cute, aqua profluxerit.

Similis rei mentionem facit *Carolus Pifo de morb. à serosa colluvie sect 2. part. 1. c. 1. fol. 49.* Puella, inquit, cuidam frons, palpebraque supra admirationem tuebant adeo depressæ, & conniventes, ut eas tollere, oculosve aperire nequaquam posset: sed & calanticam, sive redimiculum capitis abjicere à me jussa, universam pariter caput immaniter turgidum conspicatus, in eodem sepicule manu contrectato mollitiem deprehendo insignem, & humorem sub cute fluctuantem, qui tactum subterfugiens quidem, sed mox refluens, recurrensque evidenter se prodederet. Hoc malum, cum ad menstruam purgationem, hætenus omnino suppressam, tum ob assiduam sub Sole moram, cui ejus loci incola maximam vitæ in hortorum, vitiumque cultu transigentes vivunt obnoxii, ortum fuisse autumo.

Non multum differt quod habet *Epiphani: Ferdin: hist. 21. fol. 66. & Joh: Baptist: à Lamzweerde append. obs. ad armament. chirurg. obs. 33. fol. 253.*

Henr. Regius Prax. med. cap. 13. fol 57. Pueri meminit trimuli, cujus caput contactum molle erat, & digitis pressum subsidebat in fossulas, radiisque Solis, vel candelæ expositum pellucebat;

bat; quamvis ille judicaverit malum intus in cerebro latuisse, quia puer sensibus erat stupidioribus, & somnolentus, reliquo corpore, licet sufficienti cibo, potuque frueretur, macilentus, pallidusque.

Credidit *Riolanus* humorem in externis hydrocephalis transire ad cerebri ventriculos, verum *Joh. Jacob. Wepferus exercitat. de Apoplexia fol. 62.* statuit ipsum non primo externe congregari, posteaque versus interiora prorurere, sed vice versa originem habere in cerebri ventriculis, interdumque versus exteriora adeo expelli, ut ibidem animadverti queat.

Andr. Vesalius lib. 1. cap. 5. de non exiguo agens hydrocephalo humorem non nisi in cerebri ventriculis reperiri ait.

Humorem illum omnium primo in iis provenire ventriculis *G. Fabrit. Hildan. etiam cent. 3. obs. 17.* scribit: alias enim (inquit) nonnullæ post mortem viæ reperirentur, per quas ille è partibus externis deductus fuisset ad cerebri ventriculos, quas tamen, etiamsi diligenter indagaret, reperire non potuit.

Zacutus Lusitanus prax. adm. lib. 1. obs. 5. humorem invenit inter duplicaturam duræ meningis. *Theoph. Bonetus Anatom: pract. lib. 1. sect. 2. obs. 45. fol. 112.* ejusmodi liquorem lymphaticum à Chirurgo *Baylly* non tantum inter duram meningem, & cranium, sed & in falce, & duræ meningis duplicatura, ad quinque circiter

citer libras Medicas repertum fuisse refert.

Expertiff: Steph: Blankardus collect: phys: med: cent: 1. obs: 73 fol. 65. se in septem mensium abortu inter duram, & piarn matrem magnam aquæ sanguineæ latentem quantitatem animadvertisse memorat, cujus forsan causa, ut ait, fuerit præcedens matris lapsus: cerebrum autem ejus molle, & aquosum erat.

Ioh. Iacob. Wepferus exercitat. de Apoplexia hist. 13. fol. 376 & hist 14. fol. 398. se non cavitates tantum cerebri, sed & locum illum inter duas meninges plerumque vacuum sero repleta invenisse narrat.

G: Fallopius obs. à Francisco Michino edit. indicat se intra pueri cujusdam sexennis piarn matrem, & cerebrum, ut & inter hujus gyros aquam conspexisse,

Andr: Vesalius lib: 1. de hum: corp: fabrica, bimulæ puellæ meminit, in cujus cerebri ventriculis septem mensium spatio novem aquæ libræ collectæ fuerint. Quamvis autem cerebrum ejus juxta verticem ita pressum, & in se contractum reperiretur, ut membranam aliquam crassio rem referret, & genuinæ cerebri membranæ sibi adeo essent contiguæ, ut unum, idemque corpus viderentur, cerebellum nihilo secius, ejusque basis, & nervorum processus naturaliter se habebant, quare puellæ ad finem usque vitæ mens sana fuit.

G: Fabrici: Hildanus centur: 1. obs: 10. fol: 19.

pueri cujusdam mentionem facit, cui caput in tantam excreverat molem, ut ejus rotunditas ulnam, & quartam ejus partem, altitudo autem ab aure ad aurem totidem æquaret longitudine, Is autem non ita natus fuerat; sed cum septimum ætatis mensem vix attigisset, caput mirum in modum ei tumescere cœperat, Intra triginta autem menses paulatim ad dictam magnitudinem excreverat, unde puer in lethargum inciderat, nec ita diu post obierat. Dissecto cranio in duobus anterioribus cerebri ventriculis aqua crystallo lucidior ad libras Colonienfes 18 apparuit. Hæc autem non ventriculos tantum, sed & substantiam cerebri distendebat, ita ut totum cerebrum (cerebellum excipit *Hildanus*) in sacculum extenderetur, unde circumvolutiones, gyrove cerebri, turgentibus omnibus, non apparuere. Dura, & pia matres integræ erant, atque ita dilatatæ, ut totum cerebrum cooperirent: cranium similiter dilatatum erat, sed passim membranofum potius, quam osseum, nec reperiabantur meatus, per quos serofus ille humor ad caput delatus fuerat, quantumvis accurate dispicerentur omnia.

Cur autem, dicet quispiam, hoc, quicquid est liquoris, in cerebri ventriculis Apoplexiam non producit?

Resp. Quia aliquo modo est spirituosa respectu aliarum aquarum, & coagulationis expers, adde quod sensim in cerebro colligatur, & non subito,
sen-

sensim enim ibi collecta sensim quoque poros,
 tubulosque cerebri dilatat, & non comprimit,
 vel obstruit; ut quidem fieret, si uno impetu
 fuisset collecta. *Idem Hildanus centur. 4. obs. 10.*
fol. 294. pueri cujusdam quintum ætatis annum
 nondum prætergressi meminit, cujus capitis cir-
 cumferentia continebat pedes Geometricos duos,
 cum sesquipede, & pollice, altitudoque eadem
 erat: cranium utcunque durum erat, & non nisi
 quibusdam locis membranofum: reliquæ vero
 corporis partes proportionem pueri ejus ætatis
 observabant, non ita, ut hydrocephalorum solent
 esse corpora, extenuatæ. Ingenio puer stupi-
 dus admodum erat, visu, audituque, nec non
 loquela destitutus. Id vero malum ex eo pro-
 venerat, quod circa annum ætatis suæ primum
 morbo laborasset gravissimo, & acuto.

N. Tulpius obs. med. lib. 1. cap. 24. fol. 49,
 de puero memorat quinquenni è cujus capite post
 mortem eductæ fuerint quinque aquæ libræ, qui-
 bus effusis omnia adeo vacua apparuerint, ut ple-
 rique Medicorum præsentium, sed præpropere,
 hîc caput sine cerebro conspici judicaverint. Tale
 autem hydrocephali exemplum affert *Theod.*
Kerckring, obs. Anat. 46. fol. 102, & Zacut.
Lusit. prax. med. admir. lib. 1. At oculi acie il-
 luc penitus directâ satis perspicue liquebat non
 defuisse cerebrum, sed amissâ figurâ globosâ,
 formam convexi fornicis induisse, ut instar mem-
 branæ crassioris undique arcuata dissolutorum
 H 2 ossium

offium circumferentiæ adhæresceret; quali etiam modo se habuisse puellam *Andr. Vesalii*, de quâ loco adducto, idem affirmat.

Demonstravit Anno 1666. *D. Joh. Hornius* Anatom. Professor Leydenſis hydrocephalum pueri anni unius, è quo aquæ unicæ 36. hauriebantur. *Thom. Barthol. cent. 1. hist. 20. fol. 40.*, exemplum habet pueri quinquennis hydrocephalo laborantis, cui caput tantæ molis erat, ut tria adulatorum superarit, circumferentiâ ulnam æquans cum quadrante, duasque spithamas altum fronte ita elevatâ, ut oculorum orbitæ mediam faciei partem occupare viderentur. Suturae laxatæ omnes à summo capite ad occiput, & in utroque capitis latere. Nulla verba articulata proferre, nec ciborum quidquam manducare potuit, quia superior dentium series longe ab inferiori propendebat. Os perpetuo madebat ferro copioso affatim è capite profluente. Pedes sustinendo corpori impares erant. Hoc autem malum inde ortum arbitratur *Bartholin.* quod matri pauperculæ, quæ undecim sine labe tali pepererat liberos, quum hunc utero gereret, præter consuetum morem gravia omnia evenissent, uterusque adeo intumuerit, ut prono interram corpore progredi fuerit coacta.

Plura ejusmodi habent *M. Aurel. Severinus de noviss. obs. abscess. cap. 9. § 2. fol. mihi 183, Schenck. pag. 11 & 12, Paul. Ægin. lib. 6. cap. 3, Etius tetrab. 2. serm. 2. cap. 1, Philip. Ingrass.*
lib

lib. de tumor. præter naturam tr. I cap. I fol. 380.

Nonnunquam dimidiam tantum capitis partem occupat hic hydrops, cujus rei bina profert *N. Tulpius obs. Med. lib. I cap. 25 fol. 50.* liquorum, vel in dextro, vel in sinistro cerebri ventriculo hærentium, exempla: in quorum alterutro se ultra duas aquæ libras tam stricte uni isti parti inclusas vidisse ait, ut altera illæsa plane esset, & integra.

Differunt autem Hydrocephali ratione temporis, vetustatis, & magnitudinis. Nonnulli se ante partum in utero materno manifestant, sive ex imaginatione, sive lapsu matris, aut ipsius fætus incommodo intra uterum situ orti, vel etiam matre nimis crassis alimentis, aut fructibus, aliisve refrigerantibus utente, unde sanguis ejus nimis evadit crassus, & tardus, vel etiam, quando illa tempore graviditatis aliis obnoxia fuit morbis.

Baldwinus Ronssæus de extract. fetus cap. 23. Goudæ anno 1562 se puerum quendam vidisse Hydrocephalo laborantem scribit, cui mortuo in lucem prodeunti caput toto corpore fuerit gravius; cujusmodi plura extant apud *Helwigium obs. Phys. med. 3 fol. 9,* *Ioh. Lechel: ephem. German. decur. I. ann. I. pag. 138*, nec non *Steph. Blankardum collect. med. phys. ut & de morb. pueror fol. 208.*

Nonnulli post nativitatem demum serius, citiusve se manifestant Hydrocephali, quamvis ra-

rò, vel non adeo magni conspiciantur in illis, quorum crania jam omnino clausa sunt, quia ossa tunc solidiora evasere, & per consequens intus contento liquori non facile cedunt. Hujusmodi autem pueri prius obirent, quam semel occlusa crania dehiscerent; quamvis *G. Fabrit. Hildan. cent. 3. obs. 19* exemplum habeat juvenis cujusdam 18 annorum, cui monstruosum valde erat caput; rotunditas enim ejus duos pedes Geometricos, & pollices decem continebat, altitudo capitis ejusdem erat magnitudinis; reliquum corpus, imprimis pedes (qui contorti erant, & retracti) & crura extenuata erant; cranium autem non membranofum, ut plerumque Hydrocephalorum esse solet, sed durum, solidumque. Mente non usque adeo constabat: loquebatur tamen satis distincte, comedebat avide, & multum; sed mirum in modum ipsum à morbo epileptico vexari referebant Parentes. Caput vero accrescere inceperat tertio ætatis anno, cum morbo quodam liberatus esset acutiore.

P. Borellus hist. & obs. rar. centur. I obs. 38 fol. 43 de puellâ quadam 12 annos natâ narrat, quæ maximo continuoque verticis, futuræque coronalis diu laboraverat dolore, sine febris tamen, tumoreve, aut rubore, cuique remedia omnia utiliora incassum admovebantur, ita ut tandem mors finem miseriis, & doloribus ejus imposuerit. Aperto autem capite, abscessus

repertus fuit natibus, & infundibulo cerebri in-hærens, è quo aqua clarissima cum impetu ad libras duas exivit quasi è fonte scaturiens, & in altum profiliens: causa vero hujus mali fuerat, quod quinque, vel sex ante morbum mensibus scabiem capitis, sive achores passa à Monachis quibusdam male curata fuisset remediis repellentibus, frigidisque unguentis, unde caput refrigeratum, serositatesque in eo cumulatae fuerint.

Zacutus vidit hydrocephalum in puero decem annos nato.

Roget quispiam cur magis affectus ille in infantibus quam adultis observetur? Ratio est, quia tunicæ arteriarum iis sunt molliores, atque pori, tubulique angustiores, nec motus sanguinis tam efficax. Interim quoque pori arteriarum facilius dilatantur, & particulae crassiores in cerebrum deponuntur.

Quæritur autem, an & in brutis reperiantur hydrocephali? Eos in vitulis, bobus, vacisque observavit *Joh. Jacob. Wepferus exercit. de Apopl. fol. mihi 69, & Thom. Barthol. act. Hafn. rom. 1. pag. 249.* indicatque idem *Wepferus*, Colonos id animadvertere posse in brutis, quando in pratis vertigine corripuntur, testaturque se audisse apud *Subsylvanos* in Helvetia frequentem hunc boum esse morbum, ac se vertigine prodere. Addit & bubulcos esse, qui ipsi medeantur. Hi primo malleolo post cornua pul-

fant, ubi ex sono aliud vacuum spatium, ac vulgo sunt in craniis bubulis, percipiunt, eumque mox perterebrant, ac foramini pennam indunt, & attracto spiritu vesicas hujusmodi extrahunt. Si in superficie existat, prompte suctioni cedit, si autem profundior, & cerebro immersa sit, successu frustrantur. Ac tum quidem quanto-cyus bos mactandus est.

Idem hoc modo multa animalia curata fuisse ait, memoratque, quum juvenca in pascuis crebrius vertigine corripereetur, se mactatae caput, in quo causa mali latuerat, forte fortuna obtinuisse, quo aperto, ac cerebro denudato, sinistrum latus sub syncipite tumidius, & mollius reperisse; quod cum durius attrectasset, profiliisse aquam limpidissimam, faciemque ei conspurcantem. Post quod, inquit, tumor subsedit. Divulso autem cerebro ad corpus usque callosum, ventriculum sinistrum aperuit, invenitque vesicam tenerriam, totam anteriorem ejus partem occupantem, quam citra ulteriorem lacerationem integram extraxit, ovum gallinaceum magnitudine superantem. In ventriculo, verticem versus superius, & infra, asperitas leviuscula, ubi vesica annata erat, apparuit, ac si seminibus papaveris albi aspersus fuisset; Ventriculus autem sinister duplo major erat dextro in anteriore patte: superior ejus pars, & lateralis tempora versus, propter extensionem, tenuis vix cultelli dorsum æquavit: cætera omnia in cerebro sana erant.

Similem, at paulo minorem vesicam idem *Wepferus* in bovino cerebro, dextri ventriculi anteriori parti undique accretam se invenisse ait, in cujus fundo mucus instar sedimenti crassioris, atque candidi lapilli, tanquam cretæ friabiles, subsederant.

Si quis quærat, quo pacto liquor ille in cerebri cavitates perveniat: dicendum est, varias circa illud phænomenon occurrere considerationes, litemque adhuc sub judice esse.

Existimant *Riolanus*, *Regiusque* poros in dictis cavitatibus existere, humoremque illum à circumferentiâ cerebri ad punctum, hoc est, ad cerebri cavitates transire, hæc tamen opinio a *Wepfero* fol. 60. refutatur.

Thom. Bartholinus lib. 3. cap. 6. anatom. reform. negat ibidem poros esse conspicuos, & etiam si darentur, facillime, utpote minimi, obstruerentur, unde hic illic defectus in sensibus, aut etiam Apoplexia oriretur.

Statuunt alii malum hoc internè ex debili cerebri calore originem ducere, quia hoc valde refrigeratum, humectatumque nutrimentum suum debite præparare, humoresque ab infernis partibus allapsos sufficienter transpirare non potest.

Quidam autem arbitrantur vitium hoc externe à quadam violentiâ, lapsu, allisione, contusione, durâ, imperitâque obstetricum contrectatione in partu, vel alio quodam violentiori modo provenire, unde cerebrum puerorum lædatur, rum-

panturque lymphatica vascula, sicque magna tandem lymphæ colligatur copia, quâ nondum occlusum, tenerumque cranium sensim extendatur; unde etiam fiat (uti ajunt) ut morbus iste in pueris magis, quam adultis reperiatur.

Nonnulli etiam, vasis lymphaticis obstructis, hydrocephalum produci autumant, unde lymphæ, cessante circulatione, aquosi causa sit tumoris.

Nonnulli quoque opinantur aquam illam ex arterialium extremitatibus, vel etiam per modum transudationis ibidem colligi.

Hydrocephalus autem externus meo quidem judicio, quod tamen meliori nihil derogare opinioni velim, à superfluo plerumque quodam humore provenit, qui ex arterialium extremitatibus, vasisque lymphaticis procedit, vel propter illorum abundantiam, vel obstructionem, vel etiam tardiores sanguinis intra arterias motum à viscoso, crassoque humore sanguini mixto ortum, unde hic necessario minori vi in vasa lymphatica propellitur: quamvis etiam fieri possit, ut tenerum nec non porosum valde infantis caput ab aere frigido non bene defensum fuerit, unde humores in vasculis lymphaticis facilius condensantur, sicque ad motum evadunt ineptiores vasis ipsis magis, magisque intumescantibus.

Hydrocephalum hujusmodi externum provenire posse ab arterialium extremitatibus vel hinc magis patescit, quod tales hydrocephali non tan-

tantum à violentiâ, aliâve causâ externâ nascantur, sed & quod in iisdem limosa quædam, vel sanguinolenta, turbulentaque semper reperiatur lymphâ, cum tamen in internis hydrocephalis ea clara semper, & limpida appareat, hanc sententiam confirmat præter alios *Epiphan. Ferdinandus hist. 21. fol. 66.*

Si vero quisquam dubius roget, undenam contigerit, ut in cane *Richardi Loweri tract. de corde cap. 2. pag. 123.* ligatâ venâ jugulari, omnes suprasiti muscoli, & glandulæ liquido, pellucidoque repleti fuerint sero? Id forsân contigit, quia sanguine per ligatam venam jugularem versus inferiora non retrogradiente, sed in ipsâ arteria manente, per poros tunicarum arteriolarum, quæ in extremitatibus non duplices, sed simplices sunt, non nisi purum serum transcolatur; illarum enim arteriolarum textura transcolationi tenuis ejusmodi humoris satis idonea est.

Quantum autem ad internum attinet Hydrocephalum, lymphâ in cavitates cerebri, aliumve capitis locum eodem defertur modo, quo ille humor, qui in aliis corporis partibus producit hydropem, ut in tunicis viscera circumcingentibus, testiculis tam virilibus, quam fæminis, peritonæo &c., in quibus ultimis partibus multoties quidem centum, & quod excedit, aquæ libræ fuere repertæ.

Verosimile est hoc, quicquid est lymphæ, per arteriolas in glandulas cerebri corticales delatum, ibi-

ibidemque separatum per canaliculos (eodem plane modo, ac in renibus, aliisve corporis partibus humores sequestrantur) ad cerebrum deduci; estque hæc hydrocephali lymphæ ejusdem plane naturæ, cujus est illa, quæ in ventriculis cerebri sanorum hominum semper reperiri solet, quemadmodum abunde è sapore, & colore colligitur; qui humor naturaliter semper à subsequente novo inde propelli solet.

Verum quorsum ille, cavitatibus cerebri irrigatis, in sanis deferatur, an scilicet ad nasum, sive oculos, auresve, aut oris cavitatem, non adeo exploratum est.

Joh. Lechelius Ephem. German. decur. 2. an. 2. obs. 178. fol. 363. exemplum habet pueri masculi, cui recens nato caput hydrocephalo obsidebatur, cujusque non multo post mortui tota cerebri cortex non excedebat calami scriptorii crassitudinem, quo separato, loco ventriculorum offendisse se ait amplam quasi vesicam, limpidissimâ, & insipidâ aquâ repletam, quantitate uncias 50. excedente, neglectâ eâ, quam spongiæ, & linteamina imbiberant; effusâ autem hac, collapsi cerebri ventriculi manifesto docuere illam in utrumque ventriculum per corticis quosdam tubulos, à recentioribus Anatomicis passim descriptos destillasse, ac undique sui copiâ cerebri substantiam, cranium, pericraniumque extendisse, atque capiti illam deformitatem produxisse.

Fieri etiam potest, ut abscessus, five vesiculæ aquosæ in cavitatibus cerebri tam brutorum quam hominum repertæ primò ex aliis parvis vesiculis plexui choroideo annexis conflentur: quia glandulæ illæ tunc etiam tumidæ sunt, & induratae, quæ successu temporis ita accrescunt, dum, superfluous humor propter obstructionem revehi nequit. Ita *Willisus* glandulas illius plexus sæpe se vidisse testatur tumidas.

Scribit etiam *Franc: Sylvius disp. 4. §. 12.* se glandulas illas in solis morboſis reperisse; forsan quia tunc temporis superfluo humore tumefactæ melius conspici potuerint.

De glandulis hisce agit quoque *Wharton: Adenogr. cap. 24. fol. 142.* ut & *Theod. Kerckringius obs. 10 pag. 29* Testatur *D. Fred. Ruysch. Medicus, & Anatomicus Amstelodamensis expertissimus* se in dissectione cadaveris cujusdam fæminei glandulas copiosas magnitudine semimilii reperisse plexui illi annexas. *Joh. Jacob. Wepferus pag. 375.* se non cerebri tantum cavitates humore plenas, sed & ipsum plexum sanguinis fere expertem vidisse ait, in quo multæ conspectæ fuerint glandulæ, sed albicantes, limosæ, tactuque duræ; fol. autem 415. se observasse tradit varias hydatides tam in sinistro, quam dextro plexu choroideo, nec non fol. 410: se varias in plexu dextro hydatides animadvertisse scribit, quarum quædam piso majores fuerint, ut & pauciter in sinistro, quarum una avellanæ nucis magnitudinem excesserit.

Quoniam

Quando itaque liquor hic vasculorum lymphaticorum præter consuetudinem, & naturam viscosâ quadam sanguinis materiâ incrassatus est, obstructionemque ibidem produxit, vasa lymphatica continuâ subsequenti lymphæ pressione tandem rumpuntur, sicque liquorem suum inter membranas effundunt, & receptaculum quoddam ibidem efficiunt, vel etiam inter vasorum lymphaticorum valvulas hydatides producunt.

Contingit etiam, ut extremitates arteriarum à viscoso quodam humore sint obstructæ, vel vasculum quoddam alicubi tumore quodam prematur, unde sanguinis circulum suum per arterias absolvere non valentis tenuis, & aquosus liquor extra ipsas per poros transcolatur, qui ita hydrocephali interni causa est.

Sunt, qui dubitent, an in cerebro vascula dentur lymphatica, verum testatur epistolâ quadam *Steno* sæpius se vascula quædam lymphatica circa glandulam pinealem animadvertisse, quæ, ut ait, totidem forsan viæ fuere lymphaticæ humectationi ventriculorum cerebri destinatæ. Et, siquidem eadem in pectore, abdomine, aliisque externis membris reperiuntur, non ita erraverit fortean, qui nec caput ipsis destitui dixerit, hoc enim instar gazophylacei cujusdam humorum, utpote lymphatico liquore, arteriisque liquorem istum advehentibus abunde ditatur. Ita ut dubitare non liceat, quin caput æque, ac thorax,

venterve, aut alia corporis exteriora membra, suis scateat vasculis lymphaticis. Ac quamvis nulla adhuc cerebro reperta sint hujusmodi vascula, non tamen non existere dicendum erit.

Sed quænam quæso, fuit causa, cur infimæ corporis partes illius, de quo retuli, ut & in aliis, quæ adduxi, exemplis, adeo fuerint macilentæ?

Nos causam fuisse putamus, quod durante hydrocephali accretione, ille parco admodum, imo sæpe nullo usus fuerit alimento, solo matris lacte contentus. Accrescente itaque capite, reliquæ corporis partes decrescebant, quod nutrimento destituerentur, quemadmodum aliis partibus, nutrimento alio delato, accidit. Conferatur obs. 49. tom. nostri primi primi, ubi de magno liene. Sic etiam refert *Thom. Bartholin. Act. med. Hassn. volum. 1. obs. 92.* Quomodo *D. Borrichius* duarum gallinarum, quas macrescere quotidie, & sine manifesta causa, suppetente licet sagina largiori, oppido attenuari videbat in conspectum prolata viscera omnia flaccida, & exsucca, præsertim quæ in abdomine continebantur, repperit. Solum ibi hepar præter morem imminens, adeo non videbatur imminutum ut plus, quam decuplo auctius cerneretur, & quod accedit, pinguißimum: quale quid etiam observarunt *Joh. Lasel. renum scrutinio, Olausque Rubdecq. obs. anatom. 18*

Quod autem in gallinaceo genere vitium deprehendit, id in anseribus delitiarum loco in cœnis antiquorum æstimatum fuit. Hinc

Hinc *Martialis lib. 13. Epigram. 58.*

*Adspice quam tumeat magno jecur anseris ma-
jus,*

Miratus dices, hoc, rogo, crevit ubi?

Juvenalis Satyra V.

*Anseris ante ipsum magni jecur, anseribus
par.*

Certum autem est liquorem hydrocephali è succo quodammodo constare nutritio ; idem enim satis lentor , qui post ejus evaporationem animadvertitur, demonstrat.

Infimarum partium marcor forsitan inde quoque ortus fuit, quod sanguis istarum partium crassior plerumque, minusque spirituosus existat quam supremarum, nec non quia ille per secretionem magnæ copiæ tenuis liquoris in capite aliquanto crassior factus, obstructione, inde in vasculis suborta, infernas partes tam bene nutrire nequeat, vel denique, quia tubuli nervorum aliquomodo pressione lymphæ sunt obstructæ, unde spiritus satis abunde in partes, pro circulatione humorum nutrientium propaganda influere nequeunt.

Puer autem ille sensim visum amisit, quod tubuli nervorum opticorum paulatim magis, magisque materiâ viscosâ intus contentâ obstruerentur, vel etiam nimia ejus quantitate comprimerentur.

De signis, prognosique hydrocephalorum legi poterunt *Paul. Aegineta lib. 6. cap. 3. D. Sennertus lib. 1. prax. part. 1. cap. 28, nec non Ambros. Parvus lib. 7. operat. Chirurg. cap. 1.*

Dicendum restat, an Hydrocephalus queat curari? Externus equidem facilius curatur, sed internus, præsertimque locum habens in ipsis cerebri ventriculis, nullâ est sanabilis arte, teste etiam *Galeno lib. med. introduct.*

Quum etiam medicatio consistat in medicamentorum internorum usu, longoque tempore ea assumi debeant, difficile ad eorum assumptionem adducentur infantes.

Balth. Timæus lib. 5. de morb. Infant. cas. 5. fol. 144, dicit se puellam bimestrem sanasse, quæ tumore capitis insigni, & pellucido ejusdem undique coloris afficiebatur; tumor in altum elevatus tactui cedebat, rursusque assurgebat; compressus aquæ fluctuantis motum prodebat sine dolore. Ab humore autem seroso extra cranium, inter cutem, & pericranium collecto, tumorem hunc excitatum fuisse signa modo enumerata satis ostendisse ait, sensim autem, & in utero materno coacervatum esse serum exinde collegit, quod mater alioquin valetudinaria, & ad hydropem disposita, toto gestationis tempore potu cerevisiæ tenuis, sive secundariæ usa, multum aquosi, & serosi humoris cumulavisset. Quare nutricem sanam, & boni habitus substituen-

130 OBSERVAT. RARIORUM,
tituendam suavit, cumque infanti tenello ex me-
dicamentis internis nihil adhiberi posset, externis
agendum esse censuit, imposito sequenti cata-
plasmate, cujus solius usu aliquandiu continuato
sensim disparuit tumor.

℞. pulv. rad. cucum. Asinini

Iridis ā ʒß.

Sem. cumini ʒj.

Far. fabar. ʒij.

Mellis Anthos. q. s.

*Fiat Cataplasma capitis raso calidè
applicandum.*

*Laz. Riverius obs. med. à Sam. Formio com-
municat. pag. 350, infantis recens in lucem editi,
hydrocephaloque laborantis meminit, qui to-
tum caput, cum magnâ futurarum dilatatione
occupabat, dicitque sine ullo medicamento, aut
alio remedio hunc se curasse, solâ scilicet fasciâ
Guidonis in formam cucuphæ concinhatâ, quâ
totum caput obvolutum fuerit.*

Hæc autem fascia, Gallis *Capeline de Gui-
don*, quotidie renovabatur, & intra 15. aut
20. dies tumorem prorsus evanuisse tradit.

Circa hydrocephali curationem, inquit *Steph.
Blankardus lib. de morb. puer. fol. 208.* opti-
mum esse existimo, ut caput valde calidum ser-
vetur, sique infantes in cunis decumbant, cali-
dus aliquis lapis, vel arena calida circa caput po-
natur, unde obstructions iterum referan-
tur,

tur, & lymphæ liberum acquirit transitum: sudorifera quoque, ut censet ille, hoc casu utilia sunt. *Idem collectan: med: phys: cent: 3. obs: 47. fol. 248.* exemplum habet Hydrocephali cujusdam in futurâ Lambdoide siti, magnitudinem æquantis panis albi, quales binos argenteorum nummorum minimo nostrates emunt, qui fotu quodam ab eodem descripto, præmissâ corporis debitâ evacuatione, sublatus fuit. *H. Montuus Pueror. Pragmat. cap. 8.* Opifici cui-dam instar bovini caput intumuisse memorat, ita ut eo tota facies, nasusque contegeretur. Huic autem consulere, uti ligneum in os immitteret frustum, quo facilius respiraret. Atque ita quidem porro avertentibus â capite remediis, sobriâque vivendi lege percuratus est.

De puero sexenni sanato vide *Ephem. Germ. ann. 1. pag. 137.*

Quæritur porro, an hydrocephalum, curandi gratia, incidere fas sit?

N. Tulpius obs. med. lib. 1. cap. 25. fol. 51. binis hydrocephalis dimidii capitis, de quibus supra, Chirurgum variâ inussisse ulcera, cutemque non uno dissecauisse loco, sed utrumque, æque improspere cessisse ait, exstillante humore magis guttatim, quam tam effuse, ut levaret cerebrum, & exhauriret fontem vitalem calorem alioquin certo extincturum.

Deinde, etiamsi aqua majori copia ex cerebri cavitate simul effluxisset (quod tamen isto modo

132 OBSERVAT. RARIORUM,
fieri nequit) alia tamen in effusæ locum successisset: adde, si malum diu duraverit, crania valde distenta, & aucta esse, unde postea collabi nequeunt. Non minus infelicem eventum habuit infans quidam, de quo *Schenk. obs: med: lib: de monstros: cap: conformat. ex Joh. Franc: phys: Camicensi fol. mihi 11.*

G: Fabrit: Hild: centur: 3. obs. 17. fol. 198. exemplum habet infantis cujusdam, cui cum tertium ætatis mensem vix absolvisset, caput paulatim accrescere coëperit, ita ut infantuli caput, antequam ipse octavum ætatis mensem attigisset, magnitudinem capitis cujusvis hominis longe excederet; usque adeo namque aquâ limpidissimâ extendebatur cranium, ut cutis, omnesque subjectæ partes pellucidæ redderentur, & posita ex adversa parte candela, aut ad radios solares collocato capite, aqua facillime conspiceretur: Interim Chirurgum juvenem, ingeniosum tamen satis, in consilium adhibuerant, qui, inciso bregmate dextro, aquæ claræ ad libram unam circiter, primâ vice extraxit, mox turundam imposuit, & emplastro quodam vulnus obturavit, sed quia caput aqua valde turgebat, ita ut ea continue, & copiose efflueret, vires infanti adeo fuere debilitatæ, ut intra horas 36. è vita discesserit. Periculosa itaque valde est cranii apertio, & aquæ evacuatio, nec sine ratione; continetur enim, inquit ille, aqua ipsis cerebri ventriculis, ideoque si quis illam educere tentet meninges simul,

&

& substantiam cerebri incidat, necesse est: cerebrum etiam, præsertimque partes ejus internæ, liquore isto, præcipue si diutius ibidem hæreat, adeo debilitantur, ut materia nutrienda illuc deducta in laudabile mutari nequeat nutrimentum.

Hanc quoque ob rationem *Cæs. Arant: lib: de tumor. cap.* sectionem in hydrocephalis internis non admittit; ut nec *P: Ægineta lib. 6. cap. 3.* neque *M. Aurel. Severinus Chirurg effc. part. 2. fol. 135.*

Non nisi externi itaque incidendi erunt hydrocephali, necquicquam adhibitis exterioribus, interioribusque remediis, approbante ipso met *Galenolib: med: introduct: cap: 18*, dum dicit hydrocephali pericranium duabus, vel tribus, prout scilicet id magnum fuerit, incisionibus aperiendum esse; quæ tres lineæ, secundum *Æginetam lib. 6. cap. 3.* instituendæ sunt ad figuram literæ H. Idem *Paraens* affirmat *lib. 7. cap. 1.* nec non *Epiph: Ferdin: hist: med: 21. fol. 67*, ut & *M: Aurel: Severinus*, *G: Placentinus*, *Forestus*, &c.

Carolus Piso sect. 2. part: 1. de morb: cap: ext. ab illuvie serosa cap. 1. fol. mihi 52, se ejusmodi hydrocephalum senis cujusdam multis tam internis, quam externis remediis incassum adhibitis, fonticulo occipiti inulto percurasse scribit.

Joh. Baptist. de Lamzwerde obs. ad arment: Chirurg. obs. 33. fol. 253. hydrocephalum quendam in muliere quadragenariâ curatum fuisse

134 OBSERVAT. RARIORUM,
ait, cui diu crudeli capitis dolore interno deten-
tæ, tandem media hyeme caput extrinsecus tu-
more œdematoso in tantum excrevit, ut duplo
fere majus videretur, & oculi amplius aperiri
non possent, auresque ad pollicis crassitiem intum-
mescerent. Per quam humorum metastasin in-
ternus, acutusque dolor externus evasit, mul-
toque levior. In curatione autem caput variis
vulnusculis lanceolâ factis hic illic perforari se jus-
sisse dicit, è quibus serosus liquor copiose ex-
stillavit, sicque caput paucis diebus multum de-
tumuit; adhibitæ etiam fuere fomentationes,
& cucuphæ è cephalicis calidis, ac discutientibus
confectæ, & sic ægram convaluisse affirmat. Hoc
autem malum infantibus, inquit, raro, sed adul-
tis rarissime accidit.

OBSERVATIO XV.

*Diuturna admodum à cibo, potuque ab-
stinentia.*

Siquidem ita comparati sumus homin-
ciones, ut rariora quævis, minusque
solita, ficta putemus, operæ pretium du-
xi, si literas quasdam die 13. Julij an.
1683. *Diepenheymio* ab Hermanno ab Ey-
bergen verbi divini eodem in loco præ-
cone ad D: *Bruynsteyn* Celsiss. Arausio-
num

CENT. POST. PARS PR. OBS. XV. 135
num Principis Archiatrum datas his
adjicerem,

VIR OBSERVANDE:

Siquidem historicam à me relationem
postulasti eorum, quæ apud nos hic nu-
per accidere circa miraculosum puellæ
cujusdam morbum, ejusdemque cura-
tionem, de qua apud vicinos tanta, tam-
que miranda prædicantur, petitioni tuæ
nec volui, nec debui non satisfacere,
ita tamen, ut non nisi summa rei capita
sim tacturus. Accuratus autem ista non
fuere annotata, quod existimaret quili-
bet nihil alimenti sumentem non diu
aura vitali vesci posse.

Hiscæ præmissis rem ipsam aggredior,
quantumque occurrit memori, breviter
exponam, illius quidem nomine, pa-
rentibusque, ac natali solo indicatis.

Dicta est puella Adelheydis, filia *Joh.
Kuyper* in pago *Helselaer*, qui est Topar-
chiæ *Berkelo* degentis, fuitque mihi, ut
& parentes, jamdiu familiaris.

Matris nomen erat *Essele Banninck* filia
coloni cujusdam in pago *Helselaer*, ubi
Adelheidis nata est tempore Autumni

136 OBSERVAT. RARIORUM,
ann. 1667. & matre mortuâ die II.
Jannuarij ann. 1676. Amita, nomine
Geesken Kuyper, puellam hanc, quod
liberis careret, domi suæ educavit in
pago *Diepenheym*, ubi scholæ eandem
tradidit, retinuitque ad Mensē Mayum
ann. 1682, Tum vero amitæ consensu
suas locavit operas uxori *Bernardi Swie-*
rinck, Provinciæ hujus Tabellarii Swol-
læ habitantis; ubi sub initium dierum
canicularium corripiebatur febre quar-
tana, qua per sex hebdomadas afflicta
domum tandem ad Amitam septimâ re-
mittebatur.

Reversa igitur in pagum *Diepenheym*
febri quidem quartana etiamnum afflige-
batur, sed tamen lecto non affixa quo-
tidie vicinos invisebat, verbumque Dei
semel in templo audiebat: Verum inte-
rim consuetus ipsi minuebatur appetitus,
præsertim quidem propter frequentio-
rem crudorum pomorum, raparumque
esum.

Elapso itaque mense uno, lecto tan-
dem inhærebat soli, ac quævis respue-
bat alimenta, imo morbus tanta indies
fumebat incrementa, ut propinquam qui-
vis arbitraretur mortem. Hoc-

Hocce in statu decubuit illa per mensem continuum, lecto interim non immutato, ac nihil esculenti, aut potulenti assumsit, nihil omnino per alvum excrevit, certo indicio ipsam nec comedisse, nec bibisse, quod haud dubie alvus, urinæve manifestassent.

Hæc itaque omnia magnam illi pariebant alterationem, & angustias; nihil locuta, ac tanquam mox moritura tanto cum dolore obriguit, ut nec pedes commovere, nec attrahere posset, aut pati planum quendam laterem calefactum, linteisque inclusum, quem amita pedibus, ut calefierent (erat enim tunc anni tempus brumale) admoverat.

Postquam vero tam misero in statu per mensem integrum decubuisset, invita grabato imposita est, ut commodior ipsi esset decubitus, sicque rursus continuata dierum serie jacuit usque in hebdomadam tertiam, non mutato, nisi quovis octavo, decimo, vel duodecimo die, lecto. Magnis interea sæpius angoribus corripiebatur, deliquiisque, quæ nos letales motus convulsivos putabamus, quibus etiam pollices manus vo-

138 OBSERVAT. RARIORUM ,
lis includebat , cum alias brachiis sub
tegmine quietis decumbere consuevisset.
Tandem & internæ illæ convulsiones ex-
trinsecus non sine multa vehementia ap-
paruere ; ita ut se ipsam haud dubie è
lecto coniecisset , nisi accurate fuisset
observata , hoc enim non custodita fe-
cerat.

Hujusmodi affectibus laborantem ip-
semet , quæ est muneris mei pietas , in-
visebam , sacrâ consolatus Scripturâ ,
cujus , nec non precum , avida admodum
erat. Ipse quidem quater unius horæ
spatio vidi eam istis passionibus afflictam ,
manusque ejus detinui , sed detentio-
nem , ac præsertim capitis , ferre nescia
sibi relicta fuit impofterum.

Omnes detinere volentes mordebat ,
imo etiam amitæ manum sæpius appre-
hendebat , quæ , nisi naribus ejus subito
occlusis , dimitti vix poterat. Speciatim
ergo attendendum erat , ne semet ip-
sam lecto ejiceret , caputve læderet. Istâ
enim passione obruta caput in anteriora ,
ac posteriora jactitabat , quapropter
etiam , quam primum gemitum daret ,
cavendum erat , ne agitatione capitis vio-
lenta læderetur. Non

Nonnunquam & pulvinar in præserva-
tionem ejus parieti admotum, dentibus
arreptum canis instar concutiebat, quin
imo vidit aliquando *Diepenheimii* Domi-
na quassatione illâ pulvinar laceratum.

Sinistro non poterat incumbere lateri,
sed non nisi dextro: nonnunquam adeo
se contorquebat, ut mentum, genuaque
conjungeret, ac tum iterum se explica-
bat, paroxysmo autem decrescente (erat
enim tantum brevis) defessa admodum
erat, sudoribusque perfusa, apertisque
in manibus sudor, instar butyri liquefacti
cernebatur.

Huic malo aliud insuper accedebat,
nam per vehementem illam passionem
palpebræ ejus ita claudebantur, pupillæ-
que versus interiora propellebantur, ut
quasi consumptæ apparerent, digitisque
palpebras aperire non posset; quare fir-
miter occlusæ manserunt.

Toto illo tempore sæpe quidem nonni-
hil ad sui refocillationem assumere cona-
batur, sed deglutire non poterat, etiam si
liquida fuerint, ut vinum, cerevisia &c.
cum enim summo conamine aliquid forte
deglutivisset, præ nimis angustis quies-
cere

140 OBSERVAT. RARIORUM,
cere non poterat, antequam tussi, vomituque illud ejecisset; quapropter immensi doloris metu nihil tandem in os ingerebat, nec quidquam offerre audebat amita.

Vesperis quidem parumper dormiebat, cessante mediam post noctem somno, nonnunquam tamen post meridiem dormiebat per horam unam, aut alteram.

Multiplicibus illis convulsionibus mentis etiam usus videbatur imminutus ac licet nihil omnino posset edere, libum dulce tamen, mala, uvas passas, ficus, pruna, &c. petebat, optimeque conservabat, ita ut nihil amitteretur, omnibus sæpe numeratis.

Rogatu vero Patris, tandem ab amita die 13. Aprilis an. 1683. demissa fuit ad pagum *Helselaer* horæ intervallo *Diepenheymio* distantem, magna quantitate placentorum, malorum, & id genus plurimum, locupletata, ubi, quamquam cæca, clavos parieti argillaceo affixit, iisdemque asseres imposuit egregiam suppellectilem asservaturos non minus provida, quam cum *Diepenheymii* esset. In his autem numerandis (si taceam de
con-

CENT. PARS POST. PRIOR. OBS. XV. 141
consolationibus, verbo divino, & præ-
cibus) summa ejus consistebat voluptas,
eratque, quantum ad res istas, adeo
avara, ut situm omnia apud eam con-
traherent, Initio quidem molesta erat
confortii *Diepenheymici* amissio, tan-
dem autem & hujus oblita est.

Verum enim vero quis non immen-
sam Dei T. O. M. suspiciat misericor-
diam!

Noctu inter diem 16. & 17. Aprilis
imaginatur illa bibere se, ac videre;
quapropter Patrem clamitabat, ut po-
tum afferret, sed somno sepultum exci-
tare non poterat. Quievit itaque parum
interim obdormiens: mane patri narra-
bat, quid sibi contigisset, à quo idcirco
porrecti vini ipsa aliquantum bibit, ac
retinuit.

Recuperatâ itaque, Dei gratia, de-
glutitione, desiderabatur etiam summo-
pere visus restitutio, quem sibi redditum
etiam noctu imaginata erat.

Et ecce, una post assumptum potum
hora Patri lecto adstanti dixit: Credo,
Pater, me videre posse, accendas, quæ-
so, lampadem, ut, an vera putem, ex-
pe-

142 OBSERVAT. RARIORUM,
periar. Petitioni satisfacit Pater, ac
lampada, etiamſi meridiano tempore,
accendit, cujus non tantum illa lumen,
ſed & Patrem, omniaque fenestrarum
vitris inſcripta vidit. Palpebræ tamen
nondum aperiebantur omnino, niſi di-
gitis adjutæ. Verum non ita diu poſt
abſque manuum auxilio oculos aperuit,
ſtupentibus omnibus, ſiquidem per qua-
draginta ac ſeptem dies occluſi fuiſſent.
Poſt inexpectatum hunc eventum oculi
rurſus claudebantur ad diem tertium, vel
quartum, tuncque digitis ipſos aperie-
bat, quod per dies aliquot continuare
neceſſe habuit, donec tandem naturalem
ipſorum recuperaveſſet motum, quo hodie
feliciter fruitur.

Die 27. Aprilis, primâ demum poſt
morbum vice panis nonnihil triticei cum
melle comedit, eratque hic dies decimus
ab eo, quo primum potaverat.

Die 28. menſis ejuſdem fruſtulum
quoddam ſemicocti deglutivit lardi, &
ſiquidem illud ſumme deſideraveſſet, ali-
quid inſuper, ut ei ſatiſfieret, frigen-
dum fuit. Verum illa tanto interim lardi
ferebatur appetitu, ut aſſationem ex-
pecta-

CENT. POST. PARS PR. OBS. XV. 143
pectare non posset, ideoque crudum
illud comedebat; ita ut credita sit non
minus quartâ libræ parte sumpsisse, ni-
hil inde mali experta.

Necdum tamen alvus responderat,
etiâ si sæpius bibisset. Die autem
4. May primâ vice reddidit urinam,
sicque porro quotidie. Sexto demum
eiusdem mensis alvum primâ vice de-
posuit, porroque decimo, decimo-
quarto, &c.

Postquam lardum semel comedisset,
insequentibus porro diebus eodem, ut
& carne fumo induratâ delectata est:
Haleces etiam salitos anni præteriti
(nondum enim capti erant recentes)
cum lacte frigido absque pane sumpsit.

Fructibus denique, tunc temporis
abunde venalibus, ventriculum ita re-
frigeravit, ut vix quicquam aliud posset
comedere, in tertiam hebdomadam al-
vi exoneratione dilatâ: Hanc enim
nudiustertius die 30 Julii assumpto tuo
medicamento dejecit, quod unicum
internum fuit remedium, quo illa toto
hoc tempore fuit usa, excepto ante
tres hebdomadas, ad roborandum
ven-

144 OBSERVAT. RARIORUM,
ventriculum, vino quodam medicato,
quod tamen bibere non perseveravit.

Dicendum restat, quomodo ei restitutus fuerit gressus, ut & quomodo convulsiones cessarint.

Visu, Dei gratiâ, unâ cum appetitu cibi, potusque, restituto, vires sensim accrescebant, decrefcentibus interea convulsionibus.

Observaverat Pater convulsiones in pago *Helselaer* phasibus auscultasse lunæ, nec non ipsa convalescente, tertium semper gravissimum fuisse diem: Primò quidem continuabantur eodem cum impetu convulsiones, imo iisdem durantibus assulam, quandam morsibus à lecti assere avulsit: his tamen tandem magis, magisque cessantibus, robur, crescere, viresque redire coëperunt, quamvis initio quidem erecto sedere corpore non posset, paulatim vero è lecto quasi rependo novercam suam, natura non duram, sed clementem, quæque antea multos passâ erat morbos, usque in hortum sequebatur, non levi ejus gaudio, solatioque.

Postea autem ei efformabantur bina
ful-

CENT. POST. PARS PR. OBS. XV. 145
fulcra subalaria, quibus tam intra, quam
extra domum procedere incipiebat; sed
federe non poterat, ambulare, vel de-
cumbere coacta. Viribus post magis in-
crescentibus primò unum derelinquebat
fulcrum, postea & aliud, jamque bacu-
lo quodam, quod utraque tenet manu,
incedit,

Cum jam ita valida evasisset, ut abs-
que periculo deliquii animi posset erecta
federe, die 1. Augusti templum adiit,
primo in pago *Helselaer*, deinde ejusdem
mensis die 8. apud *Diepenheymenses*
meos, Deo T. O. M. precibus pro ra-
cuperatâ sanitate gratias actura.

Reliquum jam est, ut ventriculus du-
rioribus alimentis, ut & frigido lacte,
fructibusque debilitatus ad pristinam re-
ducatur constitutionem, quod eundem
Deum daturum spero, voveoque.

IN OBSERVATIONEM XV.

QUamvis hæc historia quibusdam forsan
minus vera videbitur respectu tamen tot,
tamque dignorum testium, non nisi veri-
tati congruam confido.

Multa olim contigere, ac etiamnum etiam contingunt, quæ initio hominibus quidem miranda, fidemque superantia videntur, at ad accuratorem iudicii revocata trutinam facile fidem inveniunt.

Prudentiæ equidem indicium crediderim non protinus negare ea, quæ minus liquido capimus, nec etiam continuo credere, quæ vano quodam, & dissoluto scribendi animo tanquam miranda lectori obtruduntur.

Homo profecto creaturarum Dei excellentissima, maximeque admiranda est. Quapropter in eo magis, quam in aliis animalibus divina elucet miracula, ut pote quæ in nobiliore præstita subjecto longe clariora sunt.

Hunc tamen casum miraculosum supernaturalemve non existimo, etiamsi potentiæ, providentiæque cœlesti non parumtribuendum censeam.

Ex historiæ itaque explicatione plurimà à naturalibus provenisse causis patebit.

Veræ quidem extant de quibusdam narrationes, qui diutius absque alimentis vixerunt, quique absque miraculo, propriâ temperantiâ, & sobrietate Sanctos quosdam jejunando superarunt; illæ tamen miraculum non tollunt, nam sæpe in uno mirandum quid fieri potest, quod in alio causas habet omnino naturales.

Priusquam autem demonstrationem aggrediar; primo evertere conabor, quæ à nonnullis

lis contra hujusmodi à cibo, & potu abstinentiam objiciuntur.

Hippocrates lib. de Carnibus, vel, uti quidam volunt, de *Principiis*, dicit hominem sine alimentis vivere non posse ultra septem dies, quod *Macrobius lib. 1. in somnium Scipionis cap. 6.* ut & *Brassavola*, aliique confirmant, verum an liber ille revera ab ipso *Hippocrate* sit conscriptus *Vallesius*, *Mercurialisque* dubitant.

Scriptor libri *de carnibus*, nonnullis, quando (ne post tot dierum jejunium obirent) ad comedendum, & bibendum se rursus committerent, alimenta descendere non potuisse ait, siquidem intestinum jejunum intra illud tempus coäluerat, quapropter necessario extincti fuerint.

Hæc equidem non sine ratione dicuntur, quæ experientia enim multiplex sæpius docuit. Ita tradunt *Ephemerides German. decur. 1. an. 3. fol. 328. observ. 173. Henrici Sampsonii*, mulieris cujusdam ventrem continuo jejunio ita flaccidum evavisse, ut spina dorsi, non obstantibus musculis abdominis, & intestinis, premente manu sentiri facile posset.

Memorat *Felix Platerus centur. Posthumâ quest. Med. 32. fol. 58*, de quodam vinculis detento, qui, ut morte voluntaria supplicium gravius, quod imminabat, averteret, genus mortis, quod ipse eo loco, & tempore facillimum esse cogitabat, elegit, coëpitque omni cibo, & potu, licet seriò à ministris reprehensus ob id facinus,

& frustra admonitus, abstinere, famemque, quod admirandum, citra omnem quærimoniam aut molestiam, quatuordecim dierum spatio patientissime pertulit, quo tempore primum pœnitentiâ sed serius ductus, ita ut cum cibum peteret, eum tamen respueret, citra gravius aliquod symptoma expiravit.

Scriptit equidem *Plinius* hominem ante diem septimum fame non interire. Sed *lib. 11. cap. 24.* illud tempus ad diem extendit undecimum. Quamvis autem ita sæpius contingat, septimum tamen, undecimumve diem certum determinatumque statuere tempus erroneum est. Atque ipse quidem existimo tempus illud diversorum temperamentorum, regionisque, nec non sanitatis, ac morbi, quo quis laborat, respectu, valde differre: siquidem nonnulli ante, quidam post septimum diem nutrimenti defectu decesserint.

Docuit experientia plurimis, morboque carentibus nullo alimento ultra dies septem vitam fuisse productam.

Joh. Rhodius cent. 2. obs. 54. & 55. varia habet exempli eorum, qui ultra undecim dies absque alimento sine noxa vixerint. *N. Tulpus obs. med. lib. 1. obs. 43. fol. mihi 84.* Septem Anglos, quos tempestas sævior in altum longius egerat, quam ut portus sperari posset, undecim dies absque alimentis nullo inde superstite incommodo vixisse tradit.

Dominicus Panarolus Pentecost. 5. obs. med.

20. virginis cujusdam meminit, quæ tristitia, & desperatione per dies viginti duos omni cibo, potuque abstinuerit, ac (ne subita alimentorum ingestione quidquam pateretur incommodi) postea sensim alimentis concoctu facilibus, & humidis recreata servataque fuerit.

Sunt, qui religiosam quandam virginem nullo se amplius indigere alimento imaginatam tradunt, quod dictum sibi crederet, fore, uti assidua sacri Codicis lectione nutriretur abunde. Cum ergo per tres, quatuorve dies in imaginatione ista perseveraret, nullisque uteretur alimentis, frustra consanguinei eam hujusmodi liberare errore annixi sunt, oblata enim quævis averfata tantâ interdum rejiciebat in patinam iracundiâ ut circumstantium vestes contaminaret jusculo. Postquam itaque per duodecim dies nihil omnino comedisset, decimo tertio ad plures abiit.

Memorabile etiam judicaverim quod libellus Gallicus, qualis singulis mensibus prodit, *Reipublicæ literariæ Acta* vocant, de quodam *Isaaco Henrici Stiphont* tradit. Hic mentis parum compos, cellulæque, in quales id hominum genus intruditur, Harlemi inclusus, tandem furore percitus verum se Messiam, ejusque ad exemplum per quadraginta dies, ac totidem noctes sese jejunare velle dixit. Jejunium itaque sexto Decembris anni 1684. inchoatum quinto decimo Februarii 1685. finivit. Tabaci equidem usu

sefe pro more non abstinuit, aquamque, sed magis ad lavandum os, quam riganda viscera fumpfit; Cibo autem, potuque per omne illud tempus non fuit usus: sed nec aquæ nutriturum liquorem, vinive spiritum misceri voluit. Hoc enim cum fieri animadverteret (caute namque quævis circumspiciebat) protinus illam non sine horrore rejiciebat, nec ullis, ne vel fictorum quidem angelorum, minis, promissive, ut ederet, adigi poterat. Nec quicquam enim quævis offerentibus Cœlestis Patris jussa se sequi dixit. Nihil etiam omnino, utut ejus in vestibus cellulaque vel accuratius fuerit quæsitum, quo se aleret, apparuit. Sed nec quisquam, qui ei noctu alimenti quidpiam adferret, repertus fuit, ita ut, quin minime ficta fuerit abstinencia, excrementis quoque sensim minutis provenire citissime cessantibus, dubitare non liceat. Toto illo tempore vigoris pristini vix quicquam amiserat, elapsis quadraginta diebus, pro consuetudine vesci incipiens. Rem ipsam quisquis plenius nosse desiderat, libellum inspiciat. Est autem is, qui de Februario 1685 agit.

Cur autem secundum Hippocratis nostri hypothesein lib. de carnibus, ut supra memini, jejunantis intestina ad se invicem collapsa, præcluso cibis transitu, firmiter non sunt conglutinata?

Sciendum est homini isti sæpe os aqua purâ colluente portionem forte quandam subinde per
gu-

gulam in ventriculum, & intestina descendisse, quo factum, ut hæc non tam cito coadunata fuerint; Haud dubie etiam ejus intestina quodammodo, ut ut non ita firmiter, ac si nihil sumpsisset liquoris, fuerunt sibi invicem agglutinata, quæ sententia evidenter confirmatur, quod is post 40. dierum abstinentiam, pulte crassiori sumptâ, postridie intensissimis ventris infestatus fuerit torminibus, eumque exonerare tentans magno ejulatu, gemituque nihil per alvum excernere potuerit, qui dolores in tertium perseverarunt diem, quo ventris onus non sine magno levamine deposuit.

Similia legi possunt apud *Loffium lib. 1. obs. med. 21.* & *Caspar. Theoph. Bierlingium advers. curios. 43.* *Henr. ab Heers obs. med. 27.* exemplum viri cujusdam affert, qui primis decem diebus cujusvis mensis nihil ederet, biberitque. Tradit idem consuetudinem illo casu multum efficere; de cujus potentia circa jejunium plura videantur apud *Joh. Pechlinum medit. de aëris, & alimenti defectu.*

Dicent forsitan multi plurima istorum jejuniorum Dei esse miracula, vel veneficia, artesve Diabolicas, aut imposturas denique, & fallacias.

Mihi equidem non est animus hic de jejunio *Elie* loquendi 1. *Reg. 19. v. 8.* aut *Mosis. Exod. 34. v. 28.* aliorumve speciali Dei potentia sustentatorum. Nec negaverim Dæmones nonnunquam circa diutinam coöperari abstinentiam,

152 OBSERVAT. RARIORUM,
multa enim luce meridianâ clarius demonstrant
exempla istos illulisse hominibus, quatenus je-
junantibus edulia suppeditaverint: quale quid
Delrius lib. 6. disquisit. mag. cap. 2. sect. 3. è
Prosp. Aquin. lib. de promiss. & prædict: cap. 6.
de puella quadam refert, cui cacodæmon ob-
fessæ sub figura avis (æmulans eatenus *Elie* cor-
vum cibum afferentem) liquorem aliquem noctu
clam per septem dies attulit. Hanc autem ei esse
potestatem *Tostatus, Torreblanca, & Vilalpan-*
dus autumant.

Silentio præterire nequeo historiam *Annali-*
bus rerum Anglicarum Henrico octavo regnante
„ *An. Christi 1546. pag. 280. extantem.* Figulus
„ scilicet Londinensis *Guilh. Foxlejus* nomine,
„ nulla infirmitate præcedente, in somnum in-
„ cidit tam arctum, ut per totos 14. dies, noc-
„ tesque 15. expergesieri nulla ratione potuerit,
„ donec tandem die 15. sponte somno solutus est,
„ adeo sanus, & recte valens, nocte ut unâ,
„ neque amplius, se obdormiisse firmiter cre-
„ deret, donec ex muri cujusdam structura dies
„ plurimos effluxisse, perspiceret. Eundem
„ autem postea supra 40. annos, videlicet annum
„ *Di. 1587.* vixisse scriptor affirmat.

Rustici mentionem facit *Damasceus, ut &*
Lil. Gyraldus hist. Poët, & Medinalib: 2. de reët.
in Deum fide, nec non Forestus lib. 7. scholio
obs. 28. alterius meminit, qui per totum Au-
tumnum, hyememque sub magna fœni copia ob-

obdormivererit, qua consumpta, ablataque percussus admodum, ac veluti è mortuis suscitatus surrexerit.

Hosce igitur casus, tanquam supranaturales, eosque, quæ imposturæ nonnihil misceatur, hic loci excludemus. Indagari enim nequeunt nefariorum doli, fraudesque, quæ minus astutos decipiunt, vel sub divini cultus, sanctitatisque specie multum lucri, æstimationisque sibi conciliare student.

Horum numero merito adscribendum exemplum est *Margaretæ Spirensis*, quod anno 1542. in pago, cui nomen *Rœdt* / duabus milliaribus *Spira* distante contigit, teste *Langio lib. 2. epist. cap. 27. fol. mihi 604*; & *Marc: Donato de Med. hist. mirab. lib. 7. cap. 1. fol. mihi 645*. Hæc decem nata annos post capitis dolores, ventrisque tormina, quicquid erat cibi tandem aspernabatur; donec eo omnino rejecto, potu tantum sese per aliquot sustentarit hebdomadas, quo etiam denique abstinens citra cibi, potusve usum totum, ut credebatur, satis valida transegerit triennium. *Ferdin: interea Romanor. Imp:* in hanc rem inquisivit, diligentiusque singula observari iussit, si qua forte fraus lateret. Hæc autem longo detegi nequivit tempore; donec tandem ingeniose pallæ fimbriæ inclusa apparuere liba.

Huc etiam pertinet simulata illa abstinencia decantatæ filiæ *Moersensis*, nomine *Evæ Flegen*, sive *Efgen von gen End*, quæ anno 1597. vigesi-

154 OBSERVAT. RARIORUM,
mo primo ætatis anno, post Festum Paschatis in
morbum incidit chronicum, cui illa non tam
medicamentis, quam proprio temperamenti
exempta robore quemvis averfata est cibum, po-
tumque. Scribit *G. Fabrit: Hildan. fol. 413.*
obs. 33. cent. 5. Hanc puellam trigesimo septimo
ætatis anno, cum ille ipsam inviseret, jam abs-
que cibo, potuque per sedecim vixisse annos.

Quamquam autem *D. Conradus Velthufius*
verbi divini minister Moersensis permissu Magi-
stratus ipsam in duodecimum usque diem reti-
nuisset, ac interim summa, qua potuit, dili-
gentia observasset, an doli aliquid subesset, ni-
hil tamen se, nec domesticos percipere potuisse
sancte asseveravit. Verum illa non tantum pium
hunc virum, sed & Civitatis Præfectum *Alex.*
Sweichel, ut & *Fabrit: Hild:* (quem historiam
hanc scripsisse postmodum pænuit) deceperat,
siquidem ille postea ex epistola quadam data 24.
Junii 1628. *Godtschalko Monheymio* Pharmaco-
pæo *Dusseldorpiensi* prope Moersiam intellexerit
continuum istam inediam fucatam, simulatamque
fuisse, puellamque *Efken*, quæ jam triginta annos
continuos tot deceperat homines, tandem in
carcerem fuisse detrusam. Piam, religiosam-
que, inquit *Fabrit: Hild:* semper se (quantum
quidem constabat) præstiterat, dicebatque se
tertio quovis die circa Solis exortum splendido
quodam lumine circumdari, eoque mirifice ob-
lectari, deinde & substantia quadam melleâ os
suum,

suum, linguamque irrorari, & inde vires refo-
cillari, nec non varia sibi apparere ajebat. Præ-
sagiebat etiam nonnulla, quæ vera fuisse eventus
ostendit. Hæc autem absque dæmonis cujusdam
auxilio, astutiaque contigisse se equidem non cre-
dere *Fabritius* ait.

Cum hac historia convenit etiam fucata illa
Apollonia Schreyer abstinencia in pago *Gats* in
Helvetia natæ, de qua idem *Fabrit. Hild. obs. 28.*
cent. 5. & 2. obs. 40. hunc in modum loquitur :
„Filia hæc an. 1595. cum 14. annos nata esset,
„septem ab hinc annos, scilicet an. 1601. liberata
„fuit à morbo quodam acuto, post quem sensim
„omnia fastidire incipiebat alimenta, ita ut sæpe
„per tres, vel quatuor, imo nunnunquam plures
„dies nihil omnino assumeret, in quo statu, (ex
„relatione Parentum ejus) transigebat quatuor an-
„nos continuos, sed postea omni omnino se absti-
„nebat alimento. Hæc eadem postea ex Comita-
„tu Juliacensi deferrebatur Coloniam, ut ibidem,
„tanquam aliquod miraculum, à quovis conspi-
„ceretur, affirmabantque parentes eam tunc tem-
„poris tres annos continuos à cibo quovis absti-
„nuisse.

Fabritius etiam *Hildanus* cum *P. Lentulo*
reipubl. Bernensis in Helvetia tunc medico (qui
historiam hanc postea scriptis publicam reddidit)
hanc puellam se vidisse, atque eo tempore in de-
cimum usque annum sine cibo, & potu vixisse
tradit. Licet idem sæpius privatis colloquiis co-
ram

156 OBSERVAT. RARIORUM
ram Proceribus suis in ediam hujus puellæ in du-
bium se vocasse, eamque non solum D: P: *Lentulum*, simul & se ipsum, multosque alios fe-
fellisse dicat, uti postea eam anno 1611. pluri-
busque seqq. satis vegetam, aliorumque homi-
num modo, corpus suum nutritivisse, satis con-
stitit.

Ipse autem cum G: *Fabrit: Hildano Marsilio Cagnato, Georg: Hyeron: Velschio, Schröckio Schol. ad obs. 73. Joh. Helwig. fol. 234.* omnes illas de tot annorum inediis narratiunculas non immerito suspectas habeo, firmiter mihi persua-
dens ejusmodi à cibo abstinentias neutiquam na-
turales, nec consuetudini cuidam jejunandi ad-
scribendas, sed confictas plane, ac falsas esse,
teste etiam experientia: citius enim, aut serius
fallacia detegitur; quæ de re nonnulla, ut dolos
caveat lector, his adjiciam.

Antho. Panormita de impostore quodam
Antho. Picao narrat, qui populo se per qua-
tuordecim dies jejunare posse, Angelisque esse
familiarem persuadebat: unde per totum Italiæ
tractum, Siciliam, & Hispaniam, tanquam
Sanctus, ac continentissimus prædicabatur. Ve-
rum postea patuere hominis imposturæ, descrip-
sitque *J. Jovinianus Pontanus lib. 2. de ser-
mone* illius fraudes hoc modo: *Cum*, inquit,
*sub Rege Alphonso hujus Ferdinandi Patre qui-
dam, cujus nominis non memini, diuturniora
sua jactaret jejunia, ac quam diligentissime qua-
vis*

vis cibi accipiendi huic præriperetur occasio, compertus est postea è candelis, quas hyberno tempore receperat, victum sibi querere; hæ namque saccharo, cinnamomoque, nec non gallinarum carne in minutissimas dissectâ particulas, quas extrinsecus sebum circumdabat, constabant.

Simile quid refert *Aeneas Sylvius*, quod Romæ contigerit An. 1511. sub Papa Nicolao.

Sic quoque olim filia quædam Veneta sub magnæ sanctimonix specie (habebat enim duos semper ad manus libros) diu cellæ manebat inclusa absque alimentis; sed istorum librorum alter quidem erat verus sacer codex, alter autem eundem plane in modum externe conformatus, interne vero concavus erat, qua in cavitate *Maze* panis (nostratibus *Maße-peyn*) continebatur quantitas (hæc autem tempore *Hippocratis*, & *Galen*i nutritia pulticula, sive massa erat, componebaturque ex farina hordei tosta, oleoque, & melle, hodie vero eodem nomine delicatius ex amygdalis, saccharoque componitur) eâque corpus nutriebat.

Augusta Vindelicorum, teste *Aventino* quædam vixit *Anna Lamenittia* annorum 18. quæ an. 1516. per sedecim annos nihil omnino cibi, potusve sumpsisse, sed Dei spiritu, ac suppeditante Cœlo, nutritam se finxerat. Cum Deo etiam sese colloqui, sibi que ab eo non ita levia exponi mentiebatur: ita ut non ignarum tantum vulgus, plebeique indocti, sed & Theologiæ Pro-

Professores ei crediderint, Sanctamque venerati fuerint. Hæc etiam malefica quotidie ad Altare, ac tanquam Dei Nuncia ad S: Sacramentum admittebatur. Illa etiam diutius Christianis imposuisset, ni *Chunigunda* Bavori Ducis vidua, imperatorisque Maximil: I. soror, quæ illam initio humaniter admodum exceperat, dolos detexisset. Hæc enim observaturam singula, famulaturamque ei adjunxit filiam devotam, famulamque consuetam arte amovit: Anna itaque quandoque data opera sola relicta per occultam conspiciebatur rimam; edere namque eam suspicio erat, quod binos secum adduxisset faccos, ac sub cubili abscondisset. Compertum autem fuit horum alterum placentis, ovis admixtis, alterum pomis refertum esse: queis famen, sitimque pelleret. Quapropter severè admodum objurgata, *Monachiumque* deducta Imperatoris jussu in exilium acta, posteaque Monasterio inclusa est. Verum propter dissolutiorem vitæ modum eo ejecta *Joh. Schnizero* nupsit, quem cum impotentia in coitu insimularet, quamquam negantem, ac multa ei exprobrantem turpia, non sine maxima discordia vixit, multosque admisit adulteros, aliisque sese contaminavit sceleribus: quare an. 1518. capite damnata aquis suffocata est.

Refert *Joh. Wierus tract. de jejniis com-
mentiis* se domi suæ similem imposturam detexisse
Barbara de Unna, quod est Comitatus Mar-
chien-

chientis partis Aquiloni obversæ oppidulum ad Ducatus Westfalix fines. Latius autem hoc describit *Wierus*, quam ut hisce jungam, legi itaque poterit loco notato, ubi & *Barbara* conspicitur effigies.

Ejusdem plane farinæ existimo alia, quæ varii referunt.

Statuent alii fieri non posse, ut quisquam tam diu omni cibo, & potu se abstineat, quam quidem ea, qua de observavi; quia sanguis noster continue moveri non desinit, &, durante motu, continua humorum, & spirituum est transpiratio, unde corpus nostrum ad restitutionem amissorum novo subinde indigeat alimento, quo deficiente hominem languere necesse sit.

Hisce ut respondeam, præmonebo diversas esse appetitum in nobis vel imminuentes, vel omnino auferentes causas.

Ita scribit *Galenus lib. 6. de causis symptom:* ventriculum, qui alias sensibiles admodum recipit à cerebro nervos nonnunquam famem non sentire, nervis enim orificii ejus relaxatis, obstructivæ, sensus stupet, unde imminuitur, vel omnino aboletur appetitus. Talem ἀνασθησις famis causam ex paralyfi orificii ventriculi orram *Galenus lib. 3. epidem. comm. 1.* ut & *Ætius lib. 6. de gula paralyfi* docte admodum describere, cujus etiam exemplum adfert, quo fibrillæ tunicæ nervosæ obstructæ erant, & obsessæ, quibus alias solutis, & liberis. fames excitatur, teste

teste *Thom. Willisio part: 1. Pharmaceut: ration: sect: 1. cap. 2.* De Vidua quadam narrat *Joh: Schmidius miscell: med: phys: curios: German: decur: 1. an. 9. obs. 154. fol. 139.* quæ sine prægressa aliqua causa externa cibum minus appetere incipiebat, de nullo præterea conquerens fastidio, de nullo tædio, nisi quod nil comedere, nihil quoque bibere posset, erat hæc temperamenti, inquit, calidi, & humidi, habebat genas rubentes, satisque obesa erat, respuebat medicamenta, dicebatque se iis non habere opus, cum sanam se fatis sentiret, temporis tamen tractu vires atterebantur, nec dum tamen sentiebat appetitum. Durabat hic affectus per 17. hebdomadas, in quibus perparum, imo fere nihil biberat, multo minus, imo vix Polonicum grossum valens, comederat. Sequuta dein est vehemens hæmorrhagia, quæ sæpe recrudescibat, redibat quidem tandem aliquatenus appetitus, verum sequebatur cachexia, tandemque Anasarca, & mors.

De pharyngis sive gulæ paralyfi paradigma dabimus observ: XXVII.

Imminui etiam potest appetitus, si acidum, fæmem naturaliter in ventriculo produciens, viscosus, & pinguis fuerit obtusum, & involutum, qua propter etiam fames, hisce assumptis, ad tempus sedatur.

Tradit *Avicenna lib: 1. Fen: 3. Doctr: 5. cap. 2.* suo tempore pilulas ex refrigerantibus quibusdam

dam simplicibus, cum axungia, adipe, similibusque pinguibus fuisse formatas, quibus longum ingressuri iter contra famem utebantur: Idem quoque *Fen: 3. lib: 1. Doctr: 4. cap: 2.* quendam post usum libræ unius ol. violarum, famem per decem dies tolerasse refert.

Experientia etiam diuturnior monstrat corrosivum remedium parti cuidam corporis impositum, accedente pinguedine, vim amittere.

Comperimus quoque ipsum Arsenicum parum allaturum esse detrimenti, ventriculo prius intus pinguedine, vel oleo oblito, qua etiam arte circumforanei vulgum decipiunt fallacibus verbis effectum illum suis tribuendo medicamentis, vel, ut ajunt, antidotis, cum tamen brevi post, ob pingua assumpta, venenum rursus evomant.

Nec pingua tantum, & viscosa in ventriculum immissa, ad breve tempus famem sedare valent, sed & corporum quandoque, defectu nutrimenti, particulæ quædam dissolvuntur, ut sebum, adeps, medulla, pituita, aliaque, quæ liquefacta, aliisque humoribus commixta, urgente necessitate, nutriunt. Quamvis enim primò in ventriculo in chylum non sint commutata, una tamen cum sanguine per universum corpus deferri, sicque nutrimentum ad tempus præstare queunt.

Pingua tempore inedia *Galenus 6. de us. part. nec non medullam 2. de us. part:* ut & viscidam

162 OBSERVAT. RARIORUM,
pituitam, *comm. 2. de rat. vict. acut.* alimentum
præbere posse manifestavit.

Loco hic adscribam non alieno, quod Doctissimus, Celeberrimusque Vir *Theod. Craanen*, nuper-Leydenſis Profeſſor clariſſimus jam vero Curator Academiae Duisburgenſis, Archiaterque Sereniſſ. Electoris Brandeburgici, mihi non ita pridem retulit. Quidam verbi Divini miniſter, *Tekmannus* nomine aliquando villam ſuam adiit, ibidemque canem valde obefum & robuſtum cubiculo quodam neſcius incluſit: ubi ille permanebat ad trigefimum primum diem, revertente tunc demum Hero. Aperta ergo janua, blandiente cauda Hero obviam ivit debilis admodum, & macilentus, ſiquidem per tantum temporis nihil omnino (niſi forſan murem unum, alterumve captum) comederat, biberatve. Neque verofiſmile eſt muresibi occuſſiſſe, ſiquidem hoc animalium genus loca deſerta, & alimentis vacua amare non ſolet.

Franc. Mendoza lib. 6. problem. 24. rarum affert de gallina exemplum, quæ vixiſſe reperta fuit abſque cibo, & potu (ſiquidem, uti ille canis, etiam alicubi fuiſſet incluſa) per 80. dies continuos; quod tanto magis, inquit idem, erat mirandum, quanto hoc animalium genus calidi, avidique eſt ventriculi.

Jure itaque merito ſtatueret licet pingua non tantum appetitum retardare, ſed & obefa corpora famem diutius tolerare poſſe, quam macilenta.

Aci-

Acidum enim pingues, mollesque partes, dum in eas agit, facile abradit, secumque abripit, ita ut postea (uti modo dictum) sanguini commixtæ ad tempus nutrimenta sufficiant.

Monstravit & experientia multos nautas viatoresque naufragium passos, vel aliis tempestatibus obrutos, deficiente cibo, & potu, tabaco solo aliquamdiu vitam sustentasse.

Monachus quidam *Canada* Incolas famis, qua sæpius affliguntur, tempore per hebdomadas aliquot solius tabaci, aquæque usu sese sustentare posse tradit.

Nicol. Monardis, Medicus Hispanus refert *Hist. Rerum Indicarum*, *Indos* per desertas, longeque dissita loca profecturos, deficientibus alimentis, pilulam quandam manducare ex tabaco compositam, pisi magnitudine, cujus ope per quatuor dies itinerari possint absque alimentis; quod petum stomachi sensum stupefaciat, (quod tamen nos non omnino statuimus) utpote qui ramos quosdam à septimo, vel ut alii volunt, octavo nervorum è cerebro prodeuntium pari accipit, ideoque sensibilis est valde, sedesque famis à quibusdam habetur; de quâ stupefactione vide *Neandri tabacologiam* fol. 34. nec non *Augustin. Thonerum obs. medic. lib. 2. fol. 104.* Sive quod spiritus quosdam corpori impertiat. Nonnulli enim per tabacum non tantum præsentes spiritus impediri, quo minus ex aliis particulis extricentur, & avolent, verum etiam respectu

164 OBSERVAT. RARIORUM,
subtilitatis fumi, novos tenues, & subtiles sup-
peditari spiritus volunt. Quæ opinio confirma-
tur exemplo cujusdam senis olim Hagæ habitan-
tis, quem ipse novi. Postquam hic ultra cen-
tum vixisset annos sumptibus tandem Ecclesiæ
Gallicanæ sustentabatur, senioque confectus
continue stipitis instar jacebat in lecto immobilis
absque ulla cibi, vel potus assumptione, ita ut à
mortuo vix licuisset discernere, nisi cum fumus
tabaci (quo quidem antea abunde usus fuerat) in
nares inflabatur. Tunc enim oris attractione vi-
tæ edebat indicia, labiaque ita aperiebat, ut fi-
stula tabaci, longitudine nauticæ, inter maxillas
posset intrudi. Atque ita quidem ille fumum
sensim alliciens parvis, iteratisque inspirationibus
fistulam tamdiu inter mandibulas detinuit, do-
nec, quicquid ea continuisset, igne consump-
tum esset.

Ioh. Chrysostomus exercitat. suis de tabaco
Cocam Indicam vaporibus suis homines inebria-
re, somnum conciliare, simulque famem sedare,
ac corpus rofocillare memorat. Certum equi-
dem est, fructibus illis contusis, & cum massa
farinacea subactis, pisces inebriari; ita ut aquæ
superficiem petant. Idem quoque *Matthiolus*
indicat lib. 3. epistol. ad Thaddæum Nemicum,
ac *Gaspar Reyes à Franco* sæpius se vidisse testa-
tur. Vel forsan fames tabaci usu sistitur, qua-
tenus hujus ope (uti volunt nonnulli) è capite,
vasisve salivalibus, liquor quidam pituitosus
magnâ

magna quantitate ad ventriculū delabitur, unde corpus aliquamdiu nutrirī queat, teste *Nic. Monarde*. Annotavit quoque *Calius Rhodiginus lib. 13. cap. 24.* ex Græcorum obs. famem sedari, quando aliquid in ore detinetur, quo crudus, & viscidus quidam liquor in illud prolucitur, sicque ad ventriculū descendit.

Ita etiam animadvertimus milites longum facturos absque alimentis iter plumbeam ore gestare glandem, eandemque volutare, ut ita fames, sitisque non vexet.

Annotandum autem est omnibus hisce rebus famem non admodum pelli, sed per dies tantum aliquot sedari, fallique. Præterea locum illa tantum in iis habent, quorum sanguis non valde tenuis existit, & subtilis. Necessum autem est, ut tales non multum laboris subeant, siquidem ita, poris valde apertis, magna particularum subtilium, & nutrientium quantitas è corpore avolat, teste *Hippocrate sect. 2. Aphorism. 16.* his verbis: *Ubi fames, laborandum non est.*

Longe autem aliter se habebat nostra ægra, quæ nullis omnino ad famem sedandam utebatur mediis. Illas autem diuturniores à cibo abstinentias non tam ægrotis, quam quidem robustis, sanisque contigisse patet, cum tamen ex allata observatione ægram tribus laborasse mensibus, antequam à cibo, & potu abstinere omnino inciperet, satis constet.

Ut ergo objectioni de humorum, spirituumque continuâ attenuatione, transpiratione, & deperditione fiat satis, dico primariam rationem diuturnæ istius inediæ fuisse viscositatem (qua corpus ejus antea, dum in pagum *Diepenheimium* fuerat reversa, commestione crudorum pomorum, & raparum (liquidem aliorum eduliorum non erat appetens) onustum fuit. Subtilibus enim sanguinis partibus per quartanam, cui tunc per duos obnoxia fuerat menses, aliquatenus discussis, imminutisque, superstites crudis illis fructibus debite concoquendis non sufficiebant, ita ut necessario inde crudus, & viscidus prodierit sanguis, qui non tantum difficulter attenuari potuit, & dividi, verum etiam præsentibus subtiles, & volatiles sanguinis particulas aliquatenus frenavit, unde spiritus non poterant notabiliter avolare constanter in sanguine permanentes, ita ut parvus ille calor, viscidusque succus servandæ in statu tam misero puellæ absque ulteriori alimentorum assumptione suffecerit, sanguisque ejus hac de causa multo tardiori fuerit circumactus motu. Accedit, quod sanguis illo modo frigefactus, crassiorque redditus fermentum similis plane naturæ in ventriculum deposuerit, quod per consequens nervos ejus non vellicando appetitum prostravit.

Hujus etiam sententiæ sunt *Albertus Magnus lib. 7. de Animalibus. Foubertus, Grevinus Langius, Citesius*, alique, & ex Veteribus

Avicenna, qui lib. 1. doct. 6. cap. 1. & lib. 3. Fen. 13. tr. 5. cap. 8. pituitam, deficiente alio nutrimento, hominem aliquamdiu sustentare, & nutrire posse docuit.

Fortunius Licetus tract. de iis, qui diu vivunt sine alimentis illud ob æqualiter temperatum, humidumque calorem fieri statuit: quando scilicet alter alteri non manifeste dominatur, unde fiat, ut hisce temperaturâ minus in se invicem activâ concurrentibus, calor humidum non consumat, quapropter nihil exhauritur, humidumque tenellæ caloris operationi resistere potest, unde non necesse est, restituiatur. Agentis enim potestate patientis renixum superare non valente nihil interit.

Hanc etiam propter rationem glires, taxi (de quibus vide *Fonstorum hist. natural. de quadrup. cap. 6. fol. 146.*) Marmotæ, Crocodili, ursi, mures montani (de quibus *Aristot. lib. 8. animal. cap. 17.*) testudines, serpentes, hirundines, Turtures, ranæ, cicadæ, muscæ, culices, pluraque alia animalia per totam hyemem in antris absque alimentis vitam transigunt. Unde *Plinius lib. 8. cap. 57*, & *Aristot. modo adducto lib. & cap. per somnum nutriri*, & impinguescere ajunt:

Hinc etiam *Martialis lib. 13. Epigr. 59. de Glire cecinit.*

*Tota mihi dormitur hiems, & pinguior illo
Tempore sum, quo me nil nisi somnus alit.*

& alibi.

*Dormitis nimium glires, vitulique marini;
Nil mirum, si vos crassa Minerva premit.*

Mures montani per sex menses continuos, & quidem tam firmiter dormire feruntur, ut ex antris eruti non expergeant, nisi vel ad radios solis, vel ignem optime calefacti. Testudo hyberno tempore se sub terra occultat, antrumque aliquod sibi efformat, ubi sepulta sub terra ad trium, quatuorve digitorum profunditatem per totam absque cibo, & potu permanet brumam: Imo eadem (teste *Rondeletio lib. de Amphib.*) absque alimentis quovis tempore in vivis manere potest.

Hæc vero animalia sanguine, & succo prædita sunt admodum frigido, uti ipsemet sum expertus; unde & tardus est illorum motus, haud dubie etiam eorum sanguine particulæ nitrosæ abunde continentur, quæ absque coagulatione frigus introducunt, sicque transpirationem ab attenuatione oriundam facilius impediunt.

Tradit *Aristot. lib. 8. hist. animal. cap. 15.* serpentes tempore brumali se sub terra occultare. *Nierenbergius lib. 12. hist. nat. cap. 1.* eosdem narrat apud Indos per annum integrum vivere absque alimentis posse. Idem testatur *Bellonius, & Plinius lib. 8. cap. 39.* adstipulante etiam *Franc. Citesio*, Medico gallico, dum se expertum dicit serpentes vitreis lagenis inclusos per annum integrum

CENT. POST. PARS PR. OBS. XV. 169
grum absque alimentis vivos conservari posse :
fol. mihi 177. tract. de abstinente Confolentanea.

Idem *Citesius* varias profert animalium species
quæ ex penu suo, tanquam è feraci promo, &
condo alimentum attrahunt, & veluti alterum
rorem in universam suam substantiam fusum con-
cipiunt. Quæ inter sunt cochleæ, hæ enim cum
sitiunt, aeris atque illis de cælo nihil illiquitur,
succo proprio victitant; unde *Plautus captivis*
act. I. Scena I.

Quasi, cum caletur, cochleæ in occulto la-
tent,
Suo sibi succo vivunt, ros si non cadit.

Hyeme autem id contingit, quando sub terra co-
chleæ terrestres adversus hyberni frigoris inju-
riam albo quodam operculo, duro, gypsi que
speciem referente, ac testæ obtenso munitæ solo
interno redundantis humoris fomite sustinentur
per integrum semestre sub terra circa fruticum ra-
dices conditæ: ut & omnia fere animalia hyemis
asperitatem variis latibulis lenire solita, qualia
angues, ranæ, muscæ, erucæ, &c.

Lacertæ, & hirundines, inquit *Broun*
pseudo-doxia Epidemicæ cap. 21. fol. 292. per ali-
quot menses absque alimento vivunt, cochleas-
que per totam hyemen in vitris servavimus, quæ
postea, instante vere, iterum comederunt.

Tradit *Plinius lib. 9. cap. 51.* ranas per sex men-

170 OBSERVAT. RARIORUM,
ses continuos quasi in pituitam, lutumque mutari, aut appropinquante vere, quasi regenerari, ita ut frigore quidem dissolvantur, non consumantur tamen. Scribit & eas in riparum antris, non tantum alimento destitutas, sed & semimortuas jacere. *Fonstonus autem de quadrupedibus fol. mihi 189. temporales, durantesque dari ranas, Pliniique locum de illis accipiendum scribit. Tradit idem Ionstonus p. 186. durantes etiam hyeme sub aquis degere occluso, ac veluti conglutinato ore: quod ipsum & Albertus, ususque crebrior docuerunt.*

Similiter muscæ frigore torpescences inter fissuras asserum, trabumque sese occultant, vernalique tempore, ignive admotæ, tanquam diu sepultæ resurgunt. Idem fere testatur *Aristoteles lib. 8. de part. Animal. cap. 14. ut & Plinius lib. 11. cap. 16. de apibus. Experimur, inquit Swammerdammius tract. de insectis fol. 162. insecta, paucis exceptis, per totam hyemem superesse; quo tamen tempore se non movent, si vero vel ex locis suis, quæ tanquam naturæ convenientia sibi elegerant, deturbantur, erigere sese nequeunt, sed accedente calore manus, vel ignis, avolant, & de loco in locum motitatione alarum tamdiu transferuntur, donec frigore torpescences certum sibi denuo elegerint domicilium.*

Hirundines, quarum, teste *Aristotele*, varix sunt species, à frigore brumali se defendere gestientes occultant sese ad lacuum, fluminum-
que

que, & paludum margines, vel ad puteorum cavitates, rupeve mari vicinas, ubi veluti amplexibus conjunctæ reperiuntur, se conferunt. Memorat *Agricola* piscatores easdem nonnunquam ita mutuo conjunctas ex aquis extraxisse. Quod & tanquam verissimum nobis *Aldrovandus* ex *Aristotele*, *Plinio*, *Olao*, aliisque indicavit. Testatur etiam *Gaspar à Reyes Franco* certum esse, per dimidium annum vivere absque alimentis hirundines posse.

Memorat *Cromerius lib. 1. hist. Poloniae* parvas quasdam in Polonia aves, hirundinibus, * Cypselisque non multum dissimiles conglobatis mistisque simul pedibus sub brumæ adventum sese lacubus, aquisque submergere, prope veris initium inde prodituras, piscantumque retibus quandoque per hyemem motu sensuque carentes educi, nec non igni, hypocaustove admotas reviviscere, ac avolare, frigore autem læsas illico extinguui.

Diu equidem, multumque disceptatum fuit, ubinam locorum tempore hyberno lateant ciconiæ, & unde proveniant. Sed *Baptista Campo Fulgosus lib. 1. memorabil. fol. mihi 169.* testatur eas, hirundinum fere more, sese sub aquis occultare, quod & confirmare videtur *Aristoteles*,
dum

* Κύψελος five Apos (quod pedibus carere dicatur) avis quædam est similis hirundini, de qua *Aristot. Hist. animal. lib. 9. cap. 30.* & *Plinius lib. 10. cap. 39.* quæ in scopulis nidificare dicitur.

172 OBSERVAT. RARIORUM,
dum *lib. 8. hist. Animal. cap. 16.* ciconiam quoque se occultare scribit.

Verum quidem est ciconias in diversis mundi tractibus certis conspici temporibus, unde *Plinius libr. 10. hist. nat. cap. 23.* eas aves esse peregrinas, æstivasque dicit, velut etiam *Phædrus lib. 1. fab. 36.* ut & *Publius Syrus apud Petronium Satyr.* nec non *Varro de lib. de rer. rustica* affirmant; aut quonam postea tendant; quidam eas ex Africâ provenire, eoque reverti ajunt, sed non addunt, quid ibidem agant. Quidam enim eas ibidem, velut in Europâ, nidificare, pullosque progignere scribunt. At aliarum avium more sæpe hyeme in montibus, vel paludibus occultare alii autumant, cujus opinionis etiam est *Martinus Schoockius tract. de ciconiis*, utpote quæ potissimum conveniat cum Prophetæ *Jeremiæ verbis cap. 8. v. 7.* ubi dicit: *Etiam ciconia in cælo cognoscit tempus suum; turturque, grus, & hirundo observant tempus adventus sui.*

Notandum ergo est hîc loci, ciconiam dici certum tempus observare, quæ verba non ita convenirent, si aves hæ certis temporibus de loco in locum migrarent; tunc enim magis illæ certa cognoscere loca dicendæ essent. Observandum quoque est ciconiam, quia *Jeremiæ* loco cum grue, turture, & hirundine conjungitur, certum esse eodem, quo illæ tres, tempore brumali sese occultare.

Deinde etiam, si tempore hyberno vel in Africâ,

fricâ, vel ad Pontum Euxinum degerent ciconiæ, necessario per totum illud tempus istis, vel vicinis in locis conspicerentur, cum tamen illarum regionum incolæ nesciant, quonam sese propriant, postquam aliquamdiu ibidem permanferint.

Notum cuivis est, quomodo etiam bombyx, mediâ æstate, ad minimum per 14. dies non absque alimentis vivat tantum, sed insuper magnam substantiæ portionem filis sericis nendis impendat.

Verosimile etiam est in brutis absque alimentis diu latentibus, & plerumque dormientibus, non omnem abolitum esse motum, sed eum duntaxat, qui per manifestam partium solidarum agitationem certum exhibet vitæ indicium. Superest videlicet sanguinis humorumque circulatio motus, & caloris initium, à quo alius major, accrescentibus viribus, modo à causis aliis non turbetur, omnino dependet.

Galenus lib. 5. de loc. affect. cap. 1. si, ait, neque sentiendi, neque movendi ab electione facultatem habuerit „ animal, neque nutriatur, „ velut in latentibus evenit animalibus, nihilo- „ minus vivere ipsum posse, quoad cor manserit illæsum, haud quaquam negandum est. „ Quin videmus sæpenumero multis deinceps „ diebus alios neque intelligere, neque sentire, „ neque etiam moveri, at nihilominus vivere.

Anne etiam multas plantas extra terram, è
quâ

174 OBSERVAT. RARIORUM,
quâ proveniunt, per aliquot menses superesse;
nec desinere propullulare videmus? ut cæpe,
scylla, allium, sempervivum, aloë, (quæ idcirco
sempervivum marinum dicta) telephium, aliæ-
que plures ejusmodi herbæ, quæ omnes succum
quendam crassum, lentum, & viscosum obti-
nent, unde arido cælo resistere possunt, adeo-
que non multo intus calore gaudent. Quare è
terra eductæ non virescunt tantum, sed & ger-
minant.

Probant hæc omnia crudam, frigidamque,
ac viscidam materiam in corpore (præsertim
sanguine antea ejusmodi particulis onusto) cau-
sam esse, cur corpus (quale etiam ægræ nostræ
fuit) absque recenti nutrimento diutius subsi-
stere queat. Idcirco etiam *Hippocrates sect. 1. aph. 13. Senes facillime* (propter exiguum scilicet calorem) *jejunium ferre dixit, secundò atate consistentes.* Et *sect. 7. aph. 59. Corporibus,* ait, *humidas carnes habentibus, famem inducere oportet, fames enim siccat corpora:* nec non *lib. de victus ratione in morb. acutis sect. 4. fol. 389. Non consuetam,* inquit, *cibi abstinentiam facilius in totum ferunt, qui partibus superioribus pituitosi sunt:* Quare humidioris temperamenti homines ciborum abstinentiam melius ferunt. Forsan etiam insuper puellæ nostræ non ita fuerunt aperti, quam quidem aliarum, pori, ita ut minor inde ei fuerit transpiratio, secundum enim ejus proportionem augetur minuiturve ali-

alimentorum usus. Hinc fit, ut viri, utpote poris gaudentes apertioribus, proportionē habitā, plus ciborum capiant, quam fœminæ: credibile etiam est, puellæ, de quâ hæc observatio, corpore extrinsecus frigore occluso, cutique propter nutrimenti defectum arefactâ, poros etiam aliquo modo magis fuisse occlusos. Neque dubium est, quin ii, qui majoribus, apertioribusque donantur poris, famem minus tolerare possint, faciliusque multo, quam alii, in animi incidant deliquium.

Hæc jam dicta sufficiant de diuturnæ illius inedia causis: descendamus jam ad symptomatum explicationem.

Primum fuit post tot frigidorum, crudorumque fructuum usum tractu temporis omnino cessans appetitus. Hoc autem non ita mirandum est, audita jam supra explicatione.

Secundum symptoma convulsiones erant. Hæ autem ab humoribus, qui, exitu non invento, temporis que lapsu acriores redditi cerebri membranas nervosque ad expulsionem irritatos velliebant, proveniebant.

Nec novum erat convulsiones istas Lunæ aufcultasse phasibus, siquidem iam olim Servatoris nostri tempore, epileptici *σεληνιαζόμενοι*, sive *σεληνιακοί*, hoc est, lunatici dicti fuerint. Animadvertentur enim epileptici juxta diversas lunæ phases speciatim affici, ita ut Luna non tantum circa fluxus, & refluxus marium, fluminum,

alia-

176 OBSERVAT. RARIORUM,
aliarumque aquarum, sed & circa hominum, bru-
torumque humores peculiarem vim demon-
stret.

Talis etiam puer quidam turbæ Jesum sequen-
tiserat *Matth. cap. 17. vers 14.* cujus ergo pater
ad Jesum appropinquans in genua prolapsus di-
xit: *Domine miserere filii mei, quoniam luna-
ticus est, & male afficitur, sæpe enim cadit in ig-
& sæpe in aquam.* Legimus & apud *Marcum
cap. 9. vers 17.* Quendam è turba clamantem
dixisse: *filium ad te, magister adduxi, habentem spiritum malum, qui ubicunque corripuerit
eum, lacerat, ipse vero spumat, & stridet den-
tibus, & exarescit, dixique discipulis vestris, ut
illum ejicerent, sed non potuerunt, quæ Lucas c.
9. vers 39. fere repetit.*

Pueri autem illius malum *Epilepsiam* fuisse Pa-
rentis verba, Evangelistarumque abunde do-
cent testimonia. Namque illum convulsum
dentibus stridisse, sæpiusque delapsum, nec non
ore spumanti fuisse fidem faciunt. Pater autem
malum hoc ei à primâ usque infantiâ adhæsisse
questus fuerat.

*Hinc Hippocrates lib. de aëre, aq. & loc, ut
& 6. epidem, morbum hunc τὴν τὴν παιδικὴν
νόσον, sive puerorum morbum vocat, pueris autem
hunc magis familiarem morbum crediderim,
quod humidum maxime iis sit cerebrum hinc
Hippocrates Aph. 7. sect. 5. Quibus inquit epilep-
sias ante pubertatem contingunt, mutationem
habens*

habent, (*diminuto scilicet per etatem humido.*)
Quibus vero accidit viginti quinque annos natis,
plerumque commoriuntur.

Notavit quoque optime *Avicenna lib. 1. fen.*
1. tract. 5. cap. 10. morbum hunc, proportionem
 habitâ, in calidioribus magis, quam frigidiori-
 bus regionibus homines affligere.

Afros malo Herculeo obnoxios admodum ef-
se Hippocrates quoque lib. de morb. sacr. propter
 calorem regionis testatur. Puer autem, de quo
 S. Script. in *Galilæa*, ubi etiam calet maxime,
 natus erat.

Certum autem est modo enarrata symptomata
 non ex Veterum tantum (quales sunt *Hippocra-*
tes quoque lib. de morb. sacr. propter calorem re-
 gionis testatur. Puer autem, de quo S. Script.
 in *Galibada*, ubi etiam calet maxime, natus
 erat.

Certum autem est modo enarrata symtomata
 non ex Veterum tantum (quales sunt *Hippocra-*
tes lib. de morb. sacr. & Galenus 3. de loc. aff. cap.
7.) sed & recentiorum opinione morbum sa-
 crum plerumque comitari: quod & experientia
 abunde demonstrat.

Contingit aliquando, ut morbus hic statas ser-
 vet periodos, patientemque denuo summâ cum
 vehementia invadat, cujus rei exemplum unum,
 & alterum adjiciam.

Thom. Bartholinus obs. med. centur. 2. hist. 72.
Singularem, inquit, *Luna cum corpore Epilep-*

tici consensum in Patria nostra vidi: filia enim Sophia in horto Regio Fridericiburgense epileptica meæ curæ subjacta, maculas in facie habet apparentes, quæ pro variâ Lunæ phasi, & mutatione, variæ videntur tam colore, quam magnitudine. Tantum corporibus nostris cum cœlo commercium.

Sic etiam *Joh. Udalricus Rumlerus obs. med. 66.* habet exemplum cujusdam, quem morbus iste plenilunii tempore invadebat. Plura adducit *Georg. Wolfg. Wedelius Ephem. Germ. decur. 2. an. 2. obs. 148. p. 324.*

Et inter ea de nobili quadam virgine, quæ 20 an: nata novilunii tempore isto malo fuerit afflicta. *Galenus lib. de diebus decret. cap. 2. fol. 157.* Luna inquit, menstruorum statum tempus mulieribus conservat, comitialium circuitus custodit, quod Solis plus, vel minus participat. Omnia siquidem, quæ facere nata est, ubi falcis figuram repræsentat, languida fiunt: valida omnia, cum plena fuerit.

Animadvertendum quoque est, vitium illud, Veteribus (inter quos noster *Hippocrates*) morbum sacrum dici, quod immediate a Deo produci crederetur, teste *Celso Aureliano lib. 1. morb. Chron. cap. 4.* vel etiam, quia Epilepticus credebatur dæmone obsessus, teste *Areteo lib. 1. de caus. Chronic. cap. 6.*

Hinc etiam morbus hic (siquidem ut plurimum occurrebat inter Judæos) certis incanta-

mentis, teste *Buxtorfio synag. Jud. cap. 33.* olim mitigari credebatur.

Immediate eum à cacodæmone provenire *Serapio* voluit; hic enim non tantum illi morbo, sed & aliis, ut tanto magis miseros torqueret, immiscere se solebat. *Origenes* autem olim Medicos valde objurgabat, eosque minus credulos clamabat, & hæreticos, qui asserere nollent morbo isti Diabolum se jungere, sed eum à causis naturalibus deducerent.

Verum quidem est Sathanam olim (præsertim apud Judæos) talibus in morbis coöperatum fuisse, utpote qui lunæ effectus, diversasque inde provenientes mutationes optime sciverit, sicque homines deceiverit, quatenus sibi tunc imaginabantur malum à Luna dependere ita ut non tantum eo modo opus illud insigne Dei hominibus redderet odiosum, sed etiam efficeret, ut dum illud vitium lunæ tribuerent, malitia ejus minus elucesceret. Deo equidem placuit, ut temporibus istis, quæ spissis ignorantia involuebantur tenebris, permitteretur incredulitas, impietasque, ita ut cacodæmon tunc temporis singulari quodam modo potentiam suam in homines non tantum quod ad animam, sed etiam quod ad corpus exercuerit; unde magnis cruciatibus in horrorem, & timorem circumstantium afficiebantur, ut iis liqueret, quantam Sathanas potestatem, propter peccatum justo Dei judicio in hominum interitum accepisset.

Considerari etiam velim, tanquam peculiare quid, leprosos, epilepticos, ac dæmone obsessos inter judæos nunquam majori copia reperi-
tos fuisse, quam quo tempore Deus *Iesum Christum* in remissionem peccatorum populis videndum dedit.

Num vero D.T.O.M. graves illos, & immedicabiles morbos ipsis minus solito, naturalive modo immiserit, ut tanto ardentius *Messiam*, verum animarum Medicum, desiderarent, occasionemque haberent mundo demonstrandi, quanta esset *Christi* potentia, & quomodo in mundum venisset ad vim Sathanæ destruendam, caput Serpentis conterendum, corpusque, & animam liberanda; An vero Sathanæ concesserit potentiam homines eo modo propter peccata cruciandi; vel etiam an dæmon tanquam magnus Philosophus, constitutionisque corporum humanorum conscius occasionem arripuerit, quando corpora malis humoribus repleta maxime movebantur, se naturalibus causis immiscendi, morbosque conturbandi, ac symptomata augendi, nec non huc illuc abundantes, & fermentantes humores uersus partes propellendi, sicque cæcitatem, surditatem, loquelæ amissionem, paralytim, &c. producendi, dicere equidem non ausim. Haud dubie enim tunc temporis omnem movit lapidem, ut ostenderet potestatem suam divinâ *Christi* esse majorem: sed omnipotens omnisciusque Deus Diaboli pessimum pro-

propositum ita direxit, ut in foveam, quam fecerat, inciderit, operationesque quibus miseros ad se allicere nitebatur, ad proprium ejus interitum contulerint. *Jesus Christus* enim multos dæmones obsessis ejecit, sicque *Sathanæ* potestatem diffregit, & conculcavit, suisque miraculis multos ad veram pænitentiam, fidemque convertit.

Transeamus nunc ad symptoma tertium: palpebræ namque puellæ, de quâ memoravi, firmiter occlusæ ne digitis quidem attoli potuerunt, pupillæque adeo subsederunt, ut consumptæ viderentur: hoc symptoma diuturnâ, sæpiusque iteratâ partium istarum convulsione ortum fuisse judicamus.

Quo minus autem tanto tempore potuerit deglutire, sive id humidum foret, sive siccum, paralytis musculorum pharyngis in causa fuit, sicut iis casibus sæpius quidem contingit, testibus quam plurimis, quos recensebo *observat.* 27. Tale quidem etiam jam olim *Ioh. Langius* observavit *Margaretæ Spirensi*, & *Franc: Citesius tract. de abstinentie Consolentanea*, *Johanne Balam* Confluentiæ accidisse, quarum hæc post sex demum menses motus membrorum pristinos recuperavit, remanente tamen deglutiendi impotentia: forsan quod tam propter febrem, quam diuturnius jejunium, pituita viscida liquefacta, & attenuata in nervos delapsa fuerit, teste *Citesio d. lib. fol. 173.*

Puellam autem nostram ideo magno affectam fuisse angore crediderim, quod guttâ quadam versus inferiora delabente, non prius quieverit, quin eam tussi, vomituque eiecisset; liquidum enim quodvis licet parva quantitate, assumptum, ubi per æsophagum transitum non invenit ad ventriculum, in asperam irruit arteriam, atque ad pulmones descendit. Illam autem ideo potentiam deglutiendi visumque recuperasse putem, quod superflui humores corporis partim magnis laboribus in convulsionibus, partim diuturnitate temporis sensim fuerint consumpti, attenuati, & per porose ejecti, velut etiam talis excretio in sudoribus ejus viscidis, lentisque post convulsiones erumpentibus observata est, qui etiam per continuos istos, vehementesque membrorum motus flavescebant, qualem colorem vulgo in lacte subacto, aliisque, quæ continuè moventur, quasi-fanturque animadvertimus.

Tandem etiam recuperabatur appetitus, quia, morbi maxima causa sublatâ, sanguis regularem accepit motum, &, siquidem verosimile est nullum laudabile fermentum, quum nihil, nisi parum vini tanto temporis spatio assumpsisset, ventriculo illius fuisse contentum, haud dubie acidum fermentum fuit progenitum, unde aliquid desideravit, quo acorem posset infringere, quare non adeo mirum fuit, si lardum appeteret, cum quod illi remedio esset, tum quod sana hisce forsan assueta fuerit cibus, siquidem inter homi-
nes

nes habitaret, quibus hujusmodi alimenta valde sunt familiaria.

Hicce majorem in certitudinem aliud de sex hebdomadarum inediâ, hîc Hagæ aliquot ante annos in quodam mihi noto observatâ, subjungam exemplum.

Erat scilicet *G. B.* civis Hagienfis 48 annorum, qui renum calculo, & exulceratione internâ abdominis laborabat (existimabant nempe Medici eidem *G. B.* exulceratum esse Mesenterium) tandemque anno 1651, circa finem mensis May, nocturno tempore in tantum incidebat animi deliquium, ut vicini (mori namque putabatur) advocarentur. Verum etiamsi aliquomodo ad se tandem rediret, sequente tamen die itidem animo linquebatur, unde lecto inhærere cogebatur. Postquam ergo aliquamdiu decubisset, ipsumque sæpius frustra invisisset *Celeb: Med: Guilh: Stratenus*, arcessitus tandem fuit & *Expertiss. G. Libergius*, cujus etiam ope per 14. dies, vel ultra, incassum imploratâ, ita tandem debilitatus est, ut denuo animo defecerit, & sex hebdomadas continuas sui compos non fuerit, nullo interea vitæ indicio apparente: neque enim comedebat, nec bibebat, alvum non deponebat, non mingeat, nec sternutabat, tussiebatve, aut suspirabat, sicque sensu, motuque carens, exceptâ leni quadam circa oculum, & humerum sinistram convulsione, mortuo decumbebat similis. Deficiebat arteriarum

184 OBSERVAT. RARIORUM,
pulsus, nullâ respiratione, ne per plumam quidem ori admotam, speculumve aliquod tersius adhibitum, animadversâ, imo à mortuo non differerat, nisi quod frigeret minus.

Parumper vero tandem ad se reverso ad virium refocillationem aliquid exhibitum fuit, unde sensim restituebantur. Postea autem uxor, quæ quatuordecim ante ejus morbum dies fuerat imprægnata, per decem menses continuante infirmitate, lacte suo eum usque ad undecimum nutritivum mensem, tunc enim primò prodibat. Interim tempore morbi corpus ejus à capite usque ad calcem tanquam crustâ quadam obductum erat, quæ raparum decocto humectata decidit. Tota posterioris corporis partis cutis, cui per omne illud tempus incubuerat, secessionem fecit à supremâ parte ad imam idoneis dein emplastris restituta.

Nec silendum duco hunc longo ante morbum tempore fuisse canum, nivibusque capitis amissis capillos novos, ac fusci coloris, mollesque successisse, eumque omnia, quæ antea non sine perspicillis, quæ vocant, conspexerat, postea sine ipsis, renovatâ oculorum acie, vidisse.

Post gravem hunc morbum idem per 6 annos, interno ulcere nunquam liberatus vixit: ter enim quaterve quotannis magnam per alvum excrevit puris copiam, quod certis præsensit signis. Hisce tamen non obstantibus uxorem sex annorum spatio bis imprægnavit.

Memini

Memini etiam me, initio Autumni an: 1673. arcessitum fuisse ad uxorem *Joh. Schinkel*, quæ morbo quodam correpta, lectoque affixa, neque mentis compos, ultra mensis spatium nihil assumpsit, nec intra tres hebdomadas quidquam bibit, cujus rei testis etiam est Expertiss: Medicus noster *D. Cock*, qui ipsam sæpius visit. Tandem vero illa inde fuit extincta.

P. Borellus obs. rar. Med. phys. cent. 3. obs. 35: fol. 224. de Carthusiano quodam refert, qui per duos menses continuos ægrotans absque ullâ cibi assumptione permansit, omnia enim ad nutritionem respuebat, & si coactus aliquid deglutisset, iterum evomebat, sicque per quatuor menses absque alimentis vivebat.

Unde venter adeo recesserat, evanueratque, ut ossium dorsi vestigia in ventris cute impressa essent. Hinc colligendum est, ut ait idem, ipsum ex humore viscoso, & instar ejus, qui limacum est, victum sibi comparasse.

OBSERVATIO XVI.

Per vomitum, & Secessum ejecta piccâ nigredine tincta.

QUemadmodum diversa præternaturalia, hac vel illa mala dispositione sensim in corporibus humanis

186 OBSERVAT. RARIORUM,
colliguntur, ita etiam variæ admodum
viæ sunt, quibus illa exonerantur. Sic
mihi occurrerunt duo, quorum alter
mas erat, altera fœmina, uterque vero
tam per os, quam alvum materiam quan-
dam sæpe ejiciebat, picis instar nigram,
eamque nonnunquam solam, nonnun-
quam alimentis, excrementisque per
mixtam: ambo etiam dudum erant
emaciati, parumque assumpserant ali-
menti; instante morte, paululum feбри-
citabant, alteri malum illud mœror, al-
teri copiosior fortioris poculi usus pro-
duxerat. Conquerebatur uterque de
latere sinistro, faciemque diu habuerat
male coloratam.

IN OBSERVATIONEM XVI.

DIu admodum plurimi disceptarunt, unde-
nam nigra illa materia proveniret, mihi ve-
ro nunquam fuit dubium, quin è vasis sangui-
feris prodiret. Ita *Galenus lib. 5. cap. 5. de loc:
affect.*, & *6. ejusdem cap. 1. confirmante etiam
Hippocrate lib. 5. de morb. popularib.*, nonnun-
quam per vomitum ex hepate, vel liene sangui-
nem ejici scribit.

Est

Est autem valde periculosa hujusmodi cruoris ejectio. Quapropter etiam *R. Dodoneus med. obs. cap. 26. fol. 64.* testatur se nullum unquam vidisse hominem, qui hoc liberatus fuerit morbo; quamvis enim hic sanguinis vomitus sæpe aliquamdiu, imo nonnunquam per annum integrum, vel ultra cessaverit, facillime tamen revertitur, subitanæque tandem mortis ægri per hujusmodi vomitum obruuntur, vel etiam in ascitidem incidunt.

Hujus rei exempla extant apud *Marcell. Donatum hist. med. mirab. lib. 4. cap. 9.* & apud *R. Dodoneum cap. 26. Joh. Rhodium obs. med. cent. 2. obs. 64. Scultet. armament. obs. 73.* Hinc etiam *Hippocr. lib. 4. aph. 21.* Dejectiones. inquit, nigrae, qualis sanguis niger, sponte prodeuntes, & cum febre, & sine febre, pessime. Et eodem lib. aph. 22. morbis quibusvis incipientibus, si bilis atra vel sursum, vel deorsum prodierit, letale. Ut & seqq. aph. 23. ejusdem libri. Quibuscumque ex morbis acutis, aut diuturnis, vulneribusve, aut aliter quocunque modo extenuatis, bilis atra, vel, qualis sanguis niger, prodierit, postridie moriuntur. Idem lib. eodem Aphor. 25. Sanguis, ait, quidem qualiscunque sit, malum. Deorsum vero, bonum, niger subtus secedens. Ita tamen hæc pronunciat *Hippocrates*, si mala corporis accedat dispositio, vel febris adsit, uti clarius semet ipsum lib. 7. aph. 37. explicat. Fieri enim potest
ut

188 OBSERVAT. RARIORUM,
ut quisquam cætera sanus, illæsis visceribus internis, & impeditis solitis (scil. mulierum menstruis, five virorum hæmorrhoidibus, vel alio quodam fluxu) evacuationibus, nonnunquam hujusmodi sanguinis vomitu sanetur, quale exemplum vomentis puellæ sequenti obs. 17. adducturi sumus.

Memorat *Thom. Bartholin. cent. 3. hist. 36. fol. 76.* de nobili quodam Dano ænor. 60. qui 30. annos continuos statis temporibus sanguinis magnam quantitatem, sine ullo, vel minimo sanitatis detrimento, aut vitæ periculo evomuerit.

Verum in statu minus sano vomitus ille sanguinis vel hepar, vel lienem, mesenterium vel æsum denotat; unde ut plurimum pallidus ille tristisque faciei color, quem vulgo ita vomentes habent, provenit.

Lien etiam in hujusmodi cadaveribus instar coagulati sanguinis massæ apparuit absque ulla substantiæ soliditate, quæ teste *Dodoneo loco adducto, ut & Felice Platero lib. 2. obs. pag. 469* facile attactu separabatur.

Theoph. Bonetus Med. Sept. collat. lib. 3. sect. 5. cap. 4. fol. mihi 528. vocatum se ait ad Senatorem Neocomensem sexagenarium, de vertigine & cardialgia conquerentem; quam illico exceperit gravis animi defectio, & immissus clyster atrum eduxerit humorem: Hic cardiacorum exhibitio-
ne recreatus fuit; circa mediam noctem imploratur ejus auxilium, quia syncope advenerat,
quâ

quâ exitatus balbutiebat æger, viribus summe prostratis. Injecto alio clystere, sanguis ater iterum cum euphoria excretus. Exactis aliquot mensibus per os eiecit humorem nigredine cum atramento certantem, & singulis postea hebdomadis redibat affectus, genio enim pro more indulgebat. Cadavere aperto vitium lienis deprehensum fuit, qui summa parte catcinomate exesus, intusque, & extra nigricans erat, in ventriculum sarcinâ se exonerans.

De via autem, per quam sanguis iste è partibus affectis pervenit ad ventriculum, variæ admodum occurrunt considerationes.

Communis Veterum, nec non recentiorum quorundam opinio est sanguinem istum per vasa brevia ad ventriculum transire,

Bauhinus, Varolius, Riolanus, & Rolfin-
kius hisce vasis brevibus communionem ventriculo cum liene dari ajunt. Affert etiam *Riolanus*
Anthrop. lib. 2. cap. 17. fol. mihi 114. in lienosis à vase brevi sæpissime copiosas, & immodicas sanguinis susque deque rejectiones emanare se vidisse, & in nobili quodam Senatore, qui rejectione sanguinis per superiora, & inferiora è liene prodeuntis interierat, deprehendisse vas breve minimi digiti magnitudine latum, & in ventriculum adapertum.

Th. Bartholinus idem confirmat loco adscripto, dum se vasa brevia in hujusmodi hominum dissectis cadaveribus reperisse tumefacta admodum

190 OBSERVAT. RARIORUM,
dum nec non sanguinereferta dicit. Idem testatur *Reald. Columbus Rer. Anatom. lib. 15. pag. mihi 492*, de Cardinale Cibo, qui sanguinis vomitu, & dejectione nigra obierat; in ejus autem cadavere dissecto, præsentē *Antho. Musa Brassavolo*, reperta est vena è liene prodiens supra morem tumefacta, nec non ex eadem non tantum in ventriculum, sed & in intestina ejectus sanguis. De eodem *Valverda lib. 6. cap. 5.* atque ex eodem *Adrian. Spigelius de hum. corp. fabr. lib. 8. cap. 14.* compresso liene ventriculum sanguine, qui per vas breve derivabatur, repletum fuisse, ventriculo autem presso lienem intumuisse notavit.

Theoph. Bonetus Medic. Septent. collat. lib. 3. de infimo ventre, sect. 7. fol. mihi 547. ex *Georg. Wolfg. Wedelio* de gravida quadam muliere sanguinem vomente memorat, cujus lien maximus erat, ac tumidus, vasque breve solito calamo scriptorio crassius, quod è liene prodiens in ventriculum inferebatur, ubi in diversos dividebatur ramos, uno horum stylum in ventriculum admittente, reliquis in exteriorē ejus tunicam insertis. Non procul ab hoc inferius paullo aliud adhuc vas, sed minus, ex liene ad ventriculum tendere visum est, itidem pervium.

Ventriculus alias satis sanus sanguine grumoso ad tertias repletus observabatur, in vasis vero sanguiferis vix vestigium exstabat sanguinis, exceptis aortæ, & venæ cavæ parum sanguinis coagu-

lati

lati continentibus: unde quis inferat propter istam vasorum communionem aliquid è liene in ventricum effundi posse. Verum non adeo certum id est, quamvis enim venæ per universum corpus undique dispersæ sanguinem ab arteriis advectum à quavis parte avehant, nec non valvulis refluxum cohibeant sanguinem, alia tamen venarum ventriculi est constitutio, utpote in quibus nullæ reperiuntur valvulæ, ita ut sanguis, etiam in cadaveribus, susque, deque, tam versus superiora, quam inferiora ex iisdem exprimi possit. Vasa autem hæc ventriculi venosa quadruplicia sunt; primo nempe *vasa brevia* duos pollices lata, quæ sanguinem à ventriculo in ramum splenicum, non tamen in lienem, & inde in venam portæ deferunt; Secundo vena in latere dextro, paulo infra inferius ventriculi orificium, dextra *gastro-epiploica* vocata; Tertio in sinistro latere *gastro-epiploica* sinistra, quæ ramos tam in ventriculum, quam omentum dispergunt, & denique Quarto dextra *gastrica*, sive *pylorica tenuis*, quæ à trunco venæ portæ provenit, quæ omnes venæ mutuas in ventriculo anastomoses habent nullis dotata valvulis.

Hæc omnia ita se habere retulit mihi Anatomicus, & Medicus Hagienfis Celebris D. *Anth. Nuck*, ut pote observationibus edoctus, tam per sanguinis pressiones, quam liquorum in ista vasa injectiones, ut & inflationes. Flatus enim, & liquor in vas breve immissi in ipsa ascendere vasa gastrica.

Antho. de Pozzis ephem. German. ann. 4. obs. 30. fol. 32. se in Baronissæ ejusdam cadavere observasse ait vas breve ad ventriculum tendens valvulis caruisse. Ita ut mirum non sit sanguinem à ventriculo Cardinalis illius ad lienem, & vice versâ ab hoc ad ventriculum potuisse premi.

Nihil autem omnino ex arteriæ celiacæ ramis à liene ad ventriculum, vel vice versâ, à ventriculo ad lienem transire statuit *Richard: Lowervus tract. de corde cap. 5. fol. 205.*

Ubi, *Tertius*, ait, arteriæ celiacæ ramus, qui &
 „ omnium maximus est, in duas dividitur pro-
 „ pagines, quarum Prior versus sinistram lienis
 „ partem procedit, sed ubi lieni appropinquat,
 „ diffissa quasi in bivium, furculum unum in
 „ ventriculi fundum exporrigit, alium in lienem
 „ reflectit. Secunda vero hujus rami propago
 „ paulo ulterius prosecta prope alteram lienis
 „ partem simul in quatuor furculos dividitur,
 „ quorum duo in lienem, reliqui in ventriculum
 „ huc illuc quaquaversum explicantur. Hoc
 „ autem expertum se injectione atramenti vel
 „ lactis, clareque, & perspicue se vidisse li-
 „ quorem, postquam ad commune illud bi-
 „ vium, vel quadrivium pervenisset, in lienem,
 „ & ventriculum, simul, & semel deferri af-
 „ firmat.

Mutuam vero duorum istorum corporum
 communionem, sanguinisque in ventriculum

ranslationem per lienis fieri venas minus est verosimile; eodem namque modo, quo arteriæ, quæ sanguinem ad hepar, pancreas, intestinum duodenum, ventriculum, lienem, & omentum adferunt, omnes ex eodem proveniunt trunco; ita etiam venæ, quæ à quavis harum partium particulariter procedunt, quæque sanguinem per arterias advectum revehunt, omnes in unum concurrentes truncum venam scilicet portæ terminantur, ita ut venæ inter ventriculum, & lienem brevibus sibi mutuo ramis concurrentes, ideoque breves dictæ, rami tantum sint venarum à fundo ventriculi descendentes, dum rursus alii venarum rami à liene provenientes prioribus obviam procedunt, ac melioris deductionis ergo conjuncti in unum, vas nempe breve, concurrunt truncum, qui porro ab utraque parte refluxum, nec non commixtum sanguinem ad portæ venam defert.

Fel. Platerus obs. lib. 3. fol. mihi 748. & 751. ut & lib. de vomit. caus. cap. 8. fol. mihi 648. hujusmodi picis instar nigrum sanguinem per vomitum, alvumque ejectum è vasis mesentericis ad ventriculum excurrentibus, ac ob tetri sanguinis illuviem in illis contentam referatis, provenire existimat.

Fr. de le Boë Sylvius vomitum sanguinis pancreaticis vase quodam humore acri aperto oriri statuit, quem sanguinem si nec per superiora, nec inferiora exoneretur, ibidem ulcus producere affirmat.

Verum modo adducta opinio (qua sanguis ex liene per vasa brevia, & mesenterica in ventriculi cavitatem deferri creditur) non sustentari posse videtur, quod inter ventriculi tunicas quidem, sed neutiquam ipso terminentur ventriculo, alias enim sanguis continuo in eundem efflueret.

Verum quidem est vasa illa sanguifera naturaliter ventriculi tunicis inferi, sed in temperationibus, maleque dispositis corporibus sanguis fervidior, acriorque redditur, unde vasa in ipso aperiuntur ventriculo, indicante hoc ipsum *Th. Willisio de scorb. cap. 2.* cum dicit sanguinem eo casu magis, salinum adeoque ad orgasmum aptiorem orificia vasorum facilius perrumpere.

Et quid ni hic æque, ac aliis corporis in partibus, vasa sanguifera per diapedesin, vel diæresin perrumpantur, sanguisque minus consueta fermentatione concitatus in ventriculum effundatur?

Ita sæpe observata sunt in hominibus sanguinis vomitu extinctis vasa sanguifera majora propter orgasmum sanguinis plus justo concitatiorem, fere evacuata, & in circumstantium admirationem circa partem, ubi facta fuerat evacuatio in ventriculo admodum fuisse tumefacta; hæc inter alios confirmat *Aug. Thonerus lib. 3. obs. pag. mihi 140.* Cum memoret, quomodo *D. M.*
 „ *A. Herrenschmid* Gymnasy Ulm. *Metaphys.*
 „ Professor post largiorem vini haustum corpo-
 „ risque validiorem motum in sanguinis vomiti-

„ tum

„ tum exundantem inciderit ad mortem usque
 „ perseverantem. Quo vita functo, & cada-
 „ vere reſerato, in tota vena cava, & arteria
 „ magnain lumbis recumbentibus nihil fere ſan-
 „ guinis, in aliis etiam vasis nihil, præter quaſ-
 „ mucilagines tantillo cruore imbutas, ventricu-
 „ li vasis ſanguiducis valde tumefactis repertum
 „ ait.

Idem quoque teſtatus eſt de gravida muliere;
 cujus modo memini, *Georg. Wolfg. Wedelius*,
 nec non *F. Platerus lib. 2. obſ. pag. 472.* de nobi-
 li quadam matrona.

Cauſa vero, cur vas breve venoſum, juxta
 ſupra adductorum teſtimonia, in iis, qui vomitu
 ſanguinis obierunt, uſque adeo intumuerit,
 nulla, meo quidem judicio, alia eſſe potuit,
 quam magnus aliquis ſanguinis orgaſmus atque
 inſuper obſtructiones quædam neceſſario in vasis
 latentes gaſtricis à vena cæliaca procedentibus,
 & ad lienem excurrentibus. Ita ut, cum ſanguis
 inde tam cito per ramos venæ cæliacæ reverti ne-
 queat, quam quidem fortiter ab arteriis appelli-
 tur, neceſſario partim extra vaſa erumpit, partim
 vas breve ad implet, & diſtendit.

OBSERVATIO XVII.

Menstrua vomitu egesta.

EXemplum quoddam menstrui fluxus guttatim è palpebris effluentis tom. 1. obs. 19. ejusdemque aliud quoddam è palpillis erumpente obs. 79. retuli; hic autem agam de menstruis à puella quadam (quæ olim parentibus meis famulata est) tempore cujusvis purgationis menstruæ vomitu magna quantitate ejectis, quod ego ipsemet aliquoties vidi, puella autem nihil inde detrimenti sensit, sana namque permanebat, & alacris.

IN OBSERVATIONEM XVII.

CAtamenia mulierum propter vasorum sanguiferorum circa uterum obstructionem prodire nescia alias sibi vias quærunt, per quas commodè exonerentur, uti obs. 19. tom. nostri primi aliquomodo ostendimus, vomitu autem rarius illorum fit ejectio.

Thom. Barthol. cent. 5. hist. 32. exemplum suppeditat fæminæ, cui solitæ mensium purgationes

tiones per annum substituerant, quæque statis mensium vicibus vomitum sanguinis, satis subinde grumosi, patiebatur, sine ulla de liene quærimonia. Idem testantur *Anth. Muza Brassavolus comm. ad aph. 32. sect. 5. Hippocratis*, nec non *R. Dodon. medicinal. obs. cap. 26. Anth. Benivenius cap. 41. Amat. Lusit. cent. 2. curat. 17. Joh. Langius epist. 40. lib. 1. Verzasch. obs. med. c. 13. Mart. Ruland. cent. 3. curat. 4. & cent. 4. curat. 67. G. Horstius part. 2. obs. medic. lib. 1. obs. 33. Alb. Hermannus Cummius miscell. medic. phys. curios. decur. 1. anni obs. 95. fol. 224. Decur. 2. an. 2. obs. 101. fol. 251. nec non Celeberr. Medicus Steph. Blankardus collect. med. phys. cent. 1. obs. 69.*

Baldassar Timæus cas. med. lib. 4. cap. 12. fol. 211. exemplum habet nobilis cujusdam Martonæ 40. annorum. Hæc, retento ultra, biennium fluxu menstruo, singulis mensibus, circa ultimam Lunæ quadraturam copiosissimum sanguinem vomitu rejiciebat, huicque à Chirurgo sanguinem sistentia, & contra vomitum cruentum facientia, exhibita erant; à quorum usu pessime se habuit. Quare *Timæi* imploravit opem, qui, re penitus perspecta, memor *aph. Hipp. 32. sect. 5.* omni conatu in id incubuit, ut sanguinem ad uterum, tanquam huic evacuationi destinatum locum, revocaret, nihilque eorum, quæ ad mensium retentorum provocationem quocunque

198 OBSERVAT. RARIORUM,
modo facere poterant, intermisit; sed cum
etiam efficacissimis, & exquisitis comparatis re-
mediis nihil proficeret, ipsaque vomitiones hasce
menstruas citra ullum valetudinis incommodum
facile ferret, naturæ negotium committendum
censuit. Duraverunt autem, ut inquit idem,
hi vomitus usque ad quadragesimum octavum
annum, quo sponte desierunt, valetudine cor-
poris deinceps variis morbis subinde tentatâ, ut
plerumque deficientibus per ætatem mensibus
fieri solet.

Monitos itaque serio imperitiores velim, ne ad-
stringentia mulieribus exhibeant, quibus, ob-
structis viis inferioribus, sanguis per os viam quæ-
rit: nisi prius referats, quo mensstruis circuitibus
secundum naturam fluere solebat sanguis, tran-
situ. Hoc enim nisi fiat, ægra mortis incurret
periculum: cujus letale exemplum Celeberrimus
Vir *G. Wolfg. Wedelius Opiol. lib. 2. sect. 3. cap. 3.
fol. 146.* adfert.

*Joh. Rhodius obs. med. cent. 2. obs. 64. fol.
mihi 101.* An. 1625. Patavii duas vixisse fæmi-
nas tradit, alteram Deo dicatam, cœlibem al-
teram: quæ imminente fluxu mensium, pridie
sanguinem absque incommodo rejecerint, imo
vomitus præsenferint; quem si medicus cohi-
bere tentaret, varia suboriebantur symptomata
ipso vomitu sublata.

*Rod. à Castro lib. 1. de morb. mulier. cap. 2.
fol. mihi 101.* se illustrem *D. Johannam*, Comi-
tissam

tissam Villæ francæ curasse refert, quæ, nisi singulis mensibus sufficientem sanguinis copiam per os rejectaret, in febrem, & gravillima symptomata incidebat.

Dom. Panarolus Fatrologismo obs. med. Pentec. 1- obs. 6. pag. mihi 4. Mulieris cujusdam 70, annorum meminit, quæ ab ipsa usque infantia menstrua vomitu exoneraverat. Plura ejusmodi exempla vide sis apud *Schenkium lib. 4. obs. med.*

Quæritur autem, per quas vias menstruus ille sanguis ad ventriculum perveniat?

Verum quidem est peculiare nullas demonstrari posse vias ab utero ad ventriculum tendentes, quoniam autem superfluus, & menstruus ille sanguis vasis retentus consuetam, qua exeat, non invenit viam, fermentari, magnoque cum impetu sursum commoveri incipit, magnaque vi, modo per has, modo per illas circumfertur vias, donec aptam quandam inveniat aperturam, qua exoneretur. Neque vero dissimile est hujusmodi sanguinis excretionem vel ex vasis mesaraicis ad intestina, vel ex his ad ventriculum, vel etiam ex arteriis inter membranas tunicarum ventriculi implantatis fieri.

Hippocrates lib. 1. de morb. Mulier. sect. 5. fol. mihi 592, hunc sanguinis vomitum iis, quæ sine viro sunt, magis contingere ait. Ratio est, quod mulieribus semel, sæpiusve enixis vasa sanguifera mensuris emittendis destinata ampliora

200 OBSERVAT. RARIORUM,
sint multo, quam nondum imprægnatis, ad quod
etiam multum faciunt lochia.

Idem Senex Cous *Aphor. 32. sect. 5. mulieri*,
ait, *sanguinem evomenti, menstruis erumpen-*
tibus fit solutio. Quod & confirmat *Celsus lib. 2.*
cap. 8. Ita ut, sanguinis vomitu à suppressione
mensium orto, nullum præstantius reperiatur
consilium, quam ut solitus quantocyus idoneis
medicamentis restituatur fluxus. Quod puellæ
cuidam optime successisse refert *R. Dodoneus obs.*
med. cap. 26. fol. mihi 67. nec non *Amat. Lusit.*
curat. Med. cent. 2. curat. 17. fol. mihi 148. ubi
de puerpera quadam refert, cui nihil lochiorum
post partum decesserit, correptæque feбри, an-
gore, cephalalgia, sitique postridie sanguis per
os, naresque magnâ copiâ effluerit, post cujus
fluorem capitis dolor, & symptomata omnia
remitti coëperint. Sequenti vero die cucurbitulis
feminibus admotis, & syr. de bisantiis sine aceto,
sæpe sumpto, aliisque externè adhibitis, sanguis
diverti, & retrahi coëpit. Atque ita illa convaluit.

OBSERVATIO XVIII.

*Glans plumbea deglutita, ac per
vias urinarias emissa.*

Quisquis continuis, dirisque afflictus
est cruciatibus, quævis interdum,
queis levari sperat, admitte, membra-
que

que uri, secari, ac nonnunquam amputari permittet, vel etiam non ingrata tantum, ac nauseabunda, sed & periculosa assumet, modo minima miseras evasuro spes supersit. Hujus rei exemplum mihi non ita pridem suppeditavit Vir Celeberr. *Joh. Ludov. Hannemannus Philosophiæ in Academia Chilonensi Professor.*

Fæmina quædam passione colicâ affecta hortatu cujusdam glandem deglutiverat plumbeam, quam postea (præviis tamen horrendis doloribus) cum urina per consuetas vias reddidit. Hoc, inquit *Hannemannus*, bona mihi fide narravit *D. Agrippa Medicus Hulsensis in Holsatia.*

IN OBSERVATIONEM XVIII.

QUamquam hæc historia fidem apud multos non sit inventura, ipse tamen eam, quod testimonia adsint fide digna, non rejecerim, idque tanto magis, quanto plura similia aliis doctis, iisque integerrimis viris annotata reperio.

Ita memoratur *Act. Philosoph. Anglic. an. 1668. fol.* Historia quædam ex *epist. à Doctore Nathaële Fairfax ad H. Oldenburgium* data, quæ sic habet: *G. Eliot de Mendlesham* in

„ Suffolcia, mulier pallida, mediocris ætate,
 „ & corpulenta admodum, aliquot annos afflicta
 „ cruciatu intestinorum, persuasa fuit à Vicino,
 „ qui multum in simili Accidente passus fuerat,
 „ deglutire duas idoneas glandes: & statim (ut
 „ ipse ante) fruebatur quiete à doloribus: sed
 „ postea cruciatus magno cum foenore redibant,
 „ ipsaque multum cum morbo spatio 15. ann.
 „ conflictata semet commisit curæ cujusdam
 „ Apothecarii, qui ipsi præscripsit pulverem,
 „ post cujus usum proximo mane, dum minge-
 „ bat, cum urina excrevit, quod cum clangore
 „ ad latus matulæ elapsum maxime illam attonuit
 „ ignaram, quid esset; & urinâ caute effusâ,
 „ reliquus erat gravis, & (secundum apparen-
 „ tiam) calculosus lapis, colore dubio inter fla-
 „ vum, & rubrum, fere magnitudine extremi-
 „ tatem pollicis æquans. Sed ubi malleo decusse-
 „ rant anteriorem partem crustæ ejus, invenerunt
 „ globum medio inclusum colore æreo: qui ta-
 „ men cultello paululum resectus comperiebatur
 „ esse plumbeus.

Quamnam autem quæso per viam glans illa in
 vesicam transit?

Nonnulli viam eligunt per vasa quædam lactea
 ad renes tendentia, non quæ cum chylo ad mam-
 mas tendunt, verum quæ breviori cursu, scili-
 cet per rivulos aliquot lacteos, ex cysterne chyli
 in venas inferuntur emulgentes, de quibus vide
Thom. Barthol. lib. 6. de lact. thorac., & cap. 8.

de venis lact. Sed iter illud *Thomæ Warthono Adenogr. cap. 15. fol. 91.* propter rationes adjectas non arridet. Alii eum in finem vasa quædam lymphatica adducunt, sed hæc liquorem quendam magis à renibus ad chyli receptaculum auferunt; quam aliquid ad renes adferunt.

Alii autem de tubulis quibusdam in intestino cæco capite trunci hominis repertis, & communionem cum renibus habentibus loquuntur. Hoc autem haud dubie insolitum quid fuit, lususque quidam naturæ, quapropter in aliis corporibus locum habere nequit.

Ne tamen explicationem istius phænomeni sicco plane pede præteream, ac conjecturas potius circa rem adeo obscuram proponam, verosimile mihi fit hujusmodi casu omnia fieri præternaturaliter, corporaque illa dura non per vias communes, sed facta laceratione, vel penetratione partium, sensim in vesicam ingredi.

Neque adeo absolum est dicere glandem istam primo fibras intestini ilei, ubi circa os pubis descensu suo fundum attingit vesicæ, sicque etiam tandem ipsius vesicæ fibras per detritionis modum penetrasse, exitumque sibi per viam urinariam aperuisse: quam opinionem ego libentius amplector, quia exemplum simile reperio apud *Bernardinum Cabisium Caesar. Claudin. respons. med. 40. fol. mihi 147.* ubi puelli cujusdam Hebræi, annorum 7. vel 8, mentio fit.

„ Hic,

„ Hic, inquit, acum capitatum duorum di-
 „ gitorum transverforum longitudinem exce-
 „ dentem ludo cuidam indulgens deglutivit,
 „ primoque & altero anno (quinque enim
 „ annos acus intra corpus delituit) renum, &
 „ vesicæ dolores passus fuit, arenulas, lapides,
 „ & lumbricos oblongos, rotundos, & vivos,
 „ nec non materiam foetentem, & nigricantem,
 „ post aquarum thermalium usum minxit: do-
 „ nec tandem magnâ urinæ difficultate, & fere
 „ suppressione captus urinam magno conatu ex-
 „ cernere tentans acum jam in foramine glandis
 „ acumine suo apparentem, è virga sibi extraxit
 „ puer, cui adhærebat undique, & præsertim
 „ circa medium materia quædam gypsea, & la-
 „ pidea satis multa, cinericeo colore prædita,
 „ & figura magnæ olivæ nucleum repræsentans.
 „ Hanc autem foetentem materiam, vermesque
 „ neque in renibus, neque in vesica genitos fuisse
 „ constat, cum nullus ante utriusque exitum
 „ præcesserit lumborum dolor gravis, sed
 „ absque ulla molestia unâ cum aqua thermalibus
 „ exierint. quare memoratus *B. Cabisius* hujus
 „ sententiæ se fuisse dicit, ut ab acu factum fuerit
 „ foramen ab intestinis ad vesicam, per quod
 „ materia illa foetens, & lumbrici ad eandem
 „ pervenire potuerint. Si quis vero quærat, in-
 „ quit, quonam in intestino, & in quam ejus
 „ parte, & in qua parte etiam vesicæ ab acu fuerit
 „ facta perforatio? Respondetur, factam fuisse

„ ve

„ vel in intestino ileo, & in ejus parte, qua ad
 „ os pubis descendens fundum visicæ pertingere
 „ potest, in quo proculdubio facta fuit perfora-
 „ tio, velli in intestino colo, & in illius parte, ubi
 „ sub vesica ossis sacri, & coccygis stratum fun-
 „ dum visicæ, saltem in parte posteriori, tan-
 „ gere potest.

„ Si quis porro objiciat, dum perforatio fie-
 „ bat ab acu, necessario puerum dolorem ingen-
 „ tem persensisse: Respondendum inquit solu-
 „ tionem continui, quæ sensim fit, nullum pa-
 „ rere dolorem, & partem acus capitatam facile
 „ potuisse tractu temporis permeare per foramen
 „ à parte ejusdem acus mucronata factum: nam
 „ quotidie videmus etiam pilas plumbeas ab in-
 „ strumentis bellicis intra aliquam corporis par-
 „ tem immissas, retentasque, & per aliam par-
 „ tem spatio temporis expulsas.

„ Si quis vero instet, ait, vulnera tenuium in-
 „ testinorum, & vesicæ penetrantia letalia esse,
 „ regerendum ei putem perforationem istam hoc
 „ casu ita sensim factam esse, ut nullam vim in-
 „ tulerit naturæ, neque sensationem, & prop-
 „ terea inter discisiones, de quibus intelligunt
 „ Hippocrates, & Galenus aphor. 18. & 24.
 „ sect. 6. non fuisse connumerandam.

Libellus Gallicus, qui *Rei pul. literariæ Acta*
mensis Januarii 1668. continet, pag. 44. &
 seqq. aciculæ meminit, quæ ureteri dextro tar-
 tareæ cujusdam materiæ annexa glutine post dis-
 sec-

206 OBSERVAT. RARIORUM,
sectum cadaver inhærebat; ubi ex abscessu, quem
produxerat, incisopus per abdomen effluxerat,
ita ut post menses aliquot decederet laborans.
Hoc autem ipse non aliter fieri potuisse credide-
rim, quam si acicula, perforato tenuium intestino-
rum quodam, peritonæique duplicaturâ, quâ te-
gebatur ureter, quibusque intestinum illud incu-
buit, sensim læsum tandem terebravit.

De simili intestini cum aliis ventris partibus;
ut peritonæo, unione, eamque sequente fœcum
per umbilicum excretionem, locuti fuimus *obs. 58.*
tom. 1. ejusdemque cum rene coaliti, nec non in-
sequentis fœcum per lumbos ejectionis mentio-
nem fecimus *obs. 69. ejusdem tom.*

*Thiermairius lib. 1. cap. 15. pag. 190. ex Wep-
fero* memorat, quomodo ima intestini recti
portio viro cuidam erudito ob ulcus profunde
coaluerit, ut nullo ingenio solvi potuerit, rec-
tum igitur intestinum fœcibus distentum vesicæ
agglutinatum fuit arctissime; ut tandem fæces
continuo impulsu intestinum, & vesicam perru-
perint, ac miser homo longo tempore fæces cum
urina per urethram, sæpe maximis cum cruciati-
bus, excreverit. Si forte fæces duriores evade-
bant, dolores non absimiles iis, quibus calculus
in vesica est, patiebatur, ut non raro injectioni-
bus emolliri debuerint.

Ut vero commodiorem acus illius in vesicam
transitum subjungam inter diversos vesicæ poros
quosdam existere foras intus spectantes, ita ut
com-

commodius quid vesicam penetrare possit foris intus, quam intus foras; hi autem quasi valvulis clauduntur, quod vel inde patet, quia vesica è bruto quodam vivo recens extracta, inversa, & inflata flatum non contineat. Scribit etiam *P. Borellus obs. microscop. 75. fol. mihi 36.*
 „ Si quando urina adhuc calens è vesica expri-
 „ matur, & denuo in hanc inversam infundatur
 „ liquorem infusum non retineri.

Ratio est, quod valvulæ pororum (quas, tam in vesica quam in venis, microscopio conspici posse ait) liquores continere possint, si in situ quem à natura obtinuerunt, remaneant: sin minus, liquor effluet.

Veritas hujus rei vel hinc etiam manifesta est, quod alumen, si in vesicam ad efformandum aluminis magisterium injiciatur, ut habet *Mantissa Hermetica Pharmacopeæ Augustanæ fol. mihi 779.*) etiam si vesicæ vacuæ, & superne firmiter adstrictæ fuerit inditum, nihilominus, illa in aquam calidam ita immissa, dissolvatur.

Tradunt *Transacta Anglica tom. 4. n. 65. pag. mihi 436. 30. Octob. 1670. ut & Jan. 1671. fol. 537.* Quendam professione Medicum, ut urinæ in animalibus ductum investigaret, canem ut magnam aquæ quantitatem biberet, adegisse, & è vestigio ureteres bene circumligasse, vesicam vacuum, nec ureteres supra ligaturam tumentes invenisse. Hoc demiratus experimentum in alio cane sic denuo instituit. In utroque latere
 aper-

208 OBSERVAT. RARIORUM,
aperturam exiguam, qua ureteres inveniri, &
ligari, nec non urina ex vesica manu exprimi
posset, fieri curavit, hoc peracto aperturas illas
resarsit, & canem magna aquæ copia bene potum
in situ quantum per ligaturas licebat, commo-
dissimo, per tres fere horas dereliquit, postea
utroque aperto foramine, & vesica manu com-
pressa, haud modica urinæ quantitas ex ea pro-
fluebat, videbanturque ureteres aliquantum tu-
mefacti supra ligaturam.

De similibus glandis cujusdam exemplo (quamvis
illa externe per dictas vias in vesicam intrusa,
adeoque propter magnam violentiam majus in-
troduxerit periculum) *Seegerus Thuronensis epist.
ad Thom. Barthol. an. 1661. agit*; Meminit quip-
pe robusti cujusdam, ac proceri 40. an. hominis,
quem expertior quidam lithotomus manuali ope-
ra calculo liberare incassum tentaverat, quod
hic vesicæ lateri firmitus adhæreret; quare cessan-
te ista spe, ipse post immanes dolores interiit. In
Calculo autem à cadavere educto glans reperta
fuit plumbea, ac immobilis, nulla in membrana-
cea vesicæ substantia cicatrice reperta, quæ ta-
men in inguine postea parvula apparuit. Ipse
enim juvenis militaverat, amicisque sæpius se
ibidem vulneratum fuisse dixerat glande, cujus
nullum postea innotuerit vestigium. Ita ut cre-
dibile sit, ut pergit idem, illam in carneam ve-
sicæ urina repletæ substantiam fuisse ingressam,
ubi per viginti annos latens tandem materia gyp-
sea,

CENT. POST. PARS PR. OBS. XVIII. 209
tea, five tartarea fuerit obducta, inguinisque,
ac vesicæ vulnus coaluerit. Calculus autem
hic duas uncias, totidemque appendebat scrupulos.

Haud absimilem historiam refert *Joh. Sigism. Elsholt. ephem. Germ. an. 9. obs. 15. fol. 222.* de Capitaneo quodam cujus latus dextrum sclopeti globo erat percussum in vesicæ cavitatem penetrante, & ibidem per aliquod tempus quiescente, vulnere interim coëunte, & sensu quodam gravitatis circa pubem remanente. Tandem obortâ & urinæ difficultate, cæterisque quasi calculi vesicæ symptomatis, per penem cum urina excernebatur globulus, magnitudine pisum majus hortense æquans; convaluit autem, nihilque mali postea sensit.

De fragmine ferreo tormento bellico exploso, quo Succus miles abdomen in Hafniæ obsidione perforatus, ac longe post cum urinâ reddito percuratus fuerit, *notis ad observ. 26. tom. nostr. prim. fol. 113, ex hist. 99. centur. Bartholini sextæ monuimus.* Idem hoc loco occultas corporis ambages quærere naturam scribit, ubi manifestæ desunt, idque ita prudenter moderari eam, ne ulli parti nocumentum afferatur.

Christian: Fromman: de fascinat: lib. 3. part. 6. cap. 16. §. 9. fol. mihi 846. hac, de re ita loquitur: „ Natura, inquit, rei ratione insitæ „ gravitatis progressum molienti vias quando-
O
„ que

„ que extraordinarias concedit, vel ipsa per in-
 „ solitas vias, si per ordinarias commode non li-
 „ cet, rem molestam expellit, sed, cum sit con-
 „ servatrix sui studiosissima, res transeuntes arcte
 „ ambit, ne laudabilis liquoris fiat profusio;
 „ easdem sensim, & lente movet, ne subitâ
 „ continui solutione partis inflammatio oriatur.
 „ Ut pars vero ipsa continui solutionem passa
 „ sensim interea restituatur, curat.

De aliis etiam duris, solidisque corporibus ca-
 su deglutitis, posteaque per urinarias vias excre-
 tis legimus: ut de officulis avium una cum ali-
 mentis forte illapsis, quæ ex ulcerato intestino
 recto per collum vesicæ inter mingendum fue-
 runt excreta, teste *Fel. Platero, de mitione cap. 6.*
fol. 835.

Barthol. epist. quadam Hafniæ Vratislaviam
missa (testantibus *Ephem. German. obs. 73. an. 2.*
fol. 4.) se officulum vidisse scribit ab homine quo-
 dam unâ cum lotio redditum.

Agit & idem. act. Hassn. volum. 5. cap. 105.
fol. 276. de officulo pruni Damasceni magna co-
 pia tartari obducto, at simul cum lotio copiosio-
 re excreto.

Memorat *Olaus Borrichius Ephem. Germ.*
decur. 1. ann. 2. obs. 168. fol. 266. *Claudium*
Sohn virum quadragenario proximum postquam
 in nephriticos incidisset dolores, cum urina per
 urethram, parvulam, ast plumbeam justæ mag-
 nitudinis glandem, nec non calculum quen-
 dam

dam reddidisse, ac dixisse se ante triduum quassdam comedisse aviculas ejusmodi glandibus interfectas, ac proinde coqui incuriâ relictum in avibus plumbum se haud dubie in gulam intrusisse.

Parvi cujusdam clavi forte deglutiti, posteaque calculo obducti, atque ita è vesica extracti meminit *Ioh. Matth. Hæssus hist. rarior cap. 1. & Diemerbroeckius Anatom. lib. 1. fol. 170., &c.* De acu comatoria per somnum deglutita, postque decem mensium moras cum urina excreta, ex *Alex. Bened. tom. nostr. prim. obs. 26. fol. 112,* mentionem fecimus. *Idem etiam lib. 3. Anatom. cap: 6,* acûstres digitos longæ, ac casu quodam deglutitæ, & post mortem in vesica repertæ meminit.

De acu in calculi meditullio reperta vide *Amb. Paræum lib: 24. cap: 9. pag: 567.* De alia inter suendum deglutitâ, perque annum integrum in corpore abscondita, ac denique è muliebribus prodeunte, vide *ephemerid. German. decur. 1. obs. 3. fol. 4.*

Decem hujusmodi acuum Patavii à puella quassdam deglutitarum, ac per urinarias vias excretarum *Bartholinus* meminit *act: Hafn: volum: 5. cap: 105. fol: 276.* ut & *Laurent: Scholtz: M: S: collect.*

De quinque acubus ex improvise à puello quassdam deglutitis, ac post triduum cum urina ejectis narrat *Langius lib: 2. epist: 40. fol: mihi 676.* Plura de acubus apud alios extant.

D: *Ysbrandus de Diemberbroek olim in Aca-*
dem: Ultraject: Profess: lib. Anatom. cap. 173.
 Uxorem suam aciculam mediocrem triduo ante
 deglutitam cum urina reddidisse, nec quicquam
 mali, quamdiu in corpore hæserit, eam persen-
 sisse testatur, cujus exempli *obs. 35. tom. 1. fol. 143.*
 etiam mentionem feci.

De aciculâ æneâ, glandeque plumbeâ minore
Thom: Barth: act: Hafn. volum: 2. fol. 158,
 De acicula per urethram excreta narrant *Ephem:*
Germ: decur. 2. an. 1. obs. 168. fol: 267. De
 aliâ è scroto prodeunte refert *Heurnius*; cujus-
 modi plura in *obs. 26. tom. 1. adduximus.*

Præter solida ista, & dura corpora, alia non-
 nunquam molliora ad vesicam pervenerunt im-
 mutata cum urina tandem excreta; quale quid
 admirandum profecto, & inauditum habet *Joh.*
Baptista Scaramuccius ephem. Germ: decur: 2.
ann: 1. obs: 142. fol: 345.

„ Duobus abhinc, ait, mensibus sese obtulit
 „ curandus dysuria, & stranguria detentus *Fra-*
 „ *ter Joseph* ex Turre vulgo dictâ Ceccona Co-
 „ mitatus Tuderti, Laicus Capucinus, cum-
 „ que in pejus rueret ex iis, quæ lixiviosas uri-
 „ næ particulas edulcorare, salino-sulphurea-
 „ rumque portionum exaltationem compescere
 „ valerent, atque ex eo, quod renum gravi-
 „ tate, simulque ureteris dextri dolore paulo
 „ antea fuerat detentus, incongruum conjicere
 „ haud fuit, patientem lithiasi laborare. Unde
 „ Chi-

„ Chirurgus factâ exploratione per catheterem,
 „ haud dubie lapidem adesse autumavit, qua-
 „ propter sectionis opus aggrediebatur, & in
 „ actum deducebat. Cum ergo lithotomus ve-
 „ sicæ collum rescinderet, atque illius latebras
 „ scrutaretur, non nisi materia quædam arenulis
 „ circumvoluta, & instar funiculi efformata sub
 „ conspectum extrahebatur, quæ vino abluta
 „ deprehendebatur esse funiculus; Chirurgus
 „ admiratione captus eum funiculum dissolvere
 „ incipiens videbat verum esse flabii funiculum
 „ crassitudine digiti minoris; Examine facto,
 „ an unquam deglutivisset patiens, recordaba-
 „ tur tantum se ante quinque fere menses insatia-
 „ bili quadam bibendi licentiâ tam avide matu-
 „ tinis horis aquam è puteo haustam ore hiantem
 „ in situla perpotasse, ut aliquid molestum
 „ cum aqua hausisse, non sine periculosa de-
 „ glutienti difficultate, visum ei fuerit.

Ful. Alexandrinus annot. ad cap. 14. libr. de subst. facult. natural. frustula radic. apii pridie comestæ per vias urinarias excerni observavit.

Nicol. Florentin. serm. 9, tract. 4. cap. 29. meminit cujusdam, qui non satis mansorum fungorum haud ita parva cum urinis excreverit frustra.

Plutarchus lib. 8. sympos. problem. 9. fol. mihi 295. Quidam, inquit, cum diu laborasset urine difficultate, tandem culmum hordeaceum geniculatum excrevit.

De frustulo pulmonis cum lotio ejecto vide

G. Fabrit. Hildan. centur. 2. obs. 30. Quomodo vero hujusmodi corpora, & imprimis iste funiculus, ad vesicam pervenerint, Anatomix peritioribus examinandum relinquo; neque enim verosimile est illa per vasa lactea ad chyli receptaculum transire, & inde ad ductum thoracicum, venasque subclavias, sicque porro ad venam cavam, dextrum cordis ventriculum, venam arteriosam, sive arteriam pulmonalem, per arteriam venosam, sive venam pulmonalem ad sinistram cordis ventriculum, per aortam descendantem tandem, ad venas emulgentes, renesque, & vesicam.

Sed neque me uspiam legisse memini unquam ab Anatomicis, aciculas, aliave dura, & solida deglutita corpora in vena cava, cordis ventriculis, pulmonibus, vel aortâ cadaverum reperta fuisse.

Quæri autem potest, licitumne sit torminibus ventris, volvulo, sive Iliaco morbo afflictis glandem, vel etiam Mercurium exhibere vivum?

Felcis glandium in casu magnæ miseræ, quam *miserere mei* dicunt, successus exempla habet *Zacutus Lusitanus prax. admir. lib. 2. obs. 27. fol. 154.* Quidam, ait, ex castanearum crudarum ingluvie multâ in omnimodam incidit fæcum re,,
,, tentionem, ita ut ventris tumore, doloreque
,, immani oppressus circa umbilicum globulum,
,, veluti sphæram habere videretur, ab implici-
,, tis, & circumvolutis (chordarum modo) in-
,, testi-

,, testinis enatam. Hic cum in agone esset, &
 ,, frigido sudore madidus stercus per os ejiceret,
 ,, variaque interna, & externa, licet incassum,
 ,, expertus esset auxilia: postquam ad emollien-
 ,, das fæces, leniendumque dolorem in balneum
 ,, oleagineum ductus esset, nullum levamen sen-
 ,, sit. Quare duodecim parvas pilulas plumbeas,
 ,, quibus Sclopetarii ad enecandos passeris utun-
 ,, tur devorandas ipsi dedi, quibus dolor aliquan-
 ,, tisper conquievit; cumque iterum 18. pilu-
 ,, las propinarem, fæces reddidit.

Meminit etiam *Ambros. Paræus lib. 16. cap. 58.* utilitatis glandium plumbearum, mercurio vivo oblitarum.

Georg. Hieron. Velschius Hecatost. 2. obs. phys. Med. 33. fol. 19. mentionem facit mulieris, quæ ex Omphalocèle Ileo laborans intra 12. horas tribus globulis deglutitis è plumbo, non liquatis, sed torno affabre concinnatis, quorum maximus dragmam pendebat, curata fuit, omphalocèle eâdem operâ mox cessante. Hic ultimo deglutitus primus alvo rejectus est. Sequuti demum duo minores, qui prius assumti erant: quod pondere factum nemo non intelligit: inanis igitur, inquit, metus est, & pueris, quam viris dignior scrupulositas, ejusmodi remediis pondus suum detrahere. Unciam (ita pergit) aut saltem semunciam orbiculi iliaci pendant, necesse est; nec abs re fuerit hydrargyrum iisdem junxisse.

Verum hoc qualecunque glandium remedium

216 OBSERVAT. RARIORUM,
non usque adeo certum est: siquidem nonnunquam sistuntur in viis, & non tantum per dies aliquot in corpore permanent, uti ex *Ephem. German. an. 3. obs. 315. fol. 533.* patet, sed & sæpe per totam vitam ibidem hærent, malaque producunt haud levia, uti satis abunde nostra probat observatio.

Mea fert opinio glandem istis morbis laborantibus assumptam maxime usui esse, quando intestina tenuia hoc, vel illo loco fuere complicata, & contorta, vel quando una intestini tenuis pars alteram fuit ingressa, hocque casu necessum est, ut implicatio illa ab inferioribus sursum fiat, non contra. Cuiusmodi mutui ingressus exempla videre licet apud *Realdum Columbum lib. 15. de rar. in Anatom. fol. mihi 487. Franc de le Boë Sylvium ideapr. med. lib. 1. cap. 15. C. Peyerum de gland. intestin. fol. 81. & 82.* Tradit *G. Blasius obs. medic. part. 2. obs. 3. fol. 37.* bis sibi in praxi huiusmodi occurrisset involutionem, alteram à superioribus deorsum, contrariam alteram in puero 14. annorum. Testatur etiam *H. ab Heers, obs. 24. fol. 214.* se in fine Ileii quinque intestini complicationes invenisse maximas, ita ut ad longitudinem digiti in qualibet complicationum ileum convolutum inveniret, quodque pessimum erat, hîc inferne sursum repebat; alibi superne deorsum implicabatur. *Laz. etiam Riverius centur. 3. obs. 26. fol. 227.* idem cuiquam tribus diversis locis accidisse scribit. Quod & ipse nuper

CENT. POST. PARS PR. OBS. XVIII. 217
per in pueri cujusdam intestino Ilco observavi.

Olaus Borrichius epist. quadam ad Th. Bartholinum refert Medicum quendam ex Jamaica reversum narrasse illud quicquid est mali istis in locis sæpius occurrere, ibidemque, ut endemium morbum valde grassari, quemadmodum ex cadaverum dissectione animadverterat.

Nonnulli eundem in finem, loco glandis plumbeæ, auream admiserunt, alii quandam ex Regulo Antimonii efformatam, quæ etiam simul alvum exonerat, & purgat, operationeque peractâ rejicitur, ac abluta eidem rursus inservire potest usui.

Mercurius autem vivus plurimum ad hujus mali curationem facere dicitur. *Nicol. Fontanus resp. & curation. Med. l. 1. f. 85.* exemplum habet militis cujusdam strenui, qui post frustra-
neum trium glandium usum, Mercurium vivum optimo cum successu ejusmodi casu assumpserat.

Zacut. Lusit. lib. 2. obs. 28. fol. 155. refert de Duce strenuissimo, qui, cum post ludum parvæ pilæ corpus exercitio macerasset, & sudore madidus, sitique oppressus aquæ nimium nive infrigiditatæ calice ebibisset, ejus potu illico in sublimioribus intestinorum partibus torsionem senserit, unde non multo post juxta umbilicum tumor involutæ chordæ instar rotundus, & durus apparuit, quumque infestissimo cruciaretur dolore, multa que jam tentasset incassum efficacissima auxilia, tandem superveniente volvulo,

218 OBSERVAT. RARIORUM,
nullo alio præsidio, quam libræ hydrargyri potu
levari potuerit.

De Senatore quodam Veneto ope Mercurii vi-
vi restituto memorat *Henr. à Moinichen obs. 6.*
Johann. Rhodius obs. med. centur. 2. obs. 80. fol.
III. exemplum cujusdam habet, qui assump-
tione quatuor Mercurii vivi unciarum, cum
melle rosar. solut. itidem malo isto liberatus fue-
rit.

Simile quid narrat *Georg. Hieron. Velschius*
Episagm. 43. fol. 27. *Ambros. Paræus, lib. 20. de*
Venen. cap. 38. fol. 453. tradit *Marianum Sanc-*
tum Barolitanum multos cognovisse, qui in des-
perato stercoris vomitu tres Mercurii vivi libras
cum aqua pura assumpserint, sicque semet mor-
te liberaverint.

Quamvis autem ipse glandium usum in
morbo illo non repudiem, Mercurium ta-
men vivum, sed rite purgatum præferrem; quia
intestinum, quod morbo isto velut occluditur,
non tantum gravitate sua glandes æque, ac fæces
deprimit, ac intestina distendit, verum etiam
humiditate, & particularum subtilitate, per an-
gustiores vias facilius penetrat, initiumque fa-
cit apertionis. Verum præsertim Mercurium
exhiberem post assumptionem pinguium, vel
etiam ipsis junctum, ne videlicet alicubi substan-
tiæ intestinorum mucosæ adhæreat, ut alias pro-
pter humorem quendam acerrimum nonnun-
quam latentem, facile contingere potest.

Præ-

Præstat etiam Mercurium majori exhibere copiâ: Acidum enim, vel salsum, quod in intestinis sæpe est, à parva Mercurii imbibitur quantitate, unde corrosiva evadit, contra quam copiosiori continget Mercurio.

Certum est Mercurium, modo vivus sit, & rite præparatus, hoc est, pinguedine mortificatus, vel in parvas particulas discerptus, non esse venenatum, nec corpori nocere, quia fluiditate sua, & gravitate facillime descendit, eademque facilitate absque sui diminutione ejicitur, qua fuit assumptus. Illud autem ipse demonstrat usus: meminit enim *H. ab Heers obs. med. pag. 38. Centurionis*, cui cum Princeps comessabundus in media computatione risum captans selibram argenti vivi capaci poculo vino pleno propinandam curasset, ipse, obducto amyrtide vase, præsentibus omnibus, nec enim adhuc fere bibens fugere poterat, atque in cachinnos effusis, largissime, & cum sænore pridianæ cænæ, per anum innoxie reddidit, ultraque triginta annos sanus vixit dicens, cum inter pocula rideretur, se clysteris compendium fecisse.

Mercurium vivum innoxium esse ipsi etiam docent servi cinnabarim nativam in mineris quæritantes; nonnunquam, enim furtim pondera aliquot deglutiunt; Ideoque inspectores jubere vulgo solent, ut, ex minera ascendentes, alvum deponant furta manifestaturam.

Agrestem novit *Prætorius*, qui ad deturban-

dam

dam alvi farcinam argenti vivi binas uncias quovis die sumebat, quas rejectas, & probe lotas iterum consueto more usurpabat.

Mercurius itidem vivus Patavii verminantibus exhibetur pueris, teste *Joh. Rhodio obs. med. centur. 3. obs. 85. fol. mihi 195.* qui etiam narrat hydrargyrum nullo artificio immutatum citra noxam incolis insulæ cujusdam prope Moluccas, tam ad conservandam sanitatem, quam ad propellendos morbos usurpari.

OBSERVATIO XIX.

Delirium, aliaque symptomata assumptionem sanguinis menstrui sequentia.

Diversis equidem, mirisque modis artes suas in mundo exercet Diabolus, ut per easdem hoc, vel illo modo miseros decipiat, atque irretiat. Illius rei exemplum aliquod ipse ego vidi 14. Aprilis ann. 1684. cui simile mihi nunquam huc usque in Praxi conspiciere licuit.

Centurio quidam, ætate jam ad senium vergente, & extra Hollandiæ fines degens, uxore mortuâ, domesticas curas Gubernatrici cuidam commiserat. Hæc autem, postquam aliquamdiu cum

eo vixisset, omnem movit lapidem, non tantum, ut curæ, solertiæque intuitu Domino placeret, verum etiam, ut eum face mutuâ torreret. Eventu tamen conatibus, votisque non conveniente, ac incassum adhibitâ quavis diligentia, modestiâ, ac candore, tandem ad illicitas, & detestandas se convertit artes, ut eum ad amorem incitaret divitiarum haud dubie cupida, quibus, mortuo eo, juniorem ad se alliceret.

Contigit ergo aliquando, ut ille mense *Martio* multo mane, peregre profecturus Gubernatricem juberet vini nonnihil cum vitellis ovorum, saccharo, & aromatis præparare: in hunc autem potum portionem quandam proprii sanguinis menstrui infudit, quo ita colorabatur, ut ipse Herus coloris rubicundioris causam rogaret. Sed illa astute respondit addita fuisse Anatum ova, quorum vitelli, præsertim isto anni tempore, tanquam adhuc immaturi, sint rubicundiores, quâ ratione ipse tum quidem contentus erat. Verum ille circa vesperam reversus magno corripiebatur angore, cujus causam nesciens sanguinem

nari-

122 OBSERVAT. RARIORUM,
naribus, ore, auribusque emittebat; qui
fluxus (non tamen semper eâdem ve-
hementia) per tres septimanas conti-
nuas quotidie durabat. Ille autem non
tantum de capitis dolore conquerebatur,
sed & de vertigine, & appetitu prostra-
to. Tandem autem decocto falsaparil-
læ, & sassafra, cui sub finem decocti
herbæ quædam cephalicæ addebantur,
nec non conservis ex iisdem herbis con-
fectis, cucuphisque percuratus est.

IN OBSERVATIONEM XIX.

CIRCA hunc casum perpendenda occurrit quæ-
stio, an mulier sive per menstrua propria,
sive aliâ philtro, sic perverse nuncupata, quen-
quam in sui amorem allicere possit?

Jam olim equidem, ac ante plura secula, alia,
exceptis incantamentis, fuisse remedia, quibus
quisquam in alicujus impelli posset amorem, vete-
res multi confirmant, quos inter *Cæsar M. Au-
relius Epist. ad Antigonom*, de herba quadam
Flavia dicta, ac in *Arcadia* (ut fertur) cres-
cente.

Acosta Indicæ cujusdam herbæ meminit, quæ
herba viva dicitur; *Albertus Magnus* lapidis
Ætitis meminit, *Andr. Matthiolus* de fungo
cervi-

CENT. POST. PARS PR. OBS. XIX. 223
cervino agit: alii de *Hippomane* fabulantur, quo
nomine nonnulli intelligunt carunculam recens
nati pulli equini circa linguam conspicuam. Hæc
autem in philtris efficax esse, ignique mandata
amorem abolere credebatur, quo refer illud *Vir-*
gilii lib. Æneid. 4.

*Quæritur & nascentis equi de fronte revulsus,
Et matri præreptus amor.*

Apud *Ovidium de arte amandi* idem præpara-
tum fuit philtrum. At *Hippomanes* aliud quid
significat, luridum scilicet liquorem seminalem
equæ libidinose, ipsâ vocis denominatione satis
clamante. *Hippomanes* enim idem est, ac τῆ
ἵππου Μανία, hoc est: *equæ insania*, nam de-
fluente isto liquore equa coitum desiderat furi-
bunda.

Ita etiam *Aristoteles lib. 5. hist. cap. 18. Juve-*
nal. Sat. 6. Columna de re Rustica lib. 5. cap. 27.
Plinius lib. 28. cap. 11. (utut *lib. 8. cap. 42.* *Hip-*
pomanes vocet carunculam istam, de qua supra,
unde illorum errores, qui perperam *Hippoma-*
nes ita interpretantur) ut & *Virgilius* verbo
Hippomanis istum indicarunt liquorem, ut *lib.*
3. Georg. patet:

*Hinc demum Hippomanes vero quod nomine
dicunt*

Pastores, lentum destillat ab inguine virus.

Respon-

Respondemus autem ad præmissam quæstionem, nullum potum, nulla medicata pocula (qualiacunque demum fuerint) quenquam certi cujusdam hominis amore corripere, vel ad actum venereum concitare posse. Magis enim est, ut infania oriatur, sicut accidit & illi, cujus memini. Cerebrum enim ei non tantum menstruo sanguine perturbatum, sed sanguis etiam ejus ad peculiarem quendam orgasmum deductus fuit.

Tradit etiam *H. ab Heers obs. med. lib. 1. obs. 13. fol. 126.* de juvene quodam, cui postquam juvencula quædam amatorium, in cerevisia exhibuisset pulverem, magna obvenit narium hæmorrhagia, quique postea, per os thrombos ovo majores, ut per omnia momenta suffocandus videretur, screaverit, nec multo post per urinarium alvinumque secessum, sanguinem tantâ emiserit copia, ut non modo aliquot matulas, sed & situlem capacem impleverit.

Delirium, & amentiam ex hujusmodi philtreis fuisse ortam *C. Suetonius Tranquillus* etiam testatur *lib. 4.* Ubi narrat Cæsoniam marito suo Caligulæ amatorium propinasse medicamentum, quod in furorem verterit. Ejus rei *Juvenalis* etiam *Satyr. 6.* aliique meminere.

Fertur *Lucila T. Lucretii Cari* uxor suspitione furtivi amoris marito sanguinem propinasse menstruum, unde ad tantam redigebatur infaniam, ut violentas sibi intulerit manus; hinc de eo olim *Politiannus*:

Hi

*Hic qui philtera bibit , nimioque insanus
amore ,*

*Mox ferro occubuit , sic mentem amiserat
omnem.*

*Petr. Borell. Hist. & obs. rar. med. phys. cent. i.
obs. 65. fol. mihi 63.* Theologi cujusdam memi-
nit prope urbem Castrensem, qui, philtro men-
struorum muliebrium cum leporino sanguine in
condimento sumpto, tanto correptus fuerit fu-
rore, ut Patrem occiderit.

Tradit & ibidem sæpius à puellis hujusmodi
philtera eodem cum eventu fuisse propinata. *Ioh.
Freitag noct. Med. cap. 16. fol. mihi 7. ex Ioh.
Hagio* narrat, quomodo *P. Lotichius* Philoso-
phus, Medicus, & Poëta celeberrimus, sumpto
philtro, in dementiam inciderit, quæ postea in
morbum degenerarit chronicum, vitæque finem
fecerit.

Philtris autem neminem contra voluntatem ad
puellam quandam, sed potius ad insaniam com-
pelli, jam olim scivit ingeniosissimus *Naso*, qui
lib. 2. de Arte amandi ita scripsit.

*Nec data profuerint pallentia philtera puellis ;
Philtera nocent animis , vimque furoris ha-
bent.*

Idem libro eodem :

*Fallitur Amonias si quis decurrit ad artes,
 Datque, quod à teneri fronte revellit equi.
 Non facient, ut vincat amor, Medeides her-
 bæ,
 Mixtaque cum Magicis Marfa venena so-
 nis.*

*Dan. Beckerus Spagyr. Microcosm. lib. 1. pag.
 14. hac de re, Sunt, ait, qui philtro è sanguine
 menstruo parant, verum tantum abest, ut malè
 feriatì voti compotes fiant, ut potius eo ad insa-
 niam homines redigant, variisque tormentis ex-
 ponant. Præscribit & ibidem remedia quædam
 eo casu perutilia.*

*Vera autem, ac sincera puellarum philtro sunt
 forma, pudor, linguæ, morumque gratia.
 Optime itaque, vetus ille Comicus Afranius
 apud Andr. Turnebum advers. lib. 17. cap. 21.*

*Ætas, & forma tenera, & morigeratio
 Hæc sunt venena formosarum mulierum.*

*Tradit Plutarchus uxorem Philippi Macedo-
 nis, sparsis de furtivo mariti, puellæque cujus-
 dam amore, cujus causa philtro esset, rumori-
 bus, puellam accersi jussisse, formæque venu-
 state conspectâ, continuo dixisse :*

*Abeant calumniæ, tu in te ipsa veneficium
 habes :*

Ea-

Eadem etiam fere verba pronunciasse fertur Regis *Demetrii* uxor, accersitâ enim *Lamiâ*, pulchrâ mariti concubinâ falso exhibiti philtri accusatâ:

Valeant, inquit, Calumniæ, tu in te philtra habes.

Quamvis autem quorundam exempla memorentur, qui mulieris, cujus menstruum sanguinem forte bibissent, perpetuo mentionem fecerint, id ideo contigisse putem, quod delirantium mentibus nota dudum occurrerit imago; iis enim de rebus plerumque loquuntur, quas præ aliis antea dilexerunt.

Quæri itaque potest, sitne huiusmodi sanguis venenatus, utpote qui tam dira producat symptomata?

Quidam id affirmare videntur, quos & interperiuntur *Plinius lib. 7. hist. natural. cap. 15. Plutarchus, Columella*, alique Veteres *Plinium* sequentes, e quo forsan eadem hauserunt; Statuit enim ille nihil reperiri mulierum profluvio magis monstrificum. *Acescunt, inquit, super-ventumusta, sterilescunt tacta fruges, moriuntur insita, exuruntur hortorum germina, & fructus arborum, quibus insidere, decidunt; speculorum fulgor aspectu ipso hebetatur, acies ferri præstringitur, eborisquenitor: alvei apum emoriuntur: oes etiam, ac ferrum rubigo protinus cor-*

228 OBSERVAT. RARIORUM,
*ripit, odorque dirus ara: & in rabiem aguntur
gustato eo canes, atque insanabili veneno morsus
inficitur, &c.*

Illa autem opinio parum firmo nitens funda-
mento superstitione non caret. Mulierculæ enim
eo in statu a fictitiis parum differrent Basiliscis,
multumque incommodi tori consortibus adfer-
rent.

Certum vero est sanguinem menstruum natu-
ralem non esse venenatum, sed peregrinâ infici
fermentatione; hinc enim passio hysterica, ven-
tris, lumborumque dolor, deliquium, vertigo,
oscitationes, expansiones, faciei tumor, ac simi-
lia oriuntur, quod sanguis iste obstructus malig-
nior evadat, nec non pravi quidam humores ex
corpore ad uterum descendentes ei misceantur.

Neutiquam tamen diffiteor præternaturale
quid ut plurimum in illo reperiri; tunc enim tem-
poris insolitus quidam motus, ac fermentatio san-
guinis existit, quam peregrinus certarum Lunæ
phasium æther producit, quâque mares (quam-
vis paucissimos isti fluxui obnoxios *obs. 80. tom.*
1. diximus) nec non viragines quædam carent,
quia naturalis earum, solitaque sanguinis fermenta-
tio major est, quam ut ab illo vincatur æthere,
illique poris donantur apertioribus.

Certum etiam est parum menstrui sanguinis
mulieribus (quamvis fætidum sit, & detestan-
dum remedium) contra mensium obstructionem
sumptum, multum pollere, siquidem ille ex ar-
teriis

teriis uteri immediate proveniat, nec non plus minus volatilis, fermentantisque salis contineat, unde fervidior, & tenuior catameniorum fluxum promovere aptus est.

Scribit Celeberrimus vir *Georg. Wolfg. Wedelius physiolog. med. sect. 3. cap. 29. §. 2. fol. 210.* se observasse Virgini, cui ad promovendos menses propinatum fuerat infusum laciniarum primo sanguine menstruo tinctarum, & exsiccatarum, angores, instantem lipothymiam, caloremque præter naturam, & alia symptomata supervenisse, eaque se unius Tincturæ Bezoardicæ ope sustulisse.

Narravit mihi nuper consanguineorum aliquis famulam quandam hic Hagæ menstrui Heræ sanguinis infusum ex vino bibisse, unde non ita post, quamvis non absque magna corporis perturbatione, felix prodierit effectus. Ego tamen nulli qualecunque hoc obtulerim remedium, cum quod detestandum sit, tum quod periculo non careat, aliaque eundem producant effectum.

Nec dubium est, quin sanguis ille à muliere assumptus, quantum ad operationes, varie admodum differat, siquidem hæc sanior, illa natura frigidior sit. Meo insuper iudicio major necessario adest motus, majorve fermentandi vis in iis, quæ virum quendam amant ardentius, earumque sanguis propinatus plura, vehementioraque producet symptomata, quam alterius

230 OBSERVAT. RARIORUM,
cujusdam mulieris, cujus sanguis non ita vehementi agitabatur fermentatione.

Nec mirum cuiuspiam sit parvam hujusce liquoris quantitatem tantum posse: experientia enim quotidiana monstrat minimam quoque fermenti copiam brevi magnam farinaceam massam fermentare, & in sui naturam commutare posse. Talem autem fermentationis virtutem in sanguine mulierum juniorum secundum diversas lunæ phases provenire supra annotavimus. Curenim alias tam accurate, statoque semper circuitus lunæ tempore fluxus ille oriretur.

Quid ni æque id in microcosmo præstet luna, ac in macrocosmo, ubi maria, & flumina turgere facit, præsertim, quando ex mulieribus fermentum aliquod salinum uteri substantia contentum, & ex sanguine sensim ibidem collectum accedit? Nullus tamen ad fluxum hunc majorem sanguinis requiri quantitatem inficior, quam quidem hujusmodi mulieres ad corpora sustentanda indigent. Experimur tamen nonnullas etiam si magna careant sanguinis quantitate, insuperque parum alimenti propter tristitiam, aliamve causam assumant, accurate in consueta Lunæ phasi fluxui isti obnoxias esse.

Aristot. 7. hist. animal. cap. 2., & 2. de generat. animal. cap. 10. Lunæ hunc adscribit fluxum, nec non Galenus lib. 3. de dieb. decret. cap. 2. fol. 157. qui lunæ, & aliarum stellarum potestatem in corpora sublunaria maximam esse,
con-

contendunt, quod non tantum Astrologorum, olitorum, nauclerorumque probant testimoniis, sed & *Galenus lib. ejusdem cap. 2. & 4.* Solem Regem quempiam maximum, lunam vero Hyparchum non exiguum vocat, quam etiam *Aristoteles* propter magnam virtutem parvum dixit Solem.

Nec tamen homines brutis similes habere credar, si in opinionis nostræ confirmationem exemplum ex hisce proferam. Quis non concedat quorundam brutorum, quo tempore in amoris furorem feruntur, sanguini solitâ majorem fermentationem, vel (si mavis) motum inesse, unde non magnus tantum circa genitalia ardor animadvertitur, sed & ipsa tumescunt, caudâque huc illuc motâ sæpius micturiunt, atque inquietæ sine lege vagantur, nec non quandoque ob ingentem pruritum vulvam arboribus, aliisve obviis affricant. Liquorem etiam quendam equæ tunc emittunt, qui propter ardorem furoremque olim *Hippomanes* dicebatur, philtrumque Ethnicis, & impiis hominibus præstabat, uti supra annotavimus; De eo enim *Virgilius Maro Georg. 3.*

Hippomanes, quod sæpe malæ legere novercæ.

Quis, inquam, non concedet in animalibus peregrino quodam æthere illud fieri?

Sic *Aristotel. lib. 1. meteor. cap. 4.* multo igne misceri aëra dixit.

Docet etiam *Hippocrates lib. de principiis*; in terra, & circa terram ignem plurimum remansisse, quantum nempe fuit necessarium, ad varias quæ in terra, & circa terram fiunt fermentationes, & generationes nec non *Galenus in librum de decretis Hippocrates & Platonis*, ut & ipse *Plato*, at obscurius, ac tandem *Cartesius*, at clarius, & apertius indicavit

Docet etiam usus plethoram nonnunquam solitum impedire menstruorum cursum, qui sæpe non promovetur, nisi per venæsectionem quadam sanguinis emissâ quantitate: hoc autem in praxi non semel expertus fui.

Si vero mulieres sanguinem illum quovis mense propter plethoram emitterent, causa demonstranda esset, cur per uterum magis quam per aliam corporis partem ejiceretur. Si enim sanguis abundans vasa distendit, eorumque aperit ostiola, debiliora certe vasa, apertis illis, ante omnia sanguinem effunderent. Quoniam ergo vasa sanguifera narium, pulmonum, aliarumque partium (ut nonnunquam fit) citius aperiuntur, quam uteri, necessum est, ut præter plethoram alia quædam quærat fluxus menstrui causa, quæ est fermentatio, motusque sanguinis major, quem aër lunæ peregrinus (ut modo dictum) producit. Hoc enim violentiori sanguinis, spirituumque motu uterus, poris apertioribus redditus, magis incalescit: ita ut ejus substantia circa id temporis porosior evadat, magisque

gisque intumescat, mulieresque ardorem quendam sentiant circa dorsi spinam, ut & in abdomine circa uteri locum, nec non tensio quædam in partibus vicinis animadvertatur, quæ nonnunquam ad coxendices extenditur, accedente interdum lassitudine quadam, quod sanguis prima pressione mox per arterias moveri non pergat.

Sed si hæc vera sunt, unde, quæso, fit, ut non uno, eodemque tempore quotquot sunt mulieres menstruum sentiant fluxum?

Causa est, quia non omnia fermentantur ab omnibus, nec mulieris sanguis ab uno, eodemque, sed diverso pro diversis lunæ phasibus aëre ad fermentationem perducatur.

Causa etiam nonnunquam in ipso latet sanguine, quæ impediat, quo minus hic tam cito insueto Lunæ aëri auscultet, quod post aliquot dædum dies permittit. Multum etiam huc facit diætæ diversitas, aërisque temperamentum, ætas, &c. ita ut fluxus iste in eadem citius, ferius animadvertatur muliere.

Sed quam, quæso, ob causam prægnantes menstruo plerumque non laborant fluxu?

Ratio est, quia non imprægnatæ maiorem colligunt sanguinis copiam, quam quidem ad corporum requiritur sustentationem, quod in viris non obtinet, utpote qui calidioris sunt temperamenti, porisque gaudent amplioribus, unde major iis transpiratio.

Majorem sanguinis copiam, necessum est, ut colligant, ut fœtui suppeditetur alimentum. Nec tamen statuo matrem, fœtumve sanguine nutriri, sed chylo, è quo plurimæ sanguinis partes consistunt, & è quo non Mater tantum, sed & fœtus nutrimentum accipiunt.

Quid autem de vaccis, equabus, ovibus, aliisque fœmineis brutis eodem, quo mulieres, modo concipientibus, fœtusque in utero nutrientibus, nec tamen menstrua expertis dicendum est?

Sciendum hæc bruta aëre à lunari diverso affici, quo etiam juxta qualitatum diversitatem certis anni temporibus in venerem concitantur, quando & celerior motus, ac fermentatio eorum in sanguine exoritur, unde solito major producit in partibus genitalibus ardor. Tunc etiam vaccæ, equæ, canes, &c. parum emittunt liquoris, cum mulieres contra, nec non simiæ quædam quovis mense non ita exiguam ejiciant sanguinis copiam.

Menstrua autem imprægnatis ut plurimum non fluunt, quod alia fermentationis vis in earum sanguinem ope spiritus seminis masculini introducta sit, lunarem ætherem superans, unde non amplius fermentatio sanguinis huic auscultat, nulla enim mulier unquam imprægnabitur, quamdiu spiritus seminis masculini tam potens non est, ut peregrinum aërem, qui antea sanguinem fermentabat, superet.

Quam

Quam potens autem sit feminis masculini aër, non solum in proprio genere (uti patet ex animalium non castratorum carnibus) sed præsertim quando uterus ipso perfusus, & imbutus est, denotat satis mira illa mutatio, quam sexus fœmineus inde subit; quale quid etiam indicat *Regnerus de Graaf lib. de viror. org. generat. dicatis*, pag. mihi 126. ubi de fele memorat, quæ è pinguißimæ canis mammis per aliquot annos lac exfluxerat tam copiosum, ut inde fere nutriretur, cum canis nunquam generasset, nec quod magis est, coivisset. Illam enim toto tempore, quo coitum appetere animadvertiebant, diligenter custodiebant: nihilominus tandem aliquando canis aliquis domum intrans cum illa coivit, & ab illo tempore felis nunquam lac, ut ante, è mammis ob mutationem haud dubie, quam feminalis aura in canis corpore effecerat, fugere voluit.

OBSERVATIO XX.

*Fila pilæ in modum ipso in ventriculo
conglobata.*

Quemadmodum in quorundam animalium ventriculis globi nonnunquam pilosi fuere reperti, qui viventibus gravissimi fuerant, & de quibus
rusti-

238 OBSERVAT. RARIORUM,
repartus difficilioris remedium suppeditare scribit.

Thom. Barthol. cent. 2. hist. 21. pag. 188. se habere ait globulos crinitos aliquot juglandis magnitudine, testâ durâ, glabrâ, & nigrâ, quales 50. numero in ventriculo vervecis in Islandia à mercatore repertos memorat.

Refert *Ol. Vormius Musei cap. 8. fol. mihi 60.* hujusmodi pilos in Norwegia ex ovium ventriculis eductos.

Similes etiam globos in cervis reperiri confirmat *Georg. Wolff. Wedelius Ephem. Germ. decur. 1. ann. 9. obs. 169. fol. 374. & decur 2. ann. 1. obs. 159. fol. 384.*

Retulit mihi Feliciss. Med. Doctor *W. Liebergius* se non dissimilem globum è Sue excissum vidisse.


Th. Kerckringius obs. 84. p. mihi 164. in cane quodam invenisse se ait ventriculum, non uno loco crinibus obsessum, qui variis in locis ita adhæserant parietibus, ut vix avelli, nisi ipsa substantia læsâ, potuerint.

Hic autem notandum duco in quadrupedibus duplex dari pilosorum globorum genus, alterum scilicet omnino pilosum, quod plerumque in vaccis, & vitulis tantum reperitur. Hi autem globi è minima pilorum congerie primum provenientes sensim vorticis in modum circumvolutis magis, magisque accrescunt pilis, donec tandem in apice ita artificiosè conjungantur, ut vinci hu-
mana





fig: 2



mana ars videatur, atque industria. Hi autem rotundi sunt, manuumque pressioni non magis cedunt, quam pila lusoria, interdum quoque intus ita duri sunt, ut ne cuneo quidem separari queant, unde satis liquet interiores partes, corticemque exteriorem eodem modo sese habere.

Monstravit mihi *D. Francisc. Sevenhufius* Hagienfis olim Senator huiusmodi pilam e vitulo eductam magnitudinis, figuræque, qualem exhibet tab. 3. ubi litera A. totum globum pilosum, B. vero per medium dissectum monstrat. Ille autem duas uncias cum sex dragmis appendebat.

Horum autem globorum causa est, quod vaccæ scabrâ linguæ superficie prurientem cutem sæpe lingant, dentibusve scalpant, sicque magnam pilorum quantitatem temporis processu deglutiant, qui cum in ventriculis consumi nequeant, viscositate quâdam sensim concrescunt, atque in unam massam, tandemque in globum, initio quidem exiguum, postea vero, accedente in dies pilorum copiâ, majorem rediguntur.

Wierus de maleficio affectis lib. 4. & 12. fol. mihi 318. de his ita scribit.

Vituli, inquit, adhuc lacte viventes materno si quando alimonia destituti, vel alioqui petulcâ atate insolentes ad parentem, vel aliam accurrunt vaccam, ejus furas, vel quemcunque ore contigerint locum hirtum, maxime posteriorum coxarum, tam exugunt avide, ut etiam depilem reddant, pilique valido, crebroque suctu in
ver-

ventriculū attracti. & frequentimotu, ſuctuque laſcivo paulatim conglomerati, plerumque lacte, vel chylo, aut pituitoſo ſucco lento obvolvuntur: qui temporis ſucceſſu tenacior redditus membrana induit faciem: quemadmodum ſubſtantiâ limoſâ albidâ ſtatim à ſectiōe, viſa eſt primum obducta hac pilarum pellicula. Quæ deinde exſiccata pedetentim corio tincto etiam nigritie aſſimilabatur, quâ unâ in parte cultro nonnihil exciſâ ejuſmodi uniformes pili molles (quales in illis pecorum locis inveniri cernimus) admodum compaſti apparuerunt. Unde animalia illa, quoniam hi pili facultati non obediunt, paulatim languescunt, & niſi tempeſtively maſtentur, tandem moriuntur.

Teſtatur & idem hoſce globos quandoque in inteſtinis vitulorum reperiri, quemadmodum ipſe fuit expertus. De his etiam vide ſis *Comment. Joh. Fabri Lincei in hiſt. animal. nec non Nard. Anthon. Recchum fol. 624.*

Secundum genus eorundem globorum è filiſ, intertextis hic illic herbarum, plantarumque quibuſdam fibrillis conſtat, qui plerumque in Rupicapris victum in Alpinis montibus, alibique quæritantibus reperiuntur. Quamvis nonnunquam in aliis inveniantur animalibus; interdum & in cervis, ut ſupra dictum. De huiusmodi globo è pilis, filiſque conſtrato peculiarem conſcripſit tractatum *H. Velfchiuſ titulo Agagropili.*

Posterioſis huius generis delineatio videri po-
teſt

test *Ephem. German. decur. 2. an. 1. obs. 159. fol. 383.* ubi duo proponuntur oblongi rotundi, quorum alter paulo plus, paulo minus alter duas dragmas pendebat, nigricabat autem uterque.

Globi autem illi haud dubie eodem modo in vitulis, quo in vaccis producuntur, qui jam ex nostris Wierique verbis patet.

Causam vero, quod plantarum fibrillæ, quæ pilis non omnino sunt dissimiles, in capris, cervisque cum pilis misceantur, iisque multos per cincinnos involvantur, sic tradit *Celeberrimus Wedelius*: quia scilicet Capræ in aridis, montanisque degunt locis, unde fiat, ut materiam, è qua pili proveniunt, parum diluat humoris, dum interea à glandulosis ventriculi papillis serum effluit coagulans, quod sensim crustam producit, quæ quo diutius in ventriculo permanet eo durior evadit. Quapropter etiam pilosi globi è vitulis, vel aliis junioribus animalibus exempti externâ, multoque magis nigricante carent crustâ, qualis quidem semper adultiorum animalium pilos vestit.

Atque hæc quidem de pilosis brutorum globis sufficiant. Similes autem in hominibus fuisse repertos nusquam me legisse, nec audivisse memini: si tamen exceperis *collect. med. phys. Steph. Blankardii centur. cap. 22. fol. 30.* ubi magni globi pilosi è ventriculo nautæ cujusdam Hafniæ excissi meminit, cujus pili vaccinis similes admodum, nec non pileorum maxime pilosorum more valde

242 OBSERVAT. RARIORUM
impliciti erant: hujus tamen globi causa ibidem
non profertur, nisi forsan, quod suos comedisset pilos, uti de alio quodam, iisdem *collect. med. phys. centur. 6. obs. 92. fol. 193. Joh. à Deuren* testatur.

Institutum nostrum non est hîc loci de nexibus istis pilosis, quos quidam cum aliis rebus minus consuetis, v. g. clavis, aciculis, vitro, &c. evotuerunt, agere. Isthæc enim à causis naturalibus proficisci non existimo, nimisque hic forem prolixus, si vel quædam eo pertinentia, quo decet modo, attingerem.

OBSERVATIO XXI.

Maxilla Passeris (piscis) deglutita.

REperias equidem, nonnullos adeo gulosos, ac tam incaute quævis in avidum ingerentes ventriculum, ut vix alimenta dentibus comminuant, linguaque circumvolutent. Inter hosce nobis exemplo erit *Cornelius Henrici*, quem, cum anno 1683, mense Febr. à Medico *Joh. Weiningo*, Chirurgoque *Guilhelmo Bourgognie* hic Hagæ advocarer, intellexi An. 1684. circa finem mensis May Pentecostes festo, nundi-

na-

narum tempore , Scheveringæ passeris comedentem sensisse os quoddam œsophago inhærens , quod tamen post ingentem angorem in ventriculum descendit , nec nisi prope finem Decembris an. 1684. sese in intestino recto , post septem videlicet mensium moras , manifestavit. Intra quod tempus nullos se passeris comedisse retulit ille. Eo igitur loci post acutum , immensumque dolorem abscessus quidam ortus fuit , quo disrupto puris quædam ex intestino recto prodiit quantitas , nec ita diu post alius etiam ad ani latus animadversus est tumor , quo per Chirurgum aperto passeris maxilla una cum pure extracta est , magnitudinis & figuræ , qualem videre dat tab. 1. Fig. 3. litera D. Postea vero latius proserpsit hoc ulcus , novusque conspectus fuit in perinæo abscessus , quo aperto multum puris diu effluxit. Ille autem , præterlapsis aliquot mensibus , convaluit.

IN OBSERVATIONEM XXI.

COntingit interdum, ut corpora quædam dura, præsertim tamen angulosa, & acuta, diu in intestinis hæreant, cujus rei exemplum *dedi obs. 64. tom. 1. fol. 273.* Tradit insuper *Zodiacus med. Gall. an. 2. fol. 88.* quomodo puellus 10. annorum intra 12. vel 14. dies ultra 50. aciculas per anum ejecerit, quas ante quatuor, vel quinque annos incautus deglutiverat.

In Observationis nostræ confirmationem, deglutitarum maxillarum passerum, non tamen ita diu intestinis inhærentium, quædam proferam exempla.

De maxilla quadam passeris, sed nostrâ majore, inter comedendum deglutitâ, postque octiduum (non tamen absque præviis continuis, vehementibusque doloribus) ex infimâ intestini recti parte digitis extractâ, quæ non transversim tantum ibidem hærebat, sed & firmiter admodum tunicæ laterali illius intestini erat infixæ, exemplum affert *Expertiss. ille suo tempore Chirurg. Jobus Mekeranus cap. 32. pag. 199.*

Similis etiam deglutitæ mandibulæ jam olim mentionem fecit *Arnold. Tholinx*, quam semet ipsum ex intestino recto, supra rugas videlicet exorto ulcere, prominentem, acutamque vidisse ait, quam Chirurgus forcipe per medium incisam, vossellâque apprehensam frustulatim extraxit,

traxit, posteaque ulcus, nullo superstite incommodo, ad cicatricem perduxit. *R. Bernhardus* Chirurgus quondam Amstelodamensis simile quoddam, teste *Mekerano fol. 203.* maxillæ deglutitæ vidit exemplum, ipseque etiam ægro opem tulit. Illud os autem post infandos dolores posterius e lumbis, suppuratione factâ, prodiit.

Non inconsultum duxi etiam rarum quendam addere casum, quem mihi nuper retulit Expertiss, noster Medicus, & Anatomicus *Anth. Nuck* de subitanæ quadam frustuli ossei deglutitione, nec non ejusdem rara exoneratione.

Nono scilicet Januarii An. hujus 1686. cum hæc observationes belgico ederem sermone, contigit, ut *Joh. de la Coste* annorum 32. miles hic Hagæ domum aliquando veniret esuriens admodum, subitoque jusculum quoddam, in quo frustum aliquod osseum latitabat,sumeret, quod nimîa festinatione cum jusculo in Oesophagum irruit, ubi propter notabilem magnitudinem sistebatur. Perturbatus autem ille digitum gulæ immisit eâ cum spe, ut vomitu os ejiceret, verum necquicquam tentavit. Quapropter multum hausit olei, cum ut os evomeret, tum ut vias redderet glabras, sed & hæc incassum fiebant: quin etiam os propter Oesophagi ex oleo glabri-
tiem descendebat insuper latitudine trium digitorum transverforum, unde laborans, multum intumescente facie, (siquidem os non tantum

246 OBSERVAT. RARIORUM,
majusculum, sed & angulosum esset, acutum-
que) maximo correptus fuit angore, atque do-
lore, ita ut Chirurgo opem implorare cogeretur,
sed nihil hic adferre poterat auxilii, deficientibus,
ad os extrahendum instrumentis.

Cum ille itaque usque adeo anxius per integram
ferme permansisset horam, nec, nisi certam, ac
subitanam, modo suffocationis, expectaret
mortem, ipsemet tandem Chirurgo interim aliis
instrumentis efformandis occupato, filum quod-
dam ferreum, quali nostrates focum circumfe-
runt suppedaneum, diffregit, atque ita curva-
vit, ut concurrerent extremitates in medio sui
curvæ, flexæque, superiore in parte rotundo
quodam, oblongoque remanente foramine, ita
ut commode instrumentum illud in Oesophagum
profundius immitti, atque hærens os arripere
posset. Postquam itaque quater, quinquiesve
frustrà tentasset, tandem ossis extremitatem ita
arripuit, atque obvolvitur, ut Chirurgus, nisi
nimis fuisset meticulosus, illud apte extrahere
potuisset. Æger itaque summis in angustiis ma-
nus admovit operi, frustumque osseum, post-
quam ibidem per quinque horæ quadrantes la-
tuisset, feliciter, non tamen absque laceratione
quadam, vomituque liquoris biliosi, nec
sine quantitate sanguinis erumpentis, tanta
cum violentia extraxit, ut maximo impetu in
terram projecerit. Tunc autem quivis ossis mag-
nitudinem, inæqualitatemque admirabatur. Il-
lud

lud etiam pendebat circumcirca sesquidragmam, alteriusque extremitatis crassities duorum straminum, alterius autem unius latitudinem æquabat.

Idem miles non ita diu post domi meæ fuit, frustumque illud cum filo ferreo mihi monstravit, videbaturque nobis portio offis omoplatae esse, ejus autem figuræ erat, quam vides tab. 14. fig. 3. ad observat. XLIV.

OBSERVATIO XXII.

Araneæ comesæ.

NOVUM quid, aut mirandum adeo non est, si prægnantibus mulieribus insoliti quandoque oriantur appetitus: mares autem, nec non fæminas non imprægnatas, puerosque horrenda, inutiliaque, ac venenata appetere, iisque absque sanitatis detrimento uti posse, jure merito quivis miretur. Est enim hæc singularis quædam proprietas, cujus non adeo manifesta est causa.

Celeberrimus *D. Joh. Ludov. Hanne-mannus* in illustri Chilonensi Academia Professor literis an. 1683. Baronem quendam in Frisia orientali araneas quam

248 OBSERVAT. RARIORUM,
avidissime comedisse, nec uxorem unquam imprægnasse mihi significavit. Retulit & idem puerum quendam Rigæ in Livonia araneas, muscas, similiaque insecta sine ullo sanitatis detrimento, nisi quod facie esset pallidâ edisse, quod à Livonico sibi memoratum studioso testabatur.

IN OBSERVATIONEM XXII.

Viderunt eruditorum quamplurimi, audiveruntque rariora hominum exempla, qui ab ipsa juventute sese quorumvis sordidiorum esui, & quidem tanto cum appetitu, ac sapore, ut postea iisdem se abstinere non potuerint, assuefecerant.

S: Scholzius Miscell: med: phys: curios. an: 2. obs: 10. fol: 29, se juvenem quendam Scotum Lugduni Batavorum novisse ait, qui passim in ædium angulis araneas conquirebat, sibi que suavissimum cibum esse affirmabat, quique tamen, utut pallecente, nec non circa oculos parum intumescente facie, satis bene se habebat.

Vidit *Offredus*, teste *Joh: Rhodio centur: med. 3. obs: 91. fol: 20*, Aureliæ Mendicum quendam, qui araneas, scædioraque animalcula, illæsa valetudine vorabat. Tradit & *Rhodius* ibidem

CENT. POST. PARS PR. OBS. XXII. 249
dem se etiamnum adolescentem Patavii vidisse
quendam fatuum, qui citra noxam Scorpios,
araneasque ingurgitaverit, sed tamen pestilentia
passim per Italiam grassante Anno 1631. fuerit
sublatus.

Hujus etiam rei meminit *Gaspar Reyes à Franco*
quest. 63. fol. mihi 484. Idem quoque de
puella trimula memorat *H. Cardanus. D. Sen-*
nertus lib. 6. part. 5. cap. 1. se civem quendam
hujusmodi insecta absque noxa, & cum delecta-
mento assumentem vidisse scribit.

Adducit expertiss. *Steph. Blankardus collect*
med. phys. centur. 5. obs. 43. fol. 52. exemplum
quoddam ex epist: *Joh. à Deuren,* de viro quo-
dam conspicuo, qui maximas, quas acquirere
poterat, araneas, minime infracta valetudine,
comederit. Idem quoque *cent. 1. obs. 50. fol. 46.*
Chirurgum quendam Leovardiæ, se presente,
in horto quodam erucas cum sale, ac pipere abs-
que ullo incommodo edisse affirmat.

Memorantur & virgines quædam liventes fa-
cie, peregrinisque ductæ appetitibus non araneas
tantum, sed & alia insecta, constante sanitate,
comedisse. Perhibet *Albert: Magnus lib. 7.*
de animal. tr. 2. cap. 5. se puellam quandam Co-
loniæ Agrippinæ vidisse, quæ tanta ducta fuerit
voluptate araneas comedendi, ut muros quidem
ascenderit ad istas captandas, vid: etiam *Lud.*
Cal. Rhodiginum lib. 11. cap. 13. fol. mihi 409.

Meminit & *P. Borellus hist. , & obs. rar.*

med. phys. centur. 3. obs. 19. fol. 212. nobilis cujusdem Matronæ Anglicæ, quæ inter alia etiam araneas valde desiderabat. Confer. Mouffet. lib. 2. cap. 15. fol. 237.

Virginis cujusdam mentionem facit *Aristoteles*, quæ initio ita aranearum, aliarumque rerum venenatarum sese assueverat sui, ut fortissima tandem toleraret venena haud aliter, quam sanus quispiam solitis vescitur alimentis. Verum enimvero ipsa inde usque adeo evasit venenata, ut sola saliva, aliove corporis liquore appropinquantes mox interimere posset. Forsan hæc eadem fuit, quam *Plutarchus*, aliique inter alia rariora ad *Alexandrum Magnum* à Rege quodam Indo transmissam, donoque datam tradunt eum præsertim in finem, ut Macedo amore captus cum illa decumberet, sicque certo interiret: verum *Aristoteles* suspicione motus Regi consuluit, ut primo aulicum quendam ei adjungeret: quod ita contigit. Quamprimum enim ipsam impudicè attigisset, veneno infectus interiit.

Huc referendum exemplum est, quod *D. Simon Viresius* secundâ *magni Theatri Hist. parte pag. mihi 98. ex Sligtenhorstii additamentis Pontani Histor. Gelriae lib. 7. n. 23. fol. 136. habet.*

Vixit scilicet olim Italus, cujus fama, propter rara, quæ calluit, artificia, per totum erat diffusa orbem, quique etiam nonnullis Dei Propheta, aliis Antichristus habebatur. Hic virtu-

tes herbarum noscere, atque experiri avidus semper fuerat quam maxime. Unde à prima usque infantia ita venenatarum herbarum se assuefecerat esui, uti iis tanquam alimento, uteretur. Ejus autem halitus tantam quidem afferre poterat aliis noxam, quantam ista, de qua retuli, attactu fœmina. Quotquot enim ei appropinquabant, vel animo linquebantur, vel humi procumbebant exanimés; Adeoque qui, ut eum caperent, accedebant, mutata, capiebantur, forte. Illud autem diutius fuit continuatum, donec à quibusdam, quibus antidotorum clypeo probe munitis hoc datum erat negotiū, tandem captus, ac in carcere strangulatus sit.

Tantum diuturnior valet usus etiam in malis, & non naturalibus rebus. Sic *Augustinus lib. 2. de moribus Manichæorum* memorat illustrem quandam mulierem Atheniensem venenis ita se adsuevisse, ut ob delictum quoddam capite damnata venenis, quibus necanda esset, extinguī non potuerit.

Scribit *Galenus lib. 3. simpl. medic. cap. 18.* vetulam Atheniensem Napelli herbæ primò parum, mox plus assumere dicensse, donec nihil inde detrimenti timuerit.

Mithridatis Ponti Regis (à quo antidotum nostrum Mithridaticum nomen accepit, centum quidem ante Christi ortum annos) satis innotuit historia. Ipse enim antidotis munitus primò parvam, deinde majorem veneni quantitatem assu-

252 OBSERVAT. RARIORUM
assumere consueverat, ut postea venenis cum ali-
mentis mixtis interim non posset; imo cum à
Pompejo victus, ne in Triumpho circumduce-
retur, metueret, veneni portione duplici nec-
quicquam mortem accelerare gestiit, postea ta-
men à Tribuno *Bititio* precibus exorato, teste
App: Alexandrino cap. 15. lib. 4. de bellis Regis
Mithridatis, gladio perfossus est. *Aulus* ta-
men *Gellius lib. 17. cap. 16. fol. 544.* illam ob
causam eum sibi violentas intulisse manu tradit.

In hunc Regem ita cecinit *Martialis lib. 5.*
Epigram. 78.

Profecit poto Mithridates sæpe veneno,
Toxica ne possent sæva nocere sibi.

OBSERVATIO XXIII.

Nimius raparum esus funestus.

APpetitus, de quo jam acturi sumus,
honestior multo est, quam ille,
cujus modo facta mentio. Neminem
tamen fugit vel optimum nimia sump-
tum copia tandem nocere alimentum.

Retulit mihi ante annos aliquot
expertus Chirurgus *Aime de Foix* se co-
hortis equitum Ducem) quem ob singu-
larem

CENT. POST. PARS PR. OBS. XXIII. 253
larem raparum appetitum *Raparium* dice-
bant familiares) vulneratum gladio, qui
ipsum diaphragma, ac pericardium ad
cordis usque conum penetraverat,
percurasse. Hic autem, valetudine res-
taurata, à rapis neutiquam abstinere
potuit, ac, biennio fere post acceptum
vulnus elapso, tantam raparum come-
dit copiam, ut nullos omnino emitere
flatus, nec alvum deponere posset:
Unde (quemadmodum post apparuit)
tandem decessit. Aperto à Chirurgo *de*
Foix cadavere, in corde, ubi vulnus fue-
ratur inflictum, callus quidam longi-
tudine primi articuli digiti minimi, qui
cum pericardio coaluerat, quod tamen
nonnihil lymphæ continebat, reper-
tus est.

Observavit præterea (quod notatu
dignum) Chirurgus portionem quandam
tenuium intestinorum duplicatim per
foramen diaphragmatis gladio factum
transiisse, ibidemque fibrillis quibus-
dam coaluisse, ita ut chylus, fæces-
que abdominis tenuiores post accep-
tum vulnus per thoracem iter fece-
rint.

Tale quid memorat *Joh. Musius Prax. Chirurg. ration. dec. 5. obs. 2. fol. 263.* de quodam, cujus ventriculus per diaphragma gladio læsum tranſierit. Nec non de alio, cui colon poſt acceptum vulnus uſque in thoracem aſcenderit. Uterque tamen diu poſtea ſuperfuere.

IN OBSERVATIONEM XXIII.

Q Uamvis rapæ coctæ, beneque præparatæ alimentum concoctu facile præſtent, nec non corpori humano modice aſſumptæ utiles ſint admodum, hominibus tamen (uti quævis flatus concitantia, crudaque) nimiâ quantitate comæſæ, quod flatulentæ ſint, multum nocere valent, præſertim ſi crudæ ſumantur.

Quemadmodum autem, de quo egi, Equitum Dux maxime fuit raparum appetens, ſic etiam eaſdem quammaxime deſideraſſe dicitur *Romulus* urbis conditor, utpote quem nonnulli in cœlo etiam rapas comedere ſcribunt, teſte *L. A. Seneca Apocolocyntheſi*, nec non *Martiale lib. 13. epigram. 16.* quod hujusmodi eſt:

*Hæc tibi brumali gaudentia frigore rapa,
Quæ damus, in cœlo Romulus eſſe ſolet.*

Fidem faciunt Annales Romanum Ducem

Ma-

Manium Curium rapas vehementer cupiisse; dona enim, quæ Legati Samnitici aliquando ipsi rapas ad focum torrenti offerebant, recusavit sibi minime auro opus esse, quamdiu hujusmodi edulia palato placerent, dictitans.

Certum autem est flatus, præsertim crassos, non in ventriculo tantum, & intestinis, sed & in omnibus corporis cavitatibus, imo in quavis fere parte (uti loquitur *Galenus* 2. de art. cur. ad *Glauc.* cap. 6. & 14. meth. med. cap. 70.) distensione, & expansione magnos producere dolores.

Antho. Benivenius de abdit. morb. causis, cap. 81. fol. mihi 294. vidisse se testatur Ludovicum Nicolinum generosi equitis Othonis filium, solo vento viscera, & stomachum impetente, adeo in Monoculo afflictum fuisse, ut, dum pars parte premeretur, exitu hinc inde negato, non solum viscera, & pectus, sed scapulæ etiam incredibili extenderentur dolore, & spiritus magna, ac miserabilis fieret angustia, ita ut tertio die, nihil conferentibus auxiliis, è vita migraverit. Inciso autem cadavere, viscera omnia vento plena conspecta sunt, inventusque in sinistro cordis ventriculo fuit callus obduratus, qui nucis magnitudinem æquabat. Quare, ut illum, hoc est, ventum, inquit idem, mortis ipsius, ita hunc, scilicet callum, adversæ hominis valetudinis causam fuisse arbitrati sumus,

Rembertus Dodonæus obs. med. cap. 38. fol. mihi

256 OBSERVAT. RARIORUM,
hi 96. refert de quodam Monacho, cui, postquam longo tempore, imo aliquot annis circa umbilicum torsiones cum sonitu, ac strepitu admodum molestas sensisset, quæ nullis remediis superari unquam potuerant, venter subito admodum intumuerit, enematis, & potionibus nihil proficientibus, nullâque succedente alvi expurgatione. Unde magnis doloribus confectus tandem vitam cum morte commutaverit.

Simile exemplum ibidem refert de coriario quodam, cujus venter subito instar tympani distendebatur, sonumque edebat pulsatus. Mingendi etiam, & deficiendi potentia huic pressione adeo minuebatur, ut nullâ sanabile arte malum esset.

Idem cap. 29. fol. mihi 193. virum quendam se novisse testatur, quem dolor in pleniore intestino exortus adeo cruciaret, ut, nullo spiritu erumpente, medium hominem disiectum iri putasses: cumque frustra multa adhiberentur, & non tantum clysteria in alvum demissa non immutata prorsus ejicerentur, sed & medicamenta tam nihil ex ipsa alvo deponerent, ut iter hinc inde clausum credidisset. Tandem cucurbitulâ umbilico affixâ (solet enim hujusmodi malum tali præsidio nonnunquam minui, & levari) soluta est umbilici ipsius unitas, indeque spiritus crassior erumpens cucurbitulam ipsam disiecit, & hominem, omni amoto dolore, pristinæ sanitati restituit. Talis umbilici ruptio nonnunquam
con-

CENT. POST. PARS PR. OBS. XXIII. 257
contingit in Ascite, dum venter amplius distendi
nequit. Liquor enim internus exitum quærens
umbilicum disrumpit, exomphalique causa est,
cujus aliquot exempla extant apud *Schenkium fol.*
mihi 483. &c.

Simon Schulzius miscell. med. phys. decur. I.
an 3. fol. 272 cujusdam plures, quam septuagin-
ta, annos habentis mentionem facit, qui, dum
cuidam nonnulla aromata venderet, flatus alvinos
cum fæcibus diu retinuit, è qua retentione in con-
stipationem alvi incidit, quam colici dolores ex-
quisitissimi consecuti sunt, quorum neque hi
vel anodynis, vel carminativis, tam interne,
quam externè adhibitis sedari, neque illa purgan-
tibus aliquoties diversâ formâ assumptis, enemati-
busve fortissimis solvi potuerunt, donec tandem
potiuncula amara, & constipationem, & dolo-
res unà sustulit, quæ talis fuit:

R. Pulpæ Colocynth. in petia ligati ʒ ij. ʒ.
Flor. chamæm.

Centaurii minor.

Veronica ʒ pug. j.

Cap. Papav. No. j.

Cinnam. el. ʒ j. ʒ.

Sem. anisi. ʒ ʒ.

Decoct. in f. q. aq. chamæm.

colat. ʒ ij. ʒ. ad misce

Ol. amygd. dulc. rec. expr. ʒ j.

Manna Calabr. ʒ ʒ.

Misce fiat potio.

R.

Joh.

Ioh. Fernelius pathol. lib. 6. cap. 10. fol. mihi 159. Cohibendi, inquit, flatus consuetudine non paucos dissectione animadvertimus, quibus dilatatum colon intestinum brachii amplitudinem adæquabat.

Liquet etiam ex hac observatione, omnia cordis vulnera non omnino esse letalia, quamvis veterum plurimi, ut *Hippocrates sect. 6. aph. 18. Galenus in comm. ad eundem, & lib. 5. de loc. affect. cap. 1. Avicenna lib. 4. canon. fen. 4. tract. cap. 2. Aristoteles 3 part. animal. cap. 4. Celsus lib. 5. cap. 26.* nec non recentiorum multi contrarium tam de hominibus, quam brutis sentiant. Revera se testari posse scribit, *Ioh. Musius prax. chir. rat. dec. 5. obs. 2. fol. 263.* Judæum Arnhemiensem, ipsâ cordis substantia vulneratâ, nihilominus per sex dies quotidie bis de die pedibus se ad cædes suas, ut vulnus obligaretur, antequam moreretur, contulisse.

Hæc tamen vulnerum cordis est differentia. Vulnere nempe ventriculos, præsertim autem sinistrum non penetrante, laborans sive homo, sive brutum, læso corde, non tantum per aliquot dies superesse, sed & percurari poterit.

Non tamen desunt exempla eorum, qui, corde vulnerato, aliquot supervixerint dies.

Nic. Tulpius obs. med. lib. 2. cap. 18. fol. mihi 132. refert *Nic. Mullerum* virum sibi notissimum, fideque dignum, vidisse cum plagâ ventriculi dextri, vitam cuidam prorogari sine interneccione

ultra

CENT. POST. PARS PR. OBS. XXIII. 259
ultra diem quintum decimum. Quod tamen
miraculo, quam vero propius videretur, nisi vi-
ri integerrimi auctoritatem confirmaret testimo-
nium publicum, insertum operibus chirurgicis
Dan. Sennert lib. 5. part. 4. cap. III.

H. ab Heers obs. med. lib. I. cap. II. fol. II5.
exemplum habet cujusdam, qui, corde medio
quatuor glandibus perfosso, superstes ad quin-
tum decimum usque diem fuerit.

De milite quodam post vulnus in cordis ventri-
culo per novem dies vivente, memorat *Ioh. Rhod.*
obs. med. cent. 2. c. 39. f. 871. nec non *Thom. Bar-*
tholin. centur. I. hist. 77. fol. II5. de quodam, qui
per quinque post inflictum vulnus dies vixerit.

OBSERVATIO XXIV.

Glandula per alvum ejecta.

Quemadmodum mortalium nemo,
etiamsi vel accuratissime optimas
observet diætæ leges, vivit, quin ali-
quando hoc, vel illo corripitur morbo,
aut symptomate; ita nec ipsi malorum
immunes sunt Medici, à quibus, utpo-
te hominibus, humani nihil alienum pu-
tandum est.

Contigit mihi, cum non ita diu ma-
nus aliis admovissem medicas, ut post

260 OBSERVAT. RARIORUM,
continuos aliquot dierum dolores, ven-
trisque tormina non sine animi deliquiis
lene quoddam assumpserim purgans, quo,
alvo aliquoties dejectâ, tandem &
glandulam quandam exclusi Nucis Mo-
schatæ minoris magnitudine, a quo
tempore tormina, & dolores evanue-
re. Ipse autem circa ablutam glandu-
lam, cum accuratius perspicerem, va-
ria mirabundus reperi sanguifera vascula,
de quibus non ita promptum mihi tum
temporis, & diu post, fuit iudicium.
Neque enim satis videbam, unde glan-
dula, quâ ejectâ convalueram, pro-
venisset, donec tandem in ipsis etiam
intestinis reperiri glandulas animad-
verti.

IN OBSERVATIONEM XXIV.

Glandulas in hominum intestinis latere jam
olim, sed obscurius *Hippocrates* docuit, ut
patet lib. *Ἐν ἀδένων*, sive de glandulis, quamvis
eum nonnulli hoc loco de mesenterii glandulis
agere statuant. Idem autem *sect. 4. aph. 26.* Si,
inquit, à dysenteria detento velut caruncula se-
cesserint, letale est.

Nostro seculo *Th. Willisius tract. de medicam.
operat.*

operat. part. 1. sect. 1. cap. 2. fol. 13. &c. omnium (quantum quidem ego sciam) primus quam apertissime intestinorum glandulas demonstravit, ubi & easdem in intestinorum tunica interiori, sive velaminæ bombycino existere scribit. De iisdem vero glandulis *Joh. Jacob. Wepferus lib. de cicut. aquat.*, præsertim cap. 11. postea etiam egit.

Tandem & peculiarem de intestinorum glandulis edidit tractatum *Joh. Conradus Peyerus*, quo easdem non in brutorum tantum, sed & hominum intestinis reperiri statuit, illico, si frustum quoddam intestini, qua in longum patet, dissectum ad lucem detineatur, apparituras. Tradit & easdem extremitatibus suis papillarum instar ad velamentum bombycinum tendere, porisque donari parvis, qui digitis pressi viscidum quendam emittunt humorem, quem non tantum ad intestinorum interiorem tunicam oblinendam, defendendamque, sed & propter dissolvendi vim chylicationi admodum inservire ait.

Glandulas in intestinis miliares dari non ita pridem dicitur demonstrasse celeberrimus Regis Galliæ Anatomicus D. Vernæus, è quibus exiguam serî portionem è sanguinis massa eò advectam ad diluendas alvi fæces statuit, quæ si alio transferatur (ut sputatoribus sudatoribus, aliisque observare licet) alvum adstrictam reddi, maximam autem serî partem in renibus segregari ait.

De Harum glandularum usu jam non disputabo, in confirmationem nostræ observationis, glandularumque intestinalium existentiam casus quosdam non multum dissimiles allaturus.

Ioh. Rudolph. Burcardus Med. Profess. In Academ. Basiliensi, referente *Peyero* cap. 12. fol. mihi 94. de gland. Intestin: olim Medicinam se fecisse fassus est puero cuidam, qui præviis alvi torminibus *carunculam subrubentem*, & vasis sanguiferis instructam, figura phaseoli, & magnitudine nucis moschatæ, per anum excreverit, sicque integram sanitatem recuperaverit. *Quid*,
 ,, inquit, *Peyerus*, hæc caruncula aliud erat,
 ,, quam ejusmodi *glandula* ob serum in ea coa-
 ,, gulatum, atque temporis tractu in carneam
 ,, aliquam massam compactum, præter natura-
 ,, li magnitudine affecta? Hæc enim mole sua in
 ,, cavitatem intestini protuberans cum viæ re-
 ,, moram non parvam interponeret, factum, ut
 ,, ab excrementis vi pertranseuntibus sensim ve-
 ,, lut ex arbore pomum decuteretur, à qua
 ,, vellicatione *tormina* imprimis nata videntur.
 ,, Tandem vero *glandula ista* torminum pro-
 ,, creatrice penitus avulsâ, ac excretâ puellum
 ,, convaluisse idem *Burcardus* refert.

Brassavolus comm. ad *Aph.* 26. lib. 4. *Hipp.* se quosdam sanasse scribit, quibus carunculae, sive frusta carnea secesserint. *Ephem. nat. curios. Germ. decur.* 1. an. 2. obs. 246. pag. 346. mentionem faciunt observationis à *D. Ehrnfrid. Ha-*
 gen-

gendorn profectæ de juvene, febre epidemicè tunc grassante, cum hæmorrhagia narium, dyspnæa, lipothymia creberrima, &c. correpto; cui datum post Bezoardica laxativum ex alvo diu obstructa *glandulas* XII. instar nucis myristicæ catenatim sibi connexas deturbavit valetudini postmodum integræ restituto.

De decem hujusmodi glandulis parvorum avium ovorum magnitudine per alvum post dysenteriam à puero quodam egestis vide *Joh. Jacob. Wagner. ephem. decur. 2. an. 3. fol. 367. obs. 187.*

Tale quid habet *Th. Kerkringius obs. anat. 56. fol. 116.* de magna quadam, & oblonga substantia glandulosa à muliere per secessum post intolerabiles dolores ejecta; vide etiam *L. Schröckium schol. ad obs. 187. decur. 2. an. 3. ephem. curios. pag. 368.*

Meminit *Th. Bartholinus epist. med. cent. 4. epist. 86. fol. mihi 490.* Mercatoris cujusdam, qui post Icterus, variasque febris *ύποσφοδᾶς* in tabem fere deductus vesicas, & cystides sibi invicem connexas, concatenatasque, ac humore quodam pultaceo repletas, nec non ovi columbini magnitudinem æquantes majores, minoresque tanta per alvum excreverit copia, ut implendæ pelvi sufficere potuissent, quibus excretis Ictero, febriumque subinde recurrentium insultibus, ut & febre lenta, quâ sensim conficiebatur, liber evasit.

Monstravit mihi non ita pridem *D. Joh. Aegidius Enth.* Ducis Saxoniae Archiater substantiam quandam per alvum, post magna ventris tormina, à muliere quinquagenaria excretam juglandis magnitudine; eaque primo intuitu mihi tanquam corpus aliquod ex innumeris glandulis constans apparebat, quæ omnes ab uno pedunculo uvarum in morem dependebant. Illam autem accuratius perspectam ipse, aliique simbriam quandam esse adiposam statuimus, quales hic illic plerumque intestinum colon producit. Ipsa etiam pinguedinis omenti instar, ut & observat *Malpighius*, ex parvis vesiculis adiposis componebatur: quamvis hoc corpus naturæ quodam, quem vocant, lusu, alio quodam modo intus creverit.

OBSERVATIO XXV.

Intestini Coli vulnus.

Quam periculosa sint intestinorum, præsertimque tenuium, vulnera, satis superque docet *Hippocrates sect. 6. Aphor. 18. & 24.*

Exemplum quoddam vulneris crassi intestini vidi cum Med. Chirurgo *Cornelio Solingio Anno 1683. die 11. Junii in*
Cor-

Cornelio Joppen nauta Scheveringæ habitante, cui incauto dextrum latus nundinarum tempore ibidem à protervis quibusdam in posteriore corporis parte immediate supra os coxendicis ad latus vertebrarum dorsalium vulneratum erat, cultro ad intestinum usque colon penetrante, per quod vulnus indies magnam tenuis, fætentisque admodum stercoreis excrevit quantitatem: quod advertēbamus magis, quando ipsi olus viride comedendum tradideramus; illud enim non ita diu post è vulnere prodibat. Primus ille diebus febricitabat: siquidem autem vulnus factum erat infernè sursum, consultum duximus aperturam illam majorem reddere sursum ad finem usque vulneris, ut ita non tantum commodè cannula plumbea ad puris, fæcumque excretionem immititi posset, sed & decoctum aliquod e centaur. min. cum hord. & vino, posteaque mel rosatum cum spiritu vini mixtum injiciposset. Unde vulnus non mundabatur tantum, verum etiam quinto die separatio membranarum oriebatur, & siquidem ad ipsius intestini vulnus non pertingere,

266 OBSERVAT. RARIORUM,
adeoque nec futurâ disiunctas oras con-
nectere poteramus, dicto modo per-
gendum fuit, cujus eventus adeo fuit
felix, ut præter expectationem intra
tres hebdomadas non percuratus tan-
tum, verum etiam tunc temporis ita
fuerit fortis, ut die 30. Junii sumpto
jentaculo, mane pedes Hagâ (ubi tem-
pore curæ degebat) Scheveringam ive-
rit. Ipse etiam (quod mirandum) du-
rante curatione, nautarum more, quo-
tidie mediam fere cotylæ partem spiri-
tus vini, atque amplius quandoque bibe-
rat, non sine tabaci copiâ bene magnâ.

IN OBSERVATIONEM XXV.

QUamvis crassorum, præsertimque tenuium
intestinorum periculosa admodum, cura-
tuque difficilia sint vulnera, sanantur tamen
quandoque. *Galenus 4. de loc. aff. cap. 5.* ex-
ulcerationes intestini coli sanabiles esse tradit.
Idem docet *Aretæus lib. 2. cap. 6.* rationemque
addit; quia intestinum illud crassum, carnosum-
que est.

De vulnere cujusdam glande tubi ferrei facti
percuratione, e quo post dies aliquot glans per
alvum excernebatur, nullo remanente in intesti-
nis

nis vitio, lege sis *Francis. Valleriolam lib. 4. obs. 9. fol. mihi 290.*

N. Tulpinus obs. Med. lib. 3. cap. 20. de vulnere latioris intestini agit, quod ab incautiore Chirurgo longe fuerit amplius redditum, dilatatumque, adductis etiam, qua licuit, ex abdomine intestinis. Quæ inconsiderata ejus temeritas tantum abfuit, ut invenerit plagæ locum, & asseruerit ægrum ab hernia, in quam inciderat, ut induxerit potius in intestinis cum dolorem intolerabilem, tum frigus propemodum insuperabile. Reddit *Tulpinus* ibidem rationem, cur intestini vulnerati locus adeo difficulter reperiri potuerit.

Quamvis autem coli vulnerati percuratio feliciter nonnunquam fiat, ut plurimum tamen frustra instituitur.

Annotatu dignum est, quod habet *Bartholom. Cabrolus obs. 13. de Dom. Philip. de Montagnac.* Hic, inquit, ictus erat sub osse ilii ad costas spurias lateris sinistri, exhibatque vulnus ad os pubis, rursusque in femur dextri lateris se immittebat. Ad vulneris labia reperiēbatur colon transversim sectum omnino, quare omnibus, quæ illi unquam in mentem venerunt, futuris usum se fuisse ait frustra, labiis nimium distantibus; Itaque, quod necesse erat, fistulam contraxit, unde foramen illi ad instar ani gallinacei remansit, per quam ventris onus emittebat, eoque, quo alii per anum, strepitu pedebat, per podicem autem omnino egerebat nihil, multif-
que

que illi perpetuo opuserat pannis, ut invito ipso egredientia exciperet stercora. Cætera sano nihil è tanto metu mali reliquum fuit.

Plura fistularum intestinalium exempla *obs. 60. tom. nostri primi fol. 261.* adduximus.

S. Aloisius Tudecius miscell. med. phys. Germ. curios. an. 9. obs. 121. fol. 293. de quodam stabulario memorat, qui circa tertiam lumborum vertebra à parte dextra à tergo gladio quadrangulâri per initium intestini coli, & hypogastrium, versus ilia sinistra transfixus erat. Per illud hypogastrii vulnus excrementa exonerabantur, tandemque decimo sexto die fatis cessit. Apertum deinde abdomen tetrum diffundebat odorem: fæces enim per vulnus intestini coli in cavitatem illapsæ intestina corrupta, gangrænosaque reddiderant, vulnus autem intestini coli, sive labia illius, cum labiis vulneris abdominis ita concreverant, ut cultello ad separanda opus fuerit, sique cavitas abdominis ab ista sentina libera, & expurgata fuisset primis diebus, ægrum evadere potuisse affirmabant Medici præsentés.

Galenus lib. 6. meth. med. cap. 4. Intestini jejuni vulnus neutiquam sanari posse statuit, tam propter magna copiosaque vasa, quam quia tunica ejus tenuis est, & nervosa; unde contingit, ut copiosam, puramque recipiat bilem. Tradit quoque *Corn. Celsus lib. 5. cap. 26. fol. mihi 485. & cap. 16. lib. 17. fol. mihi 651.* neminem in vivis retineri posse, cui intestinum jejunum, vel aliud quod-

quoddam tenue, fuerit læsum. Idem etiam testatur *Hippocrates Coac. pranot. tit. 503. & sect. 6 aph. 18. & 24.* Ubi, si, inquit ex intestinis tenuibus aliquod dissectum fuerit, non coalescit.

Hæc autem ita intelligenda sunt, ut ita plerumque fieri credamus. Apellat quippe *Hippocrates* vulnus letale, quod ut plurimum tale est. Illud ipsum etiam satis indicavimus *obs. 1. hujus tom.* Postquam enim ille *lib. adscripto §. 509.* mortem pluribus casibus prædixit, quibus plaga per transversum fuerat facta, & magna; mox subjungit: Si verò parva, rectaque fuerit plaga, quidam evadunt.

Vulnera autem, ulceraque intestinorum tenuium nonnunquam sanabilia esse *Albucasis cap: 8. Aretaus lib. 1. cap. 9. Fernelius lib: 6. de morb: part: & symptom: cap: 14. Marcellus Donatus lib: 5. cap: 4. fol: mihi 576.* testantur.

De ilei vulnere, quod fibulâ, sive futurâ cuti annectebatur, eoque modo sanabatur, vide *Miscell: med: phys: German: curios: Decur: 1: an: 3: obs: 176: fol: 347: ut & annotat: Udalr: Rumleri obs: 39: fol: 23: Casp: etiam Banhinus parerg: post Roussetum fol: 272.* de vulnere tenuis intestini agit, quod consutum coalescere nequivit: Nihil enim fœcum omnino per anum rejecit læsus, sed per ipsum intestini vulnus, quod circa umbilici latus sinistrum remansit: dolorem nullum perferebat, nec, quando excrementa effluxura essent, persentiebat: clysmata ad alvum

270 OBSERVAT. RARIORUM,
solicitantam aliquoties fuere injecta, nunquam
tamen, licet larga manu decoctum fuisset admi-
nistratum, ad vulnus pervenit, sed quævis, ut
injecta, fuere rejecta.

Ante omnia autem miranda est curatio illius,
cujus meminit *N: Blegny Zod: Med: Gall: an:*
2: obs: 4: fol: 123: Hujus intestinum acinace trans-
versim, & omnino dissectum fuit, non procul à
loco, ubi definit Ileon, adeo ut extremitas ejus
dissecta extra vulnus, ad longitudinem sextæ par-
tis ulnæ efferretur, quæ paulatim ambienti aeri
assuefacta recti intestini munere fungebatur, &
membrana exterior portionis ilei egressæ abdo-
men sensim ad interiora contraxit, adeo tamen,
ut circumferentia extremitatis illius, cum attigis-
set vulneris circumferentiam, a natura sensim
fuerit conjuncta, & conglutinata mediâ futurâ
quadam naturali, ac membrana interior exteri-
ori parti adhæserit, eâdem servatâ longitudine,
eâque ratione deinceps opem tulerit excremen-
torum expulsionem. Crassorum autem intestino-
rum post excussam sarcinam ea secuta est
subsidentia, ut æger ne minimam quidem
enematis partem admittere valuerit, semestri ab
accepto vulnere spatio nunquam ad flatuum ex-
cussionem dehiscere ano.

Simile exemplum coli vulnerati à glande, in
quo ejusdem intestini pars semipalma longior ex
abdomine propendebat, fæcibus per aperturam
ejectis, superstitè tamen per triennium læso,
extat

CENT. POST. PARS PR. OBS. XXV. 271
extat *Miscell. med. phys. curios. Germ. decur. I.*
an. 3. obs. 8. fol. 11.

Qui plura sanationis vulnerum intestinorum
tenuium desiderat exempla, inspiciat *obs. rar.*
quintam Jacobi Seydelii ad Tbom. Barthol. con-
scriptam, de vulnere intestinorum tenuium cul-
tri acie facto, nec non Joh. Heurnium comm.
sect. 4. aph. 18. Hippocratis, ac Jacob. Hollerium
obs. propria 17. ut & comm. citat. cap. 18,
Ambros. Pareum lib. 24. operat. cap. 19.

De intestinorum à vermibus perforatorum
curatione vid. *Miscell. med. phys. an. I. fol. 321.*
& *Schenkiu lib. 3. obs. med. de vermibus, nec*
non Solenandrum sect. 5. consil. 15. §. 23.

Quæret autem quispiam, quomodo fiat, ut
sanentur intestinorum tenuium vulnera, siquidem
chyli, fæcumve portio necessario in cavitatem ab-
dominis ex iis descendit, quæ ibidem vel putres-
cit, vel successu temporis exulcerationem pro-
ducit?

In hujusmodi hominibus meo quidem judicio
vulnus in superiore tenuium intestinorum portio-
ne factum, nec adeo magnum fuit, & siquidem ita
læsi, dum curantur à Chirurgis, continue ter-
go incumbunt, fieri potest, dummodo tempe-
ranter comedant, bibantque, ut chylus non,
nisi minima quantitate, vel omnino non, in ca-
vum abdominis ejiciatur, unde vulnera in inte-
riore tenuium intestinorum tergum respicien-
tium parte facta multo sunt periculosiora. Hæc
enim

272 OBSERVAT. RARIORUM,
enim non ita recte videre possumus, nec labia
eorum vulnerum adeo bene cum inferiore abdo-
mine coalescunt. Vulnera etiam curatu sunt
faciliora, uti ex *Hippocrate* modo notatum,
quando non sunt transversa, sed oblonga, &
recta, quia alias labia propter continuum humo-
rum transfluxum nimium hiant, nec non reme-
media intus adhibita ibidem permanere ne-
queunt, etiamsi vasa sanguifera magis tan-
gantur.

Adde, quod viscidus humor ex intestinorum
glandulis extillet, nec non lymphæ nutritia ex
læsis arteriolarum orificiis proveniat, cujus len-
tore labia partis vulneratæ (quæ propter internum
profundum situm aeris est immunis, qui parti-
bus vulneratis nocet) facile sanantur, præsertim
quando flatus, qui ante vulnus in intestinis late-
bat, per vulnus proruit, labiaque sic collabun-
tur, unde faciliior, commodiorque est sanatio.

De intestinorum vulneratorum percuratione
prolixè agit *Cornel. Solingius part: 3. manual:
operat: Chirurg: cap: 5.*

OBSERVATIO XXVI.

Ventriculus exesus.

Ventriculi morbi multiplices qui-
dem, & varii sunt. Inter ipsos ta-
men

men jure merito rarissimus hic dicendus est, de quo sum acturus. Quamquam autem vix credere queamus humorem quendam usque adeo corrosivum in ventriculo colligi posse absque prævio notabili in diætâ, medicamentisve excessu, ipse tamen aliquando in cadavere mulieris cujusdam à C. *Solingo* dissecto ventriculi superiorem partem, trium digitorum transversorum latitudine sub orificio superiore perforatam, exesamque vidi ad magnitudinem pugni. Intra illud foramen præterea tumorem quendam cancerosum, exulceratumque panis triticei magnitudine, qualem tribus obolis nostrates emunt, reperiēbamus, qui peritonæo adeo adhærebat, ut vi avellendus fuerit.

Ventriculus insuper cum diaphragmate, quod propter ulceris vicinitatem etiam reperiēbatur à corrosivo pure perforatum, ut & lobus hepatis, qui supra ventriculum plerumque jacet, magna sui parte inferiore erat exesus. Lien coloris plumbei erat, renes autem bene se habebant; omentum vero emaciatum erat, ventriculusque subsidebat admo-

274 OBSERVAT. RARIORUM,
dum, ac perpauca continebat, quod
ægra ante obitum per 5. hebdomadas
nihil præter potum assumpsisset, ita ut
mirum non sit, si pridie ante obitum per
alvum albam quandam, sed purulentam,
qualis etiam in cavitate abdominis extra
ventriculum in dissectione reperienda-
tur, excreverit materiam.

Mulier illa, juxta conjugis, cognato-
rumque testimonia, per tredecim an-
nos continuos vitiis ventriculi fuerat
obnoxia, ut vomitibus, doloribusque
sub costis spuris in latere, &, non
obstante ventriculi malo, quatuor
enixa fuerat infantes, qui diu Matri
sani superfuere. Quatuor vero dies
ante obitum eadem fœmina non mag-
nam tantum albæ materiæ copiam,
verum & fatis magnam fœtidi sangui-
nis post diuturnam halitus graveolen-
tiam per os ejecerat quantitatem.
Fæces autem alvinæ nigræ, copiosæ,
fætentesque admodum fuerant.

IN OBSERVATIONEM XXVI.

SIquidem, an hic casus, quod sit rarissimus, fidem apud nonnullos inventurus sit, dubito, similes quosdam ex aliis adducam.

Philip. Salmuth. centur. 1. obs. 43. fol. 28, mentionem facit morbi cujusdam ventriculi illi, de quo egimus, valde similis, quo afficiebatur quisquam, in cujus cadavere foramen ventriculi vetus, quemadmodum è lateribus nigris, crustosis, & inveteratis patebat, conspiciebatur, cui & fistulosum junctum erat ulcus.

Georg. Abrah. Merclinus miscell. med. phys. Germ. decur. 1. an. 2. obs. 229. fol. 332 exemplum foraminis cujusdam dat in ipsa sede ventriculi elatiore sub sterno fœtidissimâ scatentis amurcâ, de qua patiens ante annos aliquot conquestus brevi post aperturam moriebatur.

Iacob. Hollerius schol. ad cap. 43. de morbz intern. fol. mihi 453 de quodam narrat, qui febre, cardialgia, vomitu, torminibus ventris, dejectionibusque pici, & nigro sanguini similibus diu vexatus tandem obierit, in cujus secto corpore inventum ulcus ustulatum in ambitu tunicis omnibus ventriculi, qua parte declivis in pylorum est, exesis.

Memorat & *P. Forestus lib. 18. obs. 33. fol. mihi 178 de stomachi affectibus*, de exulceratione ventriculi in 15 annorum puellâ.

Ioh: Scultetus Armament: Chirurg: obs: 80. fol: 296. se aperuisse cadaver monachi Patavini, qui doloribus colicis obiisse ferebatur, & in causam morbi investigantem non modo ventriculi fundum phlegmone correptum, verum etiam ad mediam usque tunicam corrosum reperisse ait.

De erosione ventriculi ab uvis immodice assumptis in puello narrat *Ioh. Rhodius centur. 2. obs. 53. fol. 94.* scilicet esu illo immodico trium horarum spatio exinguebatur; post mortem vero abunde in ventriculo reperiebatur ichor viridis, quem idem bilem fuisse dicit æruginosam.

Remb: Dodonaus obs. med. cap. 25. fol: mihi 61. exulcerari ventriculum non minus quam alias corporis partes, à ratione haud alienum esse ait, probatque illud exemplo honestæ cujusdam matronæ annos plus minus 60. natæ, quæ ex ore spiritum foetentem multis emiserat annis: quæque post dolorem circa ventriculi regionem assiduum longo morbo confecta è vita discesserat, ac cujus ventriculus, cadavere aperto, superficietenus exulceratus reperiebatur.

De excoriato ventriculo scribit *G. Blasius obs: fol: 72. & 76. G. Fabrit. Hildanus centur: 3. obs: 20. fol. mihi 400.* de magno fætente ulcere in superiore ventriculi orificio reperto; ac putridis, fætidis, nigrisque humoribus repleto agit.

P: Borellus Centur. 1. obs. 54. fol. mihi 55. mentionem facit abscessus cujusdam in ventriculo, in quo copiosa materia nigra, lutulenta, sanguinis

guinis corrupti colorem æmulans reperiēbatur.

Similis exempli meminerunt *Guilh: Ballonius lib: 1. consil: 43. fol: 197. Horat. Augenius lib: 5. epist: 1. cap: 11. Dominic: Panarol: Pentec: 1. pag: 20. Ioh: Bauhinus obs: 1. Ioh: Schenckius lib: 3. fol: 382. 388. Th: Bartholinus act: Hafn: tom: 4. obs: 36. pag: 115, 119. & tom: 3. pag: 59, 62.*

Hoc vitium merito haberi potest *ἔγχευσις*, hoc est *ardor ventriculi Galeni*, cujus 8. *composit; sec: loc: cap: 3.* mentionem facit idem, à bile tunicis ventriculi infixâ, ardoreque horrendo infestâ oriri dicens. Quâ de re vide *Th: Bartholinum Epist: medic: centur: 3. fol: 157: epist: 42.* aliosque ibidem. Hodierni etiam scriptores, istius phænomeni causam acri cuidam, acidoque olim cum sanguine commixto, posteaque ex arteriis ventriculi in eundem deposito tribuunt humori: conferatur præcedens nostra *obs: 16, & seq: 48.*

Huic autem ventriculi ardori tollendo, humo-rique acido corrosivo temperando inserviet Creta cum aq. rosar. aliquoties lota, oculi cancri absque acido præp., corallia, perlæ præp., conchæ, bolus Arm: vera, terra sigillata, qua *Adrian: Spigelius* tali casu nihil esse præstantius ait: acidum enim non absorbet tantum, verum & pinguedine quadam tunicis ventriculi adhæret, acremque humorem ibidem stabulantem obtundit,

Observavi ego, inquit idem *Spigelius*, in magnam meī admirationem ejusmodi ventriculi

ardorem nullis aliis, five externis, five internis æque ac terrâ sigillatâ cum syr: Consolidæ, mitigari, & auferri posse remediis.

OBSERVATIO XXVII.

Oesophagi Paralysis.

QUomodo, & quâ ratione particulares quædam, minimæque corporis nostri partes ex gr. muscoli quidam oculi (de quibus obs. X. tomi hujus actum) nec non aliæ parvæ partes affici queant paralyfi, ita ut motu destituantur, corporique integro magnum adferatur damnum, satis equidem hac *Jobi Basteri* Medici, & Chirurgi *Zierizæ* in *Zelandia* liquebit relatione. Significavit enim ille mihi per literas, quomodo die 1. Febr. An. 1677. ad ludimagistri cujusdam filiam *Neokerkæ* in *Duvelandia* habitantem, nomine *Elizabetham*, annorum 20. fuerit arcessitus; quæ postquam aliquamdiu obstructione mensium laboraverat, tandem in cachexiam incidit, quâ durante, alvus ipsi adstricta admodum fuerat, deglutiendi tandem impo-

ten-

tentia subsequente ; unde ipsam instar
 sceleti emaciatam reperit , cujus causam
 nonnulli statuebant Medici , quòd ex-
 crescentiæ quædam, glandulæve in Oeso-
 phago induratae essent. Verum , ut in
 istius phænomeni veritatem inquireret,
 flexibile quoddam os balenæ sumpsit,
 cujus extremitati spongiam applicuit,
 sicque sensim ad ventriculum fere usque
 immisit , nullo invento obstaculo , undè
 paralyfin quandam in dicta parte existere
 indicavit , eumque in finem idonea præ-
 scripsit remedia , quibus frustra adhibi-
 tis , de eventu sollicitus admodum erat,
 miseram tamen non dereliquit , verum ,
 ut alimenta quædam dentibus commi-
 nueret , jussit , porroque linguâ versus
 inferiora , quantum fieri posset , depri-
 meret , sicque ille instrumento suo ali-
 menta illa manducata ad ventriculum
 detrufit , qua operatione aliquoties ite-
 ratâ , præcepit , uti illa eandem impo-
 sterum continuaret , asseverans modum
 illum ad ipsius refocillationem facturum,
 cumque per annum operationem illam
 ad vitam sustentandam continuasset ,
 tandem acrescebant vires , ita ut solo

280 OBSERVAT. RARIORUM,
hocce remedio morte fuerit liberata, ei-
que die 18. Decemb. an. 1682. cum hæc
scriberet, obviam fatis sana fuerit facta.

IN OBSERVATIONEM XXVII.

VARIA sæpe gulæ occurrunt vitia transitum
alimentis ad ventriculum impredientia, ut in-
flammationes, exulcerationes, de quibus *Observ.*
25. tom. primi, actum, nec non plures tumores,
quorum meminerunt *Ioh: Fernelius lib: 6. de*
morb: part: cap: 1. Nic: Tulpus obs: med: lib: 1.
cap: 44. fol: mihi 88. & cap: 45. fol: mihi 92.

Memorat Vir celebris *Steph. Blankardus coll:*
med: phys: cent: 3. cap: 45. fol: 255. de oesopha-
gi coalescentia, & steatomate quodam mortis
causa.

Contingit etiam interdum, ut offa major, vel
aliud quid subito deglutitum Oesophago inhæ-
reat, transitumque non impediat tantum cibo, &
potui, verum etiam compressione asperam arte-
riam ita angustet, occludatque, ut respiratio
imminuatur valde. Hujus rei exemplum obs.
21. hujus tomi secundi adduximus, quale quid
etiam habet *Steph: Blankardus collect: med: phys:*
centur: 3. cap: 13. fol: 199. de nauta quodam
propter naufragium diu fame emaciato, cui po-
stea percurato offæ instrumenti cujusdam extre-
mitate acutiore detrudendæ fuerint.

Musculorum Oesophagi in muliere quinquagenaria Paralyseos mentionem facit *N. Tulpus lib. 1. obs. med. cap. 42. fol. mihi 82.* quæ ne guttulam quidem poterat transmittere, & tamen pati nolebat, ut instrumentum aliquod ad sui levamen adhiberetur, unde septimo obiit die. Simile quid adducit *Thom. à Vega comm. cap. 3. lib. 3. de loc. aff.* quod & *Marcell. Donatus lib. 3. de med. hist. mirab.* olim in olitore se vidisse testatur. Paralyseos gutturis è potu frigidaæ orto meminit *Ioh. Hellwigius obs. 59. fol. 177.*

P. Salmuth. Cent. 3. obs. 16. fol. 119. „ Labo-
 „ rabat, inquit, quidam febre diuturnâ cum sum-
 „ mâ appetitus prostratione, restitutus nullum
 „ cibum, licet valde appeteret, deglutire po-
 „ terat, sed per digitos vi intrudere cogebatur.

Præter musculorum oesophagi paralyfin, alia etiam existere potest species paralyseos, siquidem deglutitio non tantum illorum musculorum, sed & Oesophagi fibrillarum ope contingat, postquam enim alimenta ad ipsum pervenerint, non propriâ tantum gravitate deorsum feruntur, sed & (quod tamen *F. Platerus* negat) ope fibrillarum deorsum moventur, quod in deglutitione magnarum, & aridarum offarum clarè animadverti potest, talem paralyfin, in qua omnis deglutiendi, sentiendique potentia aberat, nullo alio adjuncto morbo, se vidisse narrat *P. Salius Diversus annot. in Avicen. lib. 3. fen. 13. tr. 1. cap. 1.* quod vitium Oesophago adscribit, utpote

quod ab obstructione fibrillarum nervosarum ejusdem partis in corpore carnosio Oesophagi implantatarum productum esset, quemadmodum etiam *Th. Willisius part. 1. Pharmaceut. ration. sect. 1. cap. 2. fol. mihi 11*, se quosdam novisse scribit, qui propter tunicæ carneæ æsophagi paralylin fame fuerint extincti, istius affectus brevis facta est mentio obs. 15. hujus tomi fol. 139,

Hieron. Capivaccius lib. 1. prax. cap. 53. fol. mihi 358. de tubulo quodam, quo se in multis usum fuisse felici cum successu refert, agit, cui annexa erat vesica, e qua excussus succus nutritius per longitudinem Oesophagi in ventriculum detrudebatur; hunc etiam tubulum salutarem libenter adhibuisset *N. Tulpius* dicto casu, nisi renuisset ægrotans.

P. Ægineta lib. 4. cap. 57. fol. mihi 513. de cannula clysteri annexâ memorat, quâ amara in infantum ora injecerit,

Alia insuper causa esse potest, cur absque Oesophagi paralyfi cibi, potusque omnino impediatur deglutitio. Ita mihi, nec non *Expert. Viro Do. A. Nuck*, nuper rarior occurrit circa nobilem quandam Matronam casus, cui nihil omnino deglutire valenti etiam id, quod deglutire conabatur, mox Oesophago sistebatur, brevi que post, ab inferiore parte sursum ebullire incipiebat, unde in vehementem tussim, angoremque magno cum suffocationis periculo incidit, ita ut quidquam assumere recusaret. Hæc tamen deglutiendi im-

poten.

potentia per 24. tantum continuabatur horas, siquidem venâ primâ vice sectâ mox levamen sentiebat, tam quantum ad tussim, quam respirandi difficultatem. Post secundam autem venæsectionem, eamque sequentem clysterem, liquorem quendam per Oesophagum transire observavit. Ab illo autem tempore Oesophagus sensim ad pristinum reducebatur statum, ipsaque porro convenientibus syrupis, & gargarismatibus brevi isti malo fuit exempta.

Nos autem impeditæ deglutionis causam non paralyfi, multoque minus excrementiæ, durove tumori, verum dictarum Oesophagi glandularum obstructioni, tumoriqve, carnosarumve interioris Oesophagi tunicæ fibrarum contractioni ex acidi acerbi affluentia haud dubie ortæ adscripsimus.

OBSERVATIO XXVIII.

Peritonæi Hydrops.

Multiplices inter hydropes, quibus hominum caput, thorax, abdomen tam intrinsecus, quam extrinsecus, corripuntur, rarissimus, & consideratione maxime dignus existimandus est peritonæi, de quo mihi *Celeberrimus Vir Anth. Nucq* Chirurgiæ & Anatomix Professor

184 OBSERVAT. RARIORUM
fessor Hagiensis hæc retulit: *Anna K.*
quingenta fere annos nata, post irregularem menstruorum fluxum, ante decem annos passionibus hystericeis valdè affligebatur, quibus cum evasisset libera, de dolore, & tensione in hypogastrio queri cœpit, quam umbilici secuta est prominentia. Annus jam elapsus erat tertius, à quo de tumore quodam cum dolore pulsante conjuncto conquesta admodum fuerat, qui sese ad pudenda extendebat, porroque alium similem tumorem, quamvis minorem, nec adeo incommodum, in parte animadvertibat opposita; simulque ventrem sensim magis, magisque intumescere, & umbilicum ad pugni magnitudinem extendi observabat. De continuis interim doloribus non levium causis angorum non immerito conquerebatur, quorum causa per excretionem multorum diversæ magnitudinis calculorum satis fiebat manifesta, & quamvis, urgente siti, ut plurimum multum biberet, non nisi parum tamen pallidæ, nec sine magno sæpe dolore, excernebat urinæ.

Ante biennium cessante fluxu menstruo;

CENT. POST. PARS PR. OBS. XXVIII. 185
struo, magnam coagulati sanguinis per
uterum excrevit quantitatem, viribus-
que interim dejectis, multis cruciata est
symptomatibus; appetitus enim, auctâ
fiti, minuebatur, respiratioque adeo
evadebat difficilis, ut sæpe non nisi erec-
to respirare posset collo, omnia porro ali-
menta fastidiebat magnum in collo sen-
tiens ardorem: hæc autem symptomata
miseram adeo excruciabant, ut recusatis
omnibus remediis, viribusque detritis,
tandem miseram cum morte commuta-
rit vitam.

In aperto cadavere Anno 1680. die 21
Januarii hæc fuerunt observata:

Superiores corporis partes, thorax
scilicet, caput, manusque macie quasi
consumptæ erant, pedes tamen non no-
tabiliter à naturali declinaverant statu,
nisi quod sinister pes dextro reperiretur
paulo distentior.

Ex abdomine prope umbilicum aperto
versus partem sinistram 95. libras aquæ
eduximus, quæ clara erat, ac colore in-
star cerevisiæ Roterodamensis rubicun-
da; credibile autem est saporem illi fuisse
nonnihil falsum: particulæ enim su-
per-

186 OBSERVAT. RARIORUM,
pernatantes splendebant, musculique
abdominis omnino consumpti, & quasi
putrefacti erant.

Factâ in abdomine cruciali incisione,
vitium nobis non aliter apparuit, quam
hydrops communis; verum in hepar in-
quirentes attoniti stetimus, quia nullum
omnino reperiiebatur, ac proinde puta-
bamus novum morbi genus ibidem mani-
festatum iri. Pergebamus itaque in o-
menti, ut & intestinorum, mesenterii,
pancreatis, lienis, renum, &c. inquisi-
tione: verum nihil reperimus; ita ut
unanimes consensu jurassemus nullum il-
lorum viscerum adfuisse, quædam enim
prominentia pyriformis circa locum fun-
di uterini solitum magnitudine capitis
infantis apparebat. Hoc itaque tumore
aperto, vesicam quinque viscida, cine-
riceique puris libris plenam invenimus.
Sub hoc autem tumore alius situs erat in
loco vesicæ, sed priori triplo minor, qui
pure distentus coloris, cujus alter, sed
consistentiæ crassioris erat.

Omnibus itaque accurate investigatis
cultri aciem profundius adegimus, tunc-
que demum, omnia, quæ antea latue-

CENT. POST. PARS PR. OBS. XXVIII. 187
rant sese manifestarunt viscera. Ejectis
ergo facibus, mox in conspectum ve-
niebat peritonæum, intra cujus dupli-
caturam magna illius aquæ stagnantis
quantitas fuerat contenta; intima enim
ejus membrana, quæ alias plerumque
extimæ connectitur, secesserat, atque
ita sacci illius efformationi ansam dede-
rat, in quo omne illud abundans serum
adeò fuerat conclusum ut ne gutta qui-
dem ex eo in abdominis cavitatem efflue-
re potuisset. Nec obstante tamen (quod
mirandum) distensione illâ, & dilatatio-
ne, peritonæum multò, quam plerum-
que est, reperiébatur crassius.

Discissâ igitur & hac abdominis parte,
nullum omnino advertebamus omentum,
sed intestina nobis flaccida, vacua, &
quasi invicem contracta, serie tamen, &
ordine solito occurrebant. Uterus, cu-
jus tubis, alisque vesiculæ quædam aquâ
limpidâ plenæ adhærebant, cujusque
ovaria, multa magna continebant ova,
nec non vesica solito sese habebant mo-
do, nec vel minimam liquoris, serive
quantitatem continebant.

Ren dexter flaccidus, & fere consump-
tus

288. OBSERVAT. RARIORUM,
tus erat, sed solida sinistri substantia factis apparebat laudabilis. In ejus autem canalibus, tubulisque, ubi ad pelvim sunt aperti, hiantque, varii hærebant diversæ magnitudinis calculi, quamvis urinæ transitum flatibus per syphonem immixtis inveniremus: Hepar naturali colore, magnitudineque gaudebat; Lien pariter bene se habebat, sed flaccidior, mediâque parte solito minor erat, omnibus autem hisce visceribus, ut & diaphragmatis lateribus usque ad inguina, tumida peritonæi adeò firmiter annectebatur pars, ut non sine summa molestia avelli posset.

IN OBSERVATIONEM XXVIII.

QUamvis hydrops ut plurimum hominibus in abdominis cavitate obveniat, monstrat tamen usque peculiare lymphæ collectiones reliquis corporis fieri posse in partibus: sic enim in infantibus Hydrocephali, in pulmonibus adultorum Hydrops, in pericardio, omento, membranis hepatis, in liene, mesenterio, utero testibusque tam virilibus, quam muliebribus, porroque in aliis corporibus partibus varii tumores serosi animadvertuntur.

De hydrocephalo *obs*: 14. *tom*. hujus secundi prolixè actum.

De Hydrope pectoris vide *Galenum comm: in Aph*: 35. *lib*: 6, *Marcell: Donatum lib*: 3. *cap*. 11. *fol*: mihi 279, *Laz: River: centur*: 4. *pag*: 42, *Carol: Pisonem de morb: à serosa colluvie p*: 290 *Riolani Anthropol*, *lib*: 5. *cap*: 1, *Thom. Barth: cent*: 2. *hist*. 7. & *Act: tom*: 2. *pag*: 297, & *tom*: 1. *obs*: 89, *Tulp: obs: med: lib*: 2. *cap*: 16. *fol*: 128, *Zacut: Lusit: prax: admir: lib*: 1. *obs*: 111. *fol*: 26, *Ioh: Iac: Wepferi exercit. de Apoplexia fol*: 287, *Ioh: Bapt: à Lamzweerde append. armament: Chirurg: fol*: 252. *obs*: 31, *Anthon. de Pozzis miscell. med. phys. curios. Germ. decur. 1. an. 4. obs*. 29.

De Hydrope pericardii vide *Gerh. Blasium obs. med. rar. part. 1. obs*. 19. *fol*. 31. è qua membrana ultra 30. uncias limpida, dulcisque prodibat aqua. *Thom. Barthol. Act. med. volum. 1. obs*. 89. *fol*. 174. de quodam refert cujus pericardium ita ampliatur, distentumque reperiatur, ut tres libras, & quod superat acris, turbidique liquoris sinu suo complecteretur. Reperimus (inquit *Rolsincius epitom. meth. cognoscendi, & curandi lib*. 2. *pag*. 2. *cap*. 1.) in pericardio eorum, qui palpitationi cordis obnoxii fuerant, hydatides: De simili ejusdem membranæ hydrope vide *N. Tulp. lib*. 4. *obs*. 19, *Riolani encheirid. lib*. 3. *cap*. 4, *H: Fabrit. Hild. centur. 1. obs*. 43, *fol*. 39, *Carol. Pison. de illuv: seros. sect. 3.*

De Ventriculi hydrope agit *Laz: River: obs: communic. pag. 314*, in cujus intima membranâ multæ tam integræ, quam perforatæ reperiébantur hydatides. Existimât autem ille hujus hydropem è frig. & hum. ventriculi intemperie à copioso aquæ gelidæ potu, nimioque crudorum fructuum usum proveniente ortum fuisse, cujus rei exemplum habet *Ioh. Rhodius obs. med. centur. 3. obs. 4. fol. mihi 129.*

Nonnunquam & in omento reperiuntur hydatides. Ita tradit *Theoph. Bonetus Anatom: pract. lib. 3. sect. 21. obs. 21. fol. mihi 1103 Hippolytum Boscum de facult. anatom. lect. 2. pag. 17 an. 1580* in cadavere mulieris cujuidam Hydropicæ multas vesiculas intra particularem pelliculam per se aquam continentes, & per substantiam omenti dispersas observasse, annoque huic proximo alii vomica aperuisse in umbilici regione, è qua per aliquot dies disrupta omenti portio exierit cum vesiculis multis aqua repletis: amoto autem omento, manente in illo loco fistulari ulcere, curatam fuisse mulierem, & post hæc tres peperisse filios testatur.

Laz Riverius obs. communicatâ ult. fol. 393, de Hydropico quodam agit Rustico, cui, utut post convalescenti, ex abscessu in dextra abdominis parte aperto plures ducentis aquâ repletæ per aliquot dies egressæ fuerint vesiculæ. Hæc, inquit, observatio confirmat historiam, quam de hydropico narrat *Schenckius*, cujus venter post

post obitum dissectus vesiculis aqua repletis peritonæo, aliisque firmiter adhærentibus refertus inventus est.

Possunt & omenti glandulæ ad eam extendi magnitudinem, ut durum, magnumque reddant ventrem. Refert *G. Fabrit. Hildanus centur. 3. obs. 62* se cadaver aperuisse, cujus omentum ob tumefactas glandulas 56. appenderet libras.

De omenti hydrope *Velschius episagm. 30. & Marcell. Donatus lib. 4. de med. hist. mirab. cap. 21. fol. 430* agunt.

De Hydrope cum mesenterii hydatidibus vide *N. Tulpium obs. med. lib. 2. cap. 34. fol. 156*, qui morbum hunc immedicabilem ait. Ruptis quippe nonnullis hydatidibus, plurimæ manent illæfæ, quibus utique à scapello ventrem perforante pertusis, latitant nihilominus & aliæ continenter perennem inextricabilis hydropis causam futura.

Volkerus Coiter. obs. anat. chirurg. miscell. pag. 117 se in cadaveris hydropici abdominis cavitate nullam omnino lympham reperisse ait, ubique mesenterio, peritonæo, intestinis, lieni, hepatis, porroque aliis visceribus vesiculis adhærentibus.

Observavi ego, inquit *Hoëfferus Hercul. Med. lib. 3. cap. 2*, Hydropicorum aquas circa mesenterium vesiculis variæ magnitudinis inclusas detineri, & propterea hominem diu servari

292 OBSERVAT. RARIORUM;
superstitem, donec vesiculæ vel tenuitate suâ,
vel acrimoniam induente sero intus contento
rumpantur, hocque deinde in cavitatem ven-
tris defluat, putrescat, reliquorumque visce-
rum corruptelam, & tandem hominis interitum
producat.

De hydatide in renibus *Thom. Willisius pathol. cerebri cap. 9.* memorat.

In utero etiam nonnunquam hydrops exori-
tur. Ita refert *Rhases* mulierem quandam gravi-
dam se putantem aliquando in ventrem decidisse,
unde ex utero 25 aquæ flavescentis cotylas,
quarum quævis 9 continet uncias, excre-
verit.

Memorat *Andr. Vesalius corp. humani Fabr. lib. 5. cap. 9* se Augustæ Vindelicorum quinquagenariæ aperuisse cadaver, cujus in uteri cavi-
tate plures LX Augustanas aquæ mensuras, qua-
rum singulæ tres continent libras, repperit,
nullo circa intestina liquore reperto.

Admiratione, mehercle, dignum est, quod
Regner. Graeffius tract. de Organ. mulier. gener. inseru. cap. 8. de uteri quodam tradit hydrope:
hic enim è mulieris exemptus corpore, cum sanus
plerumque sesquiunciæ gravitatem pondere non
excedat, per 25. annos aucto ita accreverat hy-
drope, ut 40. penderet libras.

Ioh. Georg. Volkamerus miscell. med. phys. Germ. an. 9. obs. 17. fol. 54 virginis an. 35. memi-
nit, quæ tumore abdominis inæquali, & hinc
in,

CENT. POST. PARS PR. OBS. XXVIII. 293
inde fluitante laboraverat, cumque aliquando so-
rori ad partum festinanti succurrere vellet, fune
præ foribus crassiore in tenebris non animadver-
so, in terram collapsa ventrem fortiter pavimen-
to allisit, unde diffractis in abdomine vesicis
aqueis, & subsequente paulo post largi alvi de-
jectione, salva, & incolumis etiamnum per sex
lustra vixit. Credibile est, ait idem, hæc in-
tra omentum latuisse vesiculas: vias autem, per
quas effusus iste liquor ad intestina pervenerat,
incognitas hæcenus esse ait, quamvis *Riolanus*
encheirid. anatom. cap. 16. aquam facile à venis
mesenterii, vel à liene spongioso resorberi posse
autumat.

Scribit *Iacob. de Partibus ad lib. 3. Avicen-
ne 5. Fen. 21. tract. 3. cap. 21.* Præcipuam quan-
dam Matronam, non dissentientibus Medicis, ob-
stetricibusque se putasse gravidam. Instante au-
tem, ut credebatur, partus tempore, pluri-
mum aquæ ex utero prodiit, unde brevitenior
Matronæ evasit venter.

Similia habent *Marcell. Donatus de hist. med.
mirab. lib. 6. cap. 21. fol. 423 Benivenius cap. 109*
*N. Tulpius obs. med. lib. 3. cap. 32. fol. 246, Bla-
sius obs. pag. 13, Zacut. Lusitanus pr. med.
admir. obs. 6. de morb. part. & symptom. cap. 15.
fol. mihi 196, Dan. Sennertus prax. lib. 6. part. 1.
sect. 2. cap. 11.*

Nonnunquam & in Utero fætum continente
hydrops oritur, quem casum *G. Fabrit: Hil-*

294 OBSERVAT. RARIORUM
danus centur. 2. obs. 55. uxori suæ obvenisse
asserit.

. De cornuum uteri hydropē vide *N: Tulpium*
lib. 6. obs. med. cap. 44. fol. 369.

De hydatidibus in utero lege *Ætium lib. 16.*
cap. 79. 97. 105, &c. ut & P. Æginetam lib. 3.
cap. 75. Nos etiam *Tom. 1. obs. 70.* exemplum ima-
ginariæ graviditatis ab hydatidibus adduximus.

De hydropē testium muliebrium vide relatio-
nem ex *Joh. Heinsio* apud *Schenkium lib. 3. obs.*
pag. 474, Marcell: Donatum lib. 7. cap. 7.
fol. 689, Cass: Bauhinum append. ad Franc.
Rossetum de partu Casareo pag: 257, quod
exemplum etiam reperitur apud *Schenkium*
fol. 475. Simile quid habent *Miscell: med: phys.*
Germ. an. 1. decur. 2. obs. 183. fol. 432.

. Ultrajectian. 1678 è dextra uteri virginis cu-
jusdam tuba post mortem educebantur 112 aqua-
rum libræ. De ejusmodi tubæ dextræ hydropē
per paracentesin curato mentionem facit *Th. Bar-*
tholinus act. tom. 1. fol. 194. obs. 103.

. Lienis hydropis meminit *Jobus Mekeranus*
cap. 6. append. obs. med. chirurg. fol. 456. Nos
etiam similis hydropis mentionem fecimus *obs. 48*
ut & schol. tom. prim.

Hippocrates sect. 7. aph. 55. de hepate hydro-
pico agit. quod *Galenus comm. ejusdem aph.* de
hydatidibus hepatis, quibus disruptis, abdomen
aquâ repletur, intelligendum ait.

Ejusmodi hydatidibus in hepate, & pulmo-
nibus,

nibus, non tamen disruptis, *Cardanus mirandis curationibus* tres filios *Laurentii Gadii*, iisdem plane symptomatibus, morboque affictos quamprimum febris, nec non diarrhæa accederent, extinctos testatur. Quamvis autem hæ hydatides ut plurimum sese in convexa hepatis manifestent superficie, Professor tamen *G. Strattenus* huiusmodi hydatides abunde olim in superficie hepatis concavâ suspensi cujusdam furis an. 1647. Ultrajecti demonstravit.

Galenus lib. 5. de loc. affectis cap. 7. nullum absque hepatis læsione hydropem oriri posse statuit, cui ad stipulantur *Savonarola tract. 6. cap. 14. rub. 9. Valesc. de Taranta lib. 5. cap. 8. Capi-vaccinus lib. 30. prax. cap. 18.* pluresque Veteres, *Hercules autem Saxonia lib. 3.* Hydropem, illæso hepate, reperiri affirmat.

De ascite absque ullâ viscerum læsione à rupture vasorum quorundam lymphaticorum ortâ, vide *Diemerbr. Anatom. lib. 1. cap. 12.*

Arethæus lib. 2. cap. 1. de sign. causisque morb. diuturn. hydropem dari, in quo hepar sanum reperiatur, ait: adducit enim speciem quandam hydropis ex multis hydatidibus in cavitate abdominis orti.

Sententiam *Arethæi* recentiorum confirmant observationes, ut ex *comm. Mauritiæ Cordæi in lib. 1. Hippocrates de morb. mulier. comm. 5. pag. mihi 315.* patet; ubi refert, quomodo mulier quædam Parisiis obierit, in cujus cadavere nulla

296 OBSERVAT. RARIORUM
capacitas, hoc est, nihil cavum fuerit, in quo non
vesicæ reperirentur; locos cavos, inquit, dici-
mus, non vesicam tantum, renes & uterum, sed
& ventriculum, intestinaque, cor, pericardium,
&, id genus, reliqua, è quibus, prout tam in-
tus, quam foris nativum cuique solum contigis-
set, cystes pendulæ conspiciebantur aquâ citrina
oppletæ, & sine omni fatore, etiam post vigesi-
mum diem. Hepar quoque intelligi volumus
tectum iisce, oppressumque foris, adeoque lie-
nem totum. Si quasque vel minutulas in nume-
rum quispiam retulisset, octingentas numerus
superasset facile.

Simile quid narrat *Schenckius lib. 3. pag. mihi*
474. ex obs. Joh. Eicholtzii de Hydropica qua-
damm muliere, in cujus cadavere dissecto an. 1586.
nihil omnino aquæ, nec flatus in ventris cavo, sed
magnæ reperiabantur hydatides limpidâ aquâ re-
pletæ. Tradit & *Areth. Cappadox eodem cap.*
& libr. nonnullos asseverare ejusmodi vesiculas
per alvum ejectas fuisse. Fatetur etiam ingenue
se istius phænomeni ignorare causam. *Whart.*
Adenopraphia cap. 11. hujusmodi hydatides per
vias urinarias, & intestinum nonnunquam ex-
cretas se vidisse scribit.

Viro cuidam, ut ait *Laz. Riverius centur. 4.*
fol. 27. ita tumebat venter, ut hydropicum qui-
vis crederet. Ille autem tandem post alvi purga-
tionem septem vesicas farciminibus crassitie, ma-
nusque palmæ longitudine pares excrevit, iisque
ejectis, convaleuit.

De

De Hydropicæ cujusdam dissectione, cui peritoneum, & intestina extrinsecus parvis erant tumoribus obseffa, quorum quivis avellanæ nucis æquabat magnitudinem, vide *Bartholini acta Hafn. tom. 3. hist. 64. pag. 105.*

Proponit etiam *Schenckius* hydropici cujusdam historiam, cujus abdomen post obitum apertum vesiculis aquâ repletis, ac peritonæo, aliisque partibus adhærentibus repletum apparuerit.

Ioh. Philip. Ingrassias de tumorib. præt. naturam tract. 1. cap. 1. fol. mihi 229. meminit cujusdam, in cujus mesenterio strumæ circiter 70. offendeabantur, præter quas in glandulis existentes totidem fere externæ intestinorum, præcipueque crassorum tunicæ adhærentes tumores, propria singulos membranulâ, cujusdam vesiculæ instar, contentos, invenisse se ait. Hos porro, qui exteriori intestinorum tunicæ adnati fuerant, strumarum nomine, quia scilicet in glandulis non erant, minime dignatus est. Utriusque autem generis tumoris varia quantitate & magni, & parvi fuere, atque inter extremos, qui ad ovi gallinacei magnitudinem perveniebant, & minimi ciceris parvitatem, quam plurimi intermediæ quantitatis gradatim visi sunt, non secus, ac in fertilis gallinæ utero ovorum gradata multitudo (quam vulgus ovarium vocat) invenitur. Nonnulli horum tumorum dissecti lapideum gypsum, quidam vero glutinosam, mucosamque, & liquidam quandam substantiam sub eâ membranula

298 OBSERVAT. RARIORUM,
continebant: nonnulli autem per gradus quoque
intermediam comprehendebant. Ut novissime
genitus tumor liquidioris, antiquior vero solidioris
videretur substantiæ. In reliquis vero
corporis partibus, præsertimque in Jecinore,
& splene saluberrimum corpus videbatur. Hinc
nonnulli hydatides, quando fortes, crassæque
sunt, ita ut non disrumpantur, successu temporis
in steatomata, atheromata, & melicerides immu-
tari aut mutant. Ita *Clariss. Ruyschius* Chirurgiæ,
& Anatomix professor Amstelodam. f. 83. obs. 25.
se tales hydatides multas vidisse, quibus pulta-
cea quædam, serosa, caseosaque substantia con-
tinebatur; easque non in suprema tantum hepatis
membrana, sed & in superficie ejus concava su-
pra ramos venæ cavæ, & portæ se reperisse
scribit.

Hiscæ, opinor, evidens est hydropes quos-
dam hepate, ac liene integris reperiri; ita ut
Francisc. de le Boë Sylvius raro se hydropicos
aperuisse, in quibus illæ partes contaminatæ fue-
rint, asserat.

De Hydropæ inter musculos abdominis, &
peritonæum externè in latere sinistro prorumpen-
te, è quo plures ducentis vesiculæ, ovorum in-
star gallinaceorum, sed molli, & putida aqua
repletæ educebantur, lege, si placet, *Solenandr.*
sect. 5. consil. 15. p. mihi 489, ut & *Anthon. de*
Pozzis miscellan. med. phys. German. decur. 1.
an. 4. obs. 51. fol. 37. & Joh. Rhod. obs. pag. 132.
De

De alio Hydrope inter peritonæum, & musculos abdominis in virgine quadam 20. annor: post cujus mortem 29. libræ aquarum è cavo abdominis extractæ fuerint, vide *Gerh. Blasium obs. med. part. 1. obs. 18. fol. 30.*

De hydrope, è quo 20. aquæ foëtentis libræ prodierunt, quæ inter tunicas musculorum abdominis, & peritonæum latuerant, legatur *Martinus Bogdanus obs. anat. chirurg. obs. 11.*

Verum rarior est, de quo observatio nostra, hydrops, de quali generalius non nihil annotavit *Marcellus Donatus fol. 430.* qui, quamvis, ait, *Galenus 5. de loc. aff. cap. 7, & de natur. facult. cap. 13* proprium aquæ hydropis locum. cavitationem magnam abdominis internam statuatur, nihilominus & intra peritonæum, ac reliquas partes inferiorem ventrem constituentes, aquæ portiones sæpius reperiri sectione comprobatum est, Idem pag. 413. Aqua, ait, inter cutem nunquam à copioso frigida potu provenit, cum præ nimia siti ad saturitatem quispiam multam aquam gelidam ingurgitaverit, posteaque humidum in peritonæum delatum sit. *Iacobus Cameracensis* (ita pergit idem) *epistolâ ad Andr. Matthiolum lib. 5. epistolar. scriptâ* refert de quodam, cui aqua inter tunicas peritonæi, nec non intestinorum adinventæ fuerit.

Unicum, quod nostro conveniat, exemplum describit *N. Tulpius obs. med. lib. 4. cap. 43. fol. mihi 367.* nec non *Iob. Mekeranus cap. 49. f. 287.*
quæ

300 OBSERVAT. RARIORUM,
quæ historia, siquidem ab hoc prolixè, ab illo
autem cum aliis circumstantiis descripta est, ope-
ræ præteritum judicavi, si eandem, utpote rario-
rem, ex utroque exhiberem, quod lubentius
ago, siquidem nullum nostro similis exemplum
uspiam me legisse memini.

Quinto Januari 1651 à *Jobo Mekerano* cada-
ver *Dina Nicolai Thovelings*, quæ *Godefridi*
Flinkii Pictoris celeberrimi uxor fuerat, coram
Medicis *Sam. Costero*, *Guilielmo Pizone*, ac
Fr. Vicquio, *Sylvio*, & *Scaga* aperiebatur.
Huic jam ab ineunte ætate venter durus fuerat,
ac distensus, quod tamen malum circa pubertatis
demum tempus, anno scilicet decimo tertio, aut
quarto, prorumpentibus prima vice menstruis,
mirum in modum increvit. Horum etiam fluxus
non, nisi bis, ac parcus admodum in ea fuit ob-
servatus, ventre eo tempore leviter subsiden-
te; extra hunc fluxum autem ventris ille tumor
valde accrescebat, nec tamen adeo erat molestus,
quin matrimonii jugo collum læta subdere vellet;
nupsit ergo viro, debitoque tempore infantem
peperit, nequaquam detumente ventre. Varia
tollendo tumori, consultis etiam Medicis, Chirur-
gisque, adhibita fuerant remedia: ast irritus fuit
omnis labor. Causam in aliud conjicere non li-
cebat, quam sententiarum de vera morbi origine
verâque parte affectâ, diversitatem, fuerunt
enim, qui fungos divisos mali originem statue-
rent, placuit aliis *Atheromatum fasciculos cau-*
sam

sam dicere; vesiculas plurimas pituita refertas hinc hæere varii asserere ausi fuerunt, imò nec defuerunt, qui molam adesse suspicarentur. Præcipua Medicorum, Chirurgorumque in consilium adhitorum pars aquam ventre conclusam in interstitiis viscerum hærentem causam esse habendam voluit. Sed Clariss. *Walaw* Medicinæ apud Leydenfes Professor, probabile omnino dixit (nec, sententiam ut mutaret, ullis induci potuit rationibus) ferosum humorem sensim ad peritonæi duplicaturam destillasse, ubi, collectione factâ, tumorem produxerit enormem.

Mirandum erat, brevissimi temporis, octo nempe dierum spatio, in tantam molem ventris tumorem fuisse adauctum, ut fere altero tanto major factus fuerit. Ut ad digiti transversæ latitudinem venter increlceret, fieri non posse dixisset, quisquis mulierem conspexisset. Illa autem, quod omnem superat admirationem, interim adeo erat agilis, motuque prompta, ut nihil non, quod ad domestica officia pertinet, currendo, stando, laborando, efficere valeret: hocque exuberans aquarum pondus sine magnâ corporis, ac virium jactura, tam apte semptem plus minus annis, tulit mulier animosa, ut tanquam sanissima, non quocunque tantum deambulare, verum etiam peregrè proficisci, &, quod mireris, excelsam, referente marito, Clivensium sine ullâ molestiâ ascendere, & descendere potuerit turrim.

Milera tamen interea temporis, quæcunque etiam adhiberentur remedia, ventrem magis, magisque intumescere percipiens, tandem doloris gravitate maxime debilitata, quod nec federe, nec stare, sed manibus, pedibusque repere cogeretur, in lecto decumbere coacta fuit, in quo vitam tandem finivit, Deo opt. Max. animâ piè commendatâ.

Dissecto ad inquirendam gravissimam morbi causam cadavere, circa umbilicum limpidæ, minimeque fætentis aquæ quantitas centum, & viginti quinque librarum effluxit.

Eductâ aquâ, inquit *Job. Mekeranus*, faccum, cujus tunicæ minimi digiti crassitiem æquabant, quemque hætenus ignorabamus peritonæum esse, è quo ille liquor effluxerat, in partes quatuor cruciali dissectione divisimus, cujus fundum materiâ impurâ, lentâque obductum invenimus. Rei novitatem admirabamur, qui pervenisse nos in ventris cavitatem putabamus; nihil viscerum reperiēbamus, peritonæum cuti unitum in eam magnitudinem posse extendi, qualis nobis occurrebat, nunquam admisisse-mus, nisi oculis fuisset exhibitum.

Partem adeoque peritonæi superiorem circa mucronatam cartilaginem, costasque nothas separare aggressi sumus; quo facto, in conspectum venire hepar, ventriculus, intestina, aliaque viscera, integra, & bene constituta, præterquam, quod colon plus justo

CENT. POST. PARS PR. OBS. XXVIII. 303
sto contortum, renque sinister justo esset major, cæcæ uteri veræ, sive tubæ *Fallopii*, quas per peritonæum dispersas quantumvis oculus in dextro latere viderit conspicue tumidas, ac protuberantes, intus tamen plane imperviæ, adeoque obturatæ, ut ne minimus quidem fistulæ flatus illa transiret, erant.

Sinistrum insuper uteri, ut idem refert, bene se habebat latus: sicque dissecto cadavere *Clariss. Joh. Walæi* sententiæ innotuit veritas, imo etiam paracenteseos in ægrotante, & facilitas apparuit, & utilitas, quam idem *Walæus* cum *Sam. Costero* Nosocomii Amstelodamensis Medico, siquidem viscera omnia sana erant, lymphâ inter duplicaturam peritonæi tantum contentâ, maxime commendaverat. *Tulpius lib. & cap. iisdem fol. mihi 368.* incertam hujus morbi dicit causam, siquidem via, per quam lymphæ inter peritonæi pervenerit membranas, ipsi sit ignota.

G. Blasius Appendice ad Veslingium fol. 369. & 371. inter duplicaturam peritonæi multas glandulas lacteas immerfas latere dicit, & hinc fieri posse, ut hydrops interdum hausto potu statim distendat ventrem, quod in amico suo intimo se observasse ait.

Iob. autem Mekeranus fol. 291. v. 26. vas deferens, & arteriam, per quam menstruus à non gravidis excernitur sanguis, alieno, & insolito detento loco, & in ipsius peritonæi delata fuisse duplicaturam ait, quam eodem plane pererrabant modo

304 OBSERVAT. RARIORUM
modo, quo ureteres vesicam urinariam, in quam
etiam haud dubie sanguinem, imperfectumque
semen, tumoris materiam, deduxerunt. Ex-
istimat & idem aquam hîc collectam, pro parte
quadam uretere dextro à rene descendente ad ve-
sicam exstillasse, siquidem ductum illum lusu na-
turæ ad duplicaturam peritonæi cum arteria sper-
matica, & ductu cæco, sive tuba uterinâ, trans-
iisse per anatomen annotaverit.

Hoc profecto rarum, ut pergit *Tulpius*, at-
que inauditum hydropis genus, quandoquidem
non meminerim me legisse in ullis Medicorum
monumentis, sed solo dunxtaxat auditu intellex-
isse à viro præclaro *G. Stratenò* Principis Arausi-
onensis à Medicinis, qui simillimum hydropem
sectione se deprehendisse in virgine ajebat, de cu-
jus pudicitia perperam dubitatum fuerat: Operæ
autem pretium facturus videor, inquit idem, siqui-
dem casum hunc ab oblivionis injuriâ asseruerim,
non tantum ob insolitum aquarum situm, quam
ob summum, quod ægroti inde percepturi sint,
emolumentum, quibus in hoc peritonæi hydro-
pe longe securius, expeditiusque paracentesi in-
stituent Chirurghi, quam in ullis aliis ejusdem
morbi speciebus, in quibus viscera naturalia à
circumfluâ aqua usque adeo periculose vitiantur,
ut, illâ etiam subductâ, nihilominus moriantur
ægri, cum in hac peritonæi aqua exta maneat
illibata, ac plane seclusa ab irriguo acrioris humo-
ris attactu, unde proculdubio mulieri huic con-
stans,

stans, ac integer mansit corporis valentis vigor, ad quem etiam necesse erit oculum convertere, si quis conabitur scalpello elicere, quam peritonæum continebat, aquam.

Helwigius obs. phys. med. 82. fol. 255. exemplum habet mulieris cujusdam post mortem dissectæ, in qua inter duplicaturam peritonæi aliquot mensuræ feri foetentis, & coloris flavescentis repertæ fuerint.

Verum, quænam, quæso, nostro casu peritonæi hydropis causa fuit?

Joh. Fernelius lib. 6. de part. morb. & sympt. cap. 8. jam dudum abdominis aquam vase quodam exeso, rupto, vel alio modo aperto produci scripsit: nonnulli autem deceptum putarunt *Fernelium*, utut secuta ætas non usque adeo eum errasse viderit. Certum enim est tunc temporis latuisse Medicos, quo pacto sanguifera vasa tantam feri quantitatem absque sanguine emittere possent; repertis autem lymphaticis vasis facilius in *Fernelii* sententiam iri potuit.

Omnes igitur hydropis species, cuicunque tandem corporis loco obveniant, aut nomine distinguantur, recentiorum opinione ab una, eademque causa, à crassa videlicet lympa, cujus sanguis crassior causa, proveniunt. Hæc autem qualiscunque à frigidis, viscidis, tardis, crassis, acidisque materiis crassities oritur; unde sanguis incrassatus de se non dissimiles emittit humores. Ita ut vitium illud à retardatâ sanguinis

306 OBSERVAT. RARIORUM,
omnino dependeat circulatione: cum enim arteriarum extremitates, sive illæ in glandulas, sive fibrillas mutantur, materiam nimis crassam vehunt, quam ob visciditatem satis celeriter propellere nequeunt, partimque, quantum scilicet ad partes ejus sanguineas, & crassiores attinet, in venas devehunt, partim, quantum ad tenuiores, & aquosas particulas, in vascula remittunt lymphatica, viscidus humor, quo vasa illa obsidentur, propter tardum sanguinis motum viscidior haud dubie evadit: qui cum propelli nequeat, necessario, obice rupto, inter membranas effunditur, ubi vel in unum colligitur, vel, si membranæ tubulorum lymphaticorum tenaciores majorem absque ruptione ferre queant expansionem, in vesiculas lymphâ repletas attollitur, quæ inter duas illorum lymphaticorum vasculorum efformatæ sunt valvulas.

Causa autem nostri in peritonæo hydropis vasculorum lymphaticorum ruptione non videtur orta: cum quod nondum certo sciamus, an etiam hac in parte vascula dentur lymphatica, & licet ibidem essent, versus inferiora ad supremam peritonæi membranam, & non inter ejus duplicaturam excurrerent, tum quod limpida fuisset aqua, si è vasculis lymphaticis provenisset. Erat autem, ut supra notatum, cerevisiæ instar. Verosimilius itaque est hujusmodi liquorem ex arteriolarum per membranam hanc dispersarum extremitatibus eodem plane modo, quo id in externis

ternis hydrocephalis p. 122. fieri diximus, provenisse.

Hæ igitur arteriolæ primò circa umbilicum à materiâ quadam crassa, viscosaque obstructæ sequenti à tergo sanguini denegarunt transitum: sanguinis tamen motus tam fortis fuit, ut per illas pluribus similibus particulis allatis, locus stagnantis materiei sensim fuerit dilatatus, unde initium separationis membranarum peritonæi circa umbilicum factum est, sicque successu temporis tandem ibidem absoluta est secessio.

Credibile autem est humorem hunc, ejusque colorem ortum esse, quod tubuli terminantium arteriolarum nullam aliam, in sanguine abundantem transmittere potuerint materiam, nec non quod renibus (ut ante dictum) obstructis, limpidam tantum separari ibidem potuerit aqua, relictâ in sanguine crassiore materiâ.

Fieri etiam potuit, ut humor ille per poros illarum arteriolarum expulsus fuerit, siquidem pori propter fermentationem, & appellentem sanguinem, tunicasque arteriarum in pulsu distendentem, valde dilatantur, qui humor ejectus, cum propter obstructos peritonæi poros non transpirare, nec (uti contingit in Ascite) per eandem membranam in abdominis cavitatem penetrare potuerit, tumorem istum produxit.

Quemadmodum autem vascula lymphatica quavis fere in corporis reperiuntur parte, ita etiam contingere potest, ut hujusmodi hydatides,

hoc, vel illo præcedente sanguinis vitio, ubique fere in corpore appareant. Quando enim vasa lymphatica liquorem suum in venas revehere nequeunt, viscido obstruuntur humore, sicque insequente liquore pressa, & distenta, tandem, quod tenera sint admodum, rumpuntur, sicque liquorem in partem egerunt vicinam. Contingit etiam, ut humor nutritius ab arteriis advectus alicubi partium solidarum tubulis inhæreat, qui eâ ratione tumoris origo esse potest.

De peculiari quodam pedum hydrope casum habet *N. Fontanus exempl. 35. fol. 96; Johan. Baptist. Montanus consil. 189. de morb. part. fol. 199.* se mendicum quendam vidisse ait, cui alterum tantum brachium hydropicum, manusque ejusdem lateris immane tumens esset. Idem etiam refert de hydrope gutturis sectione percurato. *Marcellus Donatus lib. 7. de med. hist. mirab. pag. 7. fol. 690.* de hydrope totius studiosi cujusdam sinistri brachii narrat, ita ut illud altero triplo crassius esset. De pluribus ejusmodi particularibus, partiumque externarum hydropibus vide *Carol. Pisonem de morb. à colluvie serosa ortis sect. 5. cap. 4. fol. 534. & seqq.*

Supereft quæstio, an etiam bruta hydropi obnoxia sint? Hydrocephalum in iis reperiri *schol: ad obs. 14* diximus, qualiscunque autem hæc aquarum collectio brutorum etiam aliis obvenit corporis partibus, præsertim quando tempestate pluviosa frigidiorique pratis in uliginosis diutius pascuntur.

Ita

Ita *Richard Lowerus tract. de corde cap. 2. pag. 125.* se multas oves pectoris, & abdominis extinctas hydrope dissecuisset tradit.

Thom. Bartholinus Act. Med. Hafniens. part. 3. cap. 76. fol. 132. etiam de morbo quodam inter boum familiam *Abrahamstropii Sialandiae* 1674. grassante refert. Boves enim corporis languore, respiratione anhelâ, tussiculâque rarâ laborantes nihilominus comedebant, coibant, generabant, pinguescebantque.

„ Quædam, inquit, utriusque sexus horum
 „ animalium dissecui: pinguedo ubique copiosiss-
 „ sima, carnibus flaccidis, pulmones innume-
 „ ris hydatidibus referti, quædam duos pugnos
 „ æquabant, in vaccæ unius pulmonibus nume-
 „ ravi 17. exterius, sed copiosiores intra ipsos
 „ pulmones latentes numerum non admittebant.
 „ Non tenues pelliculæ has involvebant, sed
 „ crassæ membranæ, vulneratæ limpidum li-
 „ quorem profuderunt, quædam, at paucio-
 „ res, flavescens: omnis thoracis cavitas, ut
 „ & pericardium, aqua cruenta inundabatur.
 „ Omnium hepar pessime se habuit, multarum
 „ vaccarum innumeris replebatur aquosis tumo-
 „ ribus, pugni, pomi, juglandis, avellanæ
 „ majoris, minorisve quantitatis omnibus mem-
 „ branâ crassissimâ vestitis, corneæ oculorum
 „ nec duritie, nec colore cedente: vulnerati
 „ tumores quidam aquam falsam, plerique vel
 „ flavescens, vel viridiusculam amarescen-

310 OBSERVAT. RARIORUM,
,, tem effuderunt. Aliorum boum jecinora
,, hydatidibus quidem destituta erant, sed pas-
,, sim in scirrhos induruerant: omnium cystæ
,, felleæ consuetis longe majores erant copio-
,, sissimo humore repletæ, qui colore pallidus,
,, ac sapore remisse admodum amarus aquæ plane
,, in morem difflebat.

Idem *centur. 2. hist. 67. fol. 265* in multis por-
cis annos 1653. mactatis ova quædam sine testa
in hepate, mesenterio, lumborumque vertebra
appenſa apparuisse memorat, quæ magnitudine
ova gallinacea æmulabantur, & subventanea vi-
sa, nihil, nisi aquam limpidam continebant; diu-
tius enim coctus non indurabatur liquor; Unde
abscessus se credidisse aquosos, seu vesicas sero-
sas fuisse, è vasis lymphaticis, quæ circa hepar
mesenterium, iliacosque luxuriant ramos, ex-
ortas ait.

Felix Platerus se etiam Suum mesenteriis vesti-
culas quasdam annexas vidisse narrat.

OBSERVATIO XXIX.

Vermes ex utero prodeuntes.

VARIOS, præter alia insecta, huma-
no in corpore nonnunquam reperiri
vermes, diversisque crescere in parti-
bus, multi magno dolore, & molestia,
sa-

CENT. POST. PARS PR. OBS. XXIX. 311
fatis animadverterunt, ita ut non im-
merito hujusmodi homines viventes
mortuos dixeris; utpote qui ante obitum,
quam non nisi post fata alii, vermibus es-
cam præstent.

Elizabetha Tomboy obstetrix Hagiensis,
cujus tomo primo non semel memini,
sancte mihi aliquando asseveravit se an-
te quinquennium è mulieris cujusdam,
postquam pepererat, utero vivum quen-
dam vermem ultra ulnæ quadrantem lon-
gum, vidisse prodeuntem, qui sese cir-
ca funiculum infantis umbilicalem con-
volverat. Retulit eadem se paulo post
præsentibus mulieribus secundum, sed
minorem monstrasse in ipsa placenta lo-
catum: cumque eadem puerpera de
dolore ventris per aliquot dies continua-
to conquesta fuisset, consilio Fratris
mei *Joh. Stalpartii vander Wiel P. M.*
remedio quodam contra vermes usa
magnam cum lochiis vermiculorum ex-
creverit quantitatem.

IN OBSERVATIONEM XXIX.

QUamvis de vermibus in utero repertis pauca existant testimonia, *Benivenius* tamen *lib. de occult. morb. caus.* utero ejectos se vidisse asserit vermes.

Mirum non esse ait *Jacob. Primirosius de morb. mulier. lib. 2. cap. 13. fol. 137.* Vermes, qui in aliis etiam generantur corporis partibus, ob causarum similitudinem in utero produci.

Mercurialis de mulier. morb. lib. 4. cap. 12. fol. 158. Hæc illa de re scribit: Dubitatum est, ait, an lumbrici, qui reperiuntur in utero, in ipso fiant, an aliunde mittantur, sed non possum videre, qua via, & ratione ab intestinis egredientes ingrediantur in uterum, quia etsi hoc fieret, perforatis intestinis, & utero, sane dolore, & his vulneribus interirent mulieres. Quapropter magis mihi consentaneum est, gigni in utero, eoque magis, quod memini, ut dicunt *Aristoteles*, *Albertus*, & alii, vermes fieri in cerebro, & vasis spermaticis, ut non sit adeo durum, si etiam fiant in utero.

P. Borellus obs. rarar. med. phys. cent. 1. obs. 5. fol. 8, calculos, & vermes non in omnibus tantum animalibus, sed etiam in quibusvis produci posse tradit partibus, quod exemplis se posse confirmare testatur.

Certum est rarius in utero, sæpius vero in ipsa vagina vermiculorum ascaridibus non dissimilium quandam reperi speciem.

Quantum ad uteri corpus, exhibet *B. Timæus à Guldenkleee cas. med. lib. 4. pag. mihi 204.* exemplum concubinæ cujusdam Tibicinis, quæ gravidam se esse suspicabatur; quare nexum conjugalem, quem ille promiserat, urgebat instantius: hic contra acrius instare, mortemque nî abitum maturaret, minitari, tandemque obluçantem gladio confodere ausus est. Demortuæ ventrem se propter animantis spem subito aperire jussum præter mucosum quid, & ingentem ascaridum viventium, & hinc inde obrepantium numerum nihil in utero reperisse scribit. *Benjamin Scharffius ephem. Germ. decur. 1. an. 9. obs. 7. fol. 44.* exemplum habet mulieris cujusdam quinquagenariæ, tenuis fortunæ, quæ lacticiiniis, aliisque cibis crudioribus adsueta tres ante annos incredibilem circa genitalia pruritum, & fervorem senserat, subsequente dolore rodente, ac quasi urente, perque aliquot dies continuante. Tandem vero per muliebria ingenti ascaridum casei vermiculos apprime referentium copiâ exclusâ, dolor quidem, ac pruritus aliquatenus remittebant, omnistamen molestia penitus non auferebatur, ac, licet hic affectus per medicamenta interna pariter, ac externa, imprimis per clysteres, pessosque uterinos, ut & balnea penitus profligari posset, cum tamen præ nimio pudore

314 OBSERVAT. RARIORUM,
pudore malum hoc nemini revelare voluisset,
adeoque consilia medica sprevisset, miseram
egit vitam.

Joh. Schenckius lib. 4. p. mihi 717. simile
quid de Joh. de Tornamirarefert.

Quantum autem ad uteri vaginam attinet;
Jam olim *Hippocrates 2. de morb. mulier:* vermes
instar ascaridum in pudendis fæmineis crescere
posse annotavit.

Rod. à Castro lib. 2. de morb. mulier. cap. 33.
fol. mihi 345. de similibus etiam vermiculis
in uteri vagina agit, ut & *Nic. Guill. Beckers*
miscell. med. phys. curios. Germ. decur. 1. an. 8.
obs. 75. fol. 121. de vetula quadam septuaginta
annos habente, quæ hoc vitio in intolerabi-
lem labiorum pudendi, collique uterini incidit
pruritus, qui injectionibus ex abrotano in lac-
te, posteaque ex absynthio, & tanaceto cocto,
magnam vermiculorum copiam ejicientibus tol-
lebatur.

Garzias Lopius variar. med. lect. cap. 13.
honestam se novisse scribit mulierem, quæ, è
collo uteri magna vermiculorum ejecta copia,
immenso liberata fuerit dolore.

Hujusmodi vermium etiam meminit *Merca-*
tus de mulier. affect. lib. 2. cap. 28. fol. mihi 342.
dicens eosdem æque in collo uteri, ac intestino
recto generari posse, quia istæ viæ similitudinem
aliquam habent, nec non propter superfluum
illum viscidum humorem, qui intra rugas, &
of-

OBSERVATIO XXX.

*Fœtus materno in corpore extra uterum
repertus.*

Observatione 66. tomi primi p. 287.
exemplum quoddam dedi maturi
fœtus, qui, perforato utero, parte inferiore, in cavum abdominis prominebat. Hic autem aliud fœtus toto corpore extra uterum in abdomine reperti exemplum exhibiturus sum.

Anno 1683. die 3. Martii talem nobis videre licuit casum, cum *Med. Chirurgus C. Solingius*, præsentibus *Medicis* clarissimis *Kockio, Cabeliavio, & Schoon*, cadaver mulieris cujusdam annorum 44. disseicaret, quæ postquam antea quinquies, quamvis non sine molestia, summisque laboribus, teste ipso *Solingio* antè in auxilium vocato, peperisset, tandem partus doloribus victa decessit.

Dissecto cadavere usque adeo uteri fundum reperimus laceratum, ut fœtus
te-

tenellus cum notabili funiculi umbilicalis portione in abdominis cavitatem ejectus esset, ubi haud dubie non ita diu decubuerat, siquidem tergum tantum cute denudatum esset, nisi forte quisquam eum extra uterum aliquamdiu per funiculum umbilicalem nutritum statuatur. Verum id credi vix potest, quia propter ruptionem uteri magna sanguinis ex ipsius substantiâ simul in illam cavitatem profluxerat quantitas, quo supra intestina veluti natans fortean fuit suffocatus.

Aquæ, uti nobis narrabatur, triduo quidem ante obitum effluxerant; os etiam uteri post mortem, adeo apertum, ut parvus in illud pugnus inferi potuisset, conspeximus.

IN OBSERVATIONEM XXX.

NON minimum certe admirationis nobis attulit isthæc uteri apertio, quam post mortem reperiēbamus, ut & ejusdem disruptio. Causam autem præter ipsius foetus fortitudinem, qui forsan minus recte in utero situs fuerat, nec non defectum aquarum, quæ mature nimis effluxerant, non invenimus. Huc forsan accedebat tenuitas substantiæ uteri. Hæc enim quo magis

increſcente fœtu expanditur, non fit tandem craſſior, uti quidem primarii fere omnes judicant Anatomici, quos inter *Laurentius, Riolanus, Bartholinus* ſunt. Ipſe enim contrarium ſæpius in mulieribus obſervavi, quæ turgido objerant utero, ita ut craſſities ejus ſubſtantię ultimis geſtationis menſibus ob magnam expansionem decreſcat; ac idcirco uterus eo tempore maxime ſit imbecillis; uti recte *Galenus cap. 8. de anatom. uteri* his notavit verbis.

Fam vero vulva in principio conceptus craſſa, cum prope tempus accedit, major quidem, ſed tenuis evadit. Craſſities enim in longitudinem extenſa abſumitur: in reliquo intercedente tempore, pro ratione magnitudinis, craſſitiem habet. Et cap. 14. lib. de uſu part. Tenuiſſimæ enim, inquit, omnino matrices ſunt, quo tempore gerunt, nempe quod profunditas in longitudinem ſit abſumta, eoque imbecilliſimæ.

Idem teſtatur *Avicenna lib. 3. fol. 21. tract. 1. cap. 1. Matrix, ait attenuatur cum magnitudine Embryonis, & dilatatio eſt ſecundum dilatationem corporis Embryonis.*

Eandem etiam fovet opinionem *Ætius tetrab. 4. ſerm. 4. cap. 1.*, qui expansionem uteri tempore graviditatis comparat expansioni veſicæ, dicens: *Ubi vero fœtus adolevit, ac pariendi tempus adeſt, tenuiſſimus evadit uterus, attenuatur autem, veluti veſicæ aqua repleta ſolent, craſſitudine in latitudinem abeunte.*

Rumpitur uterus, si tenuior reddatur, quod fieri potest à nimia distensione. Fortioribus pel-
lentibus assumtis, idem in puerpera se observasse
dicit *Salmuthus centur. 1. obs. 16. fol. 12.*

Testatur *Fr. Mauricæus lib. de prægnantibus, & puerperis cap. 4. fol. mihi 13.* se idem sæpius
fuisse expertum; redditque rationem *pag. 15.* cur
illâ in re decepti fuerint veteres: quod scilicet
aliorum tantum dictis fiderent. Illi autem in
hujus opinionis confirmationem dixerunt in mu-
lierum immediatè post partum mortuarum dis-
sectione substantiam uteri digitum unum, aut alte-
rum latum crassam se reperisse, nec non uteri sub-
stantiam valde crassam in aliis mulieribus, quæ
foetum nondum exploserint, vidisse; cum tamen
ulterius in istius phænomeni causam non inquisi-
verint. Sed etiamsi uterus post partum adeo
crassus repertus fuisset, non tamen eandem dicen-
dus est habuisse crassitiem, dum infantem, ejus-
que aquas cum placenta contineret, quæ mag-
nam produxerunt expansionem, distensionem-
que. Illam enim acquirit crassitiem ex contrac-
tione, & collapsu prius expansæ substantiæ, quæ
mox post partum contingit.

Nonnunquam, autem infantes novem menses
gestati, occluso transitu, præternaturalem quæ-
runt viam, ut vinculis, claustrisque exeant, si
internum uteri os matris, infantisque conatibus
non satis aperitur, sufficiensve spatium (ut vulgo
in partu contingit) ad exeundum reddit, quod
fit

fit, quia vel interno uteri in ore prominentia, vel excreſcentia quædam carnoſa, ulcuſve, aut tumor quidam durus, ſcirrhoſuſve obeſt, vel quod anguſtum nimis illud os, maleve ſit uterus conformatuſ, quo caſu infans (præſertim quando robuſtuſ, & ſanuſ eſt) ex utero in cavum abdominis prorumpit.

De non diſſimili caſu *P. Salmuthuſ obſ. 16. centur. 1. fol. 12.* agit, ubi fœtuſ uterum ad ilion dextrum prope cervicem ad dimidiæ ſpithamæ longitudinem perruperat, brachiumque dextrum pridie exertum retraxerat, quod poſtea putridum fœtenſque reperiébatur.

Joh. Fauſſiuſ, ut habent *miſcellan. med. phyſ. German. decur. 2. an. 2. fol. 434.* etiam uterum laceratum obſervavit.

G. Fabrit. Hildanuſ centur. 1. obſ. Chir. 64. ſe fœminam ſecuiſſe ait puerperio mortuam, in qua matrix lacerata, caputque infantis in lævam ventris capacitatem demiſſum reperiébatur.

Mirabilem cervicis uteri perruptionem vide apud *Plazzonum lib. 2. de part: generationis cap. 14.*

Plura *Jacob. Guillemauſ lib. 2. de puerperio cap. 13. fol. mihi 319.* nec non *C. Solingiuſ obſ. peculiar. de mulier. & infantibuſ fol. 26.* ut & *Embryulcia fol. 39. &c.* exempla adducunt, qualia noſ quoque *Scholio ad obſ: 66. tom: prim: pag: 288. & ſeqq.*

Nonnulli etiam fœtum in cavitate ventris extra
ute-

320 OBSERVAT. RARIORUM,
uterum, etiamſi non laceratum, vel diſruptum,
reperturn fuiſſe tradunt.

Ita memorat *D. de Monconnys tom. 2. itiner. Ital. p. 450.* in mulieris cujuſdam, Aurelianenſi in Noſocomio diſſectæ, quæ poſt multos dolores, irritosque in pariendo conatus obierat, cavitare abdominis inter uterum, & inteſtinum rectum foetum optime ſe habentem, illæſâ matrice, repertum fuiſſe, utut non diu matri ſuperſtitem.

Nota eſt foetus lapidei *Muſſipontani* hiſtoria, quam vide apud *Thom. Bartholinum centur. 4. epist. 58. fol. 368. & ſeqq.* nec non *de partu inſolit. viis cap. 11. fol. 74. &c.* ut & *Anth. Deuſing.* hic autem foetus in abdomine mulieris cujuſdam, anno 1659. illæſo utero, repertus eſt.

De puero nullo apparente ulcere, aut cicatrice, in civitate Burgundiæ *Dolenſi* extra uterum, anno 1661. reperto tractatum edidit celeberrimus Vir *Arnold: Senguerdus* Philoſophiæ Profeſſor in Academia Lugd. Batav., cujuſ infantis involucria omnia calculoſa, & cartilaginofa erant, quibus diſſectis, humor ſeroſus cum foetu effluebat, de quo etiam poſtea Profeſſor *Stephan. Willetus* *Dolæ* publice diſſeruit.

Ephemerid. Medicis German. Vraſiſlaviæ typis editis affertur exemplum infantis rite conformati, in alvo matris extra matricem, inter inteſtinum rectum, & uterum reperti, quamquam in hoc neque ulcus, neque cicatrix animadverſa ſit.

De foetu extra uterum *Tholoſæ* an. 1675 invento,

to, qui intra corpus per annos 25. permanferat, mentionem facit *N. de Blegnii*, Regis Galliarum Chirurgus *Zod. Med. Gall. an. 1. obs. 9. p. 9.*

Verum hi foetus in abdomine matrum existerant, quia tuba *Fallopiana* ovum minus recte comprehenderat, vel (ut volunt alii) ovum in tubæ ductu hæserat, quo tandem distenso, ruptoque, foetus in cavum abdominis delabatur, teste *G: Harvæo exercitat: 65 de generat. animal. pag: mihi 428.* Ubi tubas uterinas mulierum revera cornubus uteri cæterorum animalium proportionem similes ait; ut aliquando ex situ, connexionem amplitudine, perforatione, similitudine, atque officio patet: quemadmodum enim alia animalia (ut jam dictum est) semper in cornubus concipiunt; ita etiam mulier reperta est, quæ foetum in cornu, sive tubâ illâ gereret: ut doctiss. *Riolanus Anthropogr: lib: 2 cap: 34.* ab aliis observatum meminit, oculisque conspexit.

Idem testatur *Matth: Tilingius dissertat. de foetu Lutetie Parisiorum an: 1669 extra uterum reperto sect: 2. § 13 pag. 99*

Fob: Riolanus dict: lib: cap: 35 fol: mihi 180. quatuor diversa foetuum in tubis mulierum reperorum adducit exempla.

Regn. etiam Graaffius tract: de mulier: org: generationi inseru: fol: mihi 254. foetus aliquando in cavitate abdominis inter intestina excrescere statuit: quatenus scilicet ova jam foecunda è testibus extratubarum cavitatem decidant, & à parti-

322 OBSERVAT. RARIORUM,
bus adiacentibus foveantur, & incrementum su-
mant; donec tandem placenta beneficio cum illis
copulentur, ac perfectionem nanciscantur.

Admiratione digna est illa uteri perforatio, cu-
jus meminit *G: Fabrit: Hildanus respons: ad epi-
stolam M: Doringii fol: 908.* Ubi foetus mortu-
um per umbilicum, suppuratione facta, exiisse,
matremque, curatione recte instituta, integram
recuperasse sanitatem tradit.

Similem historiam, at dissimili longe eventu,
Albucazes Chirurgie part: 2. c: 76. fol: mihi 221
habet: Mulierem, inquit, mortuum ventre
gerentem foetum, nihilominusque impræгна-
tam vidi; sed & hic interiit foetus. Diu autem
post mulieris umbilico abscessus accidit, è quo
aperto, multum effluxit puris. Vocatus itaque
diutius medicam illi præstiti opem, quamquam
non percurato ulcere. Admoto igitur attrahente
emplastro os ex umbilico, aliudque post dies ali-
quot prodiit. Cum vero nulla in ventre repe-
riantur ossa, attonitus steti: Quare illa mortui
foetus esse cogitavi. Post exactiorem autem in-
spectionem non pauca eduxi ossa, cum se melius
haberet mulier. Remanente dein ulcere, parum-
que emittente puris, illa vixit.

Alex: Benedictus lib: 25 cap: 33 fol: mihi 997.
Mirum, inquit, obiter exemplum referam
cujusdam Venetæ Matronæ, quæ cum, partum
legitimum exclusisset, mortuus intra uterum
mansit gemellorum alter, qui post magnos ge-
ni-

nitricis labores tabefactus fluore quodam per vulvam emissus est. E trium in ventre ortarum fistularum maximâ integra embryonis non sine intuentium stupore educta est calvaria : singulis postea diebus reliqua prodierunt; Atque ita illa convaluit.

OBSERVATIO XXXI.

*Imprægnatio, nullis unquam præviis
menstruis.*

PROVIDENTISSIMUS hominum Creator ita foemineum condidit sexum, ut, reliquis paribus, frigidioris sit temperamenti, porisque donetur angustioribus, quam virilis, unde majori sanguinis fruitur copiâ, quam ad sui sustentationem indigeat, ut idem aliquando, postquam virum passa esset mulier, foetus vivificationi necessarius foret è virginibus quovis mense erupturus. Qua de re *obs. præced. 19.* actum fuit.

Quamvis autem, quæ menstruo non purgantur fluxu, steriles habeantur mulieres, aliquando tamen virgo quædam, vel mulier, nullis præviis menstruis, concipit. Hoc autem ipsum in Sartoris cujusdam Hagienfis uxore etiamnum

324 OBSERVAT. RARIORUM,
vivente animadverti. Hæc enim nullo
unquam, nec extra, nec in matrimonio,
menstruo fatigata fluxu quotannis pepe-
rit, vitamque recte se habens transigit.

IN OBSERVATIONEM XXXI.

Multiplices sunt menstriorum defectus
causæ, multaque illum plerumque se-
quuntur symptomata, de quibus hic loci non
agemus dicturi tantum, cur mulieres quædam
absque sanitatis detrimento illo fluxu carere
queant.

Ratio est; quia propter fervidam, & siccam
temperiem porosque magis patulos, nec non
magnos labores, sanguinis hujus materia dissi-
patur, & avolat: ut in laboriosis, robustisque,
vel etiam calidiores inhabitantibus regiones
mulieribus monstrat experientia, quæ nullo,
vel minimo madent fluxu, quamvis materia
hæcce sive per narium hæmorrhagiam, sive hæ-
morrhoides &c. exonerari queat. Ita tradit
Joh: Lerus Itinerar: Brasiliensi cap. 17 fol. 240.
se, qui per annum integrum in *America* vixerit,
fœminas nullas menstruis laborantes unquam
conspexisse, quas multo labore viros antecedere
scribit.

„ Ego, inquit, crediderim fluxum illum
„ ratione nobis ignota eas divertere. Puellas enim
„ annos 12. natas vidi, quarum latus ab axilla ad
„ genu

„ genu usque animalis cujusdam dente acutissi-
 „ mo ab matribus incideretur. Puellæ vero præ
 „ summo dolore frendentes magnam cruoris co-
 „ piam emittebant. Hoc illas remedio menstrua
 „ antevertere conjicio.

Idem etiam confirmat *Appianus l: 2. cosmogr:*
 „ cap: 15. Sanguinem, inquit, è mediis lum-
 „ bis, genibusque depromissunt.

F: Platerus etiam virgines, mulieresque Bra-
 silienses absque ullo fluxu quam maxime sanas
 vivere tradit.

Rusticas multas absque fluxu isto sanas degere
 mulieres *Forestus*, ac *Horstius* testantur.

Exempla quædam ad obs: 78. tom: 1. p: 341
 de quibusdam mulieribus adduxi, quæ absque
 menstruo fluxu pepererint; quod ipsum etiam
Aristoteles lib: 1. de generat: animal: cap. 19.
 indicavit.

Meminit *Rondeletius meth: curand: morb:*
 cap: 24. mulieris cujusdam Montis Albani, quæ
 nunquam fluxum istum experta duodecim edide-
 rit infantes.

Memorat *Laur. Foubertus popul.error. lib. 2*
 cap. 1. fœminæ cujusdam *Tholosanæ*, quæ 18.
 infantes, tam masculos, quam fœmellos absque
 præviis menstruis pepererat, ut & *H: Rensnerus*
apud Velschium obs. 99. pag. 55. de aliâ, quæ
 sedecim infantes absque illo fluxu in lucem pro-
 tulerat.

Plures casus videri possunt apud *Sennertum*

326 OBSERVAT. RARIORUM,
lib. 6. prax. part. 2. sect. 2. cap. 1. quæst. 1. pag. mihi 232, Schenck: lib. 4. de conceptione, Marcell. Donat. lib. 4. de histor. medic. admir. cap. 23. Guainer. tract. de aegritud. matricis cap. 21. Greg. Nymannum de vita fœtus in utero, Nicol. Florent. serm. 6. tract. 3. cap. 4, Bertinum lib. 4. med. cap. 6. fol: 61, Th. Bartholini centur. 4. hist. 37. fol. 309, Trincavell. lib. 10. cap. 3. de rat. cur. omnes humani corp. affectus, Laz. Riverium pr. med. cap. 17, Joh. Rhod. cent: 3. obs. 541, nec non miscell. med. phys. cur. Germ. dec. 1. an. 3. obs. 265. fol. 479, & an. 6. obs. 64, pag. 92. Item obs. 159. pag. 224, ut & decur. 2. an. 1. obs. 41. fol. 114.

Brassavolus comm. ad Aphor. Hippocratis 36. lib. 5. Novimus, inquit, notæque sunt hodie rusticæ, quibus nunquam menses fluxerint, quamvis sanæ degant, & robuste sint, ac, (quod mirum) fœtus producant.

Ut autem hæ detrimenti nihil, vel quod aliquis sit momenti, præter causas modo recensitas perpetiantur, sanguinis bonitas, laudabilisque viscerum constitutio efficit.

Mirum autem est, quod de muliere quadam *Ephemerides German: curios. decur. 1 an. 3. obs. 348. memorant, quæ non, nisi imprægnata menstrua emittebat. Fluxus autem ille certum exhibebat conceptionis signum. Hinc patet (uti etiam monuimus Schol. ad obs. 76. tom. 1. fol. 333) Aph. Hippocratis sexagesimum sect. 5. exceptionem pati*

CENT. POST. PARS PR. OBS. XXXI. 327
pati. Quare de eo intelligi debet fluxu men-
struo, qui fit ut plurimum, & cum vehementia.
Nec nocere potest mulieri fluxus menstruus, si
non proveniat ille è cavo uteri, si enim manat è
vasis, quæ in collo uteri sunt, nullum est abor-
tus periculum, si vero è cavo uteri ob externas,
internasve evidentes causas tom. I. memoratas,
idoneis fisti nequeat remediis, quamprimum pro-
curandus est obstetrici partus, aut certo morie-
tur cum matre infans. Atque hoc quidem casu
verusest Hippocratis Aphorismus.

Monitos itaque Veneris nepotulos, puellasque
audaculas velim, ne si forte menstruus non appa-
reat liquor, furta latitura putent. Quàm enim
decipi queant, adjecta abunde ostendunt exem-
pla. Ita etiam virguncularum meminit *Ludov :*
Mercatus, quæ viris ante fluxus illius adventum
traditæ conceperint, satisque apparuerint fœ-
cundæ.

OBSERVATIO XXXII.

*Fœtus humanus absque umbilico
editus.*

TOt inauditas insolitasque videmus
indies, & ubique fere terrarum,
monstrorum, & defectuum circa hominis
efformationem figuras, quas præcipue

328 OBSERVAT. RARIORUM,
observant, qui sedulam Medicinæ, &
Chirurgiæ navant operam, ut non imme-
rito in summam quandoque rapiamur ad-
mirationem.

Varia inter exempla quoddam non ita
pridem habuimus Hagæ-Comitum An.
1683. nundinarum tempore. Conspi-
ciendus exhibebatur masculus quidam in-
fans anni unius cum tribus mensibus, qui
hîc Hagæ à tenuioris fortunæ parentibus
Anni 1682. mense Februario natus erat.
Hic uterinis carceribus solutus in lucem
sine ullo, imò ne minimo quidem funi-
culi umbilicalis indicio prodibat, quem
idcirco obstetrix in partu à ventre sepa-
rare necesse non habuit. Deerat etiam
umbilicus; ejus autem loco in hypoga-
strio circa pubem lata quædam, rotun-
daque, ac rubra, nec non tenuissimâ
pelliculâ obducta macula apparebat, num-
mi, quem Solidum vocamus, magnitu-
dine; intra cujus circumferentiam duæ
conspiciebantur papillulæ, seu aquæ duc-
tus, latum digitum ab invicem distantes,
per quos urina reddebatur. Ipse autem
infans parvo admodum donabatur scro-
to, quod duos continebat testiculos;

pene



Fig:1

tab




Fig:2



pene tamen omnino carebat, quantum quidem conspiciere licebat. Ita ut nihil, nisi penis glans præputio denudata, nec perforata, ventrem versus cum ipso frænulo inversa supra scrotum appareret, eodem, plane modo, quem Tabulâ quartâ fol. 329. videre est. Hic autem infans trimulus ad plures abiit. Primæ fig. A. latam illam, & rubram maculam in hypogastrio, B. B. duas papillulas, per quas reddebatur urina, C. C. inversam, denudatam, & imperforatam glandem. D. inversæ glandis frænulum ostendunt. Secundæ Fig. A. eandem maculam in hypogastrio. B. B. descriptas papillulas, C. glandem penis monstrant.

IN OBSERVATIONEM XXXII.

UT autem major nobis hac in re habeatur fides, adjiciemus & deficientis umbilici exemplum, quod habent *Ephemerides Gallicæ an. 1673. fol. 69. duodecimâ conventionem*. Ubi D: Chatton Chirurgus Montargensis epist. quadam ad D. Dionysium ita scribit:

Octavo decimo Octobris Anno 1673. partus promovendi gratia ad mulierem quadragenariam vocatus fui. Excluso foetu, nullum apparere

funiculum umbilicalem stupus, cui plerumque foetus alligantur. Mox itaque in ipsum inquisivi infantis umbilicum, quem eodem plane modo se habere reperi, quo in trium quidem hebdomadarum infante esse solet, ita ut eundem deligare non fuerit necesse.

Postquam igitur obstetricis curæ foetum reliquissim, diligenter in secundinas inquisivi, quæ funiculo attractæ solitas habere videbantur dimensiones, tam quantum ad longitudinem, quam latitudinem; rotunda autem placentæ versus illam partem, qua foetum respicit, erat figura. In medio rotunditatis globulus quidam carneus magnitudine seminis cannabini reperiabatur similis plane globulis, qui in extremitate vasorum sanguiferorum, postquam abscissa fuerunt, consolidatorum existunt. Ne guttam quidem sanguinis deprehendebam, nec circa funiculum, nec ipsum circa umbilicum. Vivit etiamnum idem infans succo, & sanguine validus, non minus, quam ipsa mater. Hæc mihi se secundum solitum numerandi ordinem jam ante tres hebdomadas partus tempus adesse credidisse, totoque gestationis tempore multò, quam ante, melius se habuisse, nullumque plane ultimæ hujus gestationis tempore symptoma sibi accidisse retulit.

Si vero (ita pergit idem) ad illam extremitatis funiculi tam versus secundinas, quam versus umbilicum attenderis descriptionem, facile con-

CENT. POST. PARS PR. OBS. XXXII. 331
cedes jam dudum præterlapsum fuisse aliquod
tempus, à quo funiculus iste ab ipsius foetus ven-
tre separatus fuerit: idcirco autem hic plane stu-
peo nescius præter umbilicum reperire vias, per
quas foetus in utero nutrimentum capiat, respi-
retque.

Non immerito equidem circa hunc casum ob-
stupuit *D. Chatton*, ignoravitque tum temporis,
quomodo infans absque funiculo umbilicali nu-
triri, ac respirare potuerit.

Quantum ad nutritionis, respirationisque
materno in utero functiones, jam dudum plurima
conscripta, & ventilata sunt, hisque etiamnum
sub iudice est.

Hiscæ tamen duobus casibus evidens est præter
vasa umbilicalia aliam etiam necessario dari viam,
per quam foetus in utero non nutriatur tantum,
sed & aliquatenus respiret.

Quamvis autem nodo huic Gordio solvendo
impar sim, meam tamen proferre opinionem
non vereor, foetumque non per vasa umbilica-
lia tantum, sed & (imo potissimum quidem)
ipsum per os nutriri, ac respirare asseram. Hæc
autem quæ probent, non graves desunt ra-
tiones.

Quantum itaque primo ad nutritionem foetus
per os attinet, assumo tanquam axioma quoddam:
Ubicunque notabilis aliqua datur cavitas, vel
apertura, cujus interior circumferentia, vel in-
terna latera sunt mollia, causa etiam quædam
ma-

332 OBSERVAT. RARIORUM,
 materialis existit, quæ cavitatem illam conservet;
 alias enim latera illa omnino coïrent, & in solidum
 aliquod corpus coalescerent; quod evidenter
 in deligatis vasis umbilicalibus recens natorum
 infantum, in foramine ovali, & altero oblongo
 cordis patet, quæ coalescunt, quia causa disten-
 dens sublata, & alio vorsum translata est, ita ut
 summo jure dicatur tempore gestationis necessa-
 rio in ventriculum aliquid influxisse, quod ca-
 vitatem conservarit, quod haud dubie præstitit
 humor ille, qui ex lymphaticis, sive salivalibus
 profiliit vasis, vel præcipue ille, cui intra mem-
 branas uteri foetus innatat, qui multis, cele-
 berrimisque viris nutritius habetur.

Legatur G: *Harvæus de generat: Animalium;*
Joh: Rogerfius disceptat: med:; Courvæus lib:
de nutrit. foetus, Casp: Bartholinus exercit.
anat. pag. 17. Franc. Bayle tract: de usu lactis ad
tabidos reficiendos, Charleton æconomia anim:
fol: 165. Regn. de Graef de mulier: organ:
generat: inserv. cap. 15. fol. 278. And. Lau-
rentius Anatom: fol: 315. Deusingius genesi mi-
crocosmi, Thom. Bartholinus Anatom: nova,
Wedelii physiol., Velthufius tract. de generat.,
Alex. Maurocordatus, Olaus Rudbeck, Zy-
pæus, Anth: Everhardus, Math: Sladus, Ma-
jouw, Thruston, Needham, &c.

Adde, quod exterior oris pars in foetu, rima
 scilicet labiorum, ut & œsophagus, larynx que
 re quadam, qua aperta maneant, indigeant.

Hæc

Hæc autem (meo quidem iudicio) nulla alia est, quam illi liquores, nempe saliva, & humor, cui innatat foetus; quæ salivæ materia per ipsas arteriolas in salivales glandulas trajecta, & in iisdem sequestrata, ac per earum canales ad oris cavitatem deducta permanere nequit, sed necessario musculorum linguæ motu versus inferiora depressa ad ventriculum, & intestina transit; quemadmodum ipsa monstrat experientia, nec non motuum indicat ratio.

Si etiam nihil per os ad ventriculum, & inde ad intestina embryonis descenderet, unde quæso, efformarentur, & in statu suo conservarentur vasa lactea, ut tenuior chyli portio ex ventriculo, & intestinis deveniens ad sanguinem propelli, & trajici posset, dum interea crassior pars in intestinis collecta meconium producit, sive nigras illas foetus fœces, quæ post partum per intervalla tandem excernuntur?

Ut autem commodior succo nutritio per Oesophagum in ventriculum foret transitus, epiglottis laryngis rimulæ, sive glottidi embryonum naturaliter aliquo modo est agglutinata, mollis enim hæc, neque cartilaginea nondum natis est, quibus post nativitatem vi aëris à glottide resilit, duritiemque respiratione sensim acquirit.

Ut autem uberius foetum per os nutriri demonstrarem, adduci potest & hoc, quod ad trigesimum, aut quadragesimum diem usque (licet *Harvæus*

exercitat. 56. de generat. Animal. fol. 363. per trium mensium spatium vix rudimentum aliquod placenta conspici scribat) nuspiam aliquam connexionem, aut communionem habeat cum ipsa matre, non certe magis quam ovum ventre gallinae circumvallatum, quod etiam confirmat idem *Harvæus d: lib. exercitat. 69. pag. 449. ubi in ove foetum, qui tunc temporis perfectus erat, & pollicem fere longus, ad tempus illud usque, nuspiam cornibus uteri alligatum, orificiaque vasorum umbilicalium intra colliquamentum uteri, tunicarumque inserta, ac terminata se conspexisse scribit.*

Hippocrat: de nat: pueri sect: 3. pag: 245. Quæ foetum, inquit, sustinent membrana ex umbilico prodeunt; & paulo post: eodem modo, ac in ovo, ex umbilico membrana protenduntur.

H: Fabrit. ab Aquapendente de formato foetu part. 1. cap. 3. fol. 5. Simile quid de quibusdam affirmat brutis, præsertim de scropharum, equarumque foetibus, quibus ille nullas carunculas, si-ve colliculos carneos, nullam placentam, nulla etiam vasa umbilicalia, quorum ope cornibus annectantur, esse refert. Hos etiam ad tempus exclusionis usque ab humore intra uterum concluso nutriri, nullibique cornibus annecti asserit. Idem testatur Harvæus lib. de generat. Animal. exercitat. 70. fol. 462, & 541 exercitat. de uteri membranis, nec non Anthon. De singulis Genes.

Microcosmi fol. 150, G: Needham fol. 29, M. Tilingius de Placenta uteri fol. 335. &c., ut & Regn. de Graef de mulier: org: fol: 295. Siquidem ergo brutorum foetus nec subsistere, nec sustentari queunt, nutrimento, quod utero tantum ingenitum est, ut statuit *Harvæus exercitat. 70. fol. 462*, quoniam illa animalia (præsertim pullus equinus, qui valde magnus ex utero prodit) eminentis magnitudinis conceptum, sive ovum, & per consequens magnam humoris hujus quo alantur, copiam requirunt, siquidem etiam tanta nutrimenti copia simul, & semel (uti alias in ovis contingit) in iis animalibus non existit, ut inde intra uterum subsistant, & quoniam denique hisce animalibus nec per placentam, nec etiam per vasa umbilicalia, uteri vasis unita quidquam affertur alimenti, certe, cum alius nutritionis modus desit, per os nutriantur, necesse est, quemadmodum è chylo quoque, qui in eorum ventriculis, etiam quando nondum ad debitum tempus gestata sunt, reperitur, constat. Hac autem de re prolixius sequentibus agemus.

Foetum etiam intra uterum nutrimentum, simulac chylicationi inservientia organa sunt efformata per os admittere, jam olim *Hippocratis* tempore dictum reperio. Ipse enim *lib. de carnibus sect: 3. fol: 350.* *Puer vero, inquit, in utero comprimens labia sugit ex utero Matris, & attrahit nutrimentum.* Ac *lib. de natura pueri sect. 3. fol:*

fol. mihi 241. *Tendunt enim*, ait, & *in mammas*, & *in uteros venula hæ* (scilicet quæ quod in cibo, & potu est pinguißimum, & dulcißimum, continent) & *conßimiles aliæ*; & *ubi pervenerit ad uterum lactis formam habet*, eoque puer fruitur; sed poßtea eodem lib. fol. 246. *Fœtui grandiori alimentum*, & *augmentum*, quod à matre descendit, non amplius ſufficiens eßt, trahit enim ad ſe, quod dulcißimum eßt in ſanguine, ſimulque aliquantula lactis portione fruitur.

Nec dißſentit Galenus, qui lib. an animal ſitid, quod in utero eßt? cap. 3. *Fœtus*, inquit, *in utero matris exißtens eaßdem habet funçtiones*, quas poßtea in lucem editus demonßtrat, ſcilicet ſugit, deglutit, reßpirat, &c. & eodem lib. cap. 5. Ne igitur fœtus, qui vivificantur, animari dißſidamus: neque enim hi poßt partum proprias operas ab aliquo dißcunt, ſed uteris contenti devorant, coquuntque, ac expurgant dißtributum alimentum, apponuntque, quod purgatum eßt, ac ſupervacuum depellunt; ut poßtquam in lucem prodierint, quod ſupervacuum eßt, excernant.

Convenit Democriti, & Epicuri, teßte Plutarcho lib. 5. de placitis Philoßophorum cap. 16. ſententia; ſtatuunt enim & illi per os nutriri fœtum.

Plato etiam Timæo fœtum lacte nutriri ait.

Arißtoteles lib. 4. de generat. animalium c. 8. ſub finem, quando, ait, fœtui propter magnitudi-

tudinem non est sufficiens nutrimentum illud, quod affertur per umbilicum, accipit lac in alimentum. Quibus verbis denotat ante partum id contingere, ut clare ex sequentibus, & *quando per umbilicum nullum amplius transit nutrimentum, &c.* patet.

Spreta autem diu fuit *Hippocratis* doctrina, quod præcedentibus seculis rationi minus videretur esse consentanea: posteriori autem hoc ævo reperti sunt, qui ejus sententiam validis confirmarint rationibus, quos inter familiam ducit *G. Harvæus*, qui *Hippocratis* vestigia premens duplicem pro nutritione foetus viam agnovit, per umbilicalia videlicet vasa, atque os. Verum enimvero in hoc differt *Harvæus* ab *Hippocrate*, quod loco sanguinis menstrui, albugineum ad nutritionem substituat alimentum, testeturque se per multiplicem, ac continuam cervarum, damarumque anatomiam diversis temporibus institutam isthæc invenisse.

Rationes autem quibus in hypotheseos suæ confirmationem usus est *Hippocrates*, tum ab excrementis in recens nati infantis intestinis latentibus, tum à sugendi desumptæ sunt notitiæ.

Lib. enim de carnibus sect. 3. fol. mihi 250. Quod si quis roget, inquit, unde puerum in utero sugere sciamus, hoc illi respondere licet: Pueri, cum in lucem prodeunt, sterminus habere conspiciuntur, & simul ac in lucem editi sunt, tum homines, tum pecora, id iis

338 OBSERVAT. RARIORUM,
per ventrem secedit. Atqui neque stercus haberet, nisi in utero sugeret, neque, ut primum puer natus est, ubera sugere nosset, nisi in utero suxisset.

Harvæus exercitat. 58. pag. mihi 886. Velut pullus, & alia animalia liquori intra ovum innatantia os aperiunt, ut humoris portionem assument, ita etiam per os sugere foetum scribit: Quamprimum enim aliquam nanciscitur perfectionem, membra protinus movet, & siquidem alios commovet musculos, quid ni etiam oris, & œsophagi organis ad liquorem illum intromittendum uteretur?

Fœtum autem in utero materno sugere vel hinc liquet, quod si in recens editi fœtus os inferatur digitus, illico deprehendatur sugere, imo observatus est fœtus ipso tempore partus, antequam lacrymari, vel recte respirare potuit digitum in os insertum attraxisse, quod in vitulis nondum omnino editis experiri licet.

Fœtum insuper recens natum longe melius, quam adultum hominem sugere, rectiusque multo labiis papillam amplecti, videmus.

Si itaque per os nihil unquam antea in utero materno in ventriculum admisisset, non posset equidem, meo iudicio, immediate post partum chylicationis, cui non adsuevit, producere functionem, imo non sine summo periculo tam subitanam ferret mutationem fœtus, si in utero per solum nutritus umbilicum mox in lucem editus lacte aleretur.

Fœtum

Fœtum in utero per os nutriri etiam liquet ex substantiâ, quæ in œsophago ejus, ventriculoque reperitur, nec quantum ad colorem, saporemve, ac consistentiam à liquore cui ille innatat, differt, quæque in ventriculo aliquantulum cocta lac coagulatum refert. Hæc etiam chyli specie in primis intestinis deprehenditur, dum inferiora excrementis referta sunt stercoreis.

R. Graeffius lib. de mulier. organ. generat. inservient. fol. 187. Invenimus, inquit, in duodeno intestino talem liquorem, qualem in ventriculo, præterquam quod ob affusam bilem aliquantulum ad viridem vergeret colorem, & quo magis descenderet, eò magis incrassaretur, albumque suum colorem exueret; ita ut in crassis tandem intestinis alvinarum fœcum consistentiam acquirat: quæ lenta liquoris immutatio fœtum per os nutriri satis indicat.

Quin etiam multi recens nati infantes lacteum nutrimentum ante evomuerunt, quam mammas suxerint, aut aliud quicquam extra corpus matris assumpserint, quod certe ventriculis eorum inesse nequivit, nisi intra uterum admissum fuerit.

Hæc de re *Isør. de Diemberbroeck Anat. lib. 1 cap. 30. fol. mihi 365.* se clarum in filiola sua habuisse exemplum dicit, horam circiter unam post partum absolutum, magnam lactis quantitatem multis admirantibus mulieribus (nondum enim aliquid per os extra uterum acceperat) evomen-

te. *Antho.* etiam *Everhardus* abortum quendam 28. hebdomadam in lucem editum plurimum serosi lactis vomitu rejecisse testatur, quamquam nè hilum quidem extra uterum assumpsisset.

G. Harvæus, alique circa tertium, quartumque gestationis mensem in embryonum ventriculis chylum instar albuminis ovi, substantiæ, cui innatabant, non absimilem invenerunt: Idem asserit *Joh. Veslingius Syntagm. Anatom. cap. 8.* In ventriculis quoque, tenuibusque embryonum animalium intestinis materia quædam reperitur, quæ tam quantum ad colorem, quam saporem, ac consistentiam omnino liquoris, cui innatant, similis est, teste *Harvæo exercitat. 58, fol. 306.*

Non levis certe ponderis demonstratio ex *Hippocratis*, quæ de fœcibus, sive meconio, quod in infimis recens natorum reperitur intestinis, desumuntur, petitur argumentis. Certum enim ad chylicationis in ventriculo peractæ signum est. Negare equidem nolim ad productionem meconii intestinorum multum etiam alios humores, salivam bilem, succumque pancreaticum conferre, ab hujusmodi autem materialium (& speciatim succi pancreatici) commixtione hancce provenire nigredinem, vix est, ut credam: Si enim hæc ab illo, aut à bile in intestina embryonum immixtis oriretur, multo magis in adultis animadverteretur, quibus humorum secre-

cretio, propter majorem nutrimenti usum, copiosior, nec non humores acriores, ideoque ad tingendum aptiores sunt. Certum etiam esset succum pancreaticum, si nigredinis meconii causa esset, ex particulis acidis, austerisque constare, quales tamen in hoc embryonum non observantur succo, saporis enim ille est expers; quapropter libentius ego hujusmodi nigredinem diutina meconii in intestinis morâ ortam crediderim. Illud enim in quatuor, aut quinque mensium embryonibus viridiusculum, in trium vero mensium foetibus flavescens repertum est.

Verum quidem esse poterit embryonum meconium pedetentim nigrum evadere ex eo, quod bilis intra vesiculam felleam nigra vulgo conspiciatur, quia propter externæ, liberæque inspirationis aëris defectum paucas in se particulas habet nitrosas, quæ alias non tantum bilem flavam, sed & totam massam sanguineam, quæ nigrior in embryonibus apparet, intensè rubram reddere potest: Ita ut bilis istius nigricantis embryonum parva quantitas per vices in duodenum ejecta chylis, & fœcibus, quæ postea sequestrantur, nigriusculam meconii producat tincturam.

Harvæus quoque exercitat. 58. fol. 387. in viviparorum foetibus intestina crassiora consimili excremento repleti, quali lacte vescentia abundare cernuntur, nec non in ovibus, aliisque bisulcis scybala reperta esse ait. Ibidem etiam circa diem septimum decimum in pullo prope anum

342 OBSERVAT. RARIORUM,
stercora evidenter sese reperisse, eademque fo-
ras intra secundinas egesta paulo ante partum
se conspicatum scribit. Quod & *Volcherus*
Coiter, & *Carpus* observarunt.

Coronidis loco subjungam in embryonibus
non tantum humanis, sed & brutis, oculos exi-
stere clausos, & sub palpebris firmiter admo-
dum sibi adhærentibus occultos, verum ex ad-
verso labia separata, osque (etiam tunc, cum
embryonum vix discerni possunt rudimenta)
apertum conspici, uti etiam *G. Harveus*
exercit. 56. pag. 372. & exercit. 69. pag. 450.
notat.

In foetibus etiam, qui ex utero prodeunt
mortui, inter maxillas lingua nonnihil promi-
nens observatur, unde illos in utero equorum,
boumque more, liquorem, cui innatant, alen-
tem hausisse statuimus; præsertim cum etiam
ejusmodi quandoque liquor, quamvis crassior
paulo, ex eorum oribus, annotante *Anth.*
Everhardo pag. 163, post partum eductus sit.
Denique tam ex nostra, quam *D. Chatton*
observatione necessario aliam præter umbilicum
existere viam, per quam foetus in utero alimen-
tum accipiat, liquet.

Rustici occluso, & consolidato umbilico in
lucem prodire vitulos, ac etiam si umbilicalis
funiculi portio quædam ventri in partu adhæ-
reat, ne guttulam quidem sanguinis inde vel for-
tiori digitorum compressione elici affirmant.

Hæ

Hæ itaque rationes meridiano sole clarius in utero etiam per os nutriri foetus demonstrant.

Nonnulli autem forte liquorem, cui foetus innatat, non nutritium, sed excrementitium, sive ex urina, & sudore conflatum dicent.

Hunc autem non esse urinam hinc liquet, quod foetus in utero non mingat: Ejus enim vesica sexto, septimove, aut octavo mense aperta urinam semper reperiter plena, ita ut *Joh. Riolanus, hist. anat. foetus humani cap. ult. fol. mihi 410.* vesicam in foetu ter ipso ventriculo majorem dicat, quod & confirmare videtur *Joh. Veslingius Syntagm. anat. cap. 8. fol. m. 21.* ubi vesicam multo lotio distentam, nec non ureteres in foetibus amplos admodum reperiri ait, ut &, necessitate urgente, urinæ retinendæ inserviant.

Statuerunt *B. Eustachius*, & *Const. Varolius* omnem in vesica colligi, ibidemque usque ad partum conservari urinam; quam etiam opinionem *Goth. Moebius fundam. medic. physiol. cap. 20. fol. m. 565.* nec non *Anth. Everhardus p. 186. & seqq.* fovent. *Platerus* quoque, *Vigierius*, *Gassendus*, & *Sebissius* non per urethram, sed per urachum urinam reddi dixere. *D. Steph. Blankardus Anat. Reform. fol. 478.* foetus urinam è vesica in placentam excerni, sicque intra uterum susceptam tandem per matris vesicam expelli credit.

Foetus autem vesicam satis esse magnam quæ omnem urinam gestationis tempore collectam

capiat, verosimile admodum putem, propter ipsius enim nutrimenti puritatem parum produci-
tur excrementi, non plus certe, quam partibus
isti usui destinatis contineri queat. Si enim fœ-
tus intra uterum tantum urinæ exoneraret indies,
quantum extra illum, certe nec vesica, nec ute-
rus illam caperent.

Quo pacto autem liquor ille urina dici posset,
cum, renibus, vesicâque fœtus nondum abso-
lutis, nec ullo, vel minimo certe ejus apparente
rudimento, in membranis reperiatur.

Accedit, quod, quò major evadit fœtus eo
magis, quicquid id est liquoris imminuatur,
quod profectò non fieret, si urina, vel sudor
esset, quemadmodum *exercitat. 56. fol. 366. &
58. fol. 382. indicat Harvæus.*

Liquor etiam ille in quo vis animalium reperi-
tur genere, imo etiam in illis quæ nunquam aut
mingunt, aut sudant, teste eodem, *exercitat. de
humoribus uteri 656.*

Si liquor iste in uterum è vesica deplueret, sal-
sus, acer, saporis, odorisque mali esset, unde
non tenella tantum fœtus læderetur cutis, sed &
tenuis illa membrana amnion eroderetur, uti cla-
re in infantibus, ubi diutius paulo lotio madidis
inhæserelinteis, liquet.

Certum enim est urinam extra vesicam stag-
nantem non solum acrem reddi, sed & putrescere
tandem, cum intra vesicam, quod naturali con-
tineatur loco, non putrescat. Ita alii etiam cor-
poris

CENT. POST. PARS PR. OBS. XXXII. 345
poris humores, ut & sanguis, intra vasa sua non
putrescunt, extravasati vero in peregrinum
quendam locum, putrefactioni sunt obnoxii.
Si etiam liquor ille non esset boni saporis, odo-
risque, revera eundem tam avidè non absorbe-
rent vivipara, nec etiam foetus recens natos delin-
gendo purgarent.

Ulteriori demonstrationi sequens etiam infer-
vit experimentum. Liquor enim ille in cochleari
vivi positus carbonibus, humidiorè portione
parum per avolante, glutinosus mox, ac gelatinæ
ad instar crassus evadit, quod urinæ nunquam
contingit. Ita *Rolsincius lib. 4. cap. 32. dissert.
anatom. fol. m. 1192.* se liquorem, cui foetus in-
natabat, lente coxisse, quo tenuior avolaret por-
tiuncula, & relictam fuisse crassiorem instar gela-
tinæ partem dicat, quam, quantum ad saporem,
minimè ingratam, nec salisam, nec urinofam
fuisse asserit, certo indicio eam non excremen-
tum quoddam ex urina, & sudore esse.

Theod. Aldes dissert. epist. fol. 10. liquorem,
qui amnio contineri solet, igni impositum (Hy-
dropicorum tamen excipit liquorem) coagulari,
& absque multâ aliarum particularum exhalatione
concrevere scribit.

Si liquor ille urina foret, foetus, juxta nostram
hypothesin, eam deglutiret, quod a veritate
alienissimum est, urina enim nutrire nescia fœ-
tui noceret.

Denique, si foetus intra uterum per urethram

346 OBSERVAT. RARIORUM,
mingere cogeretur, quî, quæso, actio illa in
aliis, quibus urethra (ut in nostra observatione)
omnino impervia, ac clausa est, procederet?

Liquorem autem intra amnium contentum
non esse sudorem probaveris, quod tenellas
adeo, imperfectusque foetus sudare nequeat, cum
nec ipsimet adulti, nisi post vehemens corporis
exercitium, &c. sudent. Quî etiam, quæso,
fiat, ut foetus, qui quadragesimo etiam die for-
micâ haud multo major existit, sex, aut septem
uncias liquoris, cui tunc innatat, sudando emit-
tat?

Observatur etiam liquor hic corpora anima-
lium nunquam sudantium (ut sunt canes, feles,
nec non pennata) haud minus circumcingere,
quam sudantium, ita ut foetus in utero non ma-
gis, quam pullus intra testam ovi, aut piscis in
aqua sudare dicendus sit.

At, dicet forte quisquam, si foetus per os nu-
tritur, cur non tantâ lymphæ quantitate obru-
tus suffocatur?


Verum observandum est foetum, etiam si per
os nutritur, non suffocari, liquorem enim illum
nutritivum non festinanter assumit, sed lente ad-
modum non amplius unâ vice, quam necesse est,
in os admittit.

Quamquam etiam foetus illo non nutriretur li-
quore, dicereturque illa non nutritia, sed ex-
crementitia, atque ex urina, & sudore conflata
lymphâ, nihilominus, cur non suffocetur, quæ-
rere licebit.

No-



fig: 1.



Notum est foetibus, qui mortui ex utero prodeunt (ut supra notatum) linguam nonnihil inter maxillas prominere, quâ impediatur liquori nutritio citior in interiora transitus.

Ipsemet præterea non ita pridem observavi vitulis, equulisque, antequam externum emittuntur in aërem, labia glanduloso quodam non aliter oblita esse corpore, quam hîc Tab. 5. fol. 347 conspici datur, ubi A vituli caput eo, quo intra uterum erat, modo B B. labrum superius, C C. carunculam glandulosam spongiæ instar, ac lienem mentitam, D. inferius labium notant.

Corpus hoc haud ita pauci, *Plinium lib. 8. cap. 42.* secuti, in equinis pullis *Hippomanes* dixerunt, at perperam, ut supra *obs. 19. fol. 223.* plenius demonstratum.

Hodierni quidam rustici, sed immerito, carunculam illam *Lienem* vocant, ac, si corpusculum hoc ab equuli ore prius auferatur, quam integrum prodierit caput, adultum multo agiliorem, cursuque aliis fore præstantiorem dicunt.

Fuere autem quondam, qui equam matrem, si quis carunculam illam præripuisset, foetum ad ubera non admittere dixerint, unde etiam *Virgilio Matri præreptus amor* vocetur. Quæ opiniones quam & hos, & illos fallant, rerum magister docet usus.

Rectius alii carunculam eam spongiam dicunt, quæ ita efformata est, ut anterior pars propter immissum liquorem cygneæ crassitiem equet pen-
næ,

348 OBSERVAT. RARIORUM,
næ, inferior autem pars collum versus, tam crassitie, quem latitudine, minor est, ut adjecta monstrat tabula.


Hoc autem corpusculum tam arcte vitulinæ buccæ anteriorem obsidet partem, ut juxta illud immediate nihil omnino humoris os ingredi queat. Liquor autem membranis contentus, quo ipse cingitur vitulus, eò per motum materni corporis propellitur. Cum enim vaccæ abdomen, visceraque eo contenta ab abdominis, diaphragmatisque comprimuntur musculis, necessario humor amnio contentus simul premitur: qua pressione corporis spongiosi ita aperiuntur tubuli, ut humor ille sensim, guttatimque ingrediatur, ad cuius transmissionem multum facit vituli modica, dum materno includitur utero, (quâ de re mox prolixius) respiratio. Per vituli namque inspirationem minuitur pressio, sicque in os succedenti locus conceditur humori, ut ad ventriculum demitti, atque hinc per vias lacteas ad vituli nutritionem distribui queat.

Hujus autem carunculæ ex multis contextum tubulis est corpusculum, compressum enim, præsertim ubi crassissimum, mediaque inter labia situm est, liquorem in os guttatim immittit, ac tot ibidem existere videntur tubuli, quibus liquor ille continetur, quot apparent guttæ, ita plane, ut in spongiis videre est. Habet & arterias, venasque inferne ab ore provenientes, unde huic corpori implantantur: Venæ e jugulari venâ, arteriæ



fig. ii.

A



A

riæ è carotica proveniunt, quæ omnes per ejus disperguntur substantiam, uti in partis illius ablatione, seu ab ore vituli avulsione, durante partu, in ramis disruptis, per quos corpus illud nutritum fuit, apparuit.

Substantiæ illius, ut melius innotescat, delineationem lectori sexta exhibet Tabula fol. 349. ubi litteræ A. A. fictum lienem, seu corpus glandosum vituli ore avulsum naturali magnitudine, B B. crassissimam, supremamque ejus portionem, quæ inter vituli labia firma hæere solet, C. C. tubulos, per quos humor ex amnio ingreditur; D. D. truncum abruptorum vasorum sanguiferorum, illâ parte, quâ linguæ vituli annexum fuit ipsum corpus, E. E. E. E. ramos vasorum sanguiferorum, prout per substantiam, quam nutriunt, disperguntur, monstrant.

De corporis hujus, quod tam in equulis, quam vitulis, ovibusque, atque aliis fortean animalibus, partus tempore apparet, verâ constitutione, & usu, nemo huc usque quidquam (quod sciam) dicere aggressus est. Cujus rationem esse puto, quod hocce corpusculum rarissime, nec, nisi a Medicæ artis parum gnaris, conspiciatur, vel etiam, quia comparari vix potest, nisi quisquam continue parienti vaccæ, vel equæ adsit, ac quam accuratissime observet, nec non, quam primum uterus aperitur, illicò in vulvam immissâ manu corpus illud à vituli buccâ avellat, antequam caput ejus extra vulvam apparuerit; aliter enim, liberâ

berâ aeris inspiratione acquisitâ, non ita facile hominum in manus pervenit.

Hæc autem caruncula humoris in uteri membranis contenti transmissioni inservit, qui fœtum partim nutrit, partim ejus labia, os, œsophagum, ventriculum, laryngem aperta servat.

In recens autem natis corpusculum illud non reperitur infantibus, quod bruta ista cum dentibus, illi autem sine iis prodeant, ejusque loco extra maxillas prominentem habeant linguam (uti fol. 342. & 347. diximus) unde quodammodo etiam clausa manent horum ora neque lingua, nondum natis dentibus, læditur.

Quæret autem quisquam, quomodo fœtus deglutiat, cum experientia, compresso naso, plenoque ore, nos difficulter admodum, aut omnino non deglutire, nec commode respirare posse doceat.

Verum hæc embryonum, adulatorumque (quantum ad necessitatem respirationis in deglutitione attinet) inter se minus recte instituitur comparatio. Sentitur quidem eo casu difficultas quædam in deglutiendo, quia aeri ad pulmones transitus occluditur, id autem non fit, quod respiratio ad deglutitionem sit necessaria, verum quod deglutitio in adultis sine respiratione fieri nequeat, qua tamen fœtus in utero neutiquam indiget.

Quod R. Graeffius de mulier. organ. generat. inf.

ins. fol. mihi 289. de cane, quæ una vice quinque peperit cåtulos, quorum maximus capite carebat, & ore, nullo earum partium apparente indicio, quique non diu post abruptum umbilicum moriebatur, ventriculo vacuo, atque excrementis in intestinis paucis admodum repertis, nec non quod alii de infantibus, aliisve animalibus clauso ore, vel prorsus absque eo natis tradunt, nostram non evertit de nutritione foetus, tam per os, quam per umbilicum opinionem. Adducit enim *D. Graeffius* exemplum illud, quo foetum non tantum per os, sed & umbilicum nutriri probet, uti etiam memorato à *D. Chatton* casu patet, deficiente umbilico, foetum per os nutrimentum admittere.

Quando itaque foetus clauso ore, vel etiam sine lingua, & inferiore nascitur maxilla, quale non ita pridem hic Hagæ, in recens nata ove exemplum vidi, cui transitus per os ad œsophagum prorsus erat occlusus, ut nihil omnino per illud versus inferiora admittere potuerit, aliud quidpiam plerumque adest, quod oris suppleat vicem, ut ita nutrimentum in ventriculum descendat, quemadmodum ipsemet in illa observavi ove; habebat namque aperturam subtus in collo, cujus extremitates, sive fimbriæ satis latæ, carnosæque tenui quadam, uti labia nostra, obducta erant membranâ.

Quamvis autem casu quodam superne nihil per os admittatur, foetus tamen, urgente necessi-

352 OBSERVAT. RARIORUM
cessitate, nutrimentum per umbilicum accipere, ac contra etiam (uti exemplo *D. Chatton* clarum est) absque umbilico ad tempus per os alipoteft.

Atque ita quidem Lectori etiam per os nutriri foetum constare crediderim.

Restat, ut, quomodo idem per os respiret, exponam.

Hanc autem ut Hypothesin explicem revocanda sunt, quas modo adduxi, rationes. Ubicunque enim notabilis quædam existit cavitas, cujus interna latera sunt mollia, necessario causa quædam existit materialis, quæ eandem conservet; dilatante enim causa sublatâ, coalescerent latera. Certum autem est in pulmonibus foetus cellulas quædam, sive vesiculas, quæ causam habent conservantem, reperiri; hæc autem non est aer, cujus ibidem non ita sufficiens adest quantitas quam quidem in jam natis, & libere respirantibus: Quapropter causa conservans humor, cui foetus intra amnion innatât, dicatur, necesse est.

Ita pisces aquam immittere, & expirare animadvertimus, sine qua operatione vivere nequeunt. Quid ni ergo simili fere modo, quo postea aer, humor intra amnion aliquatenus sanguinem refrigeret?

Quando igitur humor ille os ingreditur, portio tenuior, & forsan vapor tantum, per conniventem epiglottida versus inferiora, & hinc per la-

laryngem, asperamque arteriam ad pulmones descendit, ut ita quodammodo expandantur, dilatenturque.

Quin etiam duplex est respiratio visibilis altera, qua simul pectus movetur, quæque idcirco multum requirit aeris, minus visibilis altera, cui aër intra os, & fauces existens sufficit, qui ultimus respirationis modus minus à musculis pectoralibus dependet; hoc autem modo foetum in utero respirare statuimus. Hinc *Scherbius* apud *Hofmannum* 6. de us. part. cap. 7. optime quosdam esse, qui sine respiratione, id est, visibili pectoris motu, non tamen absque ipsius respirationis usu, vivant, dixit.

Post partum autem externus aër attractus perfectiore modo cellulas, sive vesiculas pulmonales distendit, quam humor ille, qui eas tantum apertas conservat.

Hinc fit, ut Judices rationem à medicis petant, an mater foetum interfecerit, an vero mortuus ille prodierit? Si enim ille intra uterum obierit, fundum aquæ petent pulmones, quia bronchia, ac pulmonum cellulæ aquâ repletæ pulmones reddunt graviores, ita ut supernatare nequeant, verum si vel per momentum tantum respiraverit foetus, posteaque à matre interficiatur, pulmones neutiquam fundum petent, sed semper supernatabunt, quia aër, qui cellulas dilatat, ita ex iis expelli nequit, quin semper non nihil remaneat, unde pulmones leviores redduntur

354 OBSERVAT. RARIORUM,
ita ut ab aqua deprimi nequeant; nec, quicquid
tandem feceris, aër omnis ex arteriæ asperæ ra-
mis, lobisve pulmonum expelletur, illosve tam
arctos, ut quidem ante, reddi permittet.

Porro si foetus in utero non respirat, quem,
quæso, in finem efformati sunt diaphragmatis, om-
nesque respirationi inservientes nervi? Quid ni
foetus hos æque (quamvis non ita ut post partum)
ac alios moveret musculos? Nonne horum ner-
vorum tubuli, si absque ullâ functione tam diu
quiescerent, nunquam referandi obstruerentur?

Fœtum in utero respirare (quamvis non intro-
mittatur externus aër) etiam statuere licet, quod,
quando salvis nascitur membranis, neutiquam
externum inspirare queat aerem, quamprimum
vero membranæ tolluntur, illico respiret, certo
indicio ipsum intra uterum respirasse, siquidem
nemo alias concipere posset, quomodo foetus
ablatis, apertisque integumentis, tam cito respi-
raret, & quomodo nervi respiratorii huc usque
otiosi tam repente officio fungerentur.

Celeberrimus *R. Boyle*, siquidem, ait, ex-
perimentis nostris constet liquores fere omnes
corpusculis quibusdam præditos esse aëreis, velut
abunde ipsâ demonstratur aquâ, non videtur
à ratione alienum statuere, foetum, cum incre-
mentum sumit, (præsertim quando suprema
pars membranæ amnii, quâ cingitur, humore
vacua, & vaporosâ substantiâ repleta est) ali-
quatenus respirare.

Aëris etiam nonnihil aquæ admisceri, quo pisces in aqua respirent, non ita, pridem per antliam observavi pneumaticam, hac enim sensim aër è vitrea, cujus dimidia pars aquâ repleta erat, educabatur phialâ, ac in eâ piscis natabat, factumque est, ut magis, magisque ille ad superficiem ascenderit, donec tandem exhausto aëre in latus desideret haud dubie moriturus, nisi parum aëris admissum fuisset, quo mox ad se rediens natavit.

Fœtum extra uterum membranis inclusum sine externa respiratione per horas aliquot vivere posse, (siquidem necessaria etiamnum adsint aliquamdiu) quod narrare aggredior, probat exemplum. Erat scilicet in obsidione Bergarum ad Zomam militis quædam uxor, quæ ultimo gestationis mense aquam quærens ita ferro è civitate ejecto lædebatur, ut media corporis pars huc illuc dispergeretur, nec non uterus cum membranis extra propugnaculum delaberetur in aquam. Paulo post contigit, ut miles quidam circa illum locum excubias agens in aqua quendam animadvertit motum, unde rei novitate allectus hastâ corpus illud (quamvis quid esset, plane ignoraret) ad se attraxit: actum quidem vivum fuisse fœtum, qui motionem illam in aqua produxisset, videbat, quem mox ad Tribunum, cui *Cordua* nomen, tulit, qui, mirando casu audito, fœtum membranis continuo solvi jussit, atque ad *Isabellam Claram Eugeniam* Belgii Gubernatricem demisit, quæ eum, utpote mirè na-

356 OBSERVAT. RARIORUM,
tum, baptizari, *Albertumque Ambrosium* vocari, atque optimè educari præcepit.

Sed neque verisimile est, foetum in utero omnino aëre carere posse, credibile autem est eundem tantum è materno nutrimento, quod multas particulas nitro-aëreas continet, nec non vi fermentativa præditum est, accipere aëris, quantum adeo tenellum requirit corpus.

Certum etiam est motum cordis, & sanguinis in foetu intra uterum absque externâ respiratione rite posse procedere, siquidem motus, qui in tenero isto corpore tardior existit, ut continueatur, non videtur tanta aëris propulsione, qui respiratione attrahendus est, nec etiam tali reciprocatione indigere, siquidem humor nutritius intra foetus pulmones jam antea satis attenuatus, particulisque aëreis ditatus est.

Humorum autem motum in foetu propter recens inspirati aëris defectum tardiores esse optime Eruditissimus *D. Boyle libr. de vi aëris elastica* observavit, ubi pag. 252. se compertum esse in aliquot catulis recens è membranis extractis, & antequam respiraverant, dissectis, vix ullum, saltem apparentem cordis motum animadversum fuisse testatur, cum tamen asserat cor cujusdam catuli, qui tunicis, & humoribus, quibus innataverat, liberatus erat, parumque respiraverat (quamvis omne pectus apertum esset) per aliquot horas pulsare non desisse, quod & *Pechlinus de aëris, & alimenti defectu* pag. 98. se comperisse ait.

Sunt,

Sunt, qui dicant foetum, ut in utero respirare probent, nonnunquam ante natalem fuisse lacrymatum, nec non pulsum intra ovum quandoque pipire, qui duo effectus utique absque aëre fieri nequeunt.

Quantum quidem ad primum exemplum attinet, multa ejusmodi adducuntur; verum credibile est deceptos fuisse, qui putarunt se sonum aliquem foetus audivisse: Nihil enim est, nisi murmur aliquod in ventre gravidæ à pressione, vel calcitatione foetus intercessu venti productum. Hujusmodi enim narrationes, exempla que vilibus plerumque mulierculis, rerumque ignaris debentur, quæ vel ista immerito credidere, vel ad fallendos alios, excitandamve ditiorum misericordiam, mentitæ sunt: Audimus enim hujusmodi vagitum pauperculis plerumque perceptum, vel ideo sparsos fuisse rumores, ut nonnihil portendi fingerent, atque aliquod nomen inter vulgus acquirerent.

Apprime itaque olim magnus ille Philosophus *Aristoteles lib. 7. de histor. animal. cap. 10.* foetum non plorare dixit, antequam ex utero prodiret: quamvis fieri possit, ut idem paulo ante nativitatem, non tamen antequam membranæ frangantur, ploret.

Pulli autem intra ovum pipitum non contingere crediderim, quam circa ejusdem in lucem proventum, quando testa parvo pertusa est foramine.

Fœtum in utero respirare, jam olim docuit Hippocrates initio libri de nat. pueri sect. 3. fol. mihi 236. Cum enim mater, ait, aërem frigidum ad se attraxerit, eo genitura fruitur, & paulo post: Cum vero genitura in membrana continetur, spirationem intro & foras habet. Ac denique pag. 238. At sane superioribus etiam partibus, ore nempe, & naribus spiritum trahit, & venter spiritu inflatur, &c. Nec non lib. de principiis, ubi dicit: fœtus respirat tam per os, quam nasum: & rursus alio in loco ita loquitur; modica respiratio embryoni pro modulo sufficiens est; potestque hoc aliquatenus demonstrari ex Gal. l. de Anat. vivorum, cap. de Anat. partic. fœtus; ubi, tertia, inquit, causa est anxietas in inspirando, & expirando aëre, parvaque copia aëris, qui nimis calidus attrahitur; & lib. an Animal sit id, quod in Utero est? cap. 4. Fœtus, ait, respiratio animæ operatio est, respirat enim per os.

Hujus etiam opinionis est: G. Charleton de Oeconomia animali exercitat. de respirat. fol. 166. nec non Fr. Roussetus, H. Mercurialis lib. de hominis generatione cap. 26. Anth. Everhardus, G. Entius Apolog. pro circulatione sanguinis, Nymannus de vita fœtus in utero, ut & Courvaens. Quapropter fœtum, siquidem tam per os, quam umbilicum, nutriatur, respiretque, harum alterutrâ viarum aliquamdiu carere, ac vel per os, vel per umbilicum tantum sustentari posse statuerim. Atque ita quidem ad dubia

D. Chatton, quomodo scil. fœtus in utero matris absque umbilico pro tempore nutriri, & respirare possit, pro viribus respondimus. Restat solvenda illa quæstio, cur umbilicalis funiculi à fœtus abdomine separationem magna sanguinis in membranis uteri profusio, indeque fœtus suffocatio, & mors ipsa non fuerit subsequuta?

Certum est illam funiculi separationem non subito, at sensim fieri, sicut vitulis, disruptis semper vasis umbilicalibus, uti pag. 342. diximus ex utero materno prodeuntibus accidere videmus.

Sed quid de duobus istis foraminulis, è quibus urinam, cujus memini, infans egerebat?

Quamvis autem hujus rei veritatem, quia post mortem non fuit apertus infans, scire nequeamus, dicam tamen, quid de hisce aperturis sentiam.

Verosimile est utrumque ureterem infra in ventre in duas illas papillulas, sive aquæductus se insinuasse. Quod eò magis crediderim, quia casum huic non dissimilem mihi duodecimo die Junii anni 1686. cum solertissimo nostro Anatômico *D. Anthon. Nuck*, videre contigit. Infantis enim septem dies nati cadaverculum cum examinarem, conspicuum in ejus hypogastrio fuit rotundum, rubens, & paululum prominens quoddam corpus, tactu molliusculum, magnitudine pilæ palmariæ per medium discissæ, quod undiquaque firmiter abdominis cuti annexum erat. Loco naturali umbilicus deficiebat, sed ejus defectum supplevere vasa umbilicalia ad basin

360 OBSERVAT. RARIORUM,
dicti tumoris, parte tamen supernâ, inserta, ubi
portio funis, modo vulgari deligati etiamnum
conspiciebatur. Tumoris parti inferiori, qua
genitalia respiciebat, duo foraminula digiti lati-
tudine à semet distantia, & stylum mediocris
crassitie admittentia apparebant, per quæ urina
continuè, sensimque emanabat, paululum au-
tem infra hæc loco penis, glans tantum visa est,
& quidem bifida, atque inversa absque ductu
urinario. Aperto dein abdomine repertus est
uterque ureter, qui pro corpusculi modulo na-
turali duplo, triplove crassior inferiori corporis
prominentis terminabatur parte. Eminens ille
rubicundus tumor nil aliud erat, quam infantis
vesica urinaria omnino plana, collapsa, in se in-
vicem compressa, & nullo modo concava, quæ
ne guttulam quidem liquoris continebat, quo-
niam per duo illa foramina urina continue stilla-
bat extra corpus, quemadmodum in bene con-
stitutis per ureteres in vesicam stillare solet. In
prominenti glande ne quidem urethræ vestigium
apparebat, quamvis ad ejus basin, qua penis ve-
sicam tangere solet, corpusculum glandulosum
apparebat duriusculum, in quod vasa deferentia
terminari vidimus, sine ulla vesicularum semina-
lium indicio. Quoniam autem umbilicus locum
mutaverat, arteriæ umbilicales breviores, vena
vero longior naturali apparebant: Scrotum bene
formatum, duobusque testiculis donatum con-
speximus. Hisce visis, certior de ductuum uri-

CENT. POST. PARS PR. OBS. XXXII. 361
narium infantis, de quo observavi, constitutione, excernendique lotii modo mihi factus videbar.

Rarissimum exemplum, nec nostro (quantum ad mingendi modum) dissimile habet *Nath. Higmorus lib. 1. Disquisit. Anatom. part. 4. cap. 7. pag. mihi 114.* ubi hæcce memorat.

„ In puero, inquit, Oxoniensi (qui me hæc
„ scribente, ætatem habebat novem, vel decem
„ annorum) ab ipsa nativitate usque nullæ
„ observabantur partes, quibus sexus aliquis
„ posset dignosci; sed observabatur in eo foramen
„ aliquod, per quod urina excernebatur,
„ cæterum omnia erant plana, & solida ad ipsum
„ anum usque, parumper tamen infra umbilicum
„ (qui alias bene, & in totum erat occlusus)
„ aperiebatur cutis, latitudine duorum digitorum
„ transversorum, & erat simul rubra, &
„ scabra, per quam urina destillando colabatur:
„ infima pars ventris (scilicet circa locum vesicæ)
„ ipsi valde erat tumida, cogeaturque sæpius
„ ventrem pronus contra prominentes lapides,
„ colliculosve quo vesica exoneraretur, comprimere.

Ipse autem *Higmore* infantis urinam infra umbilicum occlusum sudoris in modum provenisse crediderim, quod ejus vasa umbilicalia post nativitatem colligata fuerint, unde puer ille urinam, quam per urethræ communem viam exonerare non potuit, per aliam quandam præter-

362 OBSERVAT. RARIORUM,
naturalem infra umbilicum, quo dixi, modo
gessit.

Simili plane modo in nostro infante (qui umbilico omnino carebat, cujusque urinæ, propter occlusam urethram, nullus patebat transitus) duo isti canales, per quos urina excerneretur, efformati sunt.

Neque multum differt, quod die 15. August. an. 1683. hic Hagæ in puero quodam vidi, quamvis funiculus umbilicalis prodeuntis foetus ventri, utut solito inferius, annexus foret, ac quemadmodum in primo, sic etiam in ultimo hoc infante glans tantum penis, sed denudata, atque imperforata, non tamen inversa conspiciebatur. Huic autem præputio inverso pseudo-frenulum erat adnatum, sed nec duas speciales ad urinæ excretionem uti in priore infante, ductus in lata illa, scabra, cuteque denudata macula, sed urinam guttatim, transudationisque in modum provenientem, animadvertimus. Per tres autem hebdomadas hic infans vixit.

Infantis hujus partium deformatarum delineationem exhibet tabula septima, denotatque A. primæ figuræ locum separati, nondumque occlusi umbilici. Secundæ figuræ B. spongiosam carnem, sive maculam. C. glandem penis. D. verum, & naturale frenulum. E. inversum præputium. F. pseudo-frenulum. Tertia figura occlusi penis latus monstrat. Quartæ figuræ. A. spongiosam carnem. B. pelvim, per quam urina guttatim

fig. 1.




fig. 2.



fig. 3.



fig. 4.





CENT. POST. PARS PR. OBS. XXXII. 363
tatim defluebat; C. C. fimbriam pelvis. D. in-
versam penis glandem ostendunt.

Refert *Thom. Bartholinus hist: anat: rarior: cent. 1. hist. 65. fol. 103.* dum in Latio moraretur, se vidisse Italum annor. tum 40. robusto, & satis sano corpore, qui ab ineunte ætate sine podicis, penisque nota vixerat, quum nec pro mare, nec fœmina â parentibus ob virilis membri defectum haberetur, pro fœmina sacro baptismatis lavacro immerfus *Anna* nomen obtinuit, retinuitque per reliquæ vitæ decursum.


Vigesimo quarto demum ætatis anno longior barba genas investiens inter viros eum asseruit. Hic autem quoniam anum imperviam haberet, fæces (uti *Schol. ad observ. 56. centur. 1. fol. 240.* retulimus) certis periodis per cornu ori imposito evomit, quarum fæditatem, saporisque molestiam grato potu, aquave diluit, quam in hunc usum perpetuo secum circumferebat, lotium vero è pila quadam fungosa circa locum umbilici absentisenatâ, velut per spongiam, stillans reddit, & pro lubitu, velut lac è papillis, cætera sanus, nec fœminas averfatus expressit.

OBSERVATIO XXXIII.

*Infans cum Exomphalo, five minus vera
umbilici hernia, natus.*

DE magno quodam Exomphalo, five Umbilici prominentia, quam perperam nonnulli umbilicalem dicunt herniam, mulieri cuidam à magno in ipso partu nifu orta, *p. 223. obs. 53. Tom. 1. egi.* Hic autem ejusmodi vitii infantis intra uterum matris orti, natoque adhærentis exemplum dabo. Uxor illa erat Sartoris cujusdam Hagienfis, ad quam, cum 7. Decembr. anno 1682. pareret, me, *Corneliumque Solingium* accersiri curavit obstetrix *Elisabetha Cavalliers.* Fœtum exomphalo laborantem invenimus, qui superne ita pellucidus erat, ut gyri intestini illi commode conspicerentur. Cum vero infans tertio à nativitate die propter exomphali gangrænam, quam initio prædixeramus, obiisset, uti nobis cadaver postridie aperire liceret, petiimus; quod coram Medico *Sam. Cabeljavio*, nec non





tab.

CENT. POST. PAR. SP. OBS. XXXIII. 365
non obstetrice factum est. Reperimus
autem supremam exomphali membra-
nam nihil aliud fuisse, quam umbilicalis
funiculi dilatationem quandam, qua aper-
ta, illico in conspectum venit perito-
næum, sub quo tenuia intestina sita erant,
quæ tam firmiter peritonæo videbantur
unita, ut absque læsione separari non
possent. Ulterius inquirendo infantis
ilium spithamæ longitudine supra inte-
stinum cæcum propulsum, dilatatum-
que, ac triplo crassius, magisque cavum,
quam quidem aliis in locis, observavi-
mus. Sæpius interrogata, anne gesta-
tionis tempore lapsa, vel ad durius quod-
dam corpus allisa fuisset, negavit puer-
pera; tandem autem se circa medium
gestationis tempus diutius stantem mul-
tas penulas super mensam leviter, non
tantum late extensis brachiis, sed &
contra mensam, ut illas tanto melius
explicaret, compresso ventre, consuis-
se confessa est. Verisimile itaque est vi-
tium illud infanti continua illa materni
ventris pressione ortum fuisse. Tabulæ
autem octavæ litera A prominentiam
umbilici, B. funiculum, C. dilatatio-
nem,

366 OBSERVAT. RARIORUM,
nem, siue expansionem umbilici, cutis
que infantis monstrat.

IN OBSERVATIONEM XXXIII.

NON per clamores tantum, vomitus, tusses,
saltationes, lapsus, fortiores flatus, au-
curruum motitationes, internasve musculorum
abdominis difficili in partu pressiones, duriorum-
que fæcum expressionem, sed & per externam
ventris contra duriores quandam materiam pres-
sionem peritonæi fieri posse dilatationem certum
est. Id enim circa umbilicum tenuissimum est,
ita ut per ejus expansionem intestina versus effor-
matam inclinent cavitatem, sicque ex omphalo
producant. Credibile itaque est illius infantis
ortu fuisse vitium, quod Mater toties, ac
tam diu ventrem arctius mensæ admoverit; unde
non pressio tantum partium internarum ad invi-
cem facta, sed dolor, angorque corpori ejus
excitatus fuit, cujus molestiæ haud dubie fœtus
etiam particeps fuit, siquidem, quæ gravidis ac-
cidunt à causis externis, etiam fœtibus (præser-
tim quando crebriores iis de rebus matrum sunt
cogitationes) ut plurimum obveniant symp-
tomata, quod & secuturis observationibus evi-
dentiùs constabit. Atque ideo quidem evenire
potest, ut per brachiorum expansionem, ven-
trisque materni pressionem fœtus peritonæum
non tantum cum funiculo umbilicali fuerit dila-

tatur

CENT. POST. PARS PR. OBS. XXXIII. 367
tatum, sed & intestina eidem firmiter annexa coa-
luerint.

Memorat celeberrimus *Medicus Stephanus Blanckardus lib. de morb. pueror. obs. 9. fol. 188.* de mirando quodam, & insolito pueri cujusdam Heuckelomii anno 1682. nati ex omphalo, è cujus umbilico propendebat funiculus, qui longitudinem ulnæ quadrantis cum semisse, digiti que minoris æquabat crassitiem, in cujus extremitate globulus quidam rotundus, qui duplicis pugni magnitudinem excedens tenui obductus erat membrana, per quam motus intestinorum peristalticus optime animadverti poterat. Idem *obs. 11. ejusdem lib. 1. fol. 291.* meminit infantis, qui intestinis extra abdomen propendentibus, natus erat, quia Mater quodam ante partum tempore per plateam obambulans felem viderat, cujus corpus curru quodam ita erat protritum, ut extra abdomen propenderent intestina.

Non dissimile mulieris exemplum quondam intellexi, quæ infantem peperit, cujus intestina extra ventrem sita erant, quia gestationis tempore visum, & cogitationes in mactatam conjecerat suam, extra cujus ventrem intestina profluxerant.


OBSERVATIO XXXIV.

Fœtus diffractis in Utero lumbis editus.

QUanta inter Matrem, & fœtum existat sympathia, præcedens docet observatio. Nunc exemplum proferam, quod mihi 12. Octobris an. 1682. occurrit, cum D. Corn. Solingius, me, aliisque præsentibus Medicis, cadaver infantis aperiret, cui lumbi in utero matris disrupti fuerant, qui nihilominus novem natalibus dies superfuerat. Hujus mater circa medium gestationis tempus cum situlâ aqua plenâ per gradus descendens tergum forte in tabulationis cujusdam extremitatem impegit, ita ut fœtus in utero læsus cum plano quodam, fusco, & obscure cæruleo, magnitudine nummi, quem Philippicum dicunt, tumore prodierit; quo post obitum aperto *exostosis* quædam magnitudine castaneæ posterius in spinæ dorsi vertebriis, quæ & ipsa sub *exostosi* diffracta, solutaque, ac mobilis erat, conspecta fuit; unde contigit, ut infans inferiores corporis partes infra

ver-









vertebras illas fitas nunquam movere potuerit: spiritibus enim per nervos medullæ spinalis eo loci nullus plane versus inferiora patebat transitus. Hujus infantis etiam pedes, quibus præternaturali modo circumvolutis, aliter plane, quam alii in utero locantur, prodierat, notabiliter tortos, versusque interiora inversos reperimus.

Præterea in tenello hoc infante procidentiam quandam vaginæ uteri, magnitudine nucis moschatæ, observavimus.

Anus ipsa etiam præter morem ossi sacro proxima erat.

Ipsius autem infantis delinationem, tam à parte anteriore, quam posteriore hic loci exhibere non inconsultum duxi. Denotat ergo A. nonæ tabulæ prominentem dorfi spinam: B. aperturam gangrænâ fere emortuam. Decimæ tabulæ A. pudendum: B. vaginæ procidentiam: C. C. paralyticos, & immobiles ostendunt pedes.

Similis fere infantis mentionem facit *Justus Schraderus dec. 2. obs. 2. fol. 204.* qui divisâ dorfi spinâ natus erat, quæ deformatio (ut ita loquar) orta erat, quod

370 OBSERVAT. RARIORUM,
mater gestationis tempore è scalis, lum-
bis graviter læsis, decidisset, unde in in-
fantis dorso sub cute aquosus quidam ad
vertebrarum lumbarium initium postea
apparuit tumor: Hoc etiam casu supe-
riora membra mobilia, femora vero, &
pedes immobilia mirari licebat. Tumo-
re aperto, abscessus quidam crassâ mem-
branâ obductus apparuit, quo serosa
continebatur materia. Infima etiam spinæ
dorsi pars cute, & carne denudata divi-
sæque, ac medullâ spinali carens conspe-
cta est, quamvis ab utroque ejusdem la-
tere hic illic ordinata quadam serie non-
nulla nervorum è medulla spinali prove-
nientium aspicerentur principia, quorum
unus ramus ad alterutrum tendebat fe-
mur.

De simili exemplo *Nic. Tulpius lib. 3.
cap. 30. fol. mihi 242. agit.*

IN OBSERVATIONEM XXXIV.

Obscura admodum est, monstrosorum fœ-
tuum causa. Hinc Theologorum nonnul-
li eandem immediate voluntati attribuunt divi-
næ; alii malitiæ ipsius Sathanæ, nec non Mago-
rum,

rum, & veneficorum incantationibus assignant. Multa autem docti hujus rei varias naturales adduxere causas, quarum maxime vulgaris, & vero simillima est firma quorundam objectorum maternæ menti facta impressio.

Quo autem modo hujusmodi imaginationis maternæ operatio in fœtus transeat non ita promptum est dicere.

Th. Fienus lib. de viribus imaginationis quest. 14. fol. mihi 236. quæstionem hanc exponere arduum dixit; cum ejusmodi res humanum superare videantur captum, quamquam ipse suam promere non vereatur opinionem.

Tradit quippe phantasiam per se, & immediate non immutare fœtum: id est, phantasiam simplici imaginationis actu illum non alterare, vel immutare, sed notas peculiare, & imaginatas in fœtu producere dirigendo potentiam conformatricem, & ad sic conformandum determinando, quod absque præviis animi passionibus, humorumque, & spirituum matris motu fieri negat; Directionem autem hanc per communicationem specierum fieri credit, quas à phantasia præconceptas, spiritibusque, & sanguini matris impressas, ac ad uterum delatas per communionem, & continuitatem etiam sanguini, spiritibusque fœtus imprimi autumat.

Tribuit Celeberrimus *Cartesius* effectum hunc forti spirituum radiationi *Tractatu de homine.* Quod & ejus statuunt sectatores, quos inter est

Ludov. de la Forge tract. de mente humana, & notis ad Cartesii tract. de homine pag. 128. Nec non scriptor Gallicus libri, cui Veritatis indagatio nomen, lib. 2. fol. 162. &c.

Neque profecto melius maternæ impressiones, quam per spirituum radiationes concipi possunt: Illa enim Idearum vestigia, quas efformat phantasia, non tantum in cerebro permanent, sed & juxta arteriarum ductum ad cor pergunt, radiosque spirituum in ipsum transmittunt sanguinem, ita ut nullæ excipi queant spirituum particulæ, quæ non aliquam inde adipiscantur alterationem. Quin etiam imaginationis vis ad humores venis, & arteriis contentos, qui spirituum motibus semper auscultant, transit. Motus autem Matris necessariam cum fœtu habent communionem; fœtus enim genitrixque unum fere, idemque constituunt corpus, nutrimentumque utriusque, & spiritus reciprocè sunt communes. Vasa quippe uterina imprægnationis tempore ostiola quædam placentæ inserunt, sicque communionem quandam cum fœtus vasis habent.

Ut autem res ipsa comparatione quadam distinctius percipiatur; nonne indies in nobismet, quando terrore afficimur, spirituum è cerebro per universum corpus, imò ad extrema usque membra, extremosque digitos radiationem fieri animadvertimus? Nonne hinc *Hippocratis* confirmatur sententia totum nostrum corpus *σύνπρουν τὲ, καὶ ὀρρουν* dicentis? Certum est

radiationes spirituum secundum imaginem eorum, quæ intellectus primo percepit, per universum abripere corpus.

Non aliter etiam articulatum sonum totam aëris molem, muros, tecta que transire observamus; quidni ergo facilius radiationes spirituum, ipsis imaginibus, impressionibusque conservatis, per poros tenuis nostri corporis viam inveniant? Monstrat præterea usus ejusmodi spirituum radiationes mulieribus magis, quam viris contingere, quod illarum plerumque corpora porosiora, penetrabiliora que sint, quapropter fieri facile potest, ut hujusmodi radiationes etiam cum conservatione eorum, quæ Mater menti proposuit, cerebroque impressit, ad foetum utero conclusum transeant.

Kircherus art. magn. luc. & umbr. lib. 10. pag. 2. cap. 2. fol. 806. pictrix phantasia, inquit, est in nævis produendis, penicillus est spiritus corporeus; colores species ex phantasia radiantes: tela, corpus infantis tenerum: prototypon corporis infantilis corpus maternum, cujus partes cum partibus infantis singularem habent consensum.

OBSERVATIO XXXV.

*Squammeus, ac veluti Phocæ pelle
contectus puer.*

QUanta sit imaginationis in corpora nostra, humorisque, præsertim gravidarum, potestas, quotidie abunde liquet, ita ut verissime jam olim multi, *Imaginationem in humores imperium habere, dixerint.*

De passionis hujus vi *Scholio ad observat. 72. tom. I. fol. 311. & seqq.* nec non proximis duabus observationibus nonnulla adduximus. Hoc autem, quod memoraturus sum, minime silentio mihi prætereundum fuit.

Anno itaque 1683. mense Majo Hagæ puer quidam decem circiter annorum conspiciendus exhibebatur nomine *Bernardus, Bisegliæ*, quod est regni Neapolitani ad Hadriæ littora oppidum, natus, cujus Patri *Petro Anthonio Consiglio* nomen erat, Mater *Elizabetha Nastasia* vocabatur.

Pueri illius manus, pedesque toti
quan-

CENT. POST. PARS PR. OBS. XXXV. 375
quanti squammei erant, brachia autem,
& crura, atque adeo totum corpus, ex-
cepto solo capite, veluti phocæ pelle ob-
ducta, contactuque dura erant, & sca-
bra.

Narrabat matertera, cujus curæ ipse
creditus erat, ortam fuisse istam cutis
deformitatem, quod mater, cum lintea-
minum purgandorum causâ littus pete-
ret, in flumine vicino varios squamma-
tos, & testaceos vidisset pisces, quorum
imaginem tam firmiter cerebro impres-
sisset, ut non ita diu post à marito im-
prægnata, pisciumque perpetuo memor
foetum pepererit, instar piscis squammo-
sum, facie tamen, colloque decorum,
reliquo autem corpore prorsus nigrican-
tem, & obscuro quodam, scabroque
obductum musco, quapropter idem nu-
dus non tantopere frigore, quam quidem
alii, infestabatur.

Puer ille ingenio, quantum ætas fere-
bat, subtili, & acri, ac quod mirere,
piscium avidus admodum erat, adeo ut
post crebriorem carnis esum male se ha-
beret. Ipse etiam cum aliis Medicis ex
ejus corpore prodeuntem animadverti,

376 OBSERVAT. RARIORUM,
qualem pisces diffundunt, odorem, quem
quivis admoto propius naso percipere
poterat.

Delapsis veteribus novæ succedebant
illico squamæ, quibus avulsis mox ef-
fluebat sanguis.

Operæ pretium credidi ipsius pueri
delineationem adjicere. Undecima ita-
que Tabula totum ejus corpus, Duode-
cimæ autem figura prima manum, secun-
da pedis inferiorem, Tertia superiorem
cernere dat partem.

IN OBSERVATIONEM XXXV.

Multi impressionum quarundam, signo-
rumque piscium forti matrum imagina-
tione in fœtuum corporibus productorum exem-
pla memorant,

*Gaffarellus rer. inaudit. part. 2. cap. 5. v. 12.
pag. 107. de sorore sua narrat, cujus pedi piscis
adeo accurata inhærebat figura, ut vel excellen-
tissimi videretur pictoris opus. Mater gestatio-
nis tempore piscium avida admodum fuerat, nec
filia pisces comedebat, quin isto pedis loco acu-
tum sentiret dolorem.*

*P. Borellus Histor. & observat. rarior. med.
physic. centur. 3. obs. 49. fol. 235. figuram quan-*





the
to


fig. 1



fig. 2



fig. 3



CE
dam
dam
A
4-fa
mia
tion
rit,
S
rum
scrib
& m
jusd
scrib
chiu
not
& d
piu
reb
tion
cor
ut i
tem
um
tam
Lu
da
cap
ma
Id

am solæ marinæ cum squammis in viri cujus-
dam tempore sinistro se vidisse refert.

Phil. Jac. Sachsus Gammar. lib. 2. sect. 1. cap.
fol. 596. de gravida muliere scribit, quæ post ni-
miam cancri ingentis in rivo quodam contempla-
tionem, ejusque potiundi desiderium, filiam pepe-
rit, cui pedes chelarum in modum formati fuerint.

Schenckius etiam lib. 5. obs. homini loco digito-
rum chelas, quales sunt cancris, prognatas fuisse
scribit. *Lucas Tozzi Medic. cap. de monstrosis,*
et maculosis fœtibus fol. 47. exemplum pueri cu-
jusdam Neapolitani habet, qui, cum ipse hæc
scriberet, annum agebat decimum, cujus bra-
chium sinistrum multis aviditatum maternarum
dentis signatum erat, quæ ostreis, spondylisque,
et dactylis valde erant similia, cujusque metacar-
pum corpus cancri marini, digitique chelas refe-
rebat, quod piscium genus Mater sexto gesta-
tionis mense venale viderat, cujusque cupidine
arrepta sinistrum brachium, manumque sæpius,
et ipsa retulit, tetigerat. Idem etiam, quo anni
tempore pisces illi pinguescebant, manum, brachi-
umque puellæ intumuisse, febremque inde or-
tum fuisse tradit.

Thom. Bartholinus cent. 2. hist. 44. fol. 218.
Lutetiae Parisiorum anno 1645. mulierem quan-
tum sexto gestationis mense marem enixam fuisse
capite ferè piscis carpionis, quamquam lingua
major, & reliqua in facie plana essent, scribit.
Idem centur. 1. hist. 10. fol. 21. (quamquam hoc

378 OBSERVAT. RARIORUM,
vix sit admittendum) *Joh. Naborowsky* nobilem
Polonum, amicumque familiarem *Basilæ* retu-
lisse ait se in Patria duos vidisse pisces absque
squammis à muliere quadam editos, qui, quam-
primum ex utero prodiissent, in aqua, piscium
more natarint.

Gattinaria comm. ad cap. de mola matricis
Almanzor se *Ticinensem* vidisse mulierem te-
statur, quæ magnum frustum carneum cum
aliis minoribus, nec non animali, *Tincam* piscem
referente, pepererat, cujus dorsum obscure
viride, venter autem rubicundus, cutis vero
adeo crassa erat, ut gladio vix discindi posset.
Illud autem cum attingeretur, instar *Echini*
fese contrahebat. Simile quid describit *P. Sal-*
muth. cent. 3. obs. 98.

Miscellan. curios. German. decur. 1. an. 2.
fol. 226. sub *Theodosio Juniore* mulierem quan-
dam animal instar piscis enixam fuisse memo-
rant.

Fort. Licetus de monstis cap. 86. fol. 250.
In littus *Africanum* cadaver quoddam ejectum
à *Lusitanis* repertum fuisse ait, quod homini
simillimum squammis undique fuerit con-
tectum.

De muliere quâdam, cujus corpus minime
morbosum sponte acutis quibusdam obductum
fuerit squammis, legatur *Dom: Panarolus*
pentec. 4. obs. 9. fol. 146.

Sunt, qui illam imaginationis maternæ in fec-
tum

tum potestatem gestationis tempore non tantum in hominibus, sed & in brutis quibusdam animadverti statuunt, quorum etiam fetus forti imaginatione rerum, visui, five ipso in coitu, five brevi post oblatarum mire variant cute diverso colore tinctâ, qua de re *Schol. obs. 50.*, quæ est de Basilico, latius agemus.

OBSERVATIO XXXVI.

Nævi Uterini.

VARIA quidem, & multiplicia sunt humanæ cutis vitia, inter quæ præcipua quidem sunt nævi in utero contracti, quorum nuper in Medici cujusdam filiola hic Hagæ exemplum vidi, cujus corpus prominentibus, latisque maculis, colore ficuum maturarum, cum prodiret, hic illic erat obsessum, quas, quia continue accrescebant, ipse, nec non Pater, & *D. Corn. Solingius* penitus per lixiviosa alcalia absque ullo acido auferre statuimus: hæc autem molesta admodum nobis fuit curatio, siquidem cutis propter mali pertinaciam tardius carnosæ accessit parti.

IN OBSERVATIONEM XXXVI.

Nævi, de quibus pauca admodum huc usque tradita sunt, plani, vel prominentes, vellæves, scabrique, aut pilosi, minores, majoresque, vel latæ, vel angustæ sunt baseos. Diversi etiam sunt coloris, figuræque, de quibus *Cornel. Gemma*, *Weinrichius*, *Licetus*, *Lycosthenes*, *Gesnerus*, *Lemnius*, *Kircherus arte mag. luc. & umbra lib. 10. cap. 2. part. 2. fol. 805.* alique plura.

Notandum autem est nævos, in quibus pili crescunt, sensim quidem cum hominibus accrescere, sed nulla malignitate in pueris ante maturam proserpere ætatem, cum longe aliter in malignis, quibus nulli pili, colorque obscurus est, quique idcirco subitanæam requirunt curationem, se res habeat.

P. Borellus hist. & obs. rar. med. phys. obs. 49. fol. mihi 235. mentionem facit figuræ uvæ in gena viri, nec non maculæ tulipam, ut & caryophillum florem in femore referentis.

E Tullis qui fuerunt Arpini potissimum *Cicerones* sunt appellati, quod auctor illorum nescio quid in naso, quod *ciceris* formam referret, habuisse dicatur, ut *Plutarchus* scribit, quamquam *Plinius* ita dictos putat, quod genus hoc leguminis optime sererent.

Gaspar. à Reyes Franco Elys. jucundiss. quest.

cam-

campo, quæst. 50. §. 36. figuræ rosæ meminit.

De macula rapam referente vide *N. Tulpium lib. 3. obs. med. cap. 30.* De quadam malo simili *Phil. I. Sachsins miscell. med. phys. Germ. an. 2. obs. 61. agit.*

De alia, quæ pruno Damasceno non dissimilis erat, vide *H. Fabrit. Hildanum centur. 5. obs. 46.* ut & *Helwigy obs. 35. fol. 126.* qui mentionem facit nævi cujusdam in ventre murem referentis, qualis etiam meminit *G. H. Velschius miscell. med. phys. Germ. decur. 1. an. 3. obs. 38,* & *G. Segerus eodem lib. obs. 198.* nec non *Joh. Val. Willius volum. 3. act. med. Hafniens. obs. 83. fol. 152.* ut & *Thom. Fienus quæst. 13. lib. de viribus imaginationis,* qui de gliris quoque figura memorat.

Hæ, similesque à forti quadam imaginatione Matris circa quoddam objectum, quod ipsis magnopere appetitum denegatur, vel etiam ab inopinato rei cujusdam, quæ menti postea continue offertur, metu oriuntur. De hac autem imaginationis vi jam actum fuit.

Non videbit forte quivis, qui fiat, ut nævi, qui in corporibus recens natorum apparent, sive cerasum, sive morum, fragumve referant, colore, quo maturi fructus, quos mater desideraverat, eodem tempore imbuantur.

Hujus rei exemplum celeberr. vir *Joh. Helwigius obs. 35. fol. mihi 125.* de semet ipso adducit: „ Ego, inquit, ab infantia huc usque in ca- „ pil-

„ pillitii parte sinistra, nævos, sive notas gerō
 „ trium fragorum, quæ quotannis mense Mar-
 „ tio, quando fraga florescunt, rubescere
 „ quoque incipiunt, postmodum paulatim
 „ se attollunt usque ad Junium, fragorum
 „ fructus referentes cum leni pruritu. Denique
 „ in granula parva alba degenerantes sponte de-
 „ cidunt, cutis spatio glabro, & sine pilis ma-
 „ nente. Et cum adolescens scabie foeda corri-
 „ perer, cutis capitis insigniter intumescebat,
 „ atque circa illud nævi spatium cutis portio fixa,
 „ & depressa permanebat, cætera cutis cum
 „ effluxu humoris serosi, foetidique divelleba-
 „ tur, usque dum tumor sponte subledisset.
 „ Indenævum hunc à natura per cutem, & ca-
 „ pillitium ossi bregmati alte infixum esse con-
 „ jicio. Ex imaginatione autem ortum habere
 „ è matre ipsamet sæpius audieram, cum gravi-
 „ dæ fragorum, quæ in foro avide spectabat,
 „ commestio negaretur.

Ita etiam *P. Borellus* nigrum se in femore ge-
 stasse morum testatur, quale Matrem quoque in
 brachio habuisse refert, quod mororum tempo-
 re augebatur: ibidem etiam de cerasi nota in viro
 quodam, quæ cerasorum tempore rubescebat,
 memorat.

Dom. Panarolus Pentecost. 1. obs. 12. fol. 7.
 de nævo quodam mali Punici figuram exhibente,
 atque in nate mulieris cujusdam sito refert, qui,
 quando balauſtia, sive flores granatorum prorum-

pebant, rubescebat, sed fructibus maturis, granis aliquot miræ rubedinis livescebat, ita ut per medium dissectus malo illi apprime similis esset: Hyeme vero ita evanescebat, ut nullum ejus restaret vestigium; vere autem adventante, nec non florente Punico malo, denuo rubescebat nævus.

Cur autem nævi isti, mori, cerasi, mali Punici, &c. figuram referentes uno, eodemque veris tempore cum fructibus florescant, non ita facile dictu est.

Ne tamen symbolam non conferamus, statui-
mus eandem hujus rei esse causam, quæ efficit,
ut vina, statò anni tempore, mense videlicet
Majo, florecentibus vitibus, etiam ad fermenta-
tionem invitentur; hoc autem præcipuè re-
centioribus, quæque nondum à fœcibus purgata,
contingit vinis.

Hujusmodi autem operatio juxta quosdam re-
centiores à circumgyratione telluris circa Solem
annuâ dependet, quæ certis mensibus quibusdam
propior fiat stellis, quæ ætherem quandam ad nos
transmittendo efficiant, ut semina, succi-
que nonnulli ad fermentationem concitentur.
Eodem autem modo certum ætherem ad nos
transferri putandum est quando morus, cerasus,
&c. florent, qui nævos, quibus eadem po-
rorum dispositio, quæ fructibus est, eodem anni
tempore florescere facit.

Th. Bartholinus centur. 5. hist. 65. in sexu
fœc-

384 OBSERVAT. RARIORUM
fœminino hosce nævos præcipue locum habere;
nobilemque se Matronam novisse ait, quæ filiam
utero gerens objecto quodam quam facillime
commovebatur, unde ejus imago in fœtum
transibat: filium autem gestanti nihil horum ac-
cidebat.

Modus autem, quo nævi isti tolluntur, diffi-
cilis admodum est. Quamvis enim nonnunquam
penitus sublati videantur, facillime iterum pul-
lulascunt. Interdum & curationis tempore ma-
ligni evadunt: plurima enim reperiuntur exem-
pla eorum, quibus curatio, præcipue in facie,
per corrodentia instituta non adeo felix fuerit:
qua de re legatur *Ammanni parænesis*, nec non
Bartholini acta part. 3. obs. 83. fol. 152. Nonnun-
quam tam profundas, ut monui, radices agunt,
ut maxima requiratur in curatione circumscriptio.
Prominentes autem facilius curantur nævi, quam
plani, quique supremam tantum cutis obsident
partem.

Mulierculæ ad nævos tollendos secundinarum
ut plurimum utuntur sanguine, quo etiamnum
calido eosdem oblinunt sanguine, deinceps men-
struo usuræ.

Sam. Hæffenrefferus lib. 1. de cutis affectibus,
cap. 6. fol. 57. experientia se edoctum nævos se-
cundinarum sanguine oblitos non semel sublato
fuisse refert, *Höefferus* quoque *Hercule Medi-*
co cap. 6. lib. 7. p. 424. illos sæpius secundinis re-
centibus tingendos monet.

Alii quotidie saliva jejunæ Matris istos oblinunt. Plurimi autem abluitionem laudant, quæ fit aq. destillata cariophyllatæ montanæ, quos inter & *Julius Cæsar. Baricellus hortulo geniali* p. 266:

Attenuans haud dubie, consumensque vel resolvens quædam vis in istis latet remediis, unde ad ablationem nævorum, præsertim in recens natis, quorum cutis tenuis valde, & tenera est, multum faciunt.

Quantum autem ad jejuni hominis salivam, certum est eadem nullis commixtâ alimentis sal quoddam volatile contineri, quod subtilitatis, penetrantisque virtutis ratione viam ad duriores, viscosamque, ac obstruentem materiam dissolvendam sibi sternit, ita ut humorum per partem affectam recte procedat circulatio, ideoque illa diutius adhibita, ut ipse confirmat usus, verrucas, callos, glandularum tumores, maculas, &c. sensim aufert.

Sed nequeo non mirari illud *Joh. Baptiste Helmontii, tractatu cui nomen demens Idea, & tumultus pestis* §. 46. remedium; scribit enim nævos, si lenta morte soluti hominis iis tam diu imponatur manus, donec se in intimas illorum frigus penetraverit partes, tolli, quo etiam modo verrucas curari perhibet.

Quæ si non juvant, corrodentia adhibenda sunt, quæ tamen in recens natis, tenerisque infantibus majori usurpantur cum successu, quam

386 OBSERVAT. RARIORUM,
in adultis, quibus frustra plerumque admo-
ventur.

His nec inutilis est aqua illa regia, quam *G. Seegerus misc. med. phys. German. an. 3. obs. 197.* satis feliciter nævo cujusdam Domini, qui muris pellem exhibebat in tempore capitis, applicitam ait; post hujus enim aquæ usum primo capilli, deinde cutis separabantur, & post mundifican-
tium usum parti affectæ nova accedebat cutis, ita ut ille tandem percuratus fuerit.

Valet etiam spiritus salis ammon. applicatio, si pars nævo infecta eodem oblinatur, donec cutis auferatur; ita enim sensim tolluntur maculæ.

Platerus lib. 3. pag. 589. se fuscum à puellæ cujusdam facie nævum cathæretici, sive caustici sine dolore operantis usu abstulisse memorat.

Nonnulli Mercurio sublimato pinguedine mixto utuntur. Alii nævos secundum artem abscindunt, quod commodius perficitur, quando tumor inferne circa radicem filo quodam constringi potest; cavendum autem est, ne arteria, vel aliud majus vas præsertimque, ne nervus lædatur. Nihil etiam tumoris relinquendum est, siquidem, vel minima ejus parte superstiti, de-
nuo redeat malum, uti sibi contigisse *H. Fabrit. Hildanus centur. 5. obs. 46. fol. 433.* testatur. Hoc itaque si evenerit, nec non marginum quædam portio post abscissionem remanserit, idem remedio rodente è cineribus vitis, & calce viva,
cum

cum modica quantitate aq. plantag., & rosar. ad formam linimenti redacto utitur, cujus remedii virtus, & acredo corrosiva aquis illis temperatur. Hoc autem linimento minoris penicilli ope margines oblinit, sicque escharam efficit, cui digestivum è cera, therebinth, gum. elemmi, ol. rosar. amygd. dulc., vitell. ovor., & croco conflatum imponit, ac deinde causticum applicat, donec nihil omnino mali superfit; interim simul cum digestivo pulv. præcipitati spiritu vini rectificat: abluti nonnunquam utebatur; siquidem iste pulvis, ut tradit *Hildannus*, ad extrahenda, quæ præternaturaliter in cute, vicinisque musculis hærent, efficacissimus est. Postea autem exsiccantibus cutem superinducit.

In nævis autem abscindendis loci insuper, in quo reperiuntur, habenda est ratio. *Th. Bartholinus* centur. 3. epist. 40. se tumorem glandulifum non ausum fuisse auferre ait, cum quo circa os sacrum infans quidam natus erat, cum, quod firmiter nimis loco inhæreret, tum quod subjectorum metueret nervorum læsionem.

Nic. Tulpius infelicem etiam deligationem, ablationemque tumoris cujusdam lumbaris in infante descripsit.

In mentem etiam mihi venit tumor quidam in capite modo nati infantis, qui, illo aperto, non diu vixit.

Biennium jam elapsum est, cum ego, ac *Cornel. Solingius* prominentem quendam, ob-

388 OBSERVAT. RARIORUM,
fcurum, & subito proserpentem nævum, figura, & colore rubi idæi, situmque prope canthum minorem oculi dextri filiolæ Domini N. H. duos annos natæ per illa corrodentia auferre conareretur, quæ inter etiam erat aq. fortis argento cupellato affusa, qua nævus oblinebatur, dum interea cutim sanam circa tumorem pinguedine obduxeramus, ne à corrosivo læderetur. Tumor autem usque adeo inde auctus fuit, ut forcipe eum auferre satius duxerimus: siquidem in tam tenero infante causticum, præsertim in parte oculo tam vicina, non recte compesci posset. Scisso itaque tumore infans intra 4. hebdomadas convaluit.

OBSERVATIO XXXVII.

*Pili, & os in testiculo puellæ
reperita.*

Observatione 92. tom. I. mentionem fecimus pilorum in abscessu quodam repertorum; hîc autem de pilis, & ossiculo in testiculo puellæ cujusdam inventis agemus. Hujusmodi enim casus mihi, fratrique Joh. Stalpartio vander Wiel, nec non Fr. à Kempe Chirurgo Hagienfi An. 1682. in dextro filiæ cujus-

CENT. POST. PARS PR. OBS. XXXVII 389
jusdam annos quindecim natæ testiculo
occurrit. Æquabat ille ovi anserini
magnitudinem, atque intra eum alba
quædam reperiebatur materia, cujus
substantia putrefacto caseo similis pilis
permista erat, plerisque magnitudine
minimo digito paribus, quorum etiam
pars non parva instar minoris capillitii
firmiter interiori testiculi adnata erat
parti. In eodem etiam os quoddam re-
perimus, quod similiter interiori mem-
branæ annexum magnitudine phaseoli,
ac colore albo erat.

Filia hæc nunquam menstruos passa
fluxus per annum quidem integrum mor-
bo lento, nec non hysteriæ obnoxia
fuerat passioni. In rene etiam dextro
exulcerato varii inveniebantur lapilli
quorum unus exiguæ amygdalæ magni-
tudinem æquans in uretere dextro hære-
bat, quem, quod pituita obsideretur,
aliquamdiu ibidem hæsisse suspicati su-
mus, quamvis urina solito tempore abs-
que majori incommodo excreta fuerit.

IN OBSERVATIONEM XXXVII.

Galenus meth. med. cap. 12. in nonnullis abscessibus incisio corpora diversæ naturæ, substantiæque, ac figuræ, non liquida tantum, & mollia, sed & dura, v.gr. ungues, cornua, pilos, conchas, testas, lapides, ossa, & similia reperta fuisse tradit.

Quamvis autem rarus admodum esset pilosus ille, cujus tom. 1. Scholio ad obs. 93. memini, abscessus, in hujus tamen puellæ testiculo cum pilis etiam officulum repertum fuisse mirandum est. Celeberr. vir Joh. Baptist. de Lamzweerde tract. de molis uteri cap. 2. fol. 15. tumoris cartilaginosi testis puellæ 11. annorum 15. libras pendentis meminit, qui carneas, osseas, imo & pilorum substantias ambitu complectebatur.

Illam autem urinam absque majori passim molestia, licet calculus in uretere hæreret, exonerasse, non est, ut magnopere miremur: siquidem ren alter omnino sanus urinæ transmittendæ sufficiens erat, utut Forestus, Duretus, Riolanus Beverovicinus, Loselius, alique non ita sentiant.

Ejusmodi autem casu experientiæ magis, quam magnorum virorum auctoritati quæ sæpe fallitur, fidendum est.

Fateor quidem me non semel, obstructo per calculum rene, vel uretere, animadvertisse urinam excerni non potuisse. Id autem non per
sym-

sympathiam quandam alterius renis cum altero, ut non pauci existimarunt, sed quia ren alter in scio ægro (neque enim acuti sensus renes sunt) jamdudum fuerat obstructus, contigerat, dum interea urina per oppositum renem, tunc temporis calculi immunem, satis apte efflueret. Hoc autem tandem etiam obstructo, omnis urinæ in vesicam via præcluditur.

Illud ipsum frequenter in cadaverum dissectione demonstratur. *Diemerbroeckius Anat. lib. 1. fol. 178. cap. 17.* se ureterem alterum saepius circa initium omnino occlusum invenisse ait, quod viventes ægri nihil sentientes incommodi, per alterum renem urinâ recte semper defluente, ignoraverant, ita ut nunquam urinæ sufflammationem remum intuitu, nisi uterque post obitum obstructus apparuerit, animadverterit.

OBSERVATIO XXXVIII.

Lac cum urina excretum.

Varios multas equidem, diversasque admodum, tam tenues, mollesque quam crassas, ac solidas, ut pus, sanguinem, atram, flavamque, ac cœnosam materiam, vermes, pilos, arenas, calculos, ossa, pituitam, pinguedinem, pelliculas, furfures, &c. excrevisse usus

392 OBSERVAT. RARIORUM,
docuit. Nunquam tamen mihi antea
occurrit casus, quo cum urina lac fuerit
excretum.

Id ipsum tamen *Guilhelmo à Rossen* 24.
annorum Juveni accidisse constat. Hic
tertianâ per duos, tresve menses afflic-
tus feбри, ac paupertate coactus, refe-
rente Med. Doct. *D. Theod. Schoon*, in
Nosocomium Leydense delatus est, ubi
intra duas, tresve hebdomadas per ido-
nea remedia febre liber evasit, ita ut con-
valuisset videretur, superstite tamen ano-
rexia, & cibi fastidio, quod eum conti-
nue vexabat. Omnia itaque ei à Noso-
comii Medico, quæ ad appetitum cien-
dum, fermentumque ventriculi lauda-
bile excitandum censebantur idonea, sed
frustra, fuere propinata: siquidem nullis
excitaretur appetitus remediis, quod ei
unicum restabat malum.

Cum itaque nihil proficere, sed sen-
sim consumi videretur, alimenta con-
coctu facilia, ut carnum juscula, lac
dulce, emulsiones, aliaque cardiaca ei
data fuere. Interim tamen turbulenta
erat, ac sine ullo sedimento urina, nec
non fere aquæ instar sapone mixtæ palli-
da,

da: Illa enim igni imposita, & ad gradum coctionis fervefacta in substantiam quandam colostro odore, nec non colore, & sapore, &c. quantum quidem cernere licebat, simillimam convertebatur; coctione enim, ut colostrum, coagulabatur, ita ut fervefacta ab hoc discerni non posset; omnes etiam, quæ vulgo in lacte reperiuntur, oleosas, pinguesve, nec non terrestres, & aquosas, similesque comprehendebat partes, uti compertum fuit caseo butyroque inde confecto.

Nosocomii itaque Medicus, perspectâ accuratius urinâ, mortem appropinquare dixit. Certior enim erat, quod similes ei in duobus aliis occurrissent casus, qui, omnibus istis observatis, eodem, quo hic postea, obierant modo. Noster enim *Guilhelmus* ita per tres menses continuos absque ulla valetudinis recuperandæ spe afflictus tandem vehementiore quâdam febre cum delirio superveniente, quod biduum durabat, expiravit.

Aperto cadavere hæc observata sunt Pulmo erat Pleuræ firmiter annexus. He-

394 OBSERVAT. RARIORUM, 7
par prægrande, ac ad sinistrum usque
hypochondrium extentum erat; Ventr-
culus minimus, crassique, & viscosâ
materiâ intus obsessus. Lien valde tu-
midus admodum, maximusque, ac durus
apparuit. Pancreas quoque induratum
erat. Cætera satis recte se habebant.

IN OBSERVATIONEM XXXVIII.

URinas hominum pro morborum diversitate
multum variare quotidiana demonstrat ex-
perientia. Sic in Chlorosi, sive pallido morbo
virgineo, urina pallida, clara, & aquæ jugis
instar tenuis, in ictero autem flava, ac quasi bile,
vel croco tincta occurrit. In acutis autem, &
ardentibus febribus, nec non lienosis, & in quo-
rum vasis nigricans reperitur serum, urina etiam
nigricat, nec non in illis, quorum sanguis ex de-
fectu sufficientis motus crassescit, unde spiritibus
quasi constrictis, circulatio retardatur, massaque
sanguinis tandem corrumpitur. In continuis fe-
bribus, ac quibus inflammatus est sanguis, mul-
tas sulphureas, salinasque in se complectitur par-
ticulas, rubicundaque ac splendens apparet
urina.

Quorundam autem urinas non colore tantum,
crassitieque, sed & substantiâ, & sapore lacti
dulci, (uti nostrâ observatione constat) similes
non

non immerito quivis miretur: Tales enim Medicis raro admodum occurrunt.

N. Florentinus *serm. 5. tract. 10. cap. 21.* tradit se juvenem quendam 30. annorum vidisse, qui cum urina quotidie multum lactis in fundo veluti coagulati excreverit, quod dimidiam vitri urinarii, tenui supernatante fero, implebat partem.

Narrat quoque *Schenkius Petrum Sphererium* vidisse quendam Polonum, qui renum ulcere laborare judicabatur, sæpius in Nosocomio albam, atque instar lactis crassam reddidisse urinam.

Hanc autem materiam purulentam esse etiam ex iis patet, quæ *Felix Platerus lib. 3. obs. pag. mihi 784.* memorat. Ait enim sese diutius, absque prævio in renibus, vesicæve incommodo lacteam reddidisse urinam, à quâ aliquantisper quiescente, tantum materiæ cujusdam albicantis, ac lacti crasso non dissimilis præcipitabatur, quantum bina caperent cochlearia.

Simile quid narrant *Ballonius lib. 2. Consil. 39. Valent. Andr. Möellenbroccius miscell. med. phys. curios. German. decur. 1. an. 1. obs. 89. fol. 206. & seqq.* Nec non *Balth. Timæus lib. 3. cas. med. obs. 431.* ut & *Th. Bartholinus hist. anatom. de lact. Thorac. cap. 9. fol. 333.*

J. Drav. tract. de Scorb. lacteam nonnunquam huic morbo obnoxios reddere urinam testatur.

Medicinæ Doctor *Capellus*, referente *Bauhino observat. propriis*, mulierem quandam, quæ tantum lactis, quantum bis caperet cyathus per
vesi.

396 OBSERVAT. RARIORUM,
vesicam excreverat, vidit. E quali autem materia lac illud constiterit, ac per quas in vesicam delatum fuerit vias, nec non à qua proveniat causa, scitu dignissimum est; cum nihil, vel per parum hac de re protulerit tota Veterum cohors.

Verosimile est lacteam illam substantiam cum urina proveniente chylum esse, siquidem id ex præcipitata constet materia, quæ crassæ non est substantiæ, sed chylo plane similis. Inter digitos enim contrita glabra, ac mollis, ejusdemque cujus chylus, est coloris, & ad fundum præcipitata lac videtur crassum.

Chylum autem esse, qui excernitur, insuper liquet, quod magna plerumque ejusmodi mictionem subsequatur virium debilitas, imò sæpe tabes, si diu continetur ejusmodi excretio, quemadmodum non nostro solum *Guilhelmo*, sed & pluribus accidit.

Joh. Theod. Schenckius Exercit. anatom. 7. lib. 1. sect. 2. e. 33. fol. mihi 589. Postquam, ait, primò renum me invalisset dolor, cujus ne jam quidem immunis sum, quotidie ultra anni spatium aliquot post prandium horis fero non dissimilem cum urina egressi materiam, quæ ante ipsam quandoque urinam, cum illa nonnunquam, vel post eam effluebat. Turbidior deinde urina evadebat, donec, evanescente calore, in fundo non viscidum, at crassius resideret sedimentum, quod commotum illico satis apparebat turbidum: ita ut has chyli crederem partes, quæ acore quodam

dam præcipitatæ essent, quæque postea, sublata sensim tenuiori parte, intra digitos, antequam lento igni siccatae instar fæculæ è radice Aronis expressæ vasis fundum peterent, fricari nequissent. Sæpius etiam corporis partes non tam debilitatæ, quam emaciatæ qualicunque hac ejectione videbantur.

Cum vero aliquamdiu renis calculo liber fuisset, de ariditate ista, cum non amplius ejusmodi excrementa animadvertisset, parum se sollicitum dixit.

Per quas autem chylus iste in vesicam pervenerit vias, non ita expeditum est. Nonnulli vasa quædam lactea usque ad vesicam excurrere, per quæ chylus iste eo deferatur, autumant.

Hos inter *Th. Bartholinus* est, qui *hist. anat. de lact. thorac. cap. 9. pag. mihi 37.* istorum vasorum meminit; ut & *Isbr. de Diemberbroeck Anatom. cap. 17. fol. mihi 176.* qui vasa quædam lactea per vias etiamnum ignotas ad vesicam excurrere, nec tamen in omnibus, sed in paucis tantum nonnunquam adeo ampla, ut non chylum tantum lacteum, serumque superfluum, quod à copioso provenit potu, sed & solida quædam, duraque, & oblonga ad vesicam transmittant corpora, existere contendit.

Hujusmodi autem vasa lactea ad vesicam tendere *Moellenbroccius* etiam *miscel. med. phys. curios. an. 1. obs. 89. fol. mihi 206.* nec non *Joh. Dravissius d. tr. & cap.* statuunt.

Thom.

Thom. Wharton. autem *adenograph. cap. 15. p. mihi 91.* minus probabile esse ait immediate, & ex naturæ instituto ulla lactea ad vesicam distribui vasa. Neque enim materiam excrementitiâ, sed succum utilem ex naturæ proposito, miroque artificio ex alimentis eductum continent.

Sed nec credibile esse statuit, succum illum tam probe coctum, nutritionique destinatum, cum lotio mox foras protrudi.

Licet autem *Ysbrand. Diemerbroeckius Anat. lib. 1. ut obs. 35. tom. 1. pag. 143.* diximus, ac *Mabius fundam. med. phys. cap. 17. p. 422.* etiam renes quâdam recipere venas lacteas statuunt, haud dubie, ut chylus aquosior illico ad renes abeat. Quamvis etiam chyli partem per vasa illa adductam cum urina in vesicam eorum, quibus renes debiliores sunt, transire contendat: Certum tamen est (quantum quidem ipse sciam) à nullo vasa quâdam lactea ad vesicam, vel renestendentia huc usque detecta esse, quæ si etiam ibidem existerent, haud dubie utilis quâdam succi illius portio alicubi prius fuisset sequestrata, antequam ad vesicam inutilis pars tenderet.

Casus autem à nonnullis memorati in morbofis, maleque dispositis maximam partem observati sunt corporibus, in quibus non ita mirum est, si insueti quandoque cum urina excernantur humores. Si vero illis hæc è vasis lacteis ad vesicam excurrentibus immediatè proveniret materia, vix red-

reddi posset ratio cur non continuè, & absque præviâ secretionem illuc flueret. Sed nec necesse est, meo iudicio, ut particularia quædam lactea ad chyli illius excretionem in vesicam implantarentur vasa: siquidem omnibus sanguiferis chylus continetur vasis, qui interdum quoque satis copiose emissio sanguine venoso mixtus repertus, imo etiam purum lac nonnunquam pro rubro sanguine è venis emissum fuit.

Nec desunt huiusmodi exempla *Thome Bartholino de lact: thorac: cap: 13. fol. mihi 55. 56. ut & centur. 1. hist. 17. pag: 29. Steph. Blankardo collect. med. phys. cent. 1. hist. 1. fol. 1. Joh. Rhodio obs. Med. cent. 1. hist. 36. fol. mihi 25. nec non cent: 3. obs: 32. fol. 151. P. à Castro Medico Veronensi, Willisio fol. 108. Marc. Donato, de hist. med. mirab. lib. 1. cap: 4. fol: 50. Ephemer. eruditorum Gallia an. 1677. p. 155. Act. Philos. Anglia an: 1665. pag: 197. P. Borello cent. 1. obs. 25. R. Graeffio de viror. org. generat: dicatis fol. 84. Miscell. med. phys. curios. Germ. decur. 1. an 1. obs. 28. p. 98. & seqq. Item obs. 132. fol. 294. an. 2. App. 31. & pag. 312. an. 3. obs. 123. p. 195. an. 6. obs: 214. fol. 313.*

Animadvertimus insuper album mulierum fluorem nihil, nisi chylosam, & à sanguine separatam esse materiam: quamvis *G: Blasius App. ad Veslingium part. 4. cap. 10. fol. 372.* non dubitet, quin peculiaria quædam lactea è chylifero sacco ad uterum dispergantur vasa: sic in puerperis sæpius circa

400 OBSERVAT. RARIORUM,
circa finem depurationis lochia alba, lacteum-
que referentia colorem videmus, qui fluxus
mammis succum emittentibus facile evanescit.

Andr. Laurentius lib. 2. Anatom. quæst. 10.
non semel se vidisse puerperas tam ex utero,
quam vesica, magnam egerentes lactis quan-
titem tradit. Testatur *G. Blasius* loco notato
expertum se gravidas instante partu materiam sub-
stantia, sapore, ac colore lacti simillimam per
uterum excrevisse, quod ipsis obstetricibus cer-
tum instantis partus signum esse asserit.

Quænam autem causa fuit, cur lactea hæc no-
stro ægro magis quam aliis efluxerit urina?

Illud fortean propter obstructions quasdam
in exiguis vasis capillaribus, & canaliculis, sive
tubulis, qui nutritium ad partes solidas deferunt
succum, contigit. Sæpius enim hujusmodi ob-
structio è viscoso quodam, tenaci, & crasso
provenit sanguine. Pauciora autem interdum,
plura nonnunquam capillaria obstruuntur vasa,
dum interea majora chylo referta, solidasque par-
tes propter capillarium obstructionem nutrire
nescia chyli nonnihil in renes, & vesicam eji-
ciunt.

Ejusdem autem *Guilhelmi* pulmo membrana
pleuræ firmiter annexus non est quod magnopere
nos moveat, quoniam plures magis, minusque
isto afficiuntur malo: molestior autem eo casu, ac
difficilior est respiratio.

Hepatis etiam præter morem magnitudo san-
gui-

guinis crassioris imputanda est obstructioni, præsertim si acidæ quædam, austeræque ei admixtæ fuerint particulæ; nisi forte quis obstructionem, & pressionem in vasis lacteis thoracici ductus ortam dicat; ita ut superiores corporis partis nutrimento destituantur, unde hepati aucta sit magnitudo; quale exemplum apud *Bartholinum de lact. thorac. cap. 9. fol. 42. extat.* Tradit & idem *lib. 1. Anat. reform. cap. 14.* se in cadaveribus tabe extinctorum maximum, imo vel quater, aut quinquies solito majus reperisse hepar.

Forſan etiam tam exiguus fuit ventriculus, quod ille propter appetitus defectum alimentis diutius non fuerit extensus, unde haud dubie contractus, corrugatusque tandem evasit. Ventriculi autem debilitati, cibique fastidii causam viscosa materia, quæ in illo reperta est, manifestavit.

Ipsiſus autem lienis tumorem, nec non insolitam magnitudinem, ejusdemque ut & pancreatis duritiem viscosæ cujusdam materiæ à crudo provenientes chylo, tandemque induratæ, exsiccataque obstructionem credibile est produxiſſe.

OBSERVATIO XXXIX.

Urethra prope Scrotum aperta.

EXemplum petulantia puerilis fati
 gravi punita supplicio mihi mense
 Febr. an. 1683. in adolescente quodam
 annos duodecim nato occurrit. Hic
 enim ante sexennium præputium petu-
 lanter retrahens filo quodam non procul
 à scroto penem firmiter vinxit, unde
 hic ita intumuit, ut Chirurgus propter
 magnum undique tumorem filum, quod
 diffecaret, non videret. In auxilium
 itaque advocatus *Corn. Solingius* Medicus,
 Chirurgusque *Hagiensis* tumorem digi-
 tis, quantum fieri poterat, compri-
 mens filum conspectum forcipe acutâ,
 tenuique secuit, animadvertitque per
 arctam filiconstrictionem apertam fuisse
 urethram. Quapropter affectæ parti
 requisita applicuit temedia. Adolef-
 cens autem postea curam neglexit, un-
 de apertura propter urinæ illac continue
 pro parte affluentis acrimoniam callo



fig. 1.




fig. 2.



tab

fig. 3.



CENT. POS. PARS PR. OBS. XXXIX. 403
undique obducta sanari nequii. Post
sexennium tamen ejus amici (Parens
enim jam tum obietat) *D. Solingii* denuo
implorarunt opem. Consultus itaque
ipse, alii que tolli malum posse nega-
vimus, cum quod amplior apertura,
vicinaque urethræ cutis nimis esset te-
nuis, tum quod spatium scrotum inter,
factumque foramen non ita latum esset,
quod commoda admitteret medicamina.

Tabulæ autem 13. fig. primæ littera
A. penis glandem, B. retractum præ-
putium, C. urethræ aperturam filo fac-
tā monstrat. Secundæ fig, littera A.
stylum in aperturam intrusum, B. ipsum
foramen, in quo stylus hæret, ostendit.
Tertiæ fig. A. A. stylum per apertam
transmissum urethram, atque extra scro-
tum prominentem notat.

IN OBSERVATIONEM XI

URinam, urethra, per quam excerni solet
occlusâ, alium sibi patefacere iter ad ob-
servationem 86. tom. 1. p. 366. annotavi, ibi-
demque id nonnunquam infra penis glandem,
quandoque & in media urethra, interdum etiam

404 OBSERVAT. RARIORUM,
in ejusdem extremitate, ac denique aliquando
in ipso fieri perinæo dixi. Hæc autem observa-
tio de apertione urethræ in extremitate penis non
procul à scroto ex petulantia suborta agit. Glans
enim satis erat perforata. Quod vitium propter
rationes ipsâ adductas observatione immedicabile
judicabatur.

Verum quidem est nos ad *obs.* 86. exemplum
cujusdam adscripsisse, qui occlusa penis extre-
mitate, liberos procreavit, verum illius penis
immediate infra glandem perforatus erat. *Dio-
nysius etiam à Sterre tract. de generatione nuper
edito p. 37.* se haud paucos nosse testatur, qui
pene sive prope frenulum, sive ad pollicis unius,
dimidiique latitudinis ab extremitate distantiam
perforato liberos progenerarint.

Meminit *D. Melchior Fribe miscell. med.
phys. German. decur. 2. an. 3. obs. 98. fol. 159.*
viri cujusdam, cui penis in inferiori parte perfo-
ratus, glans autem non solum deformata, sed in-
super imperforata erat, qui nihilominus aptissi-
mum se ad generandam prolem ostendit, utpote
cuius ope sex prodierint liberi. Congressum au-
tem ille sine obstaculo maxima cum voluptate
solvit. Emissum vero semen interdum orifi-
uteri communicari è glandis penis avida, &
unda basiatione, & complexu statuit.
Hujusmodi autem hominibus procreandi vim
nus esse certam ex alio quodam ad eandem no-
am observationem adducto casu constat.

An vero ejusmodi vir, cui duobus locis, præfertim tam prope scrotum, perforatus est penis, ad generationem aptus sit, non ita expeditum est. Considerationes autem quasdam breviter proponam.

Felix Platerus obs. lib. 3. pag. mihi 792. se nobilem quendam novisse ait, cujus in pene duo aperiebantur foramina, unum quidem in glande ipsa, ubi naturaliter apparere solet, alterum vero paulo infra circa glandis radicem ad præputii exortum, per hoc, autem tam urinam, quam genituram emittebat: non tantum, inquit, generationem præpediebat, sed & patientem jugiter polluebat hic affectus; hujus autem geminati foraminis curatio, quamvis vitium ab ortu contractum fuerat, non difficile fuit, foraminis videlicet inferius incisus, & abrasus labiis, induc-taque interim antrorsum in penem plumbea, vel argentea fistula, donec cicatricem vulnus contraxerit, detinendâ.

Verum hoc modo puer, de quo egimus, ob rationes illas percurari nequii.

Dubius autem sum, hicne ad generationem plane ineptus sit futurus, an secus. Statuunt enim plurimi eam uteris, præcipue avidarum, viraginumque, inesse vim, ut seminis virilis spiritum recens ad ora externa affusi in interna, ac deinceps in ipsas admittant cavitates. Quamvis enim semen in vulvam non intromittatur, concipere tamen possunt.

Hoc autem si verum est, quid ni multo facilius quandam imprægnat puer noster, cum semen, licet non omne, ad os uteri usque effundere queat;

Ad astruendam illius opinionis veritatem, *H: Fabrit: ab Aquapendente lib. de Chirurg: operat. part: 1. fol. mihi 93.* narrat Adolescentes Marem, & foeminam, quos fax torrebat mutua, furtim convenisse, stantesque osculis, ac blanditiis indulgisse avidos. Cum vero utriusque genitalia se invicem extrinsecus contingerent, factâ ex nimia voluptate seminis ad vulvæ ostia effusione, concepit virgo. Id autem haud ita mirum esse idem ait, quod, cum ambo essent Adolescentes, & tentigine arderent, glandis orificium Hymenis foramini apponi, conjungi-que, atque ita semen à Mari vi magna emissum per Hymenis orificium vulvam ingredi potuerit; adeo ut illa, vel integro Hymene gravida facta sit. Vulvam enim insigni vi attractrice, inquit idem, pollere testis est *Plato*, qui animali uterum comparat, & veluti animale esse asseverat. Ejusmodi historiam *Joh: Fragofo declarationum libro* narrat.

Ipsemet ego novi incolam, & Civem hujus urbis, qui, cum uxor, puerperii lecto per aliquod tempus affixa fuisset, tam diutinæ à coitu abstinentiæ impatiens vicini filiam, qua cum familiariter antea vixerat, blande interdum contrectabat, adeo ut tandem, veretro illius puden-

dendis

dendis admoto, semen ante vulvæ ejaculatus fit ostia, cujus turgidos, ferventesque spiritus illa ad venerem jam ante incitata, & summopere pruriens faucibus uteri hiantibus hausit, indeque pene in vulvam non immisso, virginitatisque claustris illæsis, concepit, & nihil initio ex isto actu suspicata, gravidaque permanens tandem peperit.

Refert *G: Fabrit: Hildanus cent. 3, obs. 60.* de conjugata quadam, cujus collo matricis dura admodum membrana interposita erat, quæ, quo minus peris intraret, obstabat; unde maximus dolor, dum Maritus inibat, exoriebatur. Ea autem nihilominus, antequam membrana incideretur, gravida facta est.

Virginem citra virginitatis jacturam, virginalique septo illæso imprægnari posse *Aristoteles* etiam 2. de generat: *Animal: cap 6.* innuere videtur. Quod nec *Galenus* negat, cum *lib: 1. de semine cap: 4.* uterum collo, tanquam manibus, ad attrahendum maris semen uti dicit.

Teste etiam *Hippocrate*, & *Avicenna* *fen: 21. lib. 3. tr: 4. cap: 1.* Atretæ, seu imperforatæ mulieres concipere possunt. Memorat & tres *Riolanus filius lib. 2. Anthropogr: cap: 31.* de hisce historias. Idem affirmant *Peramatus append: 1. de conceptu fol. 98. §. 2.* *H: Mercurialis lib: 4. de morb: mulier: cap: 14.* *Simibaldus lib. 1. Geneanthr. tr: 3. cap: 6.* nec non *P. Zacchias quest.*

408 OBSERVAT. RARIORUM,
Med: legal: lib: 3. tit: 1. quæst: 8. ac Jac. Guille-
maus de puerperiis lib: 2. cap: 10.

G: Harvæus lib: de generat: animal: exercitat:
de partu fol: mihi 511. memorabile de equâ can-
didissimâ formaque præstante recitat exemplum,
quam Serenissima Angliæ Regina dono accepe-
rat, ac cujus genitalia, ne ab equis admissariis
inita corporis gratiam, equitandique corrum-
perent usum, Equifones, ut fit, annulis infi-
bulaverant ferreis. Eadem tamen, nescio quo
pacto, inquit, neque enim Custodes mihi indi-
care poterant, facta est gravida, tandemque, cum
nihil tale suspicarentur, noctu peperit, pullusque
vivens mane ad matris latera conspicitur, ambo-
bus vulvæ labiis annulis antea consutis, totoque
pudendo versus sinistrum latus detrusis, & à
dextrâ coxendice avulsis.

Idem de generat: Animal: exercitat: 6. & 39.
galli genituram gallinæ uterum non ingredi, &
exercitat: 67. 68. in nullo animalium genere se-
men maris in uterum recipi ait.

Posse autem homines concipi, spiritibus tan-
tum feminalibus à viro emissis absque ulla genitu-
ræ effusione exemplo probat *Sinibaldus* de viro,
qui non effundebat in coitu semen, sed tantum
spiritus maximo cum delectamento; imò tali, ut
voluptatis impotens, & sensibus fere omnibus de-
stitutus humi concideret. Hic autem nihilomi-
nus mulierem gravidam reddidit. Unde virtu-
tem feminis activam in spiritibus consistere, ac in
femine

femine duas considerandas esse partes concludit, materialem videlicet, & formalem, seu materiam, & facultatem. Quin etiam in spiritibus æthereo calore præditis, omniaque pervadentibus facultatem residere, materiam vero lentum illum humorem, & fluxile esse excrementum statuit, quod tantum vehiculum sit spiritus intra uterum delaturum. Si igitur, inquit, spiritus intra uterum tutò immitti possunt, absque hac materia, haud dubie generatio perfecta succedet. Ejusdem opinionis fuere *Deusingsius, Regn. Graef-fius*, aliique.

Recentiores quidam non semen virile, sed ejus spiritus tantum in uteri cavum, ejusque poros, fungosamque substantiam ferri, sicque humoribus illic circulantibus admisceri, eosque alterare, sanguinisque massam tandem ingredi, atque alterare, & hinc mulieres non diu a conceptione in horrores, & lypothymiam labi statuunt.

OBSERVATIO XL.

Urethra callosis obstructa excrescentiis.

Quicumque cum impudicis rem habent mulieribus, laxasque voluptatibus permittunt habenas, supplicia quoque ineluctabilia inviti, dolores videlicet, ac miseras sæpissime ferunt. Hoc

410 OBSERVAT. RARIORUM

autem Normanno cuidam *Alberto Horn* nomen erat, contigit, qui, postquam diu sub invicto Heroe *C. Trompio* classium Batavicarum præfecto militasset, in patriam reversus de vitio quodam viæ urinariæ, quo ita urinæ impediiebatur excretio, ut Med. Chirurghi *C. Solingii* auxilium petierit, conquestus est. Hic autem, inquisitione factâ, totam fere urethram malignis, callosisque excrescentiis repletam reperit: quapropter specillum argenteum incurvatum, ac undique crenis sive incisuris tustum in illam immisit, cujus ope, quamvis non sine vehementi dolore, tantum ibidem effecit spatium, ut illico urinam quodammodo reddiderit miser. Reliqua autem medicamenta postea ab eodem *Solingio* ad tollendas callositates incassum fuere adhibita. Quapropter cavum specillum in urethram, quantum fieri poterat, ad ipsum usque corpus nervosum intrusit, ut ita totius penis latus (exceptâ glande) incidere, quod & se antea *Lyburni* fecisse dicebat. Hac autem operatione peractâ, corrodeute quodam medicamento callosam sensim consumpsit substantiam,

tiam, posteaque penem parvis acubus argenteis (qualibus ad futuram labiorum leporinorum utuntur Chirurgi) diversis in locis consuit: Atque ista quidem ita successisse ait, ut tenuis cujusdam, flexilisque catheteris ope urinam laborans continuè excreverit; sicque satis feliciter malo isto absque urinæ stillicidio liberatus fuerit. Postea autem idem *A. Horn*, non sine dedecore se propter nodos in pene cicatrices Italæ multo, quam ante, acceptiorem fuisse meretriculis jactabat.

IN OBSERVATIONEM XL.

INter varia illa, dolorisque immensi plena mala, quæ scortatoribus, adulterisque justo Dei judicio obveniunt, jure merito recensentur carnosæ excrescentiæ, calli, & verrucæ, quæ intus in urethra sese manifestant, primoque è foetidis quibusdam ibidem nascuntur ulceribus, unde sensim spongiosa quædam excrescit caro, quæ indurescit tandem, callescitque, nec dolorem tantum ingentem, ardoremque producit, sed & urinæ impedit exitum; unde afflictos intolerabiles premunt, anguntque miseriæ.

Optimum autem ad hujusmodi carnosas accres-

centias tollendas statuerim , ut , universalibus præmissis, sequentia usurpentur topica. Habeat Chirurgus eum in finem candelam quandam ceream oleo amygdal. dulc. oblitam, quam leviter in urethram immittat, ac, ubinam hæc obstruatur, inquirat. Loco autem invento notanda est longitudo, ad quam candela fuerat immissa, postea autem nonnihil attenuata, massâque quapam exsiccante, consumente, ac corroden- te obducta candelæ extremitas denuo in urethram ad partem usque affectam erit intromittenda.

Huic autem rei *Ioh. Schmidius miscel: med: phys: curios: decur: 1. an: 8. obs: 92, fol: 153.* massam ex viridi ære, & Mercurio sublimato utilissimam esse scribit, quam se non improspere usum testatur: hanc enim post momenti circa excrescentiam moram mox escharam absque majori dolore producere ait, quâ postea separatâ, urinæ conceditur transitus.

Cavendum autem *Henr. à Moïnichen obs. 17.* dicit, ne acria, & corrosiva adhibeantur, utpote quibus quandoque non tantum urethræ substantiæ amissionem, sed & gangrænam provenisse viderit, ita ut præter perinæum interna utriusque femoris infecta, ac maximo laborantis damno postea fuerint latera. Quapropter quod urethra sensibilis admodum sit, medicamentis ex arsenico, oleo vitrioli, sulphuris &c. compositis abstinentum ait, siquidem non vehementes tantum

tum inde dolores, sed & inflammatio, febris, dysuria, imò ipsa quandoque proveniat mors: quale exemplum *G: Fabritius Hildanus centur: 4. obs: 55. fol: 322.* adducit. Sequentia itaque longe prætulerim eo, quem diximus, modo applicanda.

Memorat *Antho: Fuchsius* se carnosas hasce excrescentias, non sine successu, multis abstulisse oleo succini cum vitello ovi mixto, quod ita, ut modo retuli, in urethram intrusit.

Lazar: Riverius cent: 2. obs: 14. candela quadam cereâ, veterique, ac tenui quodam linteo involutâ, nec non extremitate postea hujusmodi unguento obductâ, utitur.

℞. Ol. Rosarum ℥ j.

Ceruse Venet: ℥ iv.

Caphura.

Tuth: aq: rosar. præp: ā ℥ β.

Litharg: auri præp. ℥ iij.

Antimon: opt: pulv. ℥ j. β.

Opii.

Thuris masc.

Mastich.

Aloes Hepat. ā ∅ ij.

Misceantur omnia & in pyxide plumbea
serventur ad usum.

Ipsemet ego quatuor homines, quibus tota fere occlusa erat urethra, ita ut per angustissimam

414 OBSERVAT. RARIORUM
tantum efflueret urina foramen, quorumque
duobus virulenta gonorrhæa, tertio urethræ ab-
lata cutis acrique exesa humore, quarto similiter
sublata cutis, cujus quidem causa fuerat angula-
ris, scaberque calculus, id mali attulerat, intra
paucos sequenti remedio percuravi dies.

℞. *Ossis sepie.*
Tuth. præp. ā ʒij.
Corn: cerv: ust:
Aloes lotæ.
Aristol: Rot: ā ʒj.
Alum: ust: ʒß.
Fiat pulvis subtiliss.

Postea:

℞. *Ol. rosar. ʒij.*
Litharg. auri. ʒj.

Fiat decoctio, quousque acquirat Emplastri
consistentiam, dein ab igne seposito adde illum
pulverem, & ad ignem tractato, & misceto, do-
nec medicamentum evadat duriusculum.

Hoc autem remedium emplastri habet consi-
stentiam, extremitatique candelæ cereæ, præfer-
tim si illa tenuior facta sit, satis commode anne-
cti potest.

Simile medicamen, quamvis paulò magis cor-
rosivum, describit *Amatus Lusitanus curat:*
med: centur: 4. curat: 19. fol: 384. quod & valde
laudat. *H: Fabrit: ab Aquapendente Operat:*
Chi-

Chirurg: summis laudibus extollit pulv. Sabinæ. *Ast G: H: Velschius Cent: 2. obs: 26.* pulv. rad. *Petastidis* summopere commendat. His autem herbis non calefaciens tantum, & exsiccans, sed & discutiens, consumensque inest vis.

Verum posteriora hæc remedia certior sequitur eventus, quando carnosæ excrescentiæ nondum diuturniore morâ, ut ei, de quo memorabam, contigerat, callosæ evaserunt.

Hoc autem loco tacere nequeo vile, at quod miseris quandoque prodesse queat remedium, quod Monachi cujusdam excrescentiæ colli vesicæ carneæ tollendæ admotum fuit. Hic inter mingendum vehementi afficiebatur dolore multisque necquicquam per quinquennium adhibitis, tandem ad *Riverii* confugit auxilium, ut idem *centur: 4. pag: 67.* refert. Ille autem Monachum perpetuo plumbeum in urethra gestare tubulum, quem sensim eousque intruderet, ut, quoad fieri posset, leniter per angustius collum ipsam ingrederetur vesicam, jussit; Quod cum initio rotundo, tenuissimoque tentatum esset specillo, crassius deinde adhibitum fuit, ita ut laborans illud tandem in vesicam immitteret; quo factum est, ut intra binas tantum profecerit hebdomadas, ut absque impedimento postea urinas egeret.

Ioh: Baptista à Lamzweerde App: obs: pag: 260. obs: 45. non dissimilis mali, quod instrumento quodam argenteo urente sublatum fuit, meminit.

Ver-

Verrucæ, quæ extrinsecus nonnunquam in glande penis sub præputio hærent, tantâ sæpe accrescunt mole, ut, quò minus glans tegatur, impedian. Hæ autem abscindendæ, vel filo serico sensim comprimendæ sunt, donec decidant, posteaque affecta pars alumine conspergenda, nec non aquâ rosarum cui tuthiæ nonnihil admistum fit, fovenda est, ut *Aquapendens operat: Chirurgi* aliique monent. Vel denique, ut ille suadet, per argenteum tubulum exurendæ sunt verrucæ.

Verrucas ego, inquit *H: ab Heers obs: pag: 84.* in imâ glande cujusdam viri amputavi, quarum maxima sexaginta quinque capitella manifestæ, siue verrucas minores ostentabat, eratque juglande major, quæ illi etiam cum latissimis coëundi potestatem tollebat, qua ablatâ ter uxorem duxit, atque ex omnibus subolem suscepit.

OBSERVATIO XLI.

Subita coëundi impotentia.

Idem ille, cujus *obs. 42. Tom. I.* memini, mihi fassus est se post dimidiæ dragmæ opii usum subito, cum paulo ante nocturnis satis strenuus fuisset præliis, in coëundi incidisse impotentiam, utut interim plurima noctis parte erecto

dor

CENT. POST. PARS PR. OBS. XLI. 417
dormiret pene, expergefactum autem
omnino impotem se dicebat. Quare hu-
jus rei causam me rogavit.

IN OBSERVATIONEM XLI.

Variæ nonnunquam Medicis occurrunt cau-
sæ, quæ virum etiam si partibus genitalibus
non careat, suboli procreandæ minus reddant
idoneum.

Ita apud plurimos varia extant exempla eorum,
qui capitis vulnere omnem generandi amiserint
vim. Qua de re videatur *Nicol: Nicolus serm: 6.*
cap: 6, & Avicenn: sen: 20. tr: 1. cap: 5. ut &
Rhas: 24. continent. Hinc & *Hippocrates lib:*
de loc: affect: num: 10. Venæ sectionem pone au-
res tarditatis in actu venereo causam esse dixit,
quod præcipuorum quorundam Scytarum exem-
plis probare gestit, qui propter dolores lumbo-
rum nimia equitatione ortos venas pone aures
secari jusserant, unde procreandi ipsis adempta sit
potentia.

Mihi autem hujusmodi imbecillitatis causam
non innotescere ingenuè fateor: nisi quisquam
nimia venæsectione spiritus dissipatos, sicque
homines illos aliquamdiu debilitatos dicat, præ-
sertim quia hæ gentes frigidiores plerumque,
humidioresque debili dotantur cerebro. Hoc au-
tem casu vitium istud æque aliarum venarum sec-
tione, ac pone aures produceretur.

Fuerunt, quibus frigida, five extrinsecus admota, five intrinsecus assumpta genitalium attulerint debilitatem. Sicque aquæ gelidæ, teste *Aristotele 6. de generat. animal. cap. 2*, homines in venerem segnes reddere queunt: Hinc *Hippocrates lib. 6. de aere, aquis, & locis* mulieres in regionibus septentrionalibus degentes propter magnum aquarum frigus sæpe infœcundas esse scribit. Sæpe etiam subita in aquam gelidam immersio, ejusue copiosus, & subitaneus potus sterilitatis quandoque causa fuit.

Schenckius lib: 6. fol: mihi 589 exemplum è *Jacob: Oetheo lib: 6. obs: propr: de subitaneo defectu è genitalium unctiōe proveniente*, quæ unguento mercuriali ad tollendos pediculos inguinales facta erat, memorat. Hoc autem quicquid erat vitii illitu olei spicæ sublatum est.

Paralysis etiam in musculis penis, nervis ab osse sacro per foramen ossis pubis excurrentibus humore quodam obstructis, oriri potest, vel etiam quando iidem tumore, cujus causa lapsus, ictusve fuit, comprimuntur, vel vulneratione abscissi, aut lapsu, saltuve rupti sunt.

Opium autem veneris minuere, ac auferre desiderium jam olim *Garcias ab Horto Indiæ Proregis Medicus, Histor: aromat: apud Indos nascentium lib: 1. cap: 4. fol: mihi 30.* indicavit Scribit enim se Lusitanos quosdam, qui opii usu ad coeundum inepti evaserint, novisse.

Renodæus lib: 1. de materia Medicâ sect: 13. cap: 2 coëundi appetitum opii infringi usu constare ait.

Scribit *Rod. à Castro de morb: mulier: lib: 3. cap: 3. pag: 371* opium, cicutam, mandragoram, similiaque narcotica virorum testibus aliquamdiu admota, aut pessi forma in muliebria immissa sterilitatis esse causam.

Cicutam autem pollutiones nocturnas, quæ vel propter abundantiam, vel ardorem, acrimoniamve feminis fiunt, inhibere posse, quidam Athenienses exemplo docent Ecclesiastici, quos, quod cicutæ sorpsissent succos, veluti castratos *P: Hieronymus l. 1. adversus Iovinianum* prodit. Illud autem neutiquam mirum esse *Ioh: Rhodius annot: in Scribonium Largum composuit: 179.* scribit: siquidem *Galenus lib: 5. de simpl: medicam: facult:* Hoc ipsum modico tantum ejus usu effici posse testatur. Quare *Tragus* etiam Theologis cicutæ usum, ut castitatis vota tanto facilius solvant, commendat. Hanc autem contusam, ac testibus applicitam nocturnis feminis fluxibus suppressendis, cohibendæque somniantium lasciviæ utilissimam esse herbam, utpote quæ genitales resolvat partes, puerorumque testiculis marcorem inducat, testatur *Dioscorides.*

Francisc. Hildesheim Spicilegio 2. de mania pag: 151. genitalia, renes, & epigastrium aqua, in qua opium dissolutum fuit, ad venereum appetitum coercendum humectanda ait. Hunc etiam

420 OBSERVAT. RARIORUM,
in usum *Hartmannus prax: Chymiatr. cap. 275*
opium unguento refrigeranti Galeni, & popu-
leo miscet.

Opium autem nonnulli libidinem incitare ve-
neream, quod illud calidæ existiment virtu-
tis, statuunt. Verum *Garcias ab Horto* his
fese loco adducto opponit, fatuosque, ac ni-
mium credulos, quotquot hæc, tanquam vera,
admittunt, dicit.

Hinc *Amatus Lusitanus centur. 2. curat: 18.*
fol. mihi 160, Amphion, sive opium, quo
Turcæ ad libidinem augendam utuntur, non
papaveris, sed alterius cujusdam herbæ succum
esse scribit.

Idem asserit *Oberndorffius Apolog. Chym-med.*
dicens *Turcas* haud dubie diverso quodam ab
opio ad Martium vigorem excitandum uti succo,
cujus usu temulenti vel inermes in prælia tru-
dantur.

Camerarius oper. subcis. lib. 1. cap. 39. pag. 43.
Turcas præter opium alio quodam, cui *Maslach*
nomen, uti pulvere perhibet. Quod & *Thom.*
Erastus disputat. de narcoticis affirmat, quem
nonnulli è *Solano* fœtido, pomo spinoso, sem-
nigr. *Baubini*, *C. Hofmannus* autem *Medicinal.*
officina cap. 2. fol. 169. §. 22. è *Datura Turcarum*
confici contendit.

Scriptor libri de Plantis Indicis lib. 3. cap. 25.
plantæ cujusdam *Bangue* nomine, cannabique
simillimæ meminit, cujus semine Indi ad vene-
rem

rem stimulant utuntur; hujus succum quem
 itidem *Bangu* vocitant, colligunt, cui nonnul-
 li virentem herbam *Fausel*, vel nucem moscha-
 tum, macerant, aut cariophyllos, alii cam-
 phoram, ambramve, aut moschum, ipsumve
 denique opium, ut *Mauritani*, jungunt, de
 quibus legatur *Marcellus Donatus cap. 18. lib.*
4. fol. 402. ac W. Wedelius Opiolog. lib. 2. sect. 4.
cap. 1. fol. 167.

Absit tamen, ut opium calidum esse negem,
 quod illius oleaginitas, quâ accendi potest, nec
 non gravis, foetensque odor, ac amarus, atque
 acer sapor, quem in lingua aliquamdiu ore conten-
 tum excitat, satis indicat.

Prælium etiam inituri Turcæ opii non nihil de-
 vorant, unde, referente *Scaligero exercit. 154.*
ac Verulamio hist. vit. & mortis p. 223. nec non P.
Bellonio lib. 3. memorab. obs. cap. 15. ad pugnam
fiunt alacriores, ut tanquam ebrii vel amentes ad
pericula quævis minus formidulose subeunda sese
præcipitent. Eâdem de causâ P. I. Sachs tom. 2.
Ephem. Germ. Decur. 1. obs. 69. pag. 126. paucos
ante annos post pugnam in Hungaria ad Levenz
oppidum commissam Christianos milites Tur-
cas occisos spoliantes plerosque erectâ hastâ, &
priapismo scædatos invenisse ait. Hoc enim, ut
verissimum, plurimorumque testimonio sibi re-
latum testatur.

Nec dissentit *L. Germann: de miraculis mor-*
tuorum lib: 1. tit: 2. §. 6. fol. 103.

Referri & huc potest *observat*: 29. *centur*: 3. *Ph. Salmuth*. de præfecto quodam venationum, qui senex juvenculam uxorem duxerat. Huic ne aliis se substernendi fenestram aperiret, sed debitu[m] solvere, atque strenuum veneris militem se præbere valeret, multis, ac variis usus erat aphrodisiis. Verum altera statim nuptiarum die cum vestes induisset, post aliquot passus in terram cecidit, ac, pene continue erecto, extinctus est.

Ipsæ tamen *Opium*, quamquam initio vigoris non nihil adferat nervis, præcipue, si sæpius, copiosiusque sumatur, nocere, nec non his venerem incendere, illis extinguere existimem.

Sed nec erraverit, quisquis effectus opii, ut & aliorum medicaminum, pro regionum, quantitatisque, nec non temperiei hominum, ac modi, quo præparantur diversitate, ususque consuetudine &c. admodum variis esse dixerit. Ita quotidie vini effectus pro soli, è quo prodiit, ut & bibentium varietate plurimum differre videmus. Quosdam enim hilares ad cantandum, saltandumque, ac venerem concitat, nonnullos irarixis, audaciaque, & dementi ferociâ turgidos, alios denique tacitos, atque tristes, nec non melancholicos, ac multa sibi pollicentes, vel etiam flentes, tardos, ac somnolentos reddit.

Vini autem nimiam copiam nervos immane quantum debilitare, tandemque imprægnandi tollere vim jam olim 7. *Saturnalium cap*: 6. tradidit *Macrobius*; qui, *hausto autem*, inquit me-

ro plurimo, fiant viri ad coitum pigriores. Sed nec idoneum conceptioni ferunt: quia vini nimietas, ut frigidi, facit semen exile, vel debile. Huic sententiæ subscribit Plutarch. 3. Sympos. quæst. 5. Problematicæ autem Aristoteles quæst. 3. hanc rem proponit.

Unde autem, quæso, papaver fœcundum dictum est? Quænam etiam fuit causa, quod olim fœcunditatem Venus papaver manu gerens hieroglyphicè significaverit? Illud, quia copiosissimo gaudet semine, minimè autem, quod generandi vim mortalibus augeat papaver, factum fuit.

Quî denique contigit, ut ille, de quo retuli, somni tempore succi, ardorisque plenus sibi visus, vigil autem ad opus omnino fuerit ineptus?

Somni quidem tempore veluti torpere sensus, spiritusque ad illorum functiones non impendi quivis sciat: tunc enim maxima spirituum cohors intus convertitur, unde illi copiosiores longe ad partes deferuntur genitales, cum in vigilantis corpore quaquaversum ad munia obeunda dispergantur.

Ita fuere, qui cum uxoribus æstu libidinis perciti coituri nihil emitterent seminis, quod somni tempore effluebat abunde. Hæc autem est ratio, cur semen copiosius à somniantibus, quam vigilantibus coitus tempore expellatur, illique majori, quam hi, voluptate fruantur, citiusque rore madeant.

Marcellus Donatus hist. med. mirabili lib: 6. cap: 18. fol: mihi 397. illustris mentionem facit juvenis, qui congressus, quod somnians, masturbatusque nullo egerebat negotio, semen emittere non poterat. Illud ipsum & præcipuo urbis suæ accidisse viro testatur. Simile quid Aëtius ex Ruffo ad calcem l. 11. & Terrab: 3. serm: 3. c: ult: nec non Forestus l. 26. obs: 18. scholiis memorant.

OBSERVATIO XLII.

Infans intra tres hebdomadas variolis bis impetitus.

VARIOS inter infantum morbos, de quibus multi speciatim egerunt, nulli variolis, morbillisque, qui gradu tantum, ut ajunt, differunt, sunt familiares.

Initio Decembris an. 1682. duo Infantes hic Hagæ variolis, non tamen copiosis corripiebantur; unde febri acutiore, gravibusve non laborabant symptomatibus. Verum, tribus hebdomadis elapsis. natu minorem, exsiccatis variolis, denuo in morbum incidisse mirabundus intellexi, quem triduo post aliæ, at sextuplo majore quantitate erumpentes comita-

CENT. POST. PARS PR. OBS. XLII. 425
mitabantur variolæ. Convaluit tamen
iterum infans.

IN OBSERVATIONEM XLII.

Juxta Veterum , Recentiorumque opinio-
nem pauci admodum variolarum, morbillo-
rumque immunes sunt: etiam si illarum fomes, diu-
tius quandoque in corporibus antequam erum-
pant, hæreat , ita ut nonnulli in ipsâ adolescentia ,
vel juventute , quidam autem serâ in senectâ , alii
denique semel , sæpiusve iisdem corripiantur.

Franciscus Ignatius Thiermairius lib. 1. cons.
c. 7. fol. mihi 91. Monialem septuaginta annorum
variolis vere laborantem , iisque consuetis libe-
ratam remediis se vidisse ait.

Accepi à fide dignis nobilem quandam matro-
nam , cujus mariti cognomen *Moelaart* fuerat ,
ante viginti annos ætatis octuagesimo secundo an-
no in prædio prope Civitatem *Lingensem* variolis
fuisse extinctam.

Expertiss. Medicus *Theod. Liebergius* se mulie-
rem quandam hîc Hagæ in Nosocomio variolis
anno ætatis 80. correptam non sine multorum ad-
miratione percurasse mihi retulit.

P. Borellus histor. & observat. rar. med. Phys.
centur. 3. obs. 10. fol. 202. multos, qui nunquam
variolis laborassent , aliosque , qui duo , vel tria
grana habuissent , iterumque alios , qui bis , &
ter , imo in senectute iis cruciati fuissent , se vi-

426 OBSERVAT. RARIORUM,
disse ait: sed nihil, inquit, adeo mirum mihi
occurrit, quam mulier quædam Bononiensis
Galla, quæ septies eas passa anno centesimo, &
decimo octavo tandem eo morbo periit.

Ipse ego foetus non sine variolarum labe editos
conspexi, quod & *G. Fabru. Hildano centur. 4.*
obs. 55. & 56. fol. mihi 328. accidit.

Nec hujusmodi casus *miscell. curios. med. phys.*
German. decur. 1. an. 1. obs. 13. pag. 156. & an. 3.
obs. 347. pag. 554. Joh. Fernelius lib. 2. de abdit.
cap. 12. fol. 503. P. Forestus lib. 6. obs. 44. pag.
mihi 196. Th. Bartholinus cent. 4. hist. 50. f. 339.
& cent. 4. epistol. fol. 488. aliive tacent.

Joh. Rhodius obs. medic. cent. 3. obs. 83. infan-
tis, qui lue infectus venerea prodierit, mentio-
nem facit, qualia plura nos *Scholio observat. 100.*
tom. 1. fol. 428.

Veteres Medici, & inter eos primi Arabes
variolas menstrui sanguinis, quo foetus nutriri
putabant, contagio provenire crediderunt: qua-
re quemvis, cui maternus incrementa dedisset
sanguis, serius, aut tardius corripiendum sta-
tuerunt. Hæc autem non usque adeo vera esse
quis non videt?

Neque enim quarumvis mulierum æque male
se habet sanguis, siquidem prægnantes quædam
sanæ admodum fuerint, nullo sanguinis animad-
verso vitio. Hac autem de re prolixius ad obser-
vat. 19. actum.

Sed nec, quisquis veteri Testamento immun-
das

das menstrui fluxus tempore habitas fuisse mulieres dixerit, certi quidquam de maligna humoris istius profert qualitate, quandoquidem multa tunc temporis impura existimata nobis satis munda habentur alimenta.

Nec malignitatem (inquit *Casp. Barth. Thome filius exercit. 1. fol. 13.*) hujus magis, quam gonorrhœa virilis, per se arguit Lex Divina, *Levitic. 15. v. 19. 25. & cap. 18. v. 29.* Quia prohibetur, ne vir cum muliere menstruata, tanquam immunda, congregiatur; Est enim Lex Ceremonialis, Judæis solis lata, nihil minus respiciens, quam maligni sanguinis infectionem, sed ne impuretur Tabernaculum Jehovæ, *Levit. 15. v. 31.* Forsan etiam, ut venerii illi Nepotuli coercerentur, & ad honestam munditiem incitarentur; Naturalis forsân etiam ratio subest, ad præcavenda alia mala ex ista consuetudine oriri solita.

Quamquam autem vitii nonnihil materno inesset sanguini, fœtus parum inde pateretur detrimenti, quia intra uterum non sanguine sed chylo nutritur. Quin etiam, licet minor quædam ejusdem sanguinis portio nutrimentum præstaret, haud dubie in placenta purificaretur.

Eadem etiam, si quodammodo inquinatus esset Matris cruor, fœtum mox inficeret labes; uti in papula pestifera, sive febre petechiali, variolisque, & venerea lue, nec non minus naturalibus

428 OBSERVAT. RARIORUM,
bus sanguinis motibus aliisque morbis, quibus
immundarum matrum mox infestantur foetus,
observare est.

Denique, si variolæ sanguini imputandæ sint
menstruo, Italorum etiam, Hispanorumque
iisdem corriperentur infantes, quorum genitri-
cibus æque, ac nostris, menstruus fluit liquor.
Hos tamen rarius istis laborare constat, cum sæ-
pius quandoque nostrates eodem affligantur in-
commodo.

Hujus autem seculi doctiores conceptus tem-
pore in foetus corpore nonnihil, quod crassioris
substantiæ, qualitatisque acrioris sit, ac è chylo
(quo diversæ admodum naturæ particulis con-
stante foetus viscera concreta sunt) tandem pro-
veniat, produci, diversisque in solidarum par-
tium tubulis diutius latere posse existimant; do-
nec à peregrino quodam in actum deducatur
æthere, sanguinique admisceatur, vel exhalat-
iones quædam peregrinæ ex hominibus variolis
infectis erumpentes, atque alterius ingressæ
poros latens malum ad fermentationem perdu-
cant.

Quamvis autem posterior hæc ratio mihi ma-
gis arrideat, quam prior, neutiquam tamen suf-
ficit. Neque enim video, cur infantes istam,
de qua loquuntur, materiam, variolarum cau-
sam, matrum in corporibus acquisitam tam diu
post partum retineant, cum porosa admodum,
fluidaque passim sint humana corpora, neque
quare

quare ea ipsa intra 50. 60. 70. 80. annos per poros non expellatur.

Nec magis liquet, cur, quidquid id sit, non febribus, scabie, herpeteve, aut aliis, queis non ita raro vexamur, ante senectutem ejiciatur morbis; Aut, quid obftet, quo minus semper omne semel, & simul erumpat malum.

Æque etiam incertum est, unde contingat, ne materia illa tot, tamque diversis alimentis, nec non tempestatum, regionumque, ac ætatum multum degeneret mutationibus, nisi quis illam adeo viscidam, immobilemve, ut tam facili maturescere, vel avolare minime queat, etiam per hunc, illumve morbum non simul è latebris educi potuisse, vel denique adeo pertinacem dicat, ut nullo alimento, aerisve, aut ætatis differentia immutata ad maturitatem pervenerit. Hæc autem minus perspicua esse quis non videt?

Certum equidem est contagiosum, & malignum quendam, sive ab astris, sive ab infecto corpore manantem æthera plurimum huc conferre, nec non diversas anni tempestates varie admodum corpora nostra afficere, prout æther magis, minusve fuerit malignus, vel infantum corpora se habuerint. Quapropter malignitatis illius diversitate plures nonnunquam, paucioresque variolas, vel vehementiora, aut mitiora symptomata sequi, ac veluti pestem quandam in infantes furere experimur.

Un-

Unde variolæ, morbillique, quos nonnulli quandoque confundunt, ab Italis morbilli, sive parva pestis vocantur. Pestis enim κατ' ἐξοχήν ipsis *Il morbo* est.

Interdum ita malignæ reperiuntur variolæ, ut plurimis exedentes admodum prava ulcera, membrorum convulsiones, epilepsiæ, aliaque gravia comitentur symptomata. Imo etiam oculos, malas, linguam, nasum, articulos, fauces, pulmones, intestina, aliasque nonnunquam lædere, ac corrumpere partes, ipsaque quandoque erodere ossa visæ sunt. Quade re legatur *Tulpius obs. Med. lib. 6. cap. 51. fol. mihi 379.* ut & *Joh. Mekeranus App. obs. med. Chirurg. cap. 10. fol. 472.* nec non *P. Borell. cent. 1. obs. 34. fol. 38. Zacut. Lusitan. prax. med. adm. lib. 3. obs. 47.* ut & *Joh. Fernelius lib. 2. de abdit. c. 12. fol. 503.* qui morbum hunc adeo malignum, fœdumque fuisse scribit, ut, occæcatis oculis, universa cutis in squammas soluta sit fœtidas, crustasque ingentes, nec non corpus omne non aliter contabuerit macie, nigroreque, ac si menses quatuor è furca pependisset.

De variolarum gravioribus symptomatibus vide *N. Tulp.*, & *Mekeranum* locis adductis, nec non *Miscell. med. phys. curios. decur. 1. an. 3. obs. 230. fol. 419. & 562.*

Sub variolarum crustis vermiculos nonnunquam repertos tradunt *Fr. Joël lib. 19. prax. sect. 5. cap. 2, Joh. Rhodius obs. centur. 3. obs. 64. fol.*

CENT. POST. PARS PR. OBS. XLII. 431
fol. mihi 181. nec non D. Sennertus part. 2. de
infantium morbis cap. 2. Zacut. Lusitanus pr.
admir. lib. 3. obs. 46. fol. 355, Horat. Augenus
lib. 9. de febris cap. 7. & comm. lib. 1. art. cur.
ad Glauconem.

P. Borellus obs. centur. 2. obs. 72. fol. 168. item
obs. microscopica 31. fol. mihi 21. vermiculos
non dissimiles ait illis, qui veteribus reperiuntur
in fragis. Iob. Schmidius Ephem. curios. Germ.
an. 1. obs. 85. fol. 142. plures quinquaginta ver-
miculos blattarum magnitudine post magnum
pruritus, prodeuntiumque variolarum indicia
exterius in collo infantis cuiusdam trium anno-
rum apparuisse testatur. Christoph. Franciscus
Paulinus Ephem. earundem an. 6. obs. 3. fol. 8.
puelli cuiusdam Pomerani meminit, qui an-
tætatæ 12 variolis correptus, intolerabilemque
sentiens pruritus, Matrem, ut fortiter ipsum
fricaret, rogarit, cui cum illa morem gereret,
augebatur pruritus, unde mater ejus perlustrans
corpus minutissimos vermiculos albos, nigra ca-
pitibus gerentes puncta è poris partim egressos,
partim egressuros immensâ animadvertit copiâ.

Multos vermiculos post variolas etiam cum
urina excretos fuisse testatur Ernhfr. Hagendor-
nius miscell. med. phys. curios. German. decur. 1.
an. 3. obs. 38. fol. 44.

Hanc autem ob causam Christoph. Langius
disputat. de morbillis Lipsiæ an. 1660 habita vario-
las, morbillosque non nisi gradu differentes,
eâ-

432 OBSERVAT. RARIORUM,
eâdemque provenientes scatur gine nihil nisi ver-
minolos partus esse dixit. Quod variis experimen-
tis microscopii ope factis laborantium sanguinem è
naso stillantem, ut & pus è variolis prodiens,
ipsasque intestinorum fœces vermibus fuisse re-
pletas edoctus esset.

*Athanas. Kircherus scrutinio Pestis in sangui-
ne tempore febrium putridarum emissio vermicu-
los se animadvertisse refert, quod & testatur
P. à Castro sect. 1. de Febre maligna aphor. 15. &
sect. 4. aphor. 13.*

Simile quid Hafniæ se vidisse memorat *Th:
Bartholinus tract. de morb. Biblicis fol. 103. nec
non P. Borellus cent. 3. obs. 4. fol. 189. ut & scrip-
tor Zod. med. Gallici an. 2. fol. 76. & Miscell.
med. phys. cur. German. an. 2. obs. 154. p. 243.*

OBSERVATIO XLIII.

*Totius corporis cutis sensu, ac calore
destituta.*

Diversa inter cutis vitia non imme-
rito recensetur sensus abolitio, de
qua, haud dubie, quod rarius occurrat,
pauci admodum quidquam literis con-
signarunt. Celeberrimus Medicinæ
Doctor *Joh. Frederic. Helvetius* hujus mali
exem-

exemplum fati memorabile mihi retulit, quod ipsi Amstelodami An. 1678. in paupercula quadam vidua annorum 36 videre contigerat. Hujus enim partium externarum superficiem marmor frigore non vincebat, utut membra fati moverentur. Rigida passim, & instar pellis, qualis tympana sonora reddit, dura nihil fere sensus reliquum habebat. Huic autem incommodo *D. Helvetius* intra tres hebdomadas diaphoreticorum, antiscorbuticorumque ope illam exemit.

IN OBSERVATIONEM XLIII.

DE simili mulieris vitio me aliquando legisse memini; Sed nec viri cujusdam immemor sum, qui graviore affectu scorbutico ex Indiâ Asiatica huc percurandus venerat: quamvis autem ille membra pro lubitu moveret, cutis sensu usque adeo erat obtuso, ut vel prunis usta nullum sentiret dolorem: huic autem subjectis partibus pungentia, acrioraque fati afferebant doloris.

Elephantiasis, five verâ Arabum Leprâ, olim correpti cute sensus experte fuisse, at, musculis læsis, dolore non caruisse memorantur. Huic

autem vitio nomen est, quod omnis ejusmodi hominum cutis elephantinæ simillima esset pelli: Maculis enim quibusdam nigricantibus infecta, & inæqualiter scabra, crassaque, ac veluti squamis erat obducta.

Cutis itaque sensu externo amisso, motuque musculis superstitite, sentire tamen partes motum efficientes animadvertendum est: adeo, ut hæne tum quidem, cum partes exteriores, quæ musculos contegunt, non amplius sentiunt, sensu careant. Hinc itaque partium membri interiorum sensum, remanente motu, non amitti, at contra, musculis motum auferri posse, superstitite sensu patet. Pauciores enim spiritus ad sensum, plures ad motum requiruntur, quibus non satis abunde in musculos influentibus, motus deperit, relicto, utut obtusiore, sensu. Hoc tamen multorum Veterum, & præstantium Medicorum opiniones evertit, qui nonnunquam unum, idemque membrum sensu destitui, motu non sublato, sæpius affirmarunt.

Hi autem non animadverterunt illam ~~αισθησιαν~~ non in musculis, sed in cute tantum, vel forsan etiam in panniculo carnosio fuisse, cujus vitio etiam externas laborare crediderunt partes.

Si quis, unde hujusmodi sensus abolitio cuti obveniat, quærat; contingere quandoque sciat, ut externum, intensiusque frigus, vel etiam humores quidam ita cutis obstruentes poros, ut

tran-

CENT. POST. PARS PR. OBS. XLIII. 435
transitus spiritibus occludatur animalibus, illam
producant: cutis enim hosce etiam spiritus per
nervos recipit, quorum ramuli, ac innumeræ
eâdem terminantur fibrillæ, cui origo acutioris
sunt sensus.

OBSERVATIO XLIV.

Exostosis, sive ossis excrescentia.

QUam gravis ultor Deus T. O. M.
scortatores à tergo sequatur, evi-
denter, opinor, hac patefcet observa-
tione; qua cuivis innotescet, quomo-
do fæda veneris lues non solum carnosas,
sed & ossæas ita invadat partes, ut hæ in-
tus (mirum!) undique nonnunquam in-
tegra exteriore membranâ, exedantur,
corrumpanturque.

Hoc autem cuidam, nomine A. B. an.
1653. obvenit malum, quo ipsa tibiæ
substantia haud aliter quam malignis ul-
ceribus excrescentia solet carnea, intum-
uerat: ossæa quippe isthæc prominen-
tia quartæ ulnæ partis longitudinem, ac
superne majoris latitudinem æquabat
pollicis in acutam, ac à tibia separatam

436 OBSERVAT. RARIORUM,
desinens extremitatem: Hæc autem vi-
tam misero eripuit labes, qui tale libi-
dinis pretium tulit. Ossis à Chirurgo
Arnoldo ab Heck cadavere exemti delinea-
tionem Tab. 14. prima ac secunda dabit
Figura.

A. A. Os femoris

B. B. Ossis naturalis Apophysis

C. C. Epiphysis naturalis

D. D. Exostosis præternaturalis

E. E. Ligamentum ossis femoris, quod
anteriori coxendicum ossis annec-
titur parti.

IN OBSERVATIONEM XLIV.

Galenus lib. de tumoribus præter naturam
cap. 15. fol. mihi 84. & 14. meth. med. cap. 17.
fol. mihi 93. Exostosin præternaturalem quan-
dam ossis vocat prominentiam superfluo, terre-
strique, ac maligno ortam humore, quam etiam
in Elephantiasi laborantibus reperiri ait, quorum
ossa *Celsus* etiam corripit asserit.

Quamvis autem suspectæ vulgo sint hujusmodi
eminentiæ, nec, nisi lue venerea, eaque inve-
terata produci existimentur, aliis tamen quando-
que imputandæ sunt causis.

Nic. de Blegny *Zod. med. Gall. part. 2. f. 209.*

Ju-




fig:3

CEN
Juve
teani
paula
dolor
cum
quoli
tius c
quiffe
tius,
tat, i
videb
Co
fiffura
medu
ni. l
per q
ment
tendit
curati
opera
In
tenui
offibu
ois,
nem t
neran
Saz
nentia
rinari
nem c

Juvenis fabri ferrarii meminit, cujus brachio ante annum, ac sex menses tumor ortus erat, qui paulatim auctus magnitudine tandem insigni dolore cieverat. Verosimile, inquit, est, cum brachium ante fractum fuisset, (os enim quo loco tumor erat, omnino fuerat ruptum) citius coaluisse fracturam, interstitiumque reliquisse fistulæ, per quam iter habuit succus nutritius, à quo os consolidationem obtinere debuerat, ita ut humor ille tuberi, quod mere osseum videbatur, materiam suppeditaverit.

Contingit interdum, ut vitium hocce tibiæ fissura equi calcitracione in ipsam penetrante ossis medullam producat, qualis *obs. 95. tom. 1. memini*. Hæc autem asseralis vulgo dicitur fractura, per quam sensim ossis plerumque extillat nutrimentum; ibidem loci etiam ipsum tandem extenditur os, donec oriatur *Exostosis*; de cujus curatione lege sis *C. Solingium part. 4. manual. operat. Chirurg. cap. 21. fol. 320.*

In universo passim corpore, at præsertim in tenuiori, carne obductis *Exostoses* proveniunt ossibus, v. gr. sincipite, cubito, thorace, tibiis, manibus, pedibusque. Contagiosæ autem tandem in foetidas, ac pure manantes degenerant exulcerationes.

Sæpe etiam in pecudibus hujusmodi prominentiæ animadvertuntur, quod mali genus veterinarii Itali, *Soprosso* sive ossium exulcerationem dicunt-

Qui plura de *Exostofcos* caufis, ac curatione defiderat, adeat *H. Fabrit. ab Aquapendente lib. 3. de ulceribus pag. 141. & operat. chirurg. fol. 167.*, nec non *Aurel. Severini effc. Chirurg. cap. 29.*, ac de *chirurgia*, quæ ad offa pertinet *cap. 12. fol. 142.* ut & quæ nos *obs. 94. tom. 1.* ejusque fcholio.

OBSERVATIO XLV.

Diffiffus, ac percuratus tendo.

Jobus Baster celeberrimus olim Chirurgus, nunc autem & Zirizæ in Zelandia Med. Doctor, mihi, Cornelioque Solingio Anni 1682. mense Augusto retulit die 12. April: an. 1677. se juniore cuidam rustico è pago *Oosterlant* medicas applicuisse manus, qui sibi securi, quali nostrates arborum ramos deputare solent, musculi supinatoris longioris tendinem, ubi radio implantatur (qui musculi radiæ externi, sive bicornis dicitur tendo) duorum digitorum latitudine supra sinistræ manus ligamentum annulare usque ad ipsum disseccuerat os. Superior autem illius pars ad distantiam, quam

quam pollex cum dimidio latitudine impleret sub communibus integumentis sursum in vaginam resilueraat, infima vero, quæ paulo infra vulnus apparebat, non longe recesserat. Medicus itaque, vulnere ante omnia aperto, brachioque, ac manu versus interiora flexis, vossellâ tendinis extrema arripuit, conjunxitque acu triangulari per medii tendinis anteriorem partem versus posteriorem filum transmittens ad straminis cum dimidio latitudinis supra extremitatem distantiam, illudque per inferiorem secti tendinis partem pari distantiam modoque ab interiori latere per exterius reducens: divisas dein fortiori filo serico adduxit, ac firmiter ligavit partes. Involucris etiam communibus futura una, atque altera conjunctis turundam planam balsamo quodam vulnerario oblitam, nec non tenax emplastrum cum pulvillo, fasciaque vulneribus admoveri solitis imposuit, cubitumque, nequa vulnere vis fieret, perpetuo flectendum jussit.

Tendinem autem hoc modo sanatum, atque intra dies 14. absque ullo sympto-

440 OBSERVAT. RARIORUM,
mate consolidatum fuisse, rusticumque
pristinum brachii recuperasse usum *D.*
Baster asseruit.

Illam etiam methodum se Lutetiæ Pa-
risiorum ab experto quodam Chirurgo,
cui *Bienayse* nomen, edoctum retulit.

Pari modo fabrum lignarium, cui me-
dii sinistræ manus digiti extensorium
cuneus pungens secuerat tendinem, ma-
tronamque quandam intra tres hebdo-
madas se curasse narravit, cui An. 1682.
mense julio in cellam labenti vas, quod
manu tenebat, musculi sublimis tendi-
nem, qui priorem intus in metacarpio
flectit digitum, ruperat. Nihil autem
mali tribus hisce præter parvulum quen-
dam tumorem, quo loco confutus fuerat
tendo, remansit.

IN OBSERVATIONEM XLV.

DE nervis consuendis non quondam tantum,
sed & hodieque inter Doctos, quorum alii
hunc curandi probant, alii rejiciunt modum,
existit controversia.

Hæc autem ut rite decidatur, quinam, ac cu-
jus indolis nervi sint, & quot lædantur modis,
sciendum est.

Quan-

Quantum ad primum: Notavit *Galenus* 1. *us. part. cap. 17.* Veteres vocasse tendines nervos. Hinamque, ut ait *lib. de ossibus ad Tyrones proemio*, triplices statuebant nervos, arbitrarios videlicet è cerebro, spinalique oriundos medulla, ligamenta ex ossibus provenientia, ac tendines denique, qui à musculis descendunt, Confer ejus *lib. de decret. Hippocratis, & Platonis cap. 9.* ita ut *Galenus* ipsos tendines non simpliciter nervos, sed corpora tantum dicat nervosa, uti videre est *Comm. 5. Aphorism. 1.* Illos enim *lib. 1. de motu muscul. cap. 1. & 2.* nec non *lib. 6. meth. med. cap. 4.* è composita quadam ligamentorum, nervorumque per musculos disporum, quaque hi desinunt, concurrentium naturâ provenire docet, ut *lib. 1. us. part. cap. 17. & d. l. 12. cap. 3.* nec non de placit. *Hippocr. & Platonis cap. ultimo* patet.

Ejusdem & Anatomicorum plerique sunt opinionis, quales *Andreas Laurentius lib. 4. Anat. cap. 13. Picolthominus lib. 1. lect. 7. & G. Bauhinus lib. 1. theatri Anatom. cap. 7.* qui tendinem e subtilibus tam nervorum, quam ligamentorum compositum dicit filamentis, ita tamen, ut e pluribus ligamentorum, quam nervorum constet fibrillis.

Possitne autem tendo pars dici similis, quæ per universum corpus sibi similis sit, nec ne, non ita convenit inter scriptores. Inter partes tamen ille similes ut plurimum numeratur.

Quod vero ad nervorum, five nervosarum partium indolem attinet, omnes frigidae sunt, & siccae, juxta *Galeni lib. 1. de temperam. cap. ult.*, quod sanguine careant. Ligamentis autem molliores, cute duriores esse, idem, *lib. 2. de temperam. cap. 3.* nec non *1. de motu Musculor. cap. 2. scripsit.* Verum nervus proprie dictus pars est fibrosa è plurimis, iisque nervosis, ac fibi invicem, per membranas annexis constans filamentis, nec non longa, rotunda, albaque, ac poris, non aliter, quam Hispanicae arundines, plena, spiritibusque animalibus transmittendis, membrisque corporis movendis destinata. Hac de re legatur *Bartholini Anatomia fol. 452.*

Acuti etiam sensus nervi sunt; teste *Galeno lib. 1. de mot. muscul.* minus autem sentiunt tendines, quia è nervis, ligamentisque, ut modo dictum, contexuntur; ligamenta enim nullo donantur sensu, quod nullos accipiant nervos, scribente *Galeno d. lib. cap. 2. & lib. 1. de us. part. cap. 17. ac lib. 1. de decret. cap. 9.* Idque ita providentissimus humanæ fabricæ artifex, ne membrorum motus doloris foret causa, voluit.

Ejus autem tendines sunt qualitatis, ut hi in adultis rupto callo, ac neutiquam vero, uti pueris contingit, consolidentur nexu: ut vel ideo nervorum futura in omni ætate, necessitate urgente, præsertim autem vulneribus incisione factis, admittenda sit.

Triplici autem modo, punctione videlicet, inci-

incisione, ac contusione nervos proprie dictos vulnerari *Galenus lib. 6. meth. med. cap. 2 & 3.* scribit, quibus contorsiones recentiores addunt. Punctura, scribente illo, vel cœca, & occlusa, vel aperta, ac hians est, incisio autem, ut *lib. 4 meth. med. cap. 3.* ait, vel oblonge, vel transversim, utroque casu cum, vel sine partium superjacentium, cutis scilicet, carnisque deperditione fit.

Carne deficiente, nudus apparet nervus; transversâ autem incisione vel totus nervus, vel quædam læditur pars.

Periculosa sunt quævis nervorum vulnera propter binas à *Galeno art. parvâ* adductas rationes, scilicet quod acuti sint sensus, unde immanes, atrocesque excitant dolores, nec non communionem quandam cum cerebro, quod illorum est initium, habeant.

Inter nervorum autem vulnera periculosissima est cœca punctura, quia nullum eo casu pus è vulnere educi potest, unde putrescendo malignum evadit, dolore, convulsione, aliisque accedentibus symptomatibus. Hæc autem spinis, acubusque plerumque infliguntur vulnera. Cum vero circa puncturam apertio est, non tantum idoneis topicis applicandis, sed & saniei, per quem effluat, conceditur locus.

Minus periculosa est transversa incisio quâ utraque omnino separatur extremitas, quia hujusmodi nervus principio suo non amplius annectitur, unde diductis extremis pars affecta mutila

ma-

444 OBSERVAT. RARIORUM,
manet: sæviore est illa, quæ totum non disjunctum
nervum, quo casu, teste *Galeno* 6. *meth.*
med. omnia cæcæ puncturæ metuenda sunt symptomata.

Oblonga nervorum incisio minimum secum
trahit periculi juxta *Galeni*, & *Avicennæ* opinionem:
siquidem hujusmodi vulnus facilius coalescit,
quia dissectæ fibrillæ minus secedunt, ac
aliquatenus integræ sunt.

Contusio, & contorsio dolore quidem non
carent, quia partes illæ sensibiles admodum,
adeoque humorum affluxui magis sunt obnoxie,
non tamen ita crudeles, quam punctura, vel scissura,
sunt, quod conjunctæ maneant nervorum
fibrillæ.

Quæcunque de nervorum vulneribus diximus
etiam ad tendines pertinent. Tendinum autem
vulnera minus sensibilia, adeoque non ita esse
periculosa observandum est.

Hæc ad meliorem rei cognitionem præmissa
sunt: de tendinum autem futuris jam sermo
sit.

Sunt, qui tendines nec consui permittant, nec
posse asseverent: quia operatione illâ acus novam
continuò producit puncturam, quæ, ut dixi,
vulnerum est periculosissima. 2. quoniam è
quovis vulnere necessario, quicquid foris irrep-
sit, educendum est; quod imprimis in tendi-
num, nervorumque vulneribus, utpote peri-
culosioribus, quàm carnosarum partium, ob-
fer-

servandum sit : ita ut, filum in tendine relictum malorum symptomatum causa sit futura. 3. Quod futurâ non dolor tantum, verum etiam peiora circa vulnus quæ eo calu avertenda sint, proveniant. 4. Quandoquidem ita læsa pars sensu, motuque destituitur. Denique 5. tendines spermaticas, ac coalescere nescias dicunt esse partes.

Quantum ad primum : quia acus rectâ per tendinem transit viâ, vulnusque ad puris exonerationem, medicamentorumque applicationem satis hiat, non magnum à puncturâ periculum esse dico.

Neque enim, admotis mox remediis, valde metuenda est.

Joh. Andr. à Cruce de vuln. tr. 2. lib. 2. cap. 8. fol. m. 92. Nec dolor, inquit, ab acu productus, dum nervi suuntur, timendus; tollitur enim, quamprimum à rosaceo tangitur, nervorum autem capita una cum extremitate musculosæ carnis assui debent, probatur autem hæc operatio ratione à praxi sumpta, & à Galeno confirmatâ.

Sicut enim peritonæum, membrana quidem nervosa inter abdominis musculosas substantias confutum unitur, sic pariter & cæteræ partes nervosæ inter substantias carnosas congestæ, consolidari perfecte possunt.

Filum autem remansurum humorum per fibrillas tendinosas motus corruptionis modo, quæ
fana-

446 OBSERVAT. RARIORUM,
sanationem præcedere solet, sensim expellet.

Potest & illud supra pulvillum ligari, & comprimi, sanatione peractâ recidendum.

Dolor suendo ortus tantus non est, quantus olim credebatur; Tendini enim non multum sensus esse usus docet. Vaginam tamen, quam tendo liber, ac lubricus percurrit, aliquanto auctiori gaudere sensu, multo tamen obtusiori, quam nervum, nullus negaverim: Horum enim extremitates vaginâ non contentæ juxta eandem inter manus, digitorumque terminantur musculos. Hinc, læsâ vagina, tardius, quam vulnerato nervo, manifestantur symptomata.

Jobus Mekeranus obs. 62. pag. 388. se tendines paulatim, ut, num sentirent, videret, imo firmum, magnumque rotulæ, quem aliquando necessitas tollendum urgebat, dissecurisse tendinem tradit. Hunc autem variis, lentisque forcipis, de dolore minime conquerente ægro, recidit incisionibus.

Transversim autem dissecti tendinis puncturam ideo non multum ciere doloris crediderim, quod divisi tendinis filamenta non ita resilire, ac contrahi queant, quam si ille foret integer; maximi enim doloris causa est ejusmodi contractio.

Sed nec membri sensum, motumve capta tollit futura, uti non solum nostra observatione, sed & clarius sequentibus patebit.

Quamvis autem ætate provectioribus quodammodo minueretur, non amitteretur tamen omnis motus.

Que

Quo accuratius tendinis discissi adducuntur partes, eo minus alia accrescet substantia, unde spiritus etiam aliquatenus perfluere poterunt, teste *Guidone cap. 4. tr. 3. de vuln. fol. 180.*

Nec dissidet *M. Aurel. Severinus lib. 2. de effic. Cbirurg. cap. 123. fol. mihi 127.* Neque illud obstat, inquit, quod minime relevatur particula, propterea, quod inductus ulceri porus transitum prohibet spiritus, neque motus vendicatur, porro in pueris servatur functio feliciter, in adultis vero etiam si non aequè id eveniat, tamen quo maxime sunt coalitæ nervi partes, maxime participare possunt spiritus illustratione, atque aliis naturæ muneribus, præterquam quod magis compositæ restant contiguæ particula.

Idem confirmatur exemplo *A. Paræi lib. 22. cap. 10.* qui testatur se tendines Nobilis cujusdam è *Mommorientiorum* familia, qui pollicem erigunt, penitus resectos theca quadam è ferro albo formata, in quam pollicem indidit, duobus loris ad armillas duas supra manus articulum artificiose hanc vincientibus, colligantibusque, ut intentus, erectusque maneret pollex, ita percurasse, ut militarium armorum genus omne captare, & tractare impofterum posset, cum antea desperato coälitu rescindendum non semel vir strenuus quæsisset pollicem.

Tendinum futuras etiam admitit *Avicenna fen. 4. tr. 4. cap. 2.* qui, si disrumpatur, ait, in latitudinem nervus, tum necessarium est ipsum fluere, etiam si non conglutinetur. Gui-

Guido tr. 3. de vuln. nerv. cap. 4. fol. 179. tres pro tendinum futuris exponit rationes: 1. Quia sic uniuntur separata labia, 2. Quoniam nudus carne obtegatur, & ab aere externo defenditur tendo, 3. quod sanationem promoveat futura, etiam si nimis non sit festinandum. Præterea tendinem consuere, quam ad spasmum avertendum omnino aliquando recidere satius est.

Ambros. Parvus lib. 4. cap. 36. de audacioribus quibusdam Chirurgis, qui resectos sub genu tendines acu connectere, ac consolidare ausi fuerint, ac potuerint, memorat.

M. Aurelius Severinus, Chirurg. efficac. lib. 2. cap. 123. tendinem etiam consui permittit

Chalmetens Encheirid. Chirurg. lib. 2. c. 11. fol. mihi 207. Quando nervus, inquit, transversim est omnino discissus, præmissis universalibus, quæ ad curandi methodum pertinent, imprimis unà cum carne, si fieri possit, est sutura reuniendus: quamquam nonnulli reclamant. Decliviori autem loco turunda est immittenda, &c.

Jacob Boevaart, referente Mekerano, se aliquoties apud expertissimum Chirurgum Maynart digitorum tendines, gladio, cultrove dissectos acu falcata, filoque, digitorum superstitie motu, connexos vidisse sancte asseveravit.

Felix Wurtzius libr. 14. de vuln. curat. fol. 123. ubi de reciso magni digiti agit tendine, discissus, inquit, nervus instrumento, si fieri potest, adducendus, consuendusque est; externum tamen vulnus consuere non licet. Ita enim coalescente nervo, paralysicos periculum non incurret laesus.

Joh. Veslingius Patavii quondam Anatomiae Professor exempla quædam obs. anatom. 15. f. m. 90. discissorum, consutorumque habet tendinum: detestatumque se olim fuisse hominum audaciam, sed felicem successum, & vix notabile à peractâ curatione detrimentum, timoris vanitatem arguisse ait.

Expertissimus Medicus Joh. Baptist. à Lamzweerde App. ad armament. Chir. Joh. Scalteti, fol. 137., De modo, inquit, nervos consuen-
, di, magna inter Veteres, & Neotericos lis
, est. Ut autem me ex hac difficultate extrica-
, rem, in cane experimentum institui, cujus
, nervum, & tendinem pedis posterioris prius
, abscissum, deinde communi acu, & filo,
, imbuto tamen oleo therebint: consui, &
, vulnere coöperto communi emplastro, illæso
, incessu, intra paucos dies restitutus est. Sed
, hac usus sum methodo, abscisso medio nervo,
, & tendine, præcisam medietatem ope acus
, prius arcte conjunxi antequam medietatem
, dissecuerim alteram, & acum usurpavi, nullo
, alio oleo, aut emplastro, quam prædicto,

,, imposito: Hoc mihi dubium movit, prorsus abscissum nervum melius adnasci, quam illum, cujus aliqua filamenta intacta remanserint: nam plane abscissus nullos dolores, convulsiones, aut febres adfert quæ omnia non solum agglutinationem impediunt, sed & mortem accelerant.

Non ita pridem etiam Celeberrimus noster Anatomicus, & Medicus Hagienſis *Anth. Nuck* canini anterioris pedis flexorem carpi externum disseccuit, consutasque salvâ actione pristinâ, sanavit extremitates.

Quid ni autem tendinum, extremitates æque, ac ténues læsorū intestinorū tunicæ, nec non ipsa ossa omnes partes duritiæ superantia, consolidentur? Quamvis etiam *Galenus* hanc tendinum coniunctionem propter periculosa, quæ ipsi metuebantur, symptomata repudiare videatur, *libr. tamen 6. meth. med., & de composit. medicam. per genera cap. 12. fol. mihi 23.* muscutorum tendines, vulnerato abdomine, consuit; Infimæ etiam femoris partis transverso vulnere læsæ labia futuris univit, quam operationem, non perforato membranoso, qui femur cingit, tendine fieri potuisse negat *Veslingius*.

Per disiunctum autem, calloque unitum tendinem, nervumve spiritus ad sensum requisitos, ut necesse est, fluere non posse quispiam dicet, quod densa, & crassior sit calli substantia.

Verum

Verum sicuti fracta, ac restituta ossa facile, quamvis non perfecte coalescunt; teste Galeno comm: aph. 19. libr. 6. Hippocratis, qui, si quis, inquit, rupta animalium ossa, poroque jam firmata, sive viva, sive mortua contempletur, manifesto partes ossium separatas poro quodam (ut cicatricem in cute) veluti vinculo circumjecto constrictas esse comperiet, quas si abraserit, fracturæ profundum apparebit non glutinatum. Ita etiam nervi, tendinesque conjungi possunt, quorum tamen intimæ partes non omnino uniuntur, scribente Hippocrate d. Aph. 19. sect. 6. ubi, Si dissectum, ait, fuerit os, vel cartilago, nervusve, &c. neque augetur, neque coalescit.

Quid etiam causæ est, quo minus tendinem, nervumve dissectum non æque perfluerent spiritus, ac per mutilatum quoddam membrum sanguis fertur? Hoc enim casu per continuam sanguinis circulationem vias manifestari cernimus, quibus nutritur membrum. Quapropter nervis valvulas tribuit Cartesius. Regius etiam insuper spirituum non aliter, quam sanguinis fieri circulationem dixit. Hoc autem quodammodo probatur, quod aliquo in membro, v.g. pedis digito majore, subito nonnunquam oriatur Epilepsia, quia malignus iste vapor è membro subito per universum corpus dispergitur, undè successivis omnia convelluntur motibus.

Nonnulli autem membrum, cuius tendo se-

452 OBSERVAT. RARIORUM;
paratus, iterumque confutus fuit, non spirituum;
sed antagoniftæ ope moveri ftatuunt.

OBSERVATIO XLVI.

Vas Lymphaticum vulneratum.

Quemadmodum arteriæ cujufdam
vulnus occlufuro multum difficul-
tatis parit Chirurgo, ita minoris non eft
moleftiæ vafis cujufdam lymphatici, &
præfertim falivalis percuratio, uti exem-
plo naucleri cujufdam Delphenfis, alio-
rumque abunde patuit. Ipfe namque
anno 1668. nautam illum febricitantem
reperi, quapropter ut Chirurgus venam
ei fcinderet, juffi. Quo rite peracto,
percuratoque vulnufculo, è brachii aper-
tura multum aquæ limpidæ pofttridie
effluxiffe animadvertimus, continuato,
at absque dolore, aut inflammatione per
dies aliquot fluxu. Nos autem initio
attoniti laborantem effluvio ifto debili-
tari admodum obfervavimus. Quare
lymphaticum aliquod vas fupra venam
excurrente fectione haud dubie læfum
fuiſſe credidimus, Supprimi enim non
po-

CENT. POST. PARS PR. OBS. XLVI. 453
potuit fluxus, antequam calidum the-
reb. oleum per aperturam immittere-
tur, uti vulnerato tendine fieri solet:
Ille autem ligaturis, commodisque pul-
villis, nec non adstringentibus adjutus
tandem convaluit.

IN OBSERVATIONEM XLVI.

HUmano in corpore varia existere lymphati-
ca vasa multiplex viventium brutorum non
ita dudum manifestavit dissectio: quoniam au-
tem tenuia admodum, ac tenera in hominibus
hujusmodi vasa sunt, providentissimus rerum
Opifex, ut, quo commodius, securiusque uni-
versum percurrerent corpus, arterias magnas
(uti in membris, ac portæ vena circa hepar vi-
dere est) instar hederæ hic illic amplecterentur,
voluit. Lymphatica autem vocantur vasa, quod
tenuem quendam, serosumque, ac limpidum
contineant liquorem, qui chylo miscetur, ut
eo facilius per ductum thoracicum ascendat,
nec non sanguinem venosum sero destitutum in
vena axillari fluidiorem reddat: lymphæ hæc ea-
dem est, quam vulgus laticem vocat nervosum,
læsis enim, exesive vasis illis ubertim ex ulce-
rum, vulnerumve cavitate profluit, ac dein ace-
scens multum Chirurgis negotii facescit.

Quamvis autem de hujusmodi vasorum vul-

neribus, eorumque sanatione pauca admodum existant conscripta, duos tamen nostro omnino similes reperio casus apud Medicum, Chirurgumque nostrum *Cornelium Solingium quartâ part. manual. operat. Chirurg. cap. 34. fol. 325.* quorum primus est viri cujusdam, qui *Aponeurosin*, sive muscoli Solei caput læserat, cujus cavi vulneris intra octiduum carne repleti infima pars pallida admodum apparuit, inferiore etiâ dissecti vasis lymphatici parte, (quæ globuli instar intumuerat) quo minus liquoris animadverteretur effluxus, impediente. Quapropter sensim lympham versus infimum labium pollicis remotam expulit *Solingius*, atque ita, quod in medio globulo, sive papilla ipsius vasis lymphatici apparebat, facillime conspexit ostiolum, in quod usque ad valvulam quandam, quæ obstaculo erat, styllum immisit tenuem, nullo, quamdiu valvula stylo occludebatur, humore exeunte. Illo autem pressione continua educto, tantum effluxit liquoris, quantum cochleari implendo esset. Hunc autem ut sisteret fluxum, frustra vitrioli Cyprii pulverem loco imposuit, postridie etiam cauterio, ut escharam induceret, incassum adhibito, hac enim separata, humor, ut ante, fluebat. Tandem vero, uti læsis sit arteriis, vasculum interceptum, compressumque supra pulvillum, latiore ligavit vitta, apertumque, & hians vasis contraxit ostiolum, fluxumque blando quodam adstringente remedio intra

pau-

paucos suppressit dies, vitta, quam sensim solvebat, donec callo obductum esset vulnus, relicta.

Alterum, quod narrat *Solinguus*, rupti vasis lymphatici exemplum *eodem lib., & cap.* extat. Violenta autem corporis contorsione orta erat hæc ruptio, post quam è vase illo sensim juxta porum quendam cutis subsalsus abunde manabat humor, unde maxime debilitabatur læsus. Accersitus itaque *Solinguus* effluentem liquorem pulvillis, ligaturaque interceptit, scarificationesque quasdam circa porum instituit, quibus cauterium aliquod potentiale haud diffluens, ac ex Mercur. sublimato, sacch. Saturni, amylo, & ichthyocolla constans impoluit, atque escharam, operatione peracta, cruciatim incidit, factaque separatione, tandem vulnus sanavit.

Quamvis autem humoris in vasis lymphaticis tantus non sit motus, quantus est sanguinis in arteriis, venisque, illorum tamen vasorum difficulter percurantur vulnuscula, quia liquor ille non est tam crassæ, viscosæquæ, quam sanguis, substantiæ, ideoque talis ejusdem coagulatio, qualis in sanguine fit, expectari nequit. Salivalia autem omnium difficiliter curantur, testante *eodem Solingio lib. & cap. adductis fol. 376.* Ubi se, cum aliquando ductus salivalis superioris vulnus adstringentibus, ac consolidantibus sanare nequiret, inflexum aliquod instrumentum è chalybe effectum vasi comprimendo, humorique

456 OBSERVAT. RARIORUM,
supprimendo idoneum adhibere necesse habuisse
narrat. Idem etiam ejusmodi occasionebus in-
ternas è validis cicatrizantibus componendas esse
oris collutiones scribit.

H. Roonhuysius part. 2. obs. cap. 39. fol. 246.
de vase salivali in gena vulnerato memorat, cujus
vulneris minor quidam tumor causa fuerat, qui
commode occludi, lymphæ perpetuo, quando
læsus maxillam inferiorem esurus potaturusve
movebat, effluente, non poterat. Hic autem
fluxus nullis actualibus (uti vocant) sisti poterat
cauteriis, verum cataplasmate quodam roboran-
te, atque exsiccante, nec non diætâ siccâ, for-
tioribusque compressionibus, ac tenaci, & adhæ-
rente emplastro priorem ægrotans recuperavit va-
letudinem.

℞. *Resinæ pini* ℥ iij.

Ol. mastich. ℥ j.

Coq. ad consistentiam Emplastri.

H. Fabrit. ab Aquapendente Append. lib. 2.
de vulnerib. genarum, difficilia curatu, ait,
genarum sunt vulnera, quod sanguinis profusioni
obnoxia sint, propter venas, & arterias sursum
per genas excurrentes, quæ sanguinis profusio
vulneris glutinationem impedit. Non oportere
vulneratum mandere, nec loqui, nec buccas
inflare, neque ridere, neque flere, aut inclinato
capite stare, vel spiritum cohibere ait. Versus
aurem etiam foraminulum angustissimum vix ocu-
lis

lis conspicuum apparere scribit, è quo præsertim, cum laborantes mandunt, magna aquæ limpidæ manet copia, quam lacrymæ instar interdum longo tempore durare affirmat. Unde autem, & quomodo effluat, sibi minus liquere ingenue profitetur.

Primo autem hic observandum est, quando istius lymphæ fluxus solo inferioris maxillæ augetur motu, liquidum aliquod alimentum per tubum in os immittendum esse. Secundo vasorum lymphaticorum, ut & venarum interceptionem, compressionemve, ab illa, quæ fit in arteriis, omnino differre. In his enim infra vulnus, in illis autem supra illud, reliquis non differentiibus, fit pressio.

Nonnulli vasculis lymphaticis læsis pulverem *centaurii minor.* non sine successu admovent, aliis non minus prospere *oleum Sabinae* calidum, ut eo melius penetret, imponentibus: quod & olim *Galenus* nervis, tendinibusque vulneratis applicuit, uti *Meth. med. lib. 6. cap. 2. fol: 37. & lib: 4. cap: 5. fol. 88. nec non lib: 6. cap. 3. fol. 38. patet.* Idem etiam *lib. 3. de composit: pharmac: cap. 1. fol: 140. & sec: loc. lib. 1. fol. 122.* oleum *Sabinæ* tenujum ait esse partium. Ante omnia autem inveteratum laudat.

OBSERVATIO XLVII.

Conchæ falsis gravidæ anseribus.

QUemadmodum in homine , quem jure merito microcosmum , sive parvum dixeris mundum , variis animi passionibus humores præter morem celerime , vehementerque moventur , unde omnia in ipso , sive bona , sive mala , quæ ante latentia , ac quieta corpori nihil afferebant impedimenti , commoventur , ac perturbantur , ita etiam in macrocosmo , sive majore mundo se habent maria , quæ variis tempestatibus ferventia , vehementique concitata motu omnia pervertunt , atque è gremio non varios tantum pisces , & animalia , sed & vegetabilia , plantasque emittunt ; quemadmodum succino , ambragrysea , nuce medica , corallo , &c. nec non hocce nostro pisce conchato constat ,

Sub finem æstatis An. 1682. post horrendam tempestatem è mari Germanico , quod appellant , in Scheveringantum litus frustum mali cujusdam navis ejectum





tum est, cui innumeræ adhærebant variæ magnitudinis conchæ, quæ triangulares, ac planæ, nec non læves, lineisque quibusdam extrinsecus albo-cæruleis, ac splendidis notatæ ope tubuli fusci, carnosique, ac nodis interstincti algæ annectebantur, è quo, tanquam umbilicali tubo, nutrimentum sumere videbantur: quod à nonnullis fursum, & deorsum ferri animadversum fuit. Has autem intra conchas rotundum quoddam, & informe conspiciebatur corpusculum, è quo varia brachia, pedesve provenire videbantur, qui versus interiora flexi multos quasi parvos, brevesque, ac fusco-lividos emittebant pilos, quorum supremi cæteris longiores erant, quos quaecunque hoc animal ad alimenta capienda extendere, & attrahere noverat. Decepti autem fuerunt haud ita pauci, qui pilos illos pennas esse credebant, cum ex huius pedunculo utrimque plumæ ut plurimum procedant.

Ad Lectoris captum figuram istius corporis Tab. 15. expressam habet.

IN OBSERVATIONEM XLVII.

Discrepantes admodum istis de conchis fuerunt opiniones, hisce pisces, illis anserinos in istis latere foetus statuentibus.

Dum itaque, quibus accederem, nescirem, accuratius investigandi cupido me incescit.

Primò igitur *Matthiam Lobelium stirp. observ. sub finem* perlegi, à quo non dissentit *Petrus Pena*, qui corpora isthæc Britannicas conchas anatiferas vocant, quemadmodum etiam ipsa figura anseres exprimit Gallis *Maguerolles*, & *Macrenses*.

Existimant multi Scotos non ex ovis, sed è mari provenire anseres, quamvis non inter omnes de eorum origine conveniat.

Munsterus Cosmogr. libr. 2. cap. de Scotia fol. 49. in Scotia inveniri tradit arbores, quæ foliis conglomeratum producunt fructum, qui opportuno tempore in subjectam decidens aquam reviviscat, atque in avem vivam, quam anserem vocant arboreum, convertatur. Veteres quoque, inquit, Cosmographi, præsertim *Saxo Grammaticus*, hujus arboris mentionem faciunt, ne putes esse figmentum à nobis scriptoribus excogitatum.

Aneas Sylvius de hac arbore ita scribit.

„ Audiveramus nos olim arborem esse in Scotia, quæ supra ripam fluminis enata fructus pro-

„ produceret anatum formam habentes, & eos
 „ quidem, cum maturitati proximi essent, sponte
 „ sua decidere, alios in terram, alios in aquam,
 „ & in terram dejectos putrescere, in aquam
 „ vero demersos mox animatos enatare sub
 „ aquis, & in aëre plumis, pennisque evolare.
 „ De quare cum avidius investigaremus, dum
 „ essemus in Scotia apud *Jacobum* Regem,
 „ hominem quadratum, multâque pinguedine
 „ gravem, didicimus miracula semper remotius
 „ fugere, famosamque arborem non in Scotia
 „ sed apud *Orchades* insulas inveniri.

Hanc etiam sententiam *Odoricus Vtinenſis*,
 scribente *Fortun. Liceto de spont. vivent. ortu.*
libr. 3. cap. 47. amplexus est.

Alii ex interiori malorum, asserumque in mari
 fluitantium medulla primo non nihil educi, atque
 ex alga pici adhærente conchas, sive mytulorum
 quandam pendere autumant speciem, quæ tan-
 dem aliis in Ponto acquisitis vel in aëre volitent,
 vel in aquas delapsæ natent; Quos inter *Turnerus*,
 qui hæc animalia *Berniclas* dicit, notante ibidem
Liceto. Hæc autem omnes maris accolæ in Bri-
 tannia, Hyberniaque, ac Scotia, ut & celebrem
 Hyberniæ Historiographum *Gyraldum*, aliosque
 confirmare ait.

Eadem sedit opinio *Heſtori Boëtio d. libr. 2.*
 nec non *Ful. Cafari Scaligero Exercit. 59. ſect. 2.*
 ut & *Mich. Meyero* (teste *Sennerto Hypomn.*
Phys. 6. cap. 8.) tract. de volucri arborea cap. 31.

462 OBSERVAT. RARIORUM,
Cardano de Varietat. rerum, Ortelia descrip.
Scotie, & Hybernæ, Cornelio Scribonio Epi-
tom. Histor. de gentibus Septentr. Alex. a
Alexandro dierum genial. libr. 4. cap. 9. Anthan
Torquemado Hexam., Joh. Baptist. Porta Phy-
tognom., Aldrovand. Ornithologiâ, & de Te-
staceis libr. 3. cap. 78. p. 166. Illi tamen de istorum
anserum, vel anatum nascendi modo maxime
dissentiant. Hi enim ipsos in arboribus crescere
illi maris, aut ligni munere oriri statuunt.

Nonnulli autem primò vermem provenire,
qui sensim in avem mutetur, alii mox intra con-
chas avis primordia poni contendunt. Has autem
quidam ex alga, quidam pediculorum ope, aut
denique è vermibus ligni produci, eique adhæres-
cere tradunt.

Hæc itaque opinionum diversitas ejusmodi
anserum originem merum esse figmentum, quod
conjecturis nitatur, evidenter probat. Siquidem
autem res tam diversimode memoratu, vero si-
millimum est, nullum ocularem esse testem. Erro-
ris causa est, quod anseres illi immenso numero
in Scotiam avolent, ubi autumnali tantum, &
hyberno degunt tempore, ac quoniam natale
eorum quondam ignorabatur solum, ex hujus-
modi conchis illos produci quidam crediderunt,
præsertim; quia avis initium illi latere videbatur.

Rectius recentiores Scotos anseres non illo
modo, sed ex ovis, ut alios prodire dixerunt.

Georg. Marcgravius de Liebstad Hist. rer.

natural. Brasil. lib. 4. de piscibus fol. mihi 188. cap. 22. Reri Apya Brasiliensium meminit, quæ cervicum oblongarum nomine vulgo veniunt. Has è pice navali subter naves immediate adhærentes tabulis innumerâ copiâ oriri, earumque corpus unum aut duos digitos longum, teres, æquali crassitie, duplâ videlicet pennæ anserinæ esse ait. Huic, inquit, annata est conchula figuræ ovalis, magnitudine olivæ, major, aut minor, constatque quinque partibus, albi coloris, sed ubi partes coaluerunt crocei, non dura, sed molliuscula est conchula: In uno latere rimam habet, per quam capitulum suum exserit, constans multis elegantibus quasi tornatis filamentis, lunatis semidigitum longis, color corporis est fuscus, seu nigricans, sūt & filamenta capitis. Immediate autem pici inhærent, quasi corpus abscissum esset, & agglutinatum abscissa parte, nec unquam à navi se possunt solvere, nisi vi abstrahantur. Multa millia sæpe uni navi adhærent, præsertim proram versus inferius, & navis cursum retardare dicuntur. Sed de avibus ex iis prædeuntibus ne verbum quidem refert.

Olaus Vormius Museo hist. animal. lib. 3. cap. 7. fol. 256., Concha, inquit anatifera triquetra, est, foris ex albo cœrulea, lucida, lævis, compressa, unciali longitudine, & latitudine, ad perfectionem ubi devenit, quatuor constans valvis, interdum pluribus, quarum prior, res duæ triplo majores posterioribus, quæ iis
tan-

,, tanquam appendices adhærent, tenues valde
 ,, circa partem crassiore, qua algæ adhærent,
 ,, apertæ, dum aperiuntur, ostentant aviculæ
 ,, rudimenta, & pennas satis discretas. Hæ
 ,, aves, quas perperam olim putarunt ex his
 ,, conchis nasci, quasque Galli *Maguerolles*, &
 ,, *Macrenses* appellant, tempore quadragesimali
 ,, ex Normannia Parisios magnâ copiâ adferuntur,
 ,, vendunturque loco piscium; Nam in
 ,, aliquibus locis pro piscibus comeduntur ut
 ,, pote carnem non habentes, nec ex carne pro
 ,, ductæ. Imo à fide digno Gallo accepi, pu
 ,, blica Theologorum Sorbonistarum sententia
 ,, in piscium, non autem avium classem relatas
 ,, esse has aves. Idem confirmat *Rob. Sibbaldus*
Scotia Illustrata part. 2. lib. 3. cap. 6. fol. 21.

Verum *R. Dodonaus* fol. 1495. è conchis istis
 anates procedere negat.

Carolus Clusius Auctario Exotic. ex Hoiero,
 ,, *Claiks*, ait, sive *Claikgees* Scotis, *Bernacles*
 ,, Anglis, *Rodgees* *Hitlandis*, avis est per au
 ,, tumnum, hyememque duntaxat conspicua
 ,, formâ *Anati* vicina. Hujus natalia cum igno
 ,, rantur, factum est, ut vulgus primum ejus
 ,, protoplasma, sive rudimentum censuerit esse
 ,, testas quasdam albicantes, adnatis truncis,
 ,, sive fragmentis ligneis, quæ maris fluctibus
 ,, in arenam, litusque propelli hic solent, ubi
 ,, ligna alias non crescunt, & formam aviculæ
 ,, istius quodammodo æmulantur. Vivam ta

,, men,

„ men, & omnibus modis absolutam avem ex
 „ massa illa testacea evasisse, aut prodiisse, ne-
 „ mo est inventus, qui se vidisse asserere fuit
 „ ausus.

Deinde, *Aviculæ*, inquit, porro non sunt, quas in *Orcadum* arboribus mari vicinis nasci vulgo putant, & *Bernacles*, sive *Rodgans* appellant, sed aves, anate ferâ non minores, ut ego aliquoties vidi, imo ipsarum carnem etiam gustavi: Meras autem fabulas esse, quæcunque de earum natalibus hætenus fuere tradita, à *Batavis*, qui ante paucos annos ad novam *Zemblam* navigarunt, & fretum *Nassovicum* vulgo *Weygats* superarunt, est deprehensum. Eas etenim aves in aliquot scopulis incubantes suis ovis observarunt, quarum nonnullas cum plurimis in navem retulerunt ovis.

Convenit *Gerardus de Vera* Amstelodamensis historia navigationis ad *Sinas*. Tum remigantes, inquit, ad *Insulam*, quæ media erat, multa *Berniclarum*, quas *Hollandi Rotgansen* appellant ova, ipsasque nidis incubantes invenimus, quæ fugatæ clamare videbantur *Rot, Rot*: unde illis nomen. Lapide autem iacto, unam occidimus, quam coctam cum 60. circiter ovis, quæ in navem detuleramus, edimus. Isti autem anseres, sive *Bernicla*, fuerunt veri anseres *Rotgansen*, quales quotannis prope *Wieringam* (quæ est *Hollandiæ* insula *Australi* prætenta sinui) abunde capiuntur,

466 OBSERVAT. RARIORUM,
,, utut ignoto, quo ova ponant, pullosve edu-
,, cant, solo.

Ideo autem nonnulli eos in Scotiæ crescere arboribus scripsere: Mirum autem non est, ut *Vera* ait, si minus notus priscis fuerit illorum originis locus, quoniam necdum cognita erat tum temporis terra illa, quam ego *Groenlandiam* esse arbitror.

Ortum autem istud videtur figmentum, ut idem statuit, quod nautæ olim ad *Hebrides*, & *Orcadas*, totumque istum tractum navigantes immensum anatum, sive anserum, aliarumque avium animadverterint numerum, quas, cum, unde venirent, nescirent, è ligno, ac conchis produci hallucinati sunt, quoniam ex his magnam animalculorum etiam pennatorum prodire observabant numerum.

G: *Harvæus* quoque lib: de generat: animal: Exercitat: II. fol. 88. relationem illam minus veram ait. *Quæ ipsemet vidi*, inquit, *bona fide disseram. Est insula parva, Scoti Basse nominant* (ex hac una nosce omnes) *non procul à litore in alto mari sita abrupto, & confragoso clivo editissima, verius saxum ingens aut scopulum dixeris; hand amplius mille passuum circuitu amplitudo ejus clauditur. Hujus insulæ superficies* (mensibus *Majo*, & *Junio*) *nidis, ovis, pullisque, propemodum tota instrata est, adeo, ut vix uspiam, præ eorum copia, pedem libere ponere liceat: tantaque supervolantium turba,*
ut

ut (nubium instar) solem, cœlumque auferant; tantusque vociferantium clangor, & strepitus, ut prope alloquentes vix audias. Si subjectum mare inde, (tanquam ex edita turri, & altissimo præcipitio) despexeris, idem quoquoversum infinitis diversorum generum avibus natantibus, prædaque inhiantibus opertum videas, &c. Si circumnavigando imminentem clivum suspicere tribuerit, videas in singulis prærupti loci crepidinibus, & recessibus, avium cujuslibet generis, & magnitudinis ordines innumerabiles: plures sane, quam illuni nocte, sereno cœlo stellæ conspicuntur: si advolantes, avolantesque eminus despexeris, apum profecto ingens examen credas. Haud facile dixerim, quantus redditus quotannis ex plumis, & nidorum, foco utilium reliquiis, eorumque coëtorum commercio Possessori accedat: adeo, quod ipse mihi narravit, fidem experat.

Rondeletius de Balanis hist: piscium, lib. 1. de Testaceis cap. 29. hæc anatíferas, quas vocant, in Normannia, Britanniaque reperiri tradit conchas. Aves tamen hinc prodire silet: illas autem Balanorum quandam esse speciem indicat.

Thom. Bartholinus hist: anatom: med: Cent. 6. cap. 49. fol. 273. conchas sibi semper sui generis, non avium feraces vilas fuisse tradit: harum rudimenta, inquit, interiora vix referre possunt avium pennas. Universam concham replent,

468 OBSERVAT. RARIORUM,
ut pro capite, reliquoque corpore parum super-
sit. Quod caput esse debet, rotunda est portio
quasi muscæ majoris. Certè pennæ avium in ovīs
parciores cernuntur, & in exclusis magis excres-
cunt. Quantum oculo accuratiori, & microscopio
assequi potui, videntur potius cancelli cujus-
dam, vel araneorum pedes subtili lanugine elegan-
ter, & certo ordine distincti, hirsuti, ut sicut
in buccinis, ita & in his conchis non anates, sed
cancellos sui generis nasci sit vero similis. In
opinionem (ita pergit) præconceptam exinde con-
firmor, quod inter Musei arcana servem con-
chas ejusmodi algæ annexas, inter quas una con-
cha prægnans aliam ex se profert, & valvis apertis
excludit, quo indicio perfectæ sui que generis
conchæ se tueri possunt, quæ aliæ ejusdem speciei
conchas generant.

Has autem in maris plerumque fundo crescere
conchas, ac postea tempestatum vi ejectas, so-
lutasque hic illic lignis adhærere certum est.

Hoc etiam confirmat quidam, qui cum hisce
de rebus fide maiora audivisset, legissetque, nec
ipso unquam vidisset, sciendi cupidus aliquan-
do tempore brumali post magnam tempestatem
famulum ad littus misit, ut quædam eorum, quæ
in illud ejecta essent secum adferret, inter illa
etiam hæ, inquit, fuere conchæ, (vulgo anatifæræ)
quæ intus erant scabræ, ac qua in longum ex-
tendebantur, pennam quandam, sive incur-
vatam galli gallinacei caudam abscondere vide-
ban-

CENT. POST. PARS PR. OBS. XLVII. 469
bantur, unde quidam caudæ has esse existimarunt
pennas, verum cincinnis illæ, animalisque cujus-
dam conchæ inclusi similiores apparebant pedi-
bus, quibus alimenta quærere, ac conservare
queant: Frustra enim qualescunque hæ conchæ
accepissent, quam conservare nequirent, vitam.

OBSERVATIO XLVIII.

Insolitus cervicis galli gallinacei tumor.

Viles nimium fortassis quispiam dicet,
quas de animalibus quibusdam
adiecimus, observationes, verum quæ
contemnenda nonnullis videntur, juvare
interdum constat, multi enim, iis accu-
ratius perspectis, maiorem longe acqui-
siverunt rerum cognitionem,

Exemplo sit *Democritus Abderita*, qui
quod passim dissecandis occupatus esset
animalibus, nonnullis parum mentis
compos videbatur, quamvis *Hippocrates*
Cous à miserantibus, ut sententiam dice-
ret, arcessitus longe aliter existimaverit.
Illius itaque Philosophi exemplo neuti-
quam animalium reiiciens dissectionem,
die 24. Novembr. an. 1682. domi D.
Samuelis Cabeliavii Medici non incele-

470 OBSERVAT. RARIORUM,
bris, ubi & D. *Cornelius Solingius* erat,
fui, qui tunc temporis gallum, qui annum
vixerat, dissecabat, cui inter palearia
magnus erat rumor, qui ipsi cantum
adeo impediverat, ut vix audiri posset.
Tumore aperto multas conglobatas,
conglomeratasque reperimus glandulas,
quæ distinctis separatæ membranulis ovi
gallinacei æquabant magnitudinem, ac
in quibus hîc illic quædam reperiiebantur
vascula, quæ versus interiora in com-
munem quendam concurrebant ductum.

In ventriculo præter frustra quædam
carbonum *Scoticorum* extinctorum,
vitri etiam pellucidi inusitatæ crassitie
invenimus frustum, cui glabro admodum
phaseoli minoris figura erat, angulis
acutioribus, qui attriti haud dubie fue-
runt, deficientibus. Tandem & cor longe
apparuit maximum, sive longitudinis,
sive crassitie habeatur ratio, quod pista-
chiæ nuci magnitudine par erat. Intra
illud autem, ac præsertim in ventriculo
sinistro magnam coagulati vidimus san-
guinis copiam, unde nobis orta crede-
batur extensio mortis certissima causa.

IN OBSERVATIONEM XLVIII.

DE tumore isto heic loci quidquam dicere non equidem libet.

Vitrum autem detritum, glabrumque adeo crediderim fuisse, quod Galli, Gallo-pavoneſque fermentum, succumque diſſolventem admodum, humanoque longe potentioſem ventriculis gerant, qui non vitrum tantum, ſiliceſque, ſed & aurum, ut teſtantur, qui experti didicere, atterit, ac ſolvit.

Quapropter internas etiam ventriculorum galinaceorum tunicas exſiccatas, contuſasque Medici non ſine ſucceſſu debili ventriculo laborantibus, quod infirmum nimis eſſet illius fermentum, præbuerunt, notante *Galeno lib. 2. de ſimpl. med. facultat. p. mihi 80.*

Struthiocamelum autem, ut multi putarunt, ferrum concoquere poſſe, ſi quid unquam, eſt falſiſſimum: Quod experiētiâ ſe didiciſſe *Foh. Langius epist. med. lib. 1. epist. 12. fol. 51. ait.* Iſto autem præjudicio nitebantur, qui animal hocce ſoleam ferream equinam roſtro gerens depinxerunt.

Decepti autem fuere, quotquot avem illam deglutitum ventriculi ſucco diſſolvere poſſe crediderint ferrum, ut pote quod alioquin in interiora non immitteret.

Vana autem hæc eſt ratio: Multa enim ani-

malia non nutrimenti, sed saporis, vel medicamenti ergo quædam deglutiunt. Ita gallinæ, & præsertim gallopavones per fauces transmittunt lapillos, aliaque substantiæ durioris corpora. *Thom. Brouwnius Pseudodoxia epidemica cap. 22. fol. 296.* se in ventriculo gallo-pavonis 700. invenisse lapillos indicat, hos autem digestionem magis promovere, quam consumi ait. Nonnunquam etiam illi in fæcibus horum animalium alvinis reperiuntur, licet difficilior eorum ut plurimum sit descensus. Ipsis enim Brouwnius varios lapillos, frustulaque obtulit ferrea, quæ post octiduum in ventriculis fuere reperta.

Ipsæ autem lapillos, induratasque calcem deglutitam gallinis medicamen præstare reor, quia nimis acidum, aut acre huiusmodi materiâ dulcius evadit fermentum. Hoc enim in illam vim suam convertens multum amittit acoris, obtunditurque admodum, cujus abundantia sæpe absque testis prodeunt ova; Aceto enim ova per aliquot dies immissa testas amittere videmus.

Peyerus tamen duriora non tam acido Gallinarum succo, quam lapillorum allifione, & duobus internis duris, ac callosis ventriculorum parietibus atteri statuit.

Gramen etiam canibus remedium est, quod tamen non concoquunt. Columbæ quoque juniores falsos deglutiunt lapillos.

Struthiocamelos *Leo Africanus*, qui in regionibus, quæ iis abundant, vixit, magnam ferri quan-

CENT. POST. PARS PR. OBS. XLVIII. 473
quantitatem, lapillosque deglutire, sed & per
aluum excernere tradit.

Ulyss. Aldrovandus, cum, inquit, Tridenti
essem, Struthiocamelum ferrum deglutientem
vidi, cujus ingentia postea egerebat frustra..

O. Dapperus descriptione Africae fol. mihi 214.
An. 1659. tres Salæâ ad uniti Belgii proceres le-
gatos venisse memorat, qui inter alia etiam
Struthiocamelum adducebant dona. Quoniam
autem hoc avium genus pueri ferrum concoquere
posse crederent, plurimos illi objecerunt clavos
ferreos, quos quidem deglutivit, sed brevi post
extinctus fuit, Ejus autem in ventriculo ultra
90. clavi ferrei reperti sunt: Idem insuper Struthio-
camelum deglutitum ferrum, lapidesque inte-
gros non sine intestinorum læsione rejicere asse-
rit, unde in morbum, & atrophiam incidit,
affirmante *Fonstono fol. 55.*

Neutiquam tamen ferrum, lapidesve in ven-
triculo Struthiocameli aliquandiu detentos im-
mutari, aut quodammodo deteri diffitemur. Id
autem non tam concoctionis, quæ vi caloris cu-
jusdam fit (ut dixere veteres) quam quidem acris
cujusdam in ventriculo liquoris attritione con-
tingit: quin & illud ipsum in homine interdum
fieri posset. Ita nummus æneus, qui, ut tra-
dit *Amatus Lusitanus curat. med. cent. 2. curat.*
59. fol. 216. per integrum annum in juvenis cu-
jusdam corpore latuerat, imminutus, detritus-
que prodiit.

474 OBSERVAT. RARIORUM

Meminerunt & *Acta Hassniensia Thom. Bartholini volum. 5. obs. 107. fol. 278. & seqq.* Londinensis cujusdam, qui varia frustra ferrea, lapidesque aliquot rotundos avellanæ magnitudine devorabat, sed post duos, pluresve dies per alvum reiiciebat, qui tamen ab acido, & acri ventriculi fermento aliquatenus erant detriti. Idem & baculum vitreum breviorē deglutierat, qui per dies quatuor in corpore retentus, cæruleo demum infectus colore, & velut ab aqua stygia corrosus per alvum exivit; Bacillus itidem alius è buxo, postquam per sex hebdomadas in intestinis delituerat, in frustula demum disruptus similiter fuit eliminatus. Idem ferrivorus cardialgiā interdum lapillis deglutitis tollere potuisse dicitur. Quosdam etiam nimis acido ventriculi fermento præditos post durorum, crassorumque alimentorum usum, v. g. carnis fumo indurata, pisciumque exsiccatorum, fabarum &c. multo alacriores existere experimur.

Rari cujusdam tumoris in galli collo reperti meminit *Thom. Bartholinus centur. 5. hist. 29. fol. 52.* Tumor autem ille rotundus, rubicundusque, & quasi oculis, palpebris, & ore donatus conspiciebatur, per quod foramen patebat. Oesophagus liber erat. Pressius intuentibus videbatur esse arteriæ asperæ caput, nescio quo vitio ad exteriora prolapsum, & dilatatum.

OBSERVATIO XLIX.

Ovum in ovo repertum.

Quemadmodum à sexu muliebri, non tantum bene constituti, sed & minus consueti producuntur fœtus, ita etiam à brutis, vegetabilibusque, ac iis, quæ in mari gignuntur, mira quandoque proveniunt. Sæpe etiam fit, ut fructus quidam, v. g. citrea, aliaque mala, nec non ova sui similia intus abscondant.

Non ita pridem consanguineorum quidam ovum mihi dono dedit, intra quod, cum comedendum frangeretur, aliud quoddam ovulum durâ etiam obductum testâ, magnitudine ovi columbini, aut olivæ reperiëbatur, quod vitello carens in medio majoris ovi vitello situm erat.

IN OBSERVATIONEM XLIX.

Similis ovi mentionem facit *Th: Bartholinus act: med: part: 5, cap: 17.* ita ut exterius ovum albumen contineret, vitello minus complectente ovum.

De simili refert idem *Bartholinus*, *epist. medicentur.* 3. *epist.* 63. *fol.* 387. quod inter Regis Daniæ rariora servabatur. *G: Harvæus exerc:* II. *de generat: Animal.* *fol.* 26. se per exiguum crusta intra gallinæ ovum majus perfectum, & cortice undique obductum vidisse ovum scribit. De malo citreo fructifero *Christian: Willichius ad Th. Bartholinum Epist.* 4. *cent.* 3. *fol.* 153. & *epist.* 63. *cent.* 3. *fol.* 385. nec non *Ol. Vormius Musei lib.* 2. *cap.* 28. *fol.* 206. & *Harvæus d: lib. & cap.* de malo quodam Citreo, intra quod aliud perfectum, sed minus, flavoque obductum cortice inventum fuerit memorant.

Joh. Baptist. Ferrarius gravidum malum citreum descripsit, delineatumque exhibuit *lib.* 3. *Hesperid.* *cap.* 19. Simile quid de aurantio annotavit malo.

Michael Doringius idem *Uratislaviæ* observavit in quodam pomo, uti literis *D. Sennertq An.* 1632. significavit.

Ova autem in ovis reperta, testa que contexta duriore Aristotelis, Pliniique opinionem destruere videntur, qui testam non intus in corpore gallinæ, sed externo aëre indurescere scripsere eodem modo quo cæruleus lapis, aliaque in terra nec non corallum sub aquis reperiuntur mollia, atqueeducta aëre indurescunt.

Marsilius Cagnatus lib. I. *variar. obs. cap.* 9. „ Aristotelem, & Plinium oppugnans, per- „ spicuum, inquit, *satis est* intra alvum ipsa- „ rum

„ rum avium, quæ mox parituræ sunt, duro
 „ putamine ova reperiri, quod cuivis licet
 „ sumptu levissimo experiri, scilicet si quam
 „ partui proximam viventem volucrem incidere
 „ non pigeat, quod est præstantissimum adve-
 „ ritatem hujus rei cognoscendam. Manibus
 „ etiam tenuimus gallinam, cui repente ovum
 „ excidens durum idem persuasit: fregimus
 „ etiam in cujusdam ventre ovum, eaque disse-
 „ cta apparuerunt putaminis fragmenta omnino
 „ illis similia, quæ naturaliter emergunt, &c.

Eadem est *Harvæi* sententia d. l., quam ovo intra ovum concluso, testâque satis durâ vestito confirmat.

Idem quoque clarum est ovo, quod *Bartholinus* centur. 5. hist. 95. fol. mihi 176. duplici, at separata donatum reperit testa. Nec non eo, quod in technicotheca Regis Danorum Frederici tertii olim spectabatur postquam in gallinæ utero in Norvegia lapideam induisset duritiem.

Monstra etiam in ovis interdum reperiri testatur *Vlysses Aldrovandus* hist. monstr. fol. 389. ex *Fortun. Liceti* relatione de monstris, ubi, Gallinam, ait, ego domi alui quinque digitos habentem in utroque pede, quæ post ova multa, mediocria, pusillum edidit, infra columba-ceum, sine luteo, in cujus albumine serpens, ac veluti vermiserat, in quem luteum mutatum fuisse suspicor: etenim novi clariss. virum *H. Fabrit. ab Aquapendente*, in ovi luteo vermem

478 OBSERVAT. RARIORUM,
fatis magnum inter comedendum comperisse;
quo mire stomachatus ovorum esum dilectissi-
mum diutius intermisit.

Meminit *Ambros. Paraeus de monstis lib. 24. cap. 2. fol. 545.* monstri cujusdam mirandi, quod in ædibus Jurisconsulti Augustoduni in Burgundiâ conspectum fuit.

Joh. Faber Lynceus exposit. in Nardum Recchum fol. 773. de scorpionibus in ovo repertis memorat. De his plura secuturæ observationis habet scholium.

Quamvis autem mirum sit, si fructus fructum, atque ovum ovum contineat, magis tamen admirandum est scribere *Thom. Bartholinum tract. de insolitis partus viis cap. 16. pag. 133.* mures interdum foetus producere prægnantes, nec non olim in Hispania equam exclusisse mulam ventre mulam gerentem.

Omnium autem maxime mirandum est, hujusmodi imprægnationem, ut testantur nonnulli, in hominibus etiam interdum conspici, cujus rei exemplum memorat *Thom: Bartholinus d. lib. cap. 2. fol. 124., &c. & cent. 6. hist. anat. obs. 100.* de filia mortua in lucem editâ, in cujus distento ventre post dissectionem reperta fuit filiola, qua de relegantur quoque *Ephemerides Eruditorum Gallia an. 1676. fol. 182.*

Non minus insoliti partus mentionem facit *Gabr. Clauderus miscell: med: phys. curios. dec: 2. an. 3. obs. 72. fol. 164.* Ubi prope Naumburgum

gum Thuringiæ oppidum in pago *Bezgendorff* molitoris cuiusdam uxorem solito tempore filiolam peperisse narrat, cui abdomen præter morem tumebat. Hæc autem filiola post octiduum subito maximis corripiebatur torminibus, prout continui fletus, inquietudo, corporisque abunde significabant motitationes, ac post aquæ cruentæ fluxum mox filiolarum promebat viventem, hanc secundinæ lochiorumque fluxus, quæque solitum comitantur partum, sequebantur.

Posterior hæc filiola dimidium longitudine æquabat digitum. Tenera autem mater cum infante, avia, sive priore puerpera, superstite, interiit. Memorabilem hunc casum non tacuit, qui *Reipubl. literaria Acta mensis Octobris an. 1685. fol. 1092.* gallica conscripsit lingua.

Similis etiam historiæ, quæ ante secula aliquot accidit, mentio fit breviario rerum memorabilium Isibordi ab *Amelunxen App. anni 4. dec. 2. Ephemerid. German. hist. 20. fol. 198.*

Existimat *Thom. Bartholinus d. l.* naturam ejusmodi casu (ut ejus verbis utar) gemellas motitam errore, aut lusu quodam, alteram in alterius uterum inducta detrusisse cuticula. Hanc autem rem (modo ista vera sint exempla) longe melius per ova muliebria, quæ ante annos aliquot ab accuratioribus quibusdam anatomix indagatoribus reperta sunt, exponi posse crediderim, præsertim etiam nostro ovi in ovo inventi exemplo.

OBSERVATIO L.

*Non dari Basiliscum infestiores demon-
strat.*

Vix ullum verius dictum est, quam quod *mundum decipi velle* affirmat. Usque adeo enim plurimi vanis præjudiciorum sese obruunt involucris, ut hisce sôlis vanos pascentes animos ingentiam Judicii, rationisque corrumpant vim.

Advena quidam hic Hagæ anno 1681. moriturus Basiliscum, quem vocabat, reliquit. Litis autem de lana hac caprina subortæ fama ad nostras pervenit aures. Visendi itaque cupidus letale spectavi monstrum, quod pedis fere unius longitudine è Raja quadam effictum alas, & ne quid deesse videretur, terna capite gerebat cornua. Incurvata ei cauda veluti unco spiculi in morem ære munita, pedesque galli gallinacei, omniaque ad horrorem, vulgique captum efformata erant. Figura plane ei talis erat, qualem celeberrimus *Joh. Jonstonus*, clarif-
si

CENT. POST. PARS PR. OBS. L. 481
simusque descripsit *Vedelius*. Quam inane autem *Basiliscus* ille terribilior nomen sit, ostendere aggredior.

IN OBSERVATIONEM L.

Basiliscus ὁπὸ τοῦ Βασιλέως dicitur, quia horrorem draconibus, & serpentibus incutit, vel forsitan, quod tria capite gerat cornua, quæ totidem coronæ quibusdam videntur, unde Rex vocatur Draconum; vel denique, quia, ut nonnulli tradunt, anteriore corporis parte erectus incedit.

De hoc multa Veteres memorant; quales *Plinius natural. hist. lib. 8. cap. 21. Solinus Polyhistor cap. 49. Archelaus lib. 2. cap. 9. Aetius terribil. serm. 1. cap. 29. & 33. Aelianus lib. 7. histor. animal. cap. 1. Avicenna fen. 6. quinti, Isidorus lib. 12. Dioscorides, Ardoynus, Grevinus, &c.* quæ nec à Recentiorum nonnullis rejecta, apud emunctæ naris homines fidem non invenerunt: quamquam non desint, qui veterum figmentis plura addant.

Nullius autem animalis æque abstrusa est, ac Basilisci, & Unicornu origo: observandum etiam putem, sicuti hoc contra quævis venena præstantissimum ministrat remedium, ita illum ex adverso non Stygio tantum oris halitu, sed & aspectu quævis interimere dici.

Duplicem Basilisci speciem docti quidam describunt, alteram serpentis è simili animali prodeuntis, alteram vero serpentis quidem; sed volucris, atque è galli ovo emissi.

De posteriore valde dubitatur, multique præclari scriptores istam opinionem figmentis annumerant. Hos inter familiam ducunt *Matthiolus in Dioscordem lib. 6. cap. ultimo*, *Julius Cas. Baricellus hortulogeniali*, *Mixaldus memorabil. centur. 9. aph. 53.* *Cardanus lib. 1. de Venenis*, & *Albertus Magnus de animal. 25.* Hic enim è galli ovo Basiliscum produci falsissimum ait; Cui accedunt *Aldrovandus*, *Gesnerus Grevinus*, *G. Charleton Onomast. Zoico cap. de serpent. terrestr. fol. 32.* omnia, quæ tam de Basilisci ex annosi galli ortu, quam de funesto aspectu traduntur, meras dicit fabulas. Quamvis *Levinus Lemnius*, utut non absque scrupulo, *lib. 4. de naturæ miraculis cap. 12. fol. 402.* gal- lum ætatis nono, duodecimove anno ovum quoddam figuræ rotundæ, variique coloris parere scribat, quod ab ipso, aut bufone forum Basiliscum producat, uti & avium serpentumque ovis contingere nonnulli statuunt, si aliquatenus putrefacta à bufone, venenatove foveantur animali.

Isthæc autem *Clariss. Vedelius, miscellan. med. phys. decur. 1. an. 3. fol. 202. obs. 127.* ac *Harvæus de generat. animal. exercit. 13. fol. 51.* ad aniles relegant nugas.

Fon-

Fonstomus hist. natur: de avibus lib. 2. fol. mihi 79. Basiliscum veteris galli ovo produci, præsertim si bufo incubuerit falsum esse scribit. Gallum enim non magis ovum testa cinctum, quam virum foetum edere posse certum est.

Quis autem, quæso, bufonem galli insidentem ovo unquam invenit? Plurima profecto sunt, quæ figmentum detegant. Neque enim in aqua tantum, sed & in terra bufo degit nulla pariens ova, quæ corporis fotu fertilia reddat. Quis autem hujusmodi animal, ut ovo galli gallinacei tanto incumbat tempore, quo suis incubare non solet ovis, sponte concitari credat? Innatus quidem appetitus quædam animalia, ut ovis suis sive alienis, neque enim dignoscunt, infideant, impellet: hoc autem impulsu animalia, quæ simili modo sua non excludunt ova, ferri nemo sibi persuadeat.

Bufo insuper frigida est temperiei, requisitoque ad exclusionem destituitur calore. Quamvis autem hic foveret ovum, non tamen prodiret Basiliscus. Pullos enim matribus similes produci, qualescunque tandem fuerint, quis ignorat?

*Sic canibus catulos similes, sic matribus
Hædos*

Noram. - - - - -

Anne etiam bombycum ovula, quæ
Hh 2 pue-

484 OBSERVAT. RARIORUM,
pueri foveant, similes omnino vermes producant?
Sed nec pro incubantium varietate ova mutantur:
quod avium aliena excludentium ova exemplo
constat.

Ita ex anserinis, vel anatinis sub gallina positis ovis non gallinaceos, sed anserinos, vel anatinos emitti videmus pullos. Cuculi etiam ova aliarum in avium nidis exclusa non nisi cuculos promunt, &c. Quare nec bufo incubatione, & fotu, ut è galli ovo animal dissimilis omnino generis, ac naturæ prodeat, efficiet.

Quod si etiam iis incumbens bufo multum produceret varietatis, æquum certe esset, ut pulli & gallum, & bufonem referrent.

Thom. Brown Pseudo-doxia epidem. p: 218.
gallos quosdam annosos, atque ad semen ejaculandum inhabiles non nihil tamen femini simile ejicere asserit, quod in figuram ovi concreescens substantiæ sit infœcundæ, siquidem iis, quæ generationi inserviant, caret. Deest enim utriusque generis coitus. Hoc etiam intactarum gallinarum ova demonstrant, atque ipse, ut ait, in iis, quæ gallorum ova appellant, expertus est.

Gallum autem ova producere dictu difficile est, quod non nisi à fœmellis, quas ille fœcundas reddidit, procedere, ratio, ususque docet. Ita etiam *Harvæus exercitat. 28 p: 108., &c.* statuit: ita ut absque utriusque commixtione non
ma-

magis ovum producat, quam fructus absque arbore. Ideoque rerum Parens utrumque evidenter distinxit sexum, ut mutua gignerentur ope foetus. Quod ita verum est, ut nullum excipiatur animalium genus; neque enim mares, sed foeminae ovariis donantur. Hæc autem gallis deesse expertus asserit *Thom. Bartholinus* qui cent. 1. hist. 99. pag. mihi 48., & *Actis Hassniens. an. 1673. obs. 10. fol. 14.* se coram *Frederico Tertio Daniæ Rege* an. 1651. Hafniæ veterem quendam gallum, qui ovum produxisse certò affirmabatur, dissecurasse, verum ne minimum quidem ovarii indicium animadvertisse refert. Quando itaque gallo non est uterus (ut scribit *Fonstons hist. natur. de serpent. lib. 1. fol. 39.*) nescio profecto quo tandem pacto Basiliscus à gallo intra ovum formetur. Gallum equidem gallinarum ovis quandoque incubuisse nullus diffiteor: verum ex iis, quæ Gallus prompsisse fingitur, five ea sub gallinis posita, five aliis modis, insolitoque calore foveantur (ut in *Ægypto*, alibique fieri solet) nihil omnino, ac multo minus Basiliscus profiliet.

Ita ut, quæ gallis vulgo tribuuntur, vel imatura, vel monstrosa, aut subventanea esse ova constet, quæ gallinæ steriles prodixerunt: quamvis ea gallus in nido non suo forte repertus protulisse putetur.

Quamquam autem interdum varii admodum

486 OBSERVAT. RARTORUM
coloris , figuræque reperiantur , gallinarum
tamen sunt ova. Licet enim aliquando gallinarum
in nidis inveniatur gallus, nihil tamen ovorum
exclusisse dicendus est.

Utut autem uteris galli carent, docti tamen
nonnulli, ac Philosophi (quos inter & *Levi-
nus Lemnius*) ex interno ejus, putrefacto
semine aliquid ovo non dissimile , quod cuti-
culâ testæ loco obducatur, prodire posse affir-
mant. Sunt etiam, qui Basiliscum non vera
solum generatione, uti serpentes, verum è
quibusvis putridis produci rebus, atque ideo
in foetidioribus plerumque sub terræ superficie
locis degere asserant: sed non ego credulus
illis. Quamvis enim, quod tamen neutiquam
statuerim, annosi galli è putrido ova produ-
cerent semine, illud certe, quod post incuba-
tionem, aliumve modum ex iis proveniret,
non ejusdem, cujus gallus, naturæ, sed mon-
strum quoddam imperfectum foret, haud ali-
ter, quam è corporis humani (ut quidam au-
tumant) putridis humoribus per varios putre-
dinis modos insolitæ interdum figuræ vermes
producuntur. Horrendi quippe vermes, alia-
que miranda insecta in gallinarum ovis non-
nunquam, ut fol. 477. memoravi, reperta
fuerunt.

Ex ovis autem putridis, fætidoque humore
repletis varia quandoque producta fuisse ani-
malcu-

malcula testatur *Galenus* 11. *simpl. & 3. de tem. peram. cap. 22.* nec non *Plinius lib. 10. cap. 53. & Ælianus lib. 10.* alique, quamvis nonnulli qualemcunque hanc productionem non putrefactioni, sed alii imputent causæ, quam mox recensabo.

Steph. Blankardus collect. Med. Phys. cent. 3. obs. 90. Lugduni Batavorum an. 1636. apud *Petrum à Wellen* mercatorem ova quædam præparata fuisse, in quorum aliquo animal quoddam serpenti simile cum vitello latuerit, memorat.

Thom. Bartholinus hist. centur. 6. obs. 87. fol. 348. vivi cujusdam vermis intra ovum in horto suo profundè sub terra fodiendo inventi mentionem facit.

H. Fabrit. ab Aquapendente inter comedendum etiam aliquando in ovi vitello magnum animadvertit vermem, uti *Scholio observationis 49. fol. 477.* momimus.

Non ita pridem ad celeberrimum *Stenonem* Florentiâ quidam litteras misit, quibus serpentes ex ovo quodam prodiisse Significavit, cum ex ovis forte ferculum serenissimæ Principis mensis imponendum pararetur, teste *Bartholino Actis Hassn. an. 1673. part. 2. cap. 10. fol. 16.* Felis in gallinæ ovo repertæ *Med. D. Comes Zod. Med. Gallici an. 1. obs. 7. fol. 147.* meminit.

Ovi cometæ figuram referentis *D. Des-Noties* eodem *Zod. an. 3. obs. 8. fol. 30.* mentionem facit; hoc autem gallina primum post vehementes glucidationes Romæ secundo Decembris an. 1680. excluserat, quo tempore conspicuus fuit cometes, cujus figura d. l. videri potest. Hujus quoque *Ephemerides Gallica an. 1981. fol. 86.* meminere.

Verum qua ratione qualiscunque hæc tandem fiat productio, non ita dicere promptum est. Omnes autem illæ, tamque diversæ putrefactioni non debentur figuræ.

Dubitandum non esse *Bartholinus centur. 6. hist. 87.* scribit, quin gallina serpentem pariens à simili imprægnata fuerit animali. Hoc autem *Licetus lib. ac. cap. adscriptis pag. mihi 253.* famulam quandam cui *Julia* nomen, sibi testatam asserit, quæ se non semel gallinam ab aspide comprimi observasse dixit, cujus ova fota non pullos, sed parvos excluserint serpentes. Gallina autem diluculo egressa glucidans, maritum aspidem vocavit, ac per totum diem cum eo commorata frequenter succubuit, nec non nisi sero ad tugurium regressa est.

D. Segerus miscell. Med. phys. Germ. Decur. 1. an. 3. obs. 190. p. 358. gallinas animalia esse panphaga, & non solum omnibus fere granorum generibus, sed omnium animantium, cum terrestrium, tum aquatilium, imò ip-

ipforum serpentum, ſcorpionum, aliorumque venenatorum carnibus, ſtercoribus item humanis, ſemine, & ſanguine menſtruo, arenis, ac lapillis delectari dicit, unde facile ſimilia quædam deglutiunt. Verum iſtæc rationi conſentanea non putem.

Imaginationis vim, quæ circa humanorum foetuum formationem maxima eſt, in nonnulla etiam animalia agere crediderim.

Fienus lib. de viribus imaginationis queſt. 20. fol. 332. non tantum, ait, hominum, ſed & brutotum imaginatio ſignat; ita ut ſimiles ſint iis rebus, quæ tempore coïtus parentum phantaſiæ imprimebantur.

Nec diſcrepat *Valleſii libr. de ſacra Philoſophia cap. 11.* opinio. Idem quoque *Ariſtoteles ſect. 10. problem. 12.* nec non *Plinius 7. hiſtor. natural. cap. 12.* ſtatuunt, additâ & ratione, cur hominum magis ſint diſſimiles parentibus, quam brutorum proles. Hominibus enim magis vagam, & celerem in coïtu imaginationem eſſe, quam brutis affirmant. *Ariſtoteles* etiam brutis imaginationem *lib. 3. de animalibus comm. 157.* tribuit. Quamvis brutorum minus valida ad ſignandum, quam hominum ſit imaginatio, ut res ipſa clamat.

Qui vero rationem brutis denegant, etiam imaginationem tollunt.

Isbr. de Diemberbroeck Anatom. corp. huma-

490 OBSERVAT. RARIORUM,
ni lib. 2. cap. 2. fol. 413. Quamvis, ait, bruta
animalia imaginatione, intellectu, & memoriâ
carere quidam dicant, habent tamen quidpiam
hisce non multum dissimile, quod operibus
aperte indicant.

Hoc autem hodiernis non memoriæ, sed
reminiscentiæ nomine intelligitur.

Secundum testimonium Prophetæ *Jesaja*
cap. 1. v. 3. cognovit bos possessorem suum, &
asinus præsepe Domini sui. *Feremias cap. 8.*
v. 7. Etiam ciconia, ait, in cœlo cognovit tem-
pus suum, turturque, & grus, & hirundo
observant tempus adventus sui. Similiter canis
herum, domesticosque distinguit, eorumque
dictis est audiens. Sed & plura in hisce ani-
malibus rationis reperiuntur vestigia. Hac de
re *Rorarius lib. 1. de ratione brutorum* memo-
rabile adducit exemplum, quod in aulâ *Car-*
dinalis Alexandri contigerat. Hujus enim
amicus, solo cane comite, venatus, cervum-
que in vasta sylva, magno persecutus studio in
profundiorē forte inciderat puteum, unde nun-
quam prodiisset, nisi domum reversus, aulamque
latratibus complens, nec non huc illuc discur-
rens domesticis, uti ipsum sequerentur, signi-
ficasset canis, quo animadverso, herique ab-
sentiâ intellectâ, protinus, ut canem nonnulli
sequerentur, Cardinalis jussit. Quo duce
cum ad puteum pervenissent repertum edux-
erunt

erunt herum. Similia canum exempla passim legere est.

Quis autem canem herum aliquamdiu relinquare, hominumque implorare opem docuit?

Nonne igitur illi veluti rationis quandam inesse umbram confiteri necesse habemus? Multa etiam hostes discernunt, foetusque ab illorum rabie defendunt animalia. Cervum aggressura, teste eodem *Rorario*, primo se in arena convolvit, multoque alas onerat pulvere aquila, quem deinde in cervi, supra quo volat, cujusve in cornibus sedet, oculos conjiciat, ut occæcatus à rupibus præceps ruat.

Simiæ astutiam plurimis ostendunt rebus. Elephas etiam tanquam magna ratione gaudens multa miranda exsequitur, testibus *Plutarcho*, *Æliano*, *Plinio*, *Lipsio*, *Acosta*, *Garcia ab Horto*, *Jacob. Bontio*, aliisque fide dignis.

Rhinoceros Elephantem invasurus cornu ad durius quoddam acuit corpus, quo illius ventrem, qua tenuissima est cutis, terebret.

De formicarum autem, apumque, atque avium, quæ nidos, & araneæ, quæ telam tam artificiose textit, cognitione nihil dicam.

Nonne etiam Christus brutorum quibusdam majorem, quibusdam minorem tribuit intellectum, qui *Matth. cap. 10. v. 16. Estote, ait, prudentes tanquam serpentes, & sinceri, tanquam columbæ?*

Ga-

Galenus etiam, cum isthæc recte examinasset, *exhortat. ad. art. liberal. studia*, bruta non prorsus ratione carere dixit: & *lib. de arte cap. 12.* hisce plus, illis minus rationis concedendum scribit.

Nec dissidet *Aristoteles lib. 8. histor animal. cap. 3. &c.* qui hominibus artem, sapientiam, prudentiamque, brutis autem quicquam simile esse dicit: paulo ante brutis etiam modestiam, ferociam, humilitatem atrocitatemque, nec non robur, pigritiam, atque animositatem, ac denique sapientiæ, prudentiæque attribuerat specimen.

Nonnihil etiam brutis inesse, quod imaginationi non omnino sit dissimile, sacer docet Codex. Hoc autem circa conceptum non usque adeo invalidum esse oves probant *Jacobi Genes. 30. vers. 37.* Quidenim, quæso, si de divina taceamus providentia, effecit, ut illæ variegatæ nascerentur, nisi discolores virgæ canalibus, quos potaturæ accedebant oves, impositæ?

D: Augustinus lib. 3, de trinit. cap. 12: & lib: 12: de civitate Dei cap: 25. in hanc commentaturus historiam imaginationi etiam immutandæ corporis foetus figuræ vim adscribit. Et *lib: 18: de civitat: Dei cap: 5:* ubi de bove Ægyptio variegato loquitur, quem *Apim*, quod extincti Regis nomen erat, tanquam

quam Deum indigitabant Ægyptii, rationem reddit, cur nunquam talis Ægyptiis defecerit Bos : hoc autem dæmonis ope factum putat, cui non difficile sit variegatum concipientis vaccæ imaginationi offerre taurum. Quod enim in brutis veris coloribus, corporibusque fit, dæmones fictis, falsisque figuris in concipientibus perficere posse autumat.

Qualiscunque autem hæc opinio *Augustinum* fateri brutorum figuras in utero imaginationis vi mutari posse evidenter ostendit. Hæc etiam *Hieronimi*, *Pereryque*, ac *Vallesy* opinio est in eundem *Geneseos* locum.

Imaginationis etiam facultas in aliis animalibus non semel observata est. Memorat *Isbr: de Diemberbroeck anatom: lib: 1: cap: 17: fol: 279.* semet cum pluribus an. 1626. Montfurti Camelum Dromada, vulgo Dromedarium, quem Herus pretio videndum exhibebat, vidisse. Huic autem maximo animali latæ, & rotundæ, sed fissæ ungulæ, genua autem admodum crassa, ac tumida, capitisque humani majoris magnitudine erant: Equa forte huic facta est obviam, quam caballus triduo, aut quatrIduo ante iniverat, quæ subitaneo hujus animalis ita territa fuit occurſu, ut repente retrorsum resiliens insidentem rusticum in terram excusserit. Illa, tandem completo ingravidationis tempore, peperit pullum, cujus

cujus totum dextrum antèrìus omnino Dromedarii crus referebat. Hic autem pullus postea equus evasit validus, quem multis annis scriptor aratra, & currus cum aliis equis trahentem se vidisse affirmat.

*Lycosthenes de operibus Dei fol. 550. ex Fin-
celio an. 1555. non procul Regiomonto equum
fuisse refert, cui thoracis, braccæque varie ad-
modum incisæ, virisque tum temporis gestari
solitæ instar, cutis fuerit. Ejus figura apud
Scottum lib. 5. mirabil. cap. 16. fol. 603. exstat.
Avicenna, ac Albertus Magnus 9. de animalibus
pullum, cui accipitris cervix esset, è gallinæ
ovo prodiisse asseverant, quod gallinam prætervolans
hujusmodi avis terruisset.*

*Andr: Cleyerus societatis orientalis Javæ ma-
joris protomedicus Miscell: Med: phys: curios.
Germ. decur 2. an: 5. obs: 16. fol: 36. de ovo gal-
linaceo memorat, in cujus testa serpentis reperta
sit imago, cujus causam subitum statuit horro-
rem, ad stipulante etiam Sebast: Scheffero Schol.
præcedentis obs: fol: 37.*

*Joh: Baptista Porta magia nat: lib: 2. cap: 19.
fol: 22. Si variegatos, inquit, produci cupias
equos, stabula, locave, ubi admittuntur ad
coitum equi similibus ornanda erunt aulæis, ha-
rum namque colorem referunt equuli. Idem
Oppianus lib: de venatione indicat, qui modum
demonstrat, quo discolores comparentur co-
lum-*

umbæ: huic adde *Aldrovandum Ornithol.*
lib: 14. cap: 1. de monstris f. 225. Isidorum lib. 12.
Origin: cap. 1. Cælius Rhodiginus lib: 20. cap: 14.
 illique in animalibus alba nasci ex genitoribus
 alba imaginantibus produnt, sicuti de pavoni-
 bus refertur. Sed ipsum id in equarum quoque
 gregibus in Hispania factitatum legit Rhodigi-
 nus, quod Jacobus Hæbræus fecit.

Celeberrimus *Simon Viresius magno Theatro*
Historico part: 2. fol: 575. variegata producta
 uisse animalia usu constare scribit, loco, ubi
 parentes coituri essent, albis, nigrisque, ti-
 triumve maculis, aut pomorum, cerasorumque
 coloribus distinctis velis contexto. *Joh: Baptista*
Porta eodem libro, quo pacto hirsuti canes,
 l bæque fues, nec non candida comparari queant
 ecora, docet.

Quandoquidem ergo humani fœtus prægnan-
 tum imaginatione varia admodum signa, im-
 pressionisque, ac figuras recipere possunt, quid
 i & in brutorum fœtibus (siquidem hæc non
 mnino imaginatione destituuntur) simile quid
 interdum conspiciatur?

Jacobi Hæbræi autem ovium maculas di-
 inâ quadam ortas providentiâ nonnulli dicent.

Ioh: de Mey Physiolog: sacr: cap: 28. fol: 71.
 probabile, inquit, est, naturalem fuisse hunc
 effectum: intensissimum enim obtutum in ali-
 quam rem cum vehementi ejus imaginatione in
 ip-

496 OBSERVAT. RARIORUM
ipso ardore coëuntium, atque in articulo conceptionis, valere plurimum ad varie colorandum, & afficiendum conceptum, ad similitudinem nempe illius rei, quæ tunc visa, & cogitata fuerit, multis auctoritatibus, & certissimis constat experimentis. Ars igitur, qua *Iacobus* usus est, naturalis dici potest, ut effectus, qui consequutus est, naturalis etiam fuit; verum huic *Iacobi* artificio Deus ita benedixit, ut prorsus ex voto successerit, quod susceperat. Ubi singularis etiam potest observari divinæ providentiæ administratio, quia causa illa non est adeo efficax, & necessaria, quin sæpe fallat; cum sit causa partialis, quæ à fortiori sæpe vinci potest. Quod etiam nunc experiuntur, qui eadem arte conantur canes, aves, aliaque animalia variis coloribus distincta procurare, quos sæpe destituit spes, etsi omnem moverint lapidem. Statuendum igitur videtur, ita pergite idem, Deum peculiari suo concursu, ut benediceret *Iacobo*, atque eum ditaret, applicuisse phantasiam ad hanc versicolore[m] virgarum imaginationem, & ita causas secundas movisse, ut in effectu producendo nihil impediret, quo minus omnia secundum *Iacobi* procederent intentionem.

Hæc de *Basilisco* ex annosi galli ovo productione; nunc an è serpente proveniat, videamus.

Hoc autem serpentum genus non tantum
an

an existat, sed etiam an unquam extiterit, dubitatur.

Galenus lib: 10. de simpl: medicam: facult: fol: mihi 72. se nunquam bestiam, seu feram regiam, quam vocant *Basiliscum*, vidisse scribit: &, si vera sunt, inquit, quæ de hac referuntur, periculosum etiam est vel prope ad illam accedere.

Eadem scribunt *Cardanus de venenis lib. 1. cap. 16.* & *Andr. Matthiolus comm. ad Dioscorid: lib. 6. cap. ult.*

Rhases accuratus rerum novarum indagator, alique, qui in Africa degerunt, in qua regione, ut tradit *Avicenna lib. 4. fen. 7. tr. 4. cap. 22*, *Solinusque cap. 40.* & *Ælianus 3. animal.* ortus est *Basiliscus*, nullam illius mentionem faciunt, quamvis autem nonnulli ejus meminerint, non male tamen indicasse videtur *Hermolaus Barbarus*, qui *lib. 2. Coroll. in Dioscorid. cap. 219* Arabes, ac præcipue quidem *Avicennam* descriptis serpentibus non paucos commisisse errores, incertosque admodum plurima perperam non absque mendaciorum nævis statuisset asserit.

P. Bellonius, qui in Orientalibus diutius vixit regionibus, multa quidem de venenatis animalibus observavit, nusquam tamen *Basilisci* meminit. Hic equidem *observationibus singularibus, & memorab. rerum. lib. 2. cap. 73. pag. 132.* ubi

498 OBSERVAT. RARIORUM,
de serpentibus agit, alatos dari testatur Dra-
cones; hisce autem *Basilisci* minime tribuuntur
qualitates.

Bochartus de Animal. S. Script. part. 2. cap.
10. p. 404. ubi de vero Basilisco, qui serpens
est infestissimus, agit, quem ego, utut de hujus
forma, viribusque non ita inter omnes con-
veniat, dari cum viris maximis crediderim,
absit, inquit, *igitur à nobis, ut alas addamus*
tali monstro, quod vel sola reputatione tam est
terribile.

Sed nec nostris temporibus ullus unquam
visus est talis, qualem describere Veteres, nec
ullibi terrarum reperitur *Basiliscus*.

Recentiorum tamen nonnulli historias quas-
dam de eo lectoribus obtrudere gestiunt.

Refert *Platina de vitis Pontificum* de *Basi-*
lisco, cujus veneno Romæ sub fornice quodam
prope sanctæ *Luciæ* templum degentis tota in-
fecta fuerit urbs, quique *Leonis IV. Pontificis*
Max. precibus, memorante *Scaligero exercitat.*
546. §. 4. extinctus fuerit. Verum, quia nec
Platina, nec *Scaliger* figuram ejus expressit,
anne ibidem venenatus serpens, an aliud quod-
dam latuerit monstrum, asseri non potest. Ne-
que enim letalem dari Basiliscum, sed animal
quoddam pro eo habitum fuisse hæc probant te-
stimonium. Idem de serpente, cujus cadaver se-
inter *Cæsaris Maximiliani* thesauros vidisse re-
fert

fert *H. Mercurialis de venenis lib. 1. cap. 21*, ac de *Basilisco* sylvestri dicendum est, quem *Christoph. Encelius lib. 3. de re metalli cap. 54.* à Pastore quodam acutâ securi occisum se vidisse tradit : Nam nec *Encelius* forte, nec Pastor *Basiliscum* novit, quod vel hinc patet, quia neuter eminentiarum quarundam capitis mentionem fecit, quas haud dubie non minus observassent, quam alii, modo verus fuisset *Basiliscus*. Quod si etiam Pastor hunc serpentem ranas, vermesque comedentem vidisset, ut sibi ab hoc narratum ait *Encelius* teste *Nierenbergio lib. 6. cap. 20.* non adeo funestus fuit, ut fingitur, cum aspectu non necaret : Quare etiam *Nierenbergius*, an *Basiliscus* Afer fuerit, dubitat.

Rarum admodum exemplum refert *Joh. Pincierius Medicinæ Professor Marpurgensis lib. 3. Enigm: 22:* quod à *D. Mosano* Archiepiscopo Catalensi se accepisse dicit. Narrat enim *Basiliscum* Warfaviæ an. 1587. extitisse, qui adultam magnitudine æquans gallinam caput, quod tanquam galli Indici fuerit cristâ, veluti coronâ insigne, flavoque; ac cœruleo distinctum colore extulerit. Oculi ei erant, quales bufonis, corpusque alis præditum, mirisque variegatum coloribus, qui flavi imprimis, cœruleique, ac rubri, vel etiam virides apparebant. Longis ille flavescensibusque gallo similis inceserat pe-

500 OBSERVAT. RARIORUM,
dibus, post quos duo, quales bufonibus sunt,
conspiciebantur. Incurvata denique ei, erecta-
que erat cauda, cujus superior pars maculis no-
tata erat, flavescebat autem inferior, extremi-
tate bufonis colorem referente. *Joh.* quidam
Faurerus è Silesia oriundus monstrum hoc liber-
tatis spe ex antro educturus speculis quorundam
consilium secutus se totum cinxit, unde *Basi-
liscus*, formâ suâ conspectâ, extinctus fuerit.

Hæc autem ita quidem traduntur, sed plus
mererentur fidei, si oculatum se dixisset testem
Mosanus.

Tacent etiam hac de re omnia temporis illius
historiarum monumenta.

Sed nec in subterraneis antris, in quæ demissi
homines illico intereunt, suffocanturve, *Basi-
lisci* latere dicendi sunt, qui toxico necent. Va-
pores enim maligni antra implentes vitam homini
quam citissime eripere valent, cujusmodi exem-
plorum vetustas plena est, ac causa innotescit.
Qua de relegatur *Lycosthenes tract. de operibus
Dei*, nec non *Licetus*, qui referunt è sepulchris,
quæ diutius occlusa fuerant, apertis erumpentes
plurimos strangulasse vapores.

De venenato quodam puteo in oppidulo, *Til-
liers* non procul Vernolio Normanniæ *Simon Vi-
resius* pag. 2. fol. 202. agit.

Seneca quæst. naturalibus multarum Italiæ via-
rum antra venenosum exhalare vaporem, quo in-
spi-

spirato homines, brutaque extincti fuerint, testatur, ita ut & aves eo tactæ deciderint mortuæ.

Plura apud *Fontanum analect. obs. 22.* ac *Marcell. Donatum lib. 2. hist. med. mirab. cap. 6.* extant. Quin etiam sulphureum carbonum extinctorum vaporem pulmonum vias omnino ocludere, hominemque subito suffocare videmus.

Quamvis autem vel mille homines, ut retulit *Mosanus*, *Basiliscum* illum viderint, unjus tamen tantum adducitur, Tesserarii videlicet testimonium, qui prædæ precium haud dubie in castris melius, quam naturalium rerum distinguere novit formas.

Egregium, si dis placet, hac in re latet mysterium. Solus in specu repertus fuit *Basiliscus*. Ubi autem gallus pater erat? Scilicet ille solus per longos viarum errores ex Africa in Europam pervenit.

Statuunt recentiores multi omnia ex ovis prodire animalia: quod & juxta Veteres in serpentibus verum est. Sacer etiam Codex *Esaie 59. v. 5.* serpentes, lacertosque ex ovis produci testatur. An vero ovum quoddam illuc translatum erat ex Africa? Sed quomodo in antro illud fovebatur? Quid ni etiam talibus in locis postea hujusmodi reperta fuerunt animalia?

Unde, quæso, animal illud nutrimentum accepit, quo ita cresceret?

Maxima autem de Basilisco terribiliore, alatoque, quem fictum statuo, dubitandi causa est scribentium dissensus. Ita ut vel diversas descripserint animalium species, quæ uno, eodemque comprehenderint nomine, vel chymæram, aut Pœticam fictionem protulerint. Neque enim descriptio tantum, sed & effectus illorum animalium immane quantum discrepant.

Ætius tetrab. 4. serm. 1. cap. 33. fol. 699. Basilisci capiti tres adscribit eminentias, nullâ maculæ albæ mentione factâ, cujus nec *Galenus lib. de theriaca ad Pisonem* meminit, qui flavum Basiliscum, prominentiisque caput decorum scribit.

Plinius lib. 8. cap. 21. illum 12. non amplius digitorum magnitudine, albaque, veluti corona, macula insignem è Cyrenaica Africæ regione ortum scribit. Nec discrepat *Ælianus de animalibus hist. 2. cap. 5. fol. 38.* nec *Solinus Polyhist. cap. 40.* Qui, serpens est, inquit, pene ad semipedem longitudinis, albâ quasi mitrula lineatus caput.

Avicenna lib. 4. fen. 7. tr. 4. cap. 22. eundem coronato, acutoque capite, duarumque palmarum longitudine, nec non rubris oculis, ac colore nigro-flavo esse ait. *Aristoteles lib. 8. hist. animal.* ipsum sesquipedem longum dicit, ut & *Lev.*

Lev. Lemnius lib. 4. de occult. nat. miraculis cap. 12., Grevinus lib. 1. de venenis cap. 18. p. 86 trium illum palmarum longitudinis esse tradit. *Encelius* autem apud *Nierenbergium* majorem, ac valde crassum asserit. Quotquot autem ejus expresserunt figuram, non minus dissentiunt, ut ex *Gesnero*, *Grevino*, *Paræo*, *Aldrovando*, aliisque liquet.

Veteres etiam pari discordia qualitates ejus narrarunt. *Galenus* enim d. l. solo adspectu, halituque homines interimere, tactuque animalia cætera necare scribit, *Heliodorus Æthiop. lib. 3.* illum spiritu, visuque omnia loca vicina inficere statuit. *Erasistratus* apud *Dioscoridem* eum mordere testatur, ut & *Actuarins lib. 6. Meth. Medendi cap. 11.* Illum visu interimere non credit *Fonstons*, quis enim ipsum primò vidisset. Tot denique de eo figmenta, fabulæque exstant, ut risum vix tenere queat lector.

Horum insigniora vide apud *Albertum Magnum lib. de animalib.* Nonnulli, & inter eos *Fracastorius lib. 2. de Antipath. rer. cap. 1. & 9.* omnes, qui ipsum intuentur, etiamsi vel mille distent passus, mori, Arabesque sibilum ejus tantum audientes interire mentiuntur.

Denique *R. Selomo* apud *Bochartum d. l. pag. 407.* quemvis serpentem, postquam 70. annos vixit, Basiliscum fieri, & tunc obturare

aurem, ne incantationes audiat, mugatur.

Ideoque non immerito *Cardanns*, si omnes, qui *Basiliscum* viderant, vel audiverant, obiissent, neminem unquam vidisse se *Basiliscum* referre potuisse statuit.

Meminit *Plinius lib. 8. cap. 21.* Equitis, qui equo insidens hasta *Basiliscum* interfecerat, quemque veneni vis per hastam penetrans non tantum necaverit, sed & ipsum neci dederit equum. Similia habet *Avicenna d. lib. 1. Alianus loco adscripto* illico extinguere tradit homines baculum manu gerentes, quem *Basiliscus* forte mordet.

Solinus d. cap. 40. Nec hominis, inquit, tantum, vel aliorum animantium exitiis datus, sed terræ quoque ipsius, quam pollunt, & exurit, ubicumque ferale sortitur receptaculum. Denique extinguit herbas, necat arbores, ipsas etiam corrumpit auras, ita ut aëra nulla alitum impune transvolet infectum spiritu pestilenti. Cum movetur media corporis parte serpit, media arduus est, & excelsus.

Quin etiam, quod magis mirere, nonnulli aliud animal *Basiliscum* mortuum attingens, propiusve accedens extemplo extinguere scribere non verentur. Quod & affirmat *Solinus*, qui ne defuncto quidem vim deesse scribit.

Quæ si vera sint, quo quæso pacto tot viri celebres *Basiliscum* non vivum tantum, sed & mortuum

tuum tam accurate descripserunt? Est enim animal non ingens, ac propius conspiciendum.

Quomodo ille, qui speculis undique munitus erat, ad *Basiliscum* absque certo vitæ discrimine properavit? vel an respiratione tam diu caruit? Quidam enim extitisse memorantur *Basilisci*, qui non solum vicinum locum, sed & totas, teste *Philostrato* vitâ *Apollonii*, infecerint regiones.

Quare autem suo monstrum extinguitur veneno? Hoc enim si certum est, illi etiam, qui alios afflatu necarunt (qualis erat virgo *Alexandro Magno* dono data, nec non *Italus* ille, quorum scholio ad *obs.* 22. de esu *Araneorum* mentio facta) cognato interiissent toxico.

Quomodo *Avicenna* rubros ei oculos, aliive flavos, aut flammeos esse dixissent?

Cur autem contra letalem *Basilisci* morsum remedia præscribuntur, cum sit insanabile vulnus? nec quisquam ei ita appropinquare possit, ut morfu lædatur? Hæc certe non solo adspectu, sed serpentum more, morfu videlicet, illum nocere indicant.

De remediis parti venenato *Basilisci* dente læsæ adhibendis legatur *Caspar Bartholinus Th. fil. exercit. miscell. p. 50. Dioscorides l. 6. cap. ult.* atque *Erasistratus* Castoreum prodesse asserunt.

Ætius autem *tetrab. 4. serm. 1. cap. 33.* quævis incassum applicari scribit medicamina; cum immedicabilem *Basilisci* morsum, subita morte

medentium conatus frustrante, veteres statuerint.

Ita ut vero simile sit omnia, quæ de Basilisco circumferuntur, mera esse figmenta, nec non monstra, quæ nobis hodie occurrunt, non nisi artificis opus esse, quemadmodum *Aldrovandus*, *Fonstonsque* piscium artificialium delineationem exhibent.

Recte itaque *Magnus Scaliger comm. in hist: animal: lib: 2. cap: 8.* multos formam Basilisci gallo similem artificio expressisse testatur.

Joh: Iænisch: schol: ad obs: Vedeli miscellan: med: phys: curios: Germ: Decur: 1. an: 3. fol: 204. Ejusdem individui, inquit, exuvias, & hic Uratislaviæ mense Majo currentis anni à nobis visas esse nulli dubitamus. Affabre satis, & secundum Auctorum descriptiones erat formatum: verum possessor, fraude detecta, nobis falluse est non esse *Basiliscum*, sed ex certa *Rajæ* specie per artem sic formatum animalculum, pedes scilicet gallinaceos, eminentias capiti adhærentes inferendo, alias partes rescindendo, eo prorsus modo, quo rustici joci ergo gallis castratis calcaria pedum rescindunt, & vertici per incisionem prius factam cristæ loco inserunt, sicque vere cornutos reddunt. Exuvias istas artificio quodam conjunctas, & in *Basilisci* formam ad Auctorum mentem, & historiam effectas fuisse, possessor illarum Hamburgi, & alibi sponte falluse est. Quæ
cum

CENT. POST. PARS PR. OBS. L. 507
cum Clariss. D. *Vedelius* in itinere suo curioso
rescivisset, quod olim cum aliis subolfecerat, ne
falsa pro veris obtruderentur, Amstelodamo
an. 1672. 8. Novembr. monuit D. *Salomonem*
Reyselium.

Non dissimilem cornuti galli effigiem D: *Steph:*
Blankardus collect: med: phys: centur: 6. p: 82.
exhibet, ac p. 209. D. *Corn. Dykium* sapius vi-
disse refert, qui tumentem illam partem, unde
calcar prodit, abscissæ junioris galli cristæ infige-
rent loco, ubi nihilominus illud cresceret.

Hæc autem ut plus mereantur fidei, quædam è
Conradi Gesneri Nomenclatore Aquatilium
pag. 139. addam. Pharmacopolæ, inquit, &
alii quidam Rajas exficcare, & sceleton in varias,
admirabilesque vulgo figuras effingere solent,
cum alias, tum quæ serpentem, aut Draconem
verum præ se ferunt. Corpus enim inflectunt,
caput, & os distorquent, aliaque incidunt, &
circumcidunt, laterum anteriorem partem ali-
quousque rescindunt: reliquum erigunt, ut
alas simulet, & alia pro arbitrio comminiscuntur.

Sic olim *Thom. Bartholinus* filio *Caspari*, tunc
temporis Leydæ degenti, per literas significavit
simile quoddam artificiale corpus rajæ falsò *Haf-*
niæ pro *Basilisco* fuisse obtrusum.

Petrus Borellus hist. & observ. rarior. med.
phys. centur. 2. obs. 74. fol. 169 Multi, inquit,
in museis ostendunt *Basiliscos*, dracones alatos,
man-

508 OBSERVAT. RARIORUM,
mandragoras figuram humanam referentes, quæ
multos ad horum realitatem asseverandam mo-
nuere, licet certo sciam arte hæc omnia parari;
si enim existerent, rariora reperirentur. Vidi
enim ex mure excoriato, & exsiccatò Basiliscum
confectum, ex pisce vero Raja exenterato, collo
oblongato, & coronâ incisionibus factâ fit Draco
volans coronatus, qui ab aliis etiam *Basilisci* no-
mine insignitur. Multos ejusmodi vidi apud
Italum quendam, qui iis sibi victum quærebat,
curiosi enim eas ab illo emebant; Ipse autem osten-
dit mihi modum eos conficiendi.

Denique si *Basiliscus* animal esset certum, in
Noë etiam fuisset arca, rerum enim Creator
Genes. cap. 6. v. 7. se deleturum omnia reptilia è
terra dicit, & *v. 19. 20. Noachum*, ut ex sin-
gulis universæ terræ animalium speciebus bina,
masculum nempe, & fœminam in arcam intro-
ducat, & *cap. 7. v. 8. 9.* ex omnibus universæ
carnis animalibus bina in *Noachi* arcam ingressa
testatur. *Cap. autem 8. v. 19.* omnes bestias, re-
pentes, ac volantes, vel super terram sese mo-
ventes ex arca egressas fuisse legimus. Horum
animalium in numero *Basiliscus* fuerit necesse est,
siquidem juxta communem opinionem nulla ani-
malium species perierit, nec post creationem
nova generata fuerit. Basiliscum autem in Arca
fuisse vero simile non est, Reliqua namque in-
terfecisset animalia veneno. Vel si fait, visu
non

CENT. POST. PARS PR. OBS. L. 509
non necavit; Neque enim alias evasisset summus
custos *Noachus*. Nisi forte miraculo contigisse
quis dicat, ut nulli *Basiliscus* intulerit noxam,
siquidem ex diluvii Historia quævis animalia so-
litas in arca exercuisse operationes, nec non natu-
rali, ac cujusque naturæ conveniente vixisse con-
stet alimento.

Nec cuivis, opinor, usque adeo perspicuum
erit, cur Veteres hoc animal, de cujus indole
valde dubitatur, tam varie descripserint.

Ne tamen omnis in ipsos coniiciatur culpa,
sciendum est, hieroglyphicam eorum in scriptis
latere veritatem, qua ingratus, ac malignus ex-
primitur homo. Est enim illis *Basiliscus* quod-
dam usus non exigui emblemata.

*W. Franzius de histor. animal. sacra part. 4.
ap. 5. fol. 529.* Etsi, inquit, hoc animal quo-
que est imago Diaboli, cujus tanta est
perniciēs, ut seducantur, qui non tantum con-
versantur cum ipsis diabolis, tamen commode
referri potest ad maleficos. Sicut igitur halitu in-
ferficat *Basiliscus*, ita malefici voce calumniante
plurimis nocent.

Nonnulli, ut eum existere ostendant, urbi
Basileæ à *Basilisco* nomen obtigisse statuunt, qui
eodem loci sub ponte quodam repertus sit. Hæc
autem à plurimis explosa est opinio, quam nullâ
ratione *Munsterus lib. 3. Cosmographiæ* scri-
bit.

Varia equidem de nominis istius origine profertur. Nonnulli enim illud à Rhemi trajectu ortum tradunt, unde *Passilea* vernacule, sive *Passil*, teste *Beato Rhenano*, dicta sit urbs.

Ejusdem quoque *Ammianus Marcellinus* lib. hist. 30. meminit, *Basiliam*que vocat, alii autem *Basileam* dicunt, ac si regia significetur urbs. Quidam à *Basilina Caesaris Iuliani* Matre dictam putant. A quibus diversi *Basilio* præcipuo quodam Romano deberi originem statuunt. A *Basilica* nonnulli, sive Templo ab *Augusta*, sive *Augst*, illuc translato provenisse autumant. *Pluverius* denique *Germaniæ antiq. lib. 2: cap: 5 fol: 22:* à magna quadam quercu deo cuidam *Basil* sacra, atque Imperatoris *Valentiniani* tempore, qui *Basileam* an. Christi 374. condidisse fertur, superstite denominatam memorat urbem.

Quid autem S. Scripturæ locis adeo clare de *Basilisco* agentibus fiet?

Certum utique est, quoties in hac illius fit mentio, regiam quandam, malignamque admodum serpentis, qui summâ veneni alios superet vehementiâ, intelligi speciem, qua hominum vicia, malignique notantur animi. Incipe *Proverb. cap. 23. v. 32. Velut serpens mordebit, & velut tſiphoni* (quidam vertunt *Basiliscus*) *punget; nec non Ieremiam cap. 8. v. 17. Immittam in eos serpentes, & Basiliscos in quos nulla est incantatio, & mordebunt vos, ait De-*

minus. Per hosce Assyrii commode intelligi possunt.

Legimus & *Esaie cap. II. v. 8. oblectabit se lactens infans super foramen aspidis; & super cavernam, tsiphonis* (nonnullis Basilisci) qui nuper ablactatus est, manum mittet. Præcedente v. 6. Ecclesiæ prædicitur pax subita gentium ad Christianismum conversione futura.

Deinde Orthodoxorum, paganorumque cohabitatio, veræque Ecclesiæ ab hæreticis portenditur separatio, quorum doctrinam veluti veneno quodam infectam Basiliscus significat: qui serpens longe pessimus Antichristi quædam est effigies. Aspidis autem antrum hujus sedem, templa, & cætus notat. Lactens ille puer veritatis sunt Doctores (quamvis *Pf. 8. v. 2.* ita etiam vocentur Apostoli) qui variis ac præsertim reformationis temporibus Antichristo se opposuerunt. Per delectationem super aspidis cavernam, manumque in eam immissam pugna verorum Pastorum contra Romani Pontificis tyrannidem, eorumque significatur victoria.

Præterea *Esaia c. 14. v. 29. Ne lateris Palestina tota, quod confracta sit virga percutientis te, nam è radice serpentis exit Basiliscus.* Hunc locum B. Hieronymus de Ozia agere scribit, qui serpentis instar Palæstinos pupugerat. Ejus enim de stirpe alius serpens, *Ezechias* scilicet. gravior, infestiorque, ac veluti Basiliscus, prodit.

dit. Atque ista quidem egregie ita exponuntur, quamvis & de Messia hic sermonem esse hieroglyphicum suspicari liceat. Vide sis viri excellentiss. *Sam: Bocharti Hierozoicon*, sive de *Animal. S. Scriptura* part. 2. cap. 10. pag: 405., & 406. quod est omnigena eruditione, atque doctrina locupletissimum opus. Denique *Cap. 59. v. 5.* ejusdem: *Ova Basilisci excludunt, &c. qui comedit de ovis eorum, morietur: & si quis ea conterat, erumpet vipera.* Ova hæc sunt crimina, & scelera, quæ cogitatione concepta per opera excluduntur. Plura *Bochartus* d.l. Sed ista hujus non sunt fori.

Quare verum quidem serpentem existere, qui *Basiliscus* vocetur, cum tantis viris, atque ipso Sacro Codice teste, qui à figmentis non mutuatur similitudines, existimaverim. Illum autem omnium longe pessimum nemo ignorare potest. Ita enim *Lucanus* lib. 9. *Pharsal.*

*Sibilaque effundens cunctas terrentia pestes,
Ante venena nocens latè sibi submovet omne
Vulgus, & in vacuâ regnat Basiliscus arenâ.*

Verum quicquid de illo supra modum traditur, damnandum censeo. Alas itaque, funestumque sibilum, atque adspectum (non tamen halitum) nugis deberi, quæque interdum hisce in regionibus circumferuntur, cadavera ex aliis animalibus arte efficta assero.

INDEX RERUM,

Questionumque Tomi hujus secundi.

Circa capitis vulnerum, utcunque levium, prognostica valde circumspectum decet esse Medicum. pag. 1

An capitis vulnus cum pericranii contusione minime letale sit? p. 3

Exempla quorundam, qui, capite pugno cæso, sine ullo externo vulnere obiêre. p. 6

Capitis vulnera leviter inflictâ, segniterque tractata letalia evadunt. p. 7

Gravissima vulnera cum ipsa etiam cerebri substantiæ deperditione ab expertis Chirurgis curata. p. 8

Cur contusio, vulnusque pericranii Medico sint suspecta? p. 8

Num caput vulneratis post diem quadragesimum respectu istius vulneris nihil sit timendum? p. 9

In omni capitis contusione quam gravia comitantur symptomata, non statim ad cutis apertionem, craniive terebrationem recurrendum. p. 13

Unde fiat, ut quisquam, vulnerato capite, sanguinem non solum per os evomat, sed & postea per alvum ejiciat? p. 20. &c.

Unde quibusdam abscessus in hepate à capitis gravi vulnere oriatur? p. 22. &c.

Quibus ossis syncipitis cavitas supra palpebras magna, quibus parva sit, nec non quibus plane desit? p. 30. 31

Quis sit hujus cavitatis usus? p. 32. &c.

Paralyfes inveteratæ irâ, terroreve subito sublatae. p. 39

Muti continuo vocales. p. 41. &c.

Quænam sit causa, quod paralyticis motus, mutisque

I N D E X R E R U M.

- subito restituatur vox? p. 40. 43.
- Visus longo tempore deficiens fœminæ feliciter post longam à cibo abstinentiam restitutus. p. 44
- Utrum sternutatio levis epilepsia dici queat? p. 45
- Sternutationis causæ variæ. p. 46. &c
- Sternutationes interdum salutares, interdum vero noxiæ. p. 48
- Unde orta sternutantibus bene precandi consuetudo? p. 50
- Superstitiosum olim hujus consuetudinis initium. p. 50
- Cur epilepsia Græcis morbus sacer dictus? p. 51. 178
- An perversa sit consuetudo etiam hodie sternutantibus bene precari? p. 52
- Testium cum plurimis aliis corporis partibus, imprimis cum cerebro, & nervis valde magna sympathia. p. 56
- Damna quamplurima, imo mors subitanea ex immodico veneris usu. p. 57
- Membranae nasum intus cingentis magna cum meningibus cerebri affinitas. p. 60
- Anne humor aqueus post inflictum vulnus egressus ita restitui possit, ut visus recuperetur? p. 65
- Cur oculorum alterutro læso, uterque curandi gratiâ sit occludendus? p. 68
- Utrum medicamentis humores & læsis oculis egressi restituantur? Ibid.
- Sciverintne veteres restitutionem humorum in oculis? p. 69
- Quo pacto humorum restitutio in oculis fiat? p. 70
- Quo temporis spatio restituatur deperditus ille humor? p. 71
- Cur medicamenta oculo humoribus orbato applicentur? Ibid.
- Utrum humor è læso oculo effluens sit excrementitius? p. 72

I N D E X R E R Ū M.

- tius? p. 73
- Anne & ipse restitui possit humor oculi crystallinus? p. 75
- Exophthalmia non solum à causis externis, sed & internis oritur. p. 79
- Cur oculo multum propendente nervi optici non fiat ruptio? p. 83
- Utrum cucurbitulæ nuchæ appositæ oculum procidentem juvent? p. 84
- Hipposne palpebrarum, an oculorum sit vitium? p. 89
- Insecta in aures irrumpentia gravium symptomatum, imo interdum mortis causa, p. 93
- Instrumenta, & medicamenta insectis educendis, necandisque idonea. p. 99. 100
- Non omnis tortura oris spasmus est Cynicus. p. 103
- Unde illa plerumque oris distorsio? Ibid.
- Inter tumores lividos, pravaque labiorum ulcera, & cancrum distinguendum est. p. 107
- Hydrocephali humor variis colligitur capitis locis. p. 110
- A partibusne externis ille ad ventriculos, an vice versa derivetur? p. 112
- Utrum embryoni proveniat Hydrocephalus? p. 113
117. 124
- Cur hic humor cerebri ventriculos occupans apoplexiam non producat? p. 114
- Quænam sit hydrocephali causa. p. 116. 121.
- Hydrocephalus puerorum morbus rarissime in iis, quibus cranium omnino clauditur, exoritur. p. 118
- Cur magis affectus ille in Infantibus, quam adultis observetur? p. 119
- Anne & in brutis reperiantur hydrocephali? Ibid.
- Quo pacto liquor ille in cerebri perveniat cavitates? p. 121
- Quo

INDEX RERUM.

- Quo pacto hydrocephalus oriatur externus? p. 122
- Unde contingat, ut, ligata cani vena jugulari, omnes
suprasiti muscoli, & glandulæ liquido, pellucido-
que repleantur sero? p. 123
- Quomodo generetur hydrocephalus internus? Ibid.
- Sæpe in hydrocephalo laborantium plexu choroideo
glandulæ aquâ tumidæ, hydatidesque repertæ.
p. 125
- An in cerebro vascula dentur lymphatica? p. 126
- Cur infimæ corporis partes hydrocephalo laborantibus
macilentæ fiant? p. 127
- An hydrocephali liquor succo constet nutritio? p. 128
- Cur puer, de quo observavi, cæcus evaserit? Ibid.
- Utrum curationem admittat hydrocephalus? p. 129
- An idem sit incidendus? p. 131
- Utrum quisquam absque nutrimento ultra VII. dies
vivere queat? p. 147
- Exempla eorum, qui diutius absque alimentis super-
fuere? p. 148
- Utrum Dei hæc fuerint miracula, an veneficia, ar-
tesve diabolicæ, aut imposturæ, fallaciæve? p. 151
- Quidnam appetitum imminuat, vel omnino aufe-
rat? p. 159
- Num particulæ quædam corporis dissolutæ, quales
sunt pingues, nec non medulla, viscida pituita,
&c. inediæ tempore alimentum præbeant? p. 162
- An tabaco aliquamdiu vita sustentari possit? p. 163
- Quam ob rationem fames per aliquot dies sedetur glo-
bo plumbeo in ore detento, volutatoque? p. 165
- Diuturniores sunt ciborum abstinentiæ ægrotis, quam
sanis, robustisque. p. 165
- Unde multa animalia, & insecta tota hyeme absque
alimento vivant? p. 169
- Cur pueris familiarior sit epilepsia, quam adultis?
fit

fit?

p. 175

Cur olim hic morbus lunaticus dictus sit?

Ibid.

Unde quibusdam cachecticis materia nigra tam per os, quam per alvum ejiciatur?

p. 186

Per quam viam ad ventriculum perveniat?

p. 189

An per vasa brevia communio detur ventriculo cum liene?

Ibid.

Cum rami vasorum brevium terminentur inter tunicas ventriculi, quâ sanguis in ejus cavum effluat?

p. 194

Cur vas breve venosum iis, qui vomitu sanguinis obierunt, usque adeo intumescat?

p. 195

Per quas vias menstruus per vomitum ejectus sanguis quibusdam mulieribus ad ventriculum pervenerit?

p. 199

Cur ejusmodi sanguinis vomitus innuptis magis contingat, quam maritatis?

Ibid.

Per quam viam glans plumbea deglutita in vesicam transferit?

p. 202

Non per lactea, lymphaticave vasa.

p. 203

Scriptoris opinio.

Ibid.

Acicula ureteri alteri inhærens reperta.

p. 206

Dantur in vesica urinaria pori foras spectantes, & contra.

p. 207

De duris quibusdam, solidisque corporibus casu deglutitis, posteaque per urinarias vias excretis.

p. 210

De mollioribus devoratis, quæ immutata cum urina exiere.

p. 212

An Iliaco morbo afflictis glans plumbea, vel aurea prebenda?

p. 214

Mutui intestinorum ingressus exempla.

p. 216

Utrum hoc casu Mercurius sit propinandus?

p. 217

Quænam ante ejus exhibitionem sint observanda Medico?

p. 218

Exempla eorum, qui hydrargyrum magnâ, absque

noxa,

INDEX R E R U M.

noxâ, fumpſere copiâ.	Ibid.
An philtris amor conciliari, vel aboleri poſſit?	p. 222
Quid ſit Hippomanes?	p. 223
Variorum exempla, quibus pro philtro menſtruus ſanguis fuerit exhibitus.	p. 224
De ſymptomatibus poſt ejus aſſumptionem obortis.	Ibid.
Sitne ſanguis menſtruus venenatus?	p. 227
Utrum ejus uſu interno menſtrua obſtructa promovere poſſint?	p. 229
Anne vi fermentativa polleat?	Ibid.
Unde hæc ei virtus?	p. 230
Quænam ſit menſtrui fluxus cauſa?	Ibid.
Quænam ſit ardoris, furorisque animalium cauſa.	p. 231
Utrum plethora vera ſit menſtrui fluxus cauſa?	p. 232
Cur non uno, eodemque tempore mulieribus manet menſtruus cruor?	p. 233
Quam ob cauſam prægnantes menſtruo plerumque non laborent fluxu?	Ibid.
Cur quamplurima bruta menſtruis careant?	p. 234
Inſignis fermentandi vis ſemini maſculino ineſt.	p. 235
De pilofis globis in ventriculis quorundam animalium repertis.	p. 237
In quadrupedum ventriculis duplex reperitur globorum genus, alterum omnino piloſum.	p. 238
E filis intertextis herbarum, plantarumque fibrillis alterum.	p. 240
Quomodo illi proveniant?	p. 241
De corporibus quibuſdam duris, anguloſisque acumine inteſtina perforantibus.	p. 244
De infectis devoratis.	p. 248
Quantum valeat in aſſumendis tam nutrimentis, quam medicamentis conſuetudo.	p. 250
	Diutur-

- Diuturnior ciborum flatulentorum usus noxius. p. 255
- Non omnia cordis vulnera letalia. p. 258
- Utrum in hominum intestinis plurimæ reperiuntur glandulæ? p. 260
- Utrum intestinorum, & præsertim tenuium, sanabilia sint vulnera? p. 266
- Quomodo intelligendus Aph. Hipp. 18. & 26. sect. 6. p. 169
- Immedicabile videtur Intestinorum tenuium vulnus, siquidem chyli, fœcumque portio ex iis in cavitatem abdominis descendat, ibique putrescat. p. 271
- Varia exesione ventriculi exempla. p. 275
- Quid per *ἐγκύανον* Galeni intelligendum? p. 277
- Quibus remediis ardori ventriculi succurratur. Ibid.
- Dantur peculiares lymphæ collectiones in pluribus corporis partibus. p. 288
- Utrum ascites absque ulla viscerum læsione detur? p. 295
- Hydatides in cavitate abdominis. Ibid.
- Eadem per alvum ejectæ. p. 296
- An illæ interdum in steatomata, atheromata, &c. tractu temporis mutantur? p. 298
- Quænam hydropis, de quo observavimus, causa fuerit? p. 305
- Utrum à vasculorum lymphaticorum ruptione orta sit? p. 306
- Unde color rubicundus aquæ intra peritonæi duplicaturam contentæ? Ibid.
- An & bruta hydropi sint obnoxia? p. 308
- Utrum vermes in quibusvis produci possint corporis partibus? p. 312
- An gravidarum uterus crescente fœtu crassior fiat? p. 317
- Quænam sit causa rupturæ gravidæ uteri? p. 316
- Illæsa matrice fœtus in cavo abdominis repertus. 420

- Quo pacto id fieri potuerit ? p. 321
- Fœtus mortuus per umbilicum , suppuratione facta,
matre superstita exiens. p. 322
- Cur mulieres quædam absque sanitatis detrimento
fluxum menstruo careant ? p. 324
- An præter vasa umbilicalia alia detur via , per quam
fœtus in utero nutriatur , respiretque ? p. 331
- Argumenta fœtum per os nutrirî probantia. Ibid.
- Epiglottis laryngis rimulæ embryonibus naturaliter
est agglutinata. p. 333
- Fœtum nutrimentum in utero per os admittere , præ-
ter recentiores aliquot , jam olim *Hippocrates*, *Ga-
lenus* , *Democritus* , *Epicurus* , *Plato* , *Aristoteles*,
aliique docuere. p. 355
- Unde generetur meconium ? p. 340
- Unde nigrum evadat ? p. 341
- In embryonibus non tantum humanis , sed & brutis
oculi clausi , & sub palpebris firmiter sibi adhæren-
tes occulti existunt. p. 342
- Labia illis sunt à se invicem separata. Ibid.
- Linguam inter maxillas aliquo modo habent promi-
nentem. Ibid. ut & p. 347
- Occluso , consolidatoque umbilico in lucem prodeunt
vituli. Ibid.
- Utrum liquor , cui fœtus in utero innatat , nutritius,
an excrementitius sit ? p. 343
- Non est urina fœtus. Ibid.
- Fœtus vesica in utero postremis gestationis mensibus
semper plena reperitur. Ibidem.
- Utrum omnis in vesica colligatur , & ad partum us-
que retineatur embryonibus urina ? Ibid.
- Imminuitur liquor , cui innatat , quo major evadit
fœtus. p. 344
- Reperitur & ille in omnibus , licet nec mingant , nec
sudent , animalibus. Ibid.
- Sal-

- Salsusne liquor hic sit, an acer. Ibid.
- Utrum vivis carbonibus impositus, avolante portione humidior, glutinosus fiat, concreascetque? Ibid.
- Num lymphæ intra amnium contenta sit sudor foetus? p. 346
- Cur foetus tanta lymphæ quantitate obrutus non suffocetur? Ibid.
- Vitulis, equulisque, antequam emittuntur in aerem, labia glanduloso quodam corpore obsita. p. 347
- Perperam hoc corpus veteres in equinis pullis Hippomanes dixere. Ibid.
- Utrum equa mater, si quis carunculam hanc præriperit, foetum ad ubera non admittat? Ibid.
- Caruncula hæc est multis instar spongiæ contexta est tubulis. p. 348
- Per hos liquor membranis contentus in os vituli impellitur. Ibid.
- Quo pacto hoc fiat? Ibid.
- Caruncula etiam venis, arteriisque inferne ab ore provenientibus prædita est. Ibid.
- Cur rarissime conspiciatur? p. 349
- Quamobrem in humanis foetibus non reperiatur simile corpusculum? p. 342. 347. 350
- Quomodo obstructo naso, plenoque ore deglutiat, respiretque foetus, cum id adultis factu perquam sit difficile? Ibid.
- An foetus in utero omni careat aere? p. 356
- Idem aliquatenus per os respirat. p. 352
- Duplex est respiratio visibilis, & minus visibilis. p. 353.
- Quomodo Judici constare possit, an mater foetum interfecerit, an vero mortuus prodierit? Ibid.
- Utrum liquores omnes præditi sint corpusculis quibusdam aëreis? p. 354

I N D E X R E R U M

- Aëris etiam nonnihil aquæ admisceri constat experi-**
mentis. P. 355
- Fœtus extra uterum membranis inclusus sine externa**
respiratione per horas aliquot vivere potest. Ibid.
- Humorum motus in fœtu propter recens inspirati, ac**
externi aëris defectum tardior est. P. 356
- Utrum fœtus ante natalem ploret, pullusque intra**
ovum pipiat? P. 357
- Fœtum in utero respirare jam olim Hippocrates, Gale-**
nusque docuit. P. 358
- Cur umbilicalis funiculi à fœtus abdomine separatio-**
nem non sequatur sanguinis in membranis uteri pro-
- fusio? P. 359
- De Italo annorum XL. qui ab ineunte ætate sine po-**
dicis, penisque nota vixerat. P. 363
- Quenam sit formationis monstrorum fœtuum cau-**
sa? P. 370
- Quomodo imaginationis maternæ operatio in fœtus**
transeat? P. 371
- An imaginationis maternæ in fœtum potestas etiam**
in brutis animadvertatur? P. 379
- Item Schol. Obs. 50. p. 489
- De nævorum uterinorum varietate. P. 380**
- Utrum nævi, qui figuram fructuum referunt, colo-**
re, quo maturi fructus, quos mater desideraverat,
eodem tempore imbuantur? P. 381
- Quenam hujus phænomeni sit causa? P. 383**
- Quomodo hi nævi tollendi? P. 384**
- Utrum conducatur saliva jejunæ matri? P. 385**
- Utrum nævos abscindere fas sit? P. 386**
- Quenam cautio rescindendis adhibenda sit? P. 387**
- Utrum rene à calculo obstructo, alter omnino sanus**
urinæ transmittendæ sufficiat? P. 390
- An lactea substantia, quæ quibusdam cum urina ex-**
creta fuit, chylus sit? P. 396

INDEX RERUM.

- Per quas ille vias in vesicam perveniat ? p. 397
- Num per vasa lactea eò deferatur ? Ibid.
- An albus mulierum fluxus chylosa sit materia ? p. 399
- Quænam lacreæ urinæ sit causa ? p. 400
- Utrum occlusa penis extremitate, urethrâque perforata liberos quis procreare possit ? p. 404
- Num mulier, semine virili in vulvam non intromisso, concipere queat ? p. 405
- Vtrum clauso hymene virgo imprægnari possit ? p. 407
- Quænam remedia tollendis urethræ excrescentiis conveniant ? p. 411
- Num acria, & corrosiva hisce adhibere liceat ? p. 412
- Vtrum post irritum medicamentorum usum ferro, vel igne tollendæ sint ? p. 416
- Variæ sunt causæ, quæ virum, etiamsi genitalibus gaudeat partibus, suboli procreandæ minus reddant idoneum. p. 417
- Vtrum venæ-sectio pone aures, ut sentit *Hippocrates*, tarditatis in actu venereo causa esse possit ? Ibid.
- Num frigida, cum extrinsecus admota, tum intrinsecus assumpta genitalium adferant debilitatem ? p. 418
- Vtrum opium, cicuta, mandragora, &c. veneris imminuant, auferantque desiderium ? Ibid.
- Opiumne sit papaveris, an alterius herbæ succus ? p. 420
- An opium calidarum sit partium ? p. 421
- Vtrum nervis noceat ? p. 422
- Varios pro utentium temperiebus, aliisque circumstantiis, haud secus ac vinum, producit effectus. Ibid.
- Vnde papaver fecundum dicatur. p. 423
- Cur ille, de quo observatio nostra, somni tempore veneris prælio strenuus sibi visus, vigil autem ad pugnam plane ineptus fuerit miles ? Ibid.
- Exempla eorum, qui sera in senectâ variolis correpti fuerint. p. 425
- Fœtus variolis laborantes in lucem editi. p. 426
- Vtrum

INDEX RERUM.

- V**trum variolæ menstrui sanguinis contagio foetui im-
presso proveniant ? Ibid.
- M**onstretne Vet. Testam. sanguinem menstruum ma-
lignitatis participem esse ? p. 427
- C**uinam causæ hujus seculi doctiores latentis tot annis
in corpore humano materiæ malignæ moram ad-
scribant ? p. 428
- V**trum ab astris contagiosus , malignusque manans
æther ad variolas producendas faciat ? p. 429
- P**ro variis cœli tempestatibus , ætherisque constitu-
tione magis benignæ , vel malignæ sunt variolæ.
p. 430
- O**mni corporis externarum partium ablato sensu , in-
ternarum tamen , quamdiu movetur membrum ,
integer manet sensus. p. 434
- V**trum amisso membri alicujus sensu deperdatur simul
motus , & contra amisso motu necessario auferatur
& sensus ? Ibid.
- Q**uænam privationis cutis sensus causa sit ? Ibid.
- Q**uid per exostofin intelligatur ? p. 435
- A**n omnis exostosis à lue venerea proveniat ? p. 436
- A**n & bruta exostofi afficiantur ? p. 437
- L**iceatne tendines dissectos suere ? p. 440. & 447. & c.
- Q**uis sit tendo ? p. 441
- C**ujus naturæ ? p. 442
- Q**uot modis lædatur ? Ibid.
- T**endinis scissi extremitates callo agglutinantur in a-
dultis , secus ac in pueris. Ibid.
- C**ur è vulneribus tendinum punctura cæca sit pessima ?
p. 443
- M**inus periculosa tendinum , quam nervorum vulne-
ra. p. 444
- R**ationes futuram tendinum improbantium. Ibid.
- R**esponsiones ad illas. p. 445
- C**ur punctura ad consuendum tendinem resectum acu
facta

I N D E X R E R U M.

facta non tantum producat doloris , ac si tendo esset integer ? p. 446

An pars, dissecto tendine , post agglutinationem sensu, motuque privetur? Ibid.

Vtrum prorsus abscissus nervus melius adnascatur , quam ille cujus aliqua filamenta intacta remansere? p. 450

Num per discissum tendinem interventu duri, densique calli agglutinatum spiritibus ad sensum requisitis detur transitus ? Ibid.

Lymphaticorum vasorum usus. p. 453

Lymphaticorum vasorum, & præcipue salivalium ductuum superiorum vulnere sanatu difficillima. 455

Vtrum conchæ dentur anatiferae ? p. 460

Major fermento gallorum gallinaceorum, nec non gallo-pavonum ventriculis contento , quam hominum dissolvendi est vis. p. 471

Perperam strutiocameli ferrum digerere dicuntur. Ib

An gallinis profit lapillorum , aliorumque duriorum corporum deglutitio ? p. 472

In uterone gallinæ , an ab aëre externo duritiem acquirat ovi testa ? p. 476

Monstra in ovis reperta. p. 477

De animalibus, quæ foetus prægnantes produxere. 478

De mulieribus, quæ foetus gravidos peperere. Ibid.

Vnde Basilisci denominatio ? p. 481

Vtrum duplex detur Basilisci species ? p. 482

Num gallus vetus pariat ovum ? Ibid. & 484

An ex galli gallinacei veteris ovo prodeat Basiliscus? p. 483

An ex galli ovo à bufone foto Basil. profiliat ? Ibid.

Vtrum Basiliscus è quibusvis putridis generetur rebus, atque ideo in foetidioribus plerumque sub terra locis degat ? p. 486

An ex ovo putrido varia interdum producantur animalia ? p. 487

Ve-

I N D E X R E R U M.

- V**trum productiones variorum animalculorum, diversæque figuræ ex ovis prodeuntes putrefactioni debeantur? p. 488
- A**n gallina serpentem pariens à simili imprægnata sit animali? Ibid.
- A**n imaginationis vis in nonnulla etiam agat animalia? p. 489. ut & 379
- N**um brutis quibusdam rationis umbra, vel quidpiam rationi analogum insit? p. 490
- A**n è Serpente proveniat Basiliscus? p. 496
- V**trum is in Africa ortum habeat? p. 497
- A**n sit alatus serpens? p. 498
- N**um ullibi terrarum, qualem describere Arabes, reperitur Basiliscus? Ibid.
- V**trum veræ sint historiae, quas de eo lectoribus obtrudere quidam nituntur? Ibid.
- V**trum in subterraneis antris, in quæ demissi homines illico intereunt, Basiliscus toxico necans certo lateat? p. 500
- M**axima de Basilisco hoc terribili dubitandi causa scribentium dissensus. p. 502
- O**mnia, quæ de Basilisco circumferuntur, mera sunt figmenta? p. 506
- M**ulti formam Basilisci gallo similem artificio exprefere, ut varii testantur. p. Ibid.
- H**os è Raja pisce vulgo confici scriptores affirmant. Ibid.
- C**ur veteres hoc animal, de cuius indole valde dubitatur, tam varie descripserint? p. 509
- V**trum Basileæ urbi à Basilisco nomen? p. 510
- V**aria de istius oppidi nominis origine. Ibid.
- S.** Scripturæ locorum de Basilisco expositio. p. 511
- D**atur verus serpens, cui Basilisco nomen, estque omnium longe pessimus. p. 511

ERRATA.

PAg. 45. lin. 5. sit *Solita sternutatio ante actum venerum.*
 p. 311. l. 17. adivet. leg. adjuvet. pag. 82. lin. 2. pressio,
 leg. pressio. p. 123. l. 25. foeminis, leg. foemininis. l. 19.
 Illo, leg. illo. p. 159. lin. 25. orram, leg. ortam. p. 177. de-
 leantur lineæ 13, 14, 15, 16, 17. & 18. p. 178. lin. 3. subjac-
 ta, leg. subjecta. pag. 209. Succus, leg. Suëcus. pag. 250.
 liu. 7. assueverate sui, leg. assueverat esui. pag. 281. lin. 10.
 orto, leg. ortæ. pag. 290. lin. 7. usum, leg. usu. pag. 293.
 lin. 6. largi. leg. largâ. pag. 301. lin. 3. adhitorum, leg. ad-
 hibitorum, pag. 313. lin. 3. reperi, leg. reperiri. p. 349. lin.
 18. De. leg. De. pag. 362. lin. 2. gessit, leg. egressit. p. 374.
 lin. 5. humoresque, leg. humorisque. pag. 411. lin. ult. ac-
 crescentias. leg. excrementias. pag. 446. lin. 26. capta, leg.
 apta. pag. 461. lin. 20. aliis, leg. alis. pag. 462. lin. 20.
 memoratu, leg. memoratur. p. 487. lin. 20. momimus, leg.
 monuimus. Plura erant, sed istæc Benevoli Lectoris candori
 commissa sunt.

ADMONITIO

AD

BIBLIOPEGUM,

In inferendis Figuris observanda.

TABULA I.	- - -	pag. 63
2.	- - -	110
3.	- - -	239
4.	- - -	329
5.	- - -	347
6.	- - -	349
7.	- - -	362
8.	- - -	365
9.	- - -	369
10.	- - -	369
11.	- - -	376
12.	- - -	376
13.	- - -	403
14.	- - -	436
15.	- - -	459

P. STALP. VANDER WIEL
CORN. FIL. M. D.

DE
NUTRITIONE
F O E T U S
EXERCITATIO.



LUGDUNI BATAVORUM.
Apud P E T R U M V A N D E R A A,
M. DC. LXXXVII.

TYPOGRAPHUS
LECTORI.

Propter materiæ affinitatem,
quæ huic dissertationi cum
Observatione XXXII. est, tuam-
que in gratiam Inauguralis *D. Pe-
tri Stalpartii vander Wiel* Theses anni
1686. mense Augusto Lugduni
Batavorum propositas ad calcem
adjeci, neque minus gratas fore
confido.

QUandoquidem omnes humanæ structuræ morbi suos jam olim toties invenire explicatores, quænam mihi studiorum prolaturus Primitias, morique recepto facturo satis, potissimum deligeretur materia, diu equidem, multumque dubitavi. Quota enim quæque est Academia, cui non recocta sæpius obtrudatur crambe? Dum verò hyeme proximâ secundinis humanis purgandis, atque ad ceræ injectionem per siphonem præparandis incumberem sedulò, novæ quidpiam rei, nec ullis, quod sciam, etiamnum cognitæ videre contigit, quod usque adeò me permovit, ut, explosis veterum de venæ umbilicalis usu commentis, minimè eorum de fætus in utero productione, incrementis, ac nutritione opinionem amplexus ulteriorem hujus rei instituerim indagationem: Incensum autem animum porrò inflammabat jam diu mihi nata hujusce rei quàm accuratissimè pernoscendæ cupido. Atque ita, dum singula penitus intueri gestio, & nonnunquam non inutilia fortè annoto, crevere in justî libelli (qualem disputaturi pro more edunt) molem mea qualiacunque hæc observata. Atque

LECTORIBUS S.

hæc quidem est opinionis nostræ de Nutritione fœtus in utero scripto publico divulgandæ occasio. Tantum autem abest, ut quenquam his offendi velim, ut omnium contrà, quotquot hisce meliora edocti sunt, quibus mea submitto, ad ulterius perveniendum opem implorem. Dabitur tamen, opinor, prolixius hæc nostra demonstrandi occasio. Sed pergite, sultis, en parturio.

NUTRITIONE FOETUS

EXERCITATIO.

§. 1.



Quantum itaque ad rem. Foetum ego non tantum pingui, resinofâve ali materiâ, sed & hanc *per os tantum*, minime verò *per venam umbilicalem cum sanguine materno* admitti suppono. Ut autem hanc materiam ab ovo aggrediar, tribus, quod ajunt, verbis ejusdem in uterum receptionem, ut tantò facilior ad ulteriora pateat transitus, proponam.

§. 2. Mutuo igitur congressu mare fermentum genitale æstu venereo cum impetu in uteri vaginam ejaculante, subtilior ejus portio, quâ data via, abit, partim sc. cum vasorum sanguiducorum, copiosè tortuoso ductu vaginæ insertorum, tum lymphæducum poros ingreditur, partim internum uteri orificium penetrat, quod plerumque exactè clausum dicitur in non gravidis, verum sufficienter cõitus tempore aperitur titillatione virilis fermenti, quam ingens, & copiosus spirituum in partes vicinas, & præsertim uteri, sequitur influxus, quo partes ejus diducuntur, illo namque uterus, tubulis brevioribus redditus, fit rotundior, undè & ejus osculum dehiscit, fermentumque virile arum genitale ingreditur, quod simulac ingressum est, ulterius penetrat illius fangosæ substantiæ poros, humoribusque illic circulantibus admiscetur, ac per vasa lymphatica

6 DE NUTRIT. FŒTUS EXERCIT.

tica cum sanguine venoso tandem ad cor deducitur, atque ita toti massæ sanguineæ, circulationibus tamen nonnullis intercedentibus, permiscetur.

§. 3. Massæ sanguineæ hoc fermento imprægnatæ necessario etiam portio quædam lege circulationis pervenit ad testes muliebres, *ovaria* (& quidem rectè) dictos, & illuc delata intrat vasa per ova horum ovariorum disseminata, & tandem per poros illorum particulæ quædam hujus fermenti ovi ingrediuntur substantiam, & fermentationem in eâ excitant. Nec tamen aliter, quam in Macrocosmo per terræ succos ope Mat. Pr. Elem. semina fecundantur, plantæque, vel arbores evadunt, suppono rem sese habere in nostro Microcosmo; & sic etiam ova in ovariis, ut semina in terrâ, turgidula facta tandem extrudi, & ita carceres nimis angustos relinquere.

§. 4. Ovum autem è veteri sede egressum magis commodam occupet, necesse est, ad quam non nisi per viam admodum angustam pervenit, nempe per tubam Fallopianam: quo pacto autem illam subintret, diu fuit litigatum, & adhuc sub judice lis est. Quâ de causâ nonnulli ignorantiam suam dissimulantes qualitatibus, nescio quibus, occultis id adscripsere: nobis autem ad has, ignorantie totidem asyla, præsertim hic recurrendum minime est, quoniam hoc cuivis ad structuram, & situm tam ovarii, quam tubæ Fallopianæ, ac ad illa, quæ, dum fermento virili substantia ovi est infecta, & turgescit,

cit, fiunt, rectè attendenti satis clarum evadet. Ovario namque fenſim turgefcente, neceſſe eſt, ut etiam magis, ac magis orificio dictæ tubæ appropinquet, aut vice verſâ, dum ſitus hujus tubæ ita ſe habeat, ut ejus orificium ſemper ovarium ſpectet; & quando ovarium intumeſcit, non ſolum accedit ad tubam, reſpectu illius ſpatii, quod tum magis occupat, ſed etiam, quatenus increſcit, & intumeſcit, membranam inter tubam, & ovarium intermediam, ob figuram alam veſpertilionis dictam reddit breviorē, ac proindè orificium tubæ quaſi ad ſe attrahit, undè tandem illud (utero inſuper ſpirituum, humorumque in ejus ſubſtantiam per fœminarum ex voluptate palæſtræ venereæ, ejaculationeque virilis fermenti protractam imaginationem, majore influxu non nihil tumefacto adjuvante) ovario, vel potius ovo, jam extra ovarium, ut ſolet vulgo ſemen extra terram, propullulanti ſit contiguum: quo facto data eſt occaſio, ut ovum jam jam vinculis ſuis liberandum viribus, ut ita loquar, propriis, domicilium mutet.

§. 5. Ovum dictam tubam ingreſſum ulterius pergit, & gyris iſtis, qui tubæ, tanquam totidem valvulæ, ne illud repellatur, inſerviunt, poſt idem à preſſione partium circumjacentium, magis inflexis, uti & accedente majori ſpirituum influxu, ad tubam propellitur in uteri cavitatem, non aliter, ac fæces (comparationi ſit venia)

8 DE NUTRIT. FŒTUS EXERCIT.

pressionem partium, intestina ambientium, ac continentium, & spirituum in eorum fibrarum interstitia copiosiori influxu secundum ductum intestinale per anum in latrinam propelluntur: Atque hæc de ovi in uterum ingressu.

§. 6. Nunc verò investigandum erit, quid ovo in uterum demisso ulterius accadat. Hoc autem indies increfcere nemo, opinor, negabit, nec accretionem illam à nihilo procedere ullus contendet. Demonstrandum itaque est, quomodo ovum illud, quod accrescit indies, accipiat nutrimentum, sive materiam incrementi causam; hanc per matrem in embryonis, seu ovi, vasa satis liquet non immitti, quoniam tum, uti plurimi testantur, nondum affigitur utero, vel saltem non ita notabiliter, ut sanguis foetæ queat transire (uti medici, & Anatomici id postea fieri volunt) in ovi, seu embryonis vasa: Quoniam itaque materia illa, quæ ovum accrescere debet, prædicto modo non deponitur, perspicua magis quærenda est via; eamque non aliam suppono, quàm poros uteri intus foras, & poros membranularum ovi foris intrò spectantes, per quos materia illa nutritura formæ roris, aut vaporis, transmittitur ad augmentationem partium futuri, aut jam embryonis.

§. 7. Ovo itaque indies crescente, uterus necessario fit amplior, ut embryoni locum cedat, uti loquuntur. Hanc autem ampliationem omnino

ninò automaticam, embryonisque incrementum unicam causam cenſeo: illud namque, auctis etiam liquoribus, notabiliter increſcens, quamquam ſenſim, uteri ſubſtantiam diſtendit undique, dilatatque. Quod & in ſeminibus terræ commiſſis videre eſt, quæ diſtenſa, tandem contra vim aëris elatiſcam, terram elevant, & ſe plerumque extra illam attollunt plus minus, prout vel terræ fuere profundius injecta, vel illa compactior eſt, ſolutiorve: Sic etiam videmus multis fructibus, dum creſcunt, figuras quasvis artificio quodam imprimi poſſe, ſi initio, vel antequam medium magnitudinis, ad quam vulgò excreſcere ſolent, adepti ſint, vaſe, quàm quo adulti caperentur, anguſtiore, & ad lubitum intus figurato, includantur. Similiter conſtat inciſuras arborum ſenſim dilatari non providentia quadam, interno trunco locum cedente cortice, ſed ipſius trunci incluſi motu, ſuccorumque propulſione, quibus nutritur, & augeſcit dimovente corticem, ac diſtendente. Eodem plane modo increſcens quotidie embryon uterum ſenſim reddit ampliorem, placentaſque, ac membranas in illius cavernulas trudit, pellitque; non ſecus ac vaſi anguſtiori intus exarato incluſi fructus partes quædam, reliquis cedere neſciis, interno motu, & ſuccorum propulſione coguntur in inæqualitatis illi imaginem quandam imprimendi gratiâ factas: Et ſic tandem,

IO DE NUTRIT. FŒTUS EXERCIT.

ut hepar, lien, intestina cum peritonæo, pulmones cum pleurâ, &c. mutua superficierum convenientiâ, nec non pressione (velut dicta viscera tum vulgò ex stagnatione humorum viscosorum, aut terrestrium, mole debitâ majora existunt, undè per consequens major distensio) coalescunt, ipsi utero placenta affigitur, eique magis, minusve arctè accrescit, pro internæ uteri faciei inæqualitate, illiusve superficierum cum placentâ convenientiâ.

§. 8. Atque ita quidem liquet, quo pacto placenta utero affigatur. Superest jam, ut breviter, ac dilucidè demonstrarem embryoni *per os tantum* nutritium infundi succum: est enim hic præcipuus hujus scriptionis scopus. Ut aliquis autem observetur ordo, animus est ostendere 1. *etiam per os nutriendum esse fœtum.* 2. *Per illud tantum nutriri*, quæ, quantum potero, ratione, experienciâ, experimentisque dilucidabo, & confirmabo. Quantum autem ad *prims*, illud, colendi mihi Parentis *Observatio xxxii. part. i. cent. 2.*, quæ est de infante absque funiculo umbilicali edito, uti & in eandem scholium satis superque demonstrant, ideoque, dum illis circa hanc quæstionem assentior, ejusdemque ibi in plurimis sum opinionis, eadem hîc non apponam. Sufficiet solum ostendisse fœtum succum alimentarium per os tantum sumere, quare hîc demonstrandorum cupidi dictam observationem

nem

DE NUTRIT. FŒTUS EXERCIT. II
nemadeant. Verum, nè prorsus videar otio-
sus, nonnulla adducam, quæ hypothefin hanc
etiam confirment.

§. 9. Satis autem constat, ubicunque quæ-
dam fit cavitas, & præsertim cujus circumferen-
tia, laterave sint intus mollia, ibi etiam semper
existere causam cavantem, materiam scilicet quæ
cavitate illas (ut hic sunt os, aspera arteria, bron-
chia, æsophagus, ventriculus, intestina, vasa
lacteæ, &c.) & per consequens earum latera, quæ
alias ad se invicem accedentia (experientia id
quoque comprobante) coalescerent, apertas te-
neat. Hanc autem esse statuo illum liquorem,
cui fœtus intra membranas placentæ innatat; nec,
quin ille multas particulas nutrientes sibi permix-
tas habeat, ullus dubito. Quotquot autem per
venam umbilicalem tantum nutriri fœtum statu-
unt, eundem nutrimentum attrahere non posse
ajunt, quod in utero non respiret, & ad suctio-
nem requiratur respiratio. At illi & eundem re-
spirare sciant, & barbarum verbum esse *suctio-*
nem, nisi eò forte intelligatur *propulsio*, quæ fit
partim ex inspiratione, unde corpus illud, quod
abdomini incumbit, circumdatæ, ab eodem,
cum intumescit, propellitur, partim etiam à
musculis labiorum, & linguæ, qui, dum à spi-
ritibus inflantur, premunt extra uterum, cum
fugere dicuntur, matris papillam, & partes vi-
cinas, unde in inspiratione lac in os impellitur;
intra

12 DE NUTRIT. FŒTUS EXERCIT.

intra uterum verò, & in brutis, quæ cum dentibus nascuntur, corpus istud spongiosum circa dentes (de quo & satis accurate parens meus dictâ observatione) in hominibus vero, qui sine dentibus prodeunt, spongiosi corporis loco linguam premunt, & gingivas, atque itidem humor membraniscœtum involventibus contentus, paulatim in os depellitur: paulatim dico, quod hæc impulsio non cesset in utero, extra eum autem tantum aliquando, sed majori longe quantitate simul, fiat. Hanc itaque impulsione, quoniam in utero respiratio multo minor est, quam extra eundem, multum adjuvat ipsius matris respiratio; ejus enim diaphragmate, uti & intestinis ab hoc deorsum propulsis, necessario uterus, & consequenter liquor membraniscœtæ hærens premitur, quare etiam dicta liquoris in fœtus os impulsio intra uterum sic promovetur, adjuvaturque.

§. 10. Nutritionem fœtus per os destruere præterea conantur, qui ajunt quædam animalia esse producta, quæ instrumentis suctionis caruerint, quibusve saltem os fuerit clausum, ac proinde fugere non potuerint, nec consequentur per os nutriri: hanc autem objectionem (quam post pluribus absolvam) ita infringo, dicoque exempla proflare, quod quædam animalia fuerint producta absque vasis umbilicalibus, vel saltem his abruptis per aliquod tempus, & cœlitis,

ac per consequens per umbilicum nutriri non potuerint, ut hîc quidem nihil profecerint. Quantum autem attinet ad objectionis ulteriorem explicationem de privatione instrumentorum ad suctionem necessariorum, dico 1. rarius hæc contingere, illisque, qui contigisse ferunt, vix habendam fidem propter plenius proponendas rationes; 2. si contigerit, illa animalia tamen habuisse circa illum locum alia organa, viasve, per quas alituram acceperint, quæ sæpius non animadvertuntur, quod non exacte illi inquirent, atque ex aliorum fere relatu scribant; 3. illa foraminula, aut organa videri quidem, nec tamen esse occlusa; 4. si ipsis clausa esse, aut ita videri concedamus id ultimis gestationis diebus fuisse factum, quibus à matribus alimentum accipere non potuere, eoque tempore propriâ particularum nutrientium quadrâ vixisse crediderim; intra corpus enim maternum existentia parum, aut saltem longe minus, quam in lucem edita per insensibilem transpirationem amittunt, & cum non amplius potuerint succo proprio vivere, sanguine, spiritibus, & humoribus diuturnâ, ac continuatâ fermentatione, cessante particularum blandarum, ac pinguium adductione, acrioribus redditis, ideo nimis maturè, aut macilenta in lucem prodeunt. 5. ideo etiam mortua produci, vel saltem non diu vivere; 6. hæc animadverti quidem circa bruta, quæ

14 DE NUTRIT. FŒTUS EXERCIT.

quæ non tam diu geruntur, sed nunquam, quantum mihi innotuit, circa homines: vel si his talia contigerint, adfuisse tum etiam dictas circumstantias. 7. quidni possit, ore, seu aliis organis, loco oris factis, occlusis latex nutritius per nares, aures &c. in cavitatem oris, aut in ventriculum immitti? quidni etiam posset per anum impelli in intestina, loco ventriculi, & sic in vasa lactea? at inauditas plane esse eas vias clamitas, ac contra ordinem, cursumque consuetum: concedo. Sed, sicuti viatori, occlusis viis solitis, aliæ sunt quærendæ, aut sistendus gradus, sic & ejusmodi casibus nutrimentum sumendum est per vias consuetas, aut moriendum; & quia forsitan per vias insolitas accipiunt, ideo etiam mox moriuntur, quamprimum in lucem producuntur, vel saltem non diu supersunt, quia extra uterum tali modo nutriri & subsistere nequeunt. Per anum autem hominem ali posse nutrientes clysteres exemplo sunt.

§. II. Diximus supra, cum nutritionis per os necessitatem demonstrare conabamur, causam requiri, quæ cavitates, de quibus ibi, apertas teneat, quod cum destrui non possit, quidam nihilominus insurgunt in nostram sententiam, putantes se causam (salivam scilicet, bilem, & succum pancreaticum) cavitates antea dictas conservantem invenisse, eamque ad nostræ hypotheseos refutationem sufficere: sed
ni-

DE NUTRIT. FŒTUS EXERCIT. 15
nihil agunt. 1. cum pernego paucula ista sufficere
et tot, tantasque cavitates integras conservandas,
et sustinendas, cum insuper ampliores indies
addi debeant illæ; 2. dico non solum sufficere,
sed os internum, œsophagus, ventriculus &c.
perpetua teneantur, verum etiam os externum
(gingivæ nempe, & labia) ne illa unà cum lin-
guâ, & gingivis sibi invicem adhærendo tan-
dem cœalescant, quare, ut per illa continuò
aliquid transeat, perquam necessarium est; 3. si
transitus hîc negetur, respirare nequiret fœtus
quod §. 9. affirmavi. Respiratio autem intra ute-
rum æque necessaria est fœtui, quam alimenti
per os assumptio; 4. undenam mæconium? ex
particulis crassis, haud dubie dicent, salivæ,
bilis, succi pancreatici: id verò ex prædictis li-
quoribus produci posse; saltem tantâ copiâ,
non est admittendum. Quo enim, quæso,
pacto tanta quantitas crassorum fæculentorum à
particulis adeo tenuibus, subtilibusque produ-
catur? quæ eâ de causâ ad nutritionem, sive ad
adhærendum ineptæ sunt, ut saliva, bilis, suc-
cus pancreaticus, cum in tenello tali corpusculo
longe adhuc, quam in matre, sive in adultio-
ribus existunt tenuiores, subtilioresque, dum
etiam sunt ejus vascula, quæ dictos liquores
transmittunt; 5. unde liquor, qui invenitur in
fœtum ventriculis, & qui analogus est ei, qui
in Amnio membranâ fœtum proximè cingente re-
pe-

peritur, & quem, antequam ubera pressere, aliquando evomunt? Dicit forte quispiam per vasa gastrica hujusmodi materiam pervenire in ventriculum; verum non videtur tam copiosa materia, & quidem per poros tam angustos, ibi deponi posse. Sed posito hoc, quomodo portio vitelli ovi, quæ aliquando in ventriculo pulli gallinacei reperta est, eò deponatur, mihi explicetur? non putem certè quemquam dicturum per vasa gastrica eam inferri in ventriculos; 6., quod præcipuum, addo, non tantum causam hîc requiri conservantem, & latera sustinentem, sed & generantem, seu efformantem. Generale enim est axioma, quod, ubicunque sint cavitates, ibi etiam causæ fuerint efformantes, requiranturque perpetuò conservantes; quis enim sine causâ effectus? liquor itaque Amnio conclusus mihi est causa os internum, tracheam arteriam, pulmonum bronchia, æsophagum, ventriculum, intestina, vasa lactea efformans; quid autem præter hunc ista efformasset? nam, quamvis iterum in auxilium saliva vocetur, bilisque ac succus pancreaticus &c. quæ jam ante non sufficere ostendi, tamen illi liquores hæc efformare non potuere, quoniam illa debuerunt jam efformata fuisse, antequam dicti liquores illic potuerint separari, & in ea immitti: ita ut ulteriori opus non sit demonstratione, quâ fœtum in utero matris per os sumere nutrimentum doceam.

§. 12. Postquam igitur liquet *etiam per os nutritifœtum*, probandum restat, succum istum nutritium *per os solum* admitti: quod si statuatur, unusquisque Medicus, & rerum Anatomicarum vel parum peritus, satis intelliget hypothesein hanc repugnare circulationi sanguinis, quæ à matre prægnante in fœtum, & vice versa plurimis retrò annis fieri dicta est, paucis admodum exceptis, qui meam hypothesein quidem attingere, eique, at obscurius, assentiri videntur, sed nihil demonstrant, & nemo huc usque quidquam, (quantum quidem nosse licuit) quod probet, attulit, præter virorum par clarissimum, *Charletonem* videlicet, ac *Entium*, quibus forte addendi *A. Everhardus*, & *Franc. Bayle*, quorum scripta, absolutâ jam hâc qualicunque scriptione, videre demum contigit, ita ut, cum illos nonnulla non spernenda ad hanc meam hypothesein adferre viderim, diutius hæserim, (ne compilerator viderer) hanc dissertationem in lucem ederem, nec ne; sed, quoniam plurimorum, quæ in hanc hypothesein dicuntur, à dictis scriptoribus nulla (quod sciam) fiat mentio, non omnino operam lusurus mihi visus sum, si intricatam hanc quæstionem, & quæ tam diu Medicorum, & Anatomicorum torset ingenia, quantum possem, distinctius enodarem; eoque magis isthæc mihi sedit sententia, quo plures hodie contraria de circulatione sentire intellexi.

§. 13. Ut igitur hanc meam hypothefin confirmem, nego tam diu jam admiſſam fœtus cum matre circulationem, imo dilere audeo ne guttulam quidem ſanguinis à matre in fœtum, & vice verſâ, tranſire: ſed, ne temerarius videar, objectiones diluam præcipuas, ac deinceps cujuſvis præjudicii immunem mihi eſſe animum videre erit.

§. 14. Primò itaque objici poſſet, quod ſi vallis placenta cum uterinis tale non ſit commercium, ut ſanguis vice verſâ tranſeat, fluxus menſtruus ſtato tempore rediret, continuareturque, atque abortus eſſet cauſa: id autem minimè ſtringit argumentum; ſimiliter enim quæro, cur fluxus menſium non procedat, cum ovum, ſeu embryon nondum utero eſt annexum: illud autem fieri putamus, quod ſanguis fœmininus imprægnatus fermento virili jam non auſcultet fermento, quod alias ſanguinem ſingulis circitèr menſibus plus ſolitò movet, niſi forte ille nimis exiſtat craſſus, vel fermentationes ſatis ſint potentes, quare tum ſanguis fermentum eludit, ut in viraginibus, & viriſque, qui fluxum propter ſanguinis fermentationes potentiores non patiuntur.

§. 15. Secundò non opus eſſe, ut placenta agglutinetur utero, ſi circulatio reciproca, & utrinque vaſorum unio non eſſet vera: Id equidem concedo; aſt dico eam agglutinationem non

non fieri ob requisitam circulationem, sed debere distensionem, quæ fit internâ fermentatione, & incremento embryonis, unde, ut §. 7. fusius, utero annectitur.

§. 16. Tertium obstaculum esse posset in vasis placentæ, quæ utero tam arctè inferi quispiam forte affirmabit, quam plantarum, seminumve radices terræ inhærent, & hinc constare, matris vasa sanguinem effundere in fœtum. Verum quidem est placentam, & aliquatenus etiam vasa ejus in utero, sed superficietenus tantum, insinuari, idque fieri necessum esse jam demonstra- vi, & mox ulterius patebit: sed hinc non sequitur vasa fœtus, & matris necessariò esse unita; imo unita (aut potius agglutinata) hîc & illic sibi invicem sunt, sed non ita, ut utrinque sanguinem (intellige ante partum, antequam avulsa, & læsa fuerint) transmittant, dixi enim supra non aliter applicari placentæ vasa, quam partes quædam fructus in factitias inæqualitates vasis, cui angustiori, diversisque intus distincto scul- pturis includitur, cedunt, quia internâ fermenta- tione, & succorum protrusione in easdem coguntur, quare quoque fructus eâdem figurâ, iisdemque vasis induitur lineamentis: sic etiam quædam partes placentæ à motu embryonis, sive ejus accretione in inæqualitates uteri cogun- tur, insinuanturque, & arctè affiguntur, ut absque magnâ molestiâ quandoque, ac ruptione

20 DE NUTRIT. FŒTUS EXERCIT.

ab utrâque parte vasorum sanguiferorum secundæ divelli nequeant.

§. 17. Quartò ajunt sanguinem post partum ab utero fluentem certo esse indicio vasa fœtus cum matris vasis fuisse unita, ac proinde veram esse dictam circulationem : At hoc jam ex præmissis solvitur; illa enim fluxio, sive lochia solum dependent, ut postea uberius explicabitur, à læsione quorundam tam uteri, quam placentæ vasorum, productâ vel à matris nimis pressuribus, vel fœtus calcitationibus, vel secundarum ab utero divulsione; atque eâ de causâ etiam, quo illæ magis, minusve arcte utero affixæ fuerint, & majori, minorive avellendæ fuerint vi, ac quò vasa majora, aut minora, plura, aut pauciora fuerint læsa, vel quò sanguis maternus plus, minusve acris, tenuis, aut crassus fuerit, eò fluxus sanguineus major erit aut minor, tardius, citiusve cessabit.

§. 18. Quintò; si aqua, vel cera liquefacta in arterias umbilicales siphonis ope injiciatur, omnis fere à convexâ, uteroque affixâ placentæ parte effluet : Quod experimentum plane adversariis videtur favere. Haud dubie enim hanc per illa effundi dicent foraminula, per quæ sanguis ex eorum opinione, dum, cum matris essent unita, à fœtu transit in fœtam, & vice versâ, quod tamen nego; & præterea experi-

men-

mentum hoc non usque procedit, imo ne guttula quidem effundetur, si placentæ convexa pars tempore partus à matris nimis vehementibus nixibus, fœtus calcitationibus, aut obstetrice divellente non lacerata, postea ab aliis, aut denique ab Anatomico in expurgando sanguine non incautè tractata sit. Verum omnis aqua levi, continuâque manuum pressione per venam redibit, de quibus ulterius circa finem hujus exercitationis.

§. 19. Sextò statuunt illa animalia, quæ sine ore, aut eo occluso prodierunt, nutriri non potuisse: Ajo, quod si talia dentur exempla, vias tamen aliquas circa os exstitisse non animadvertas, ut §. 10. jam dictum plenius.

§. 20. Septimò frustrà placentam, & vasa umbilicalia esse dicent, si negatæ circulationi non inserviant, nec humor embryon nutriturus per ea simul cum sanguine materno deferatur, quoniam illorum alius usus excogitari nequit: Resp. quamvis eorum usus demonstrari non possit, eumque continuò sensibus non excogitemus, non absurda ponenda esse; absurda enim ea esse evincam: Deinde etiam nego eorum nullum esse usum, sed non est talis, ut per ea ex matre sanguis, & per consequens cum eo nutrimentum deferatur in corpusculum fœtus; verum ut sanguis hujus per ea circulum faciat in placentam, non autem ulte-

22 DE NUTRIT. FŒTUS EXERCIT.

rius, & illic ab aëre in cellulis, seu spongiosa placenta substantia deposito temperetur, & refrigeretur, atque ex eâ iterum per venam umbilicalem tendat in foetus hepar, & sic tandem ad cor: Hanc igitur ob causam statuo funiculum umbilicalem longitudinis quoque tantæ esse, ut sanguinis refrigerium tanto sit majus; certo enim constat, quo remotior sit à corde, eò frigidiores evadere sanguinem: Præterea placenta, & præcipue ejus membranæ, necessario requiruntur ad lympham nutritiam continendam, & servandam, ut postea uberius.

§. 21. Aëris autem, quo foetus sanguinem etiam refrigerari diximus, minus facilis cuiquam forte videbitur in placenta transitus: Hunc vero in ejus substantiam, quæ fere instar pulmonum cellulosa est (quare quidem aliquatenus alter foetus pulmo dici mereretur) singulis matris inspirationibus propelli suppono per poros diaphragmatis, & uteri, cujus substantia spongiosa (præsertim imprægnationis tempore) ac proinde valde porosa est, quam ob causam æque aër, imo facilius per uterum, quam per poros membranæ pulmonariæ in pectoris, & per poros diaphragmatis in abdominis cavitatem transire potest: Verum aliquis objicere posset, cum mater jam obierit, unde tum sanguis foetus refrigerabitur, quoniam aër non amplius tunc inspiratur, nam foetum aliquamdiu adhuc post
ma-

matris mortem superstitem mansisse experientia docuit: Dico, quod tum matris fœtus, & calor internus non tantus existat, ut sanguini refrigerio opus sit, & quia calor sensim minuitur, tandemque cessat, ideo fœtum etiam emori putamus, & diutius, breviusve superstitem manere, prout dictus calor diutius, aut brevius continuatur.

§. 22. Sed non sufficit dicere secundarum, & vasorum umbilicalium usum esse talem, ac proinde ob hujus causam hæc esse facta, sed oportet mechanice ostendere, quare ita producta sint: hoc itaque ut explicem (nam quod sciam, à nemine unquam id fuit factum) puto placentam, & vasa umbilicalia præter eum, quem modo dixi, alium insuper habere usum, vel ideo potius progenita esse, quod sanguis, dum in embryone non, vel saltem non omnis (ut in adultis, vel aliquamdiu natis, sed tantum aliqua ejus portio ad vasa illa aperta tenenda, ne fœtu in lucem edito essent coalita, & sic sanguis ligato post partum funiculo umbilicali per placentam circulari nequiens sisteretur, morereturque infans) pulmonum vasa intrare poterat ob aquam intus substantiam pulmonum prementem, eorum loco intrare debuerit vasa umbilicalia, & placentam, quia, quoniam pulmones omni sanguini ex cordis dextro specu expulso sufficientem non dabant locum, alius

24 DE NUTRIT. FŒTUS EXERCIT.

requirebatur, quem sanguis ille, ut decenter circulari possit, occuparet: quare autem isti sanguini in iis sufficiens locus, & transitus non fuerit, jam dixi, quod scilicet pulmonum vasa nimis premerentur, angustarenturque à lymphâ in bronchiis, eorumque cellulis contenta.

§. 23. Quæri hîc posset, quomodo, & quare aqua sive lymphâ illa embryonis pulmones ingrediatur, & objici quod inde suffocaretur: Resp. hoc non aliter se habere, quam in piscibus, etiam aquam respirantibus, nec tamen suffocatis; deinde necessario illa quoque pulmones ingredi debet, quia alias embryon non posset nutriri per os, quoniam ille humor in inspiratione æque per epiglottidem in asperam arteriam, & pulmones, quam in cœsophagum, & ventriculum impellitur: Quod nî fieret, aër ejus loco intraret, & tum eum respiraret, quod fieri intra uterum non potest, dum liquori innatat, unde statim suffocaretur, non aliter ac illi, qui semel aërem respirarunt, in aquam injecti suffocantur, moriunturque; ergo necessario lymphâ, cui embryon innatat, ad pulmones delabi debet, utque etiam efficiat, ne epiglottis, bronchia, & cellulæ pulmonum coalescant.

§. 24. Dum igitur sanguis non eâ quantitate, quâ ex utrâque venâ cavâ in auriculam cordis dextram effundebatur, dextrum cordis antrum in-

intrare poterat, quia ab arteria pulmonali ex eodem non transmittebatur, saltem non eâ quantitate, factum fuit foramen rotundum in septo cordis intermedio circa ejus basin, ut sic multum in auriculam dextram effusi sanguinis, dum iter in arteriam pulmonalem ipsi maximam partem occluderetur, per foramen illud rueret in sinistrum cordis thalamum: Cum autem aliquam portionem istius in cordis dextro ventriculo fermentari necessum esset, & tamen illa fermentata, ac versus arteriam pulmonalem protrusa necdum posset per eandem omnis transmitti; hinc nihilominus paululum ascendente sanguine isto, & obstaculi nonnihil inveniente, factum fuit foramen ovale, *canaliculus* scilicet *arteriosus*, ut, quantum arterias pulmonales ascendere, & transire non posset sanguinis istius, in arteriam Aörtam effunderetur, & sic commodè fieret sanguinis circulus non tamen, vel saltem non magna portione, vasa pulmonum intraturi, quamdiu fœtus in utero versatur: Cum autem ex eodem excluditur, vice versa sanguis post partum non amplius circulatur per placentam, quoniam ligatione funiculi umbilicalis impeditur, sed per pulmones; quorum bronchia, & cellulæ, antepartum, præsertim quando adhuc valde mollia existebant, aliquatenus collapsa, & lymphâ repleta tum evacuantur. Sanguis enim ad justam circulationem

26 DE NUTRIT. FŒTUS EXERCIT.

perficiendam satis sufficientem locum non habens majori longè vi prorumpit , quia nunc circa umbilicum solitus ejus transitus sistitur; præterea dum ejusdem fermentationes in corde jam fiunt fortiores majori quantitate cogitur in vasa pulmonalia , eademque per consequens magis , ac magis distenduntur , unde etiam lymphæ ex bronchiis, & cellulis sic sensim omnis exprimitur , & solus aër succedit; quare etiam lymphæ evanescente illæ magis sensim cedunt , & quidem eo facilius , quoniam aër, corpus non ita grave, quam aqua , pulmonum substantiam , & eorum vasa jam non ita comprimit : Hinc illorum substantia magis insuper elevatur, & sanguini ad eorum vasa, occluso ad placentam itinere, fortius propulso inde liberior in eosdem ingressus conceditur. Hinc autem maximè fieri statuo, ut foramen rotundum, & ovale sensim collabantur , & evanescant, de quibus mox latius.

§. 25. Ultimò (ne nimius sim) contendunt fœtum non posse accipere nutrimentum, si placenta non habeat vasa ab utero , quibus sanguis ex matre ad illum, ut inde nutriatur , posset accedere : At sciant nihilominus nutrimentum satis commode, (dum sanguis non nutrit sub ratione sanguinis, sed tantum expulsæ ex articularum poris particulæ blandiores, & resinosæ, partibus solidis adhærendo , nutritionem, &
aug-

augmentationem efficiunt) ad eum perduciposse, videl. per tubulos uteri, in quos ex foetæ arteriis succum illum deponi judico, atque iterum ex his in uteri cavitatem, quamdiu ovum, sive embryon, ei nondum est annexum, & sic per poros membranæ chorii in intermediam membranam cellulosa: vel, quando jam affixum est, ex dictis uteri tubulis versus placentam, & membranam chorion, & ita in earum vasa peculiaria, seu tubulos, continuò humorum transfluxu ex poris sensim ampliatis, & prolongatis relictos, progenitosque, qui suis orificiis, internam uteri superficiem spectantibus, absorbent dictum laticem refinofum, seu nutritium: non aliter ac à vasis chyli ductis chylus, aut à lymphæ ductis humores à nutritione residui absorbentur, vel potius, ne priscorum more loqui videar, intruduntur, seu (ut in mari unda trudit undam, & in flumine gutta guttam) impelluntur in illorum orificia initium (loquor de vasis lymphaticis) in partibus solidis habentia: Aut etiam non secus, ac Spiritus Animales in cerebro assiduò in principia nervorum in ventriculis cerebri existentia ab aliis ab arterioso sanguine separatis spiritibus, aliisque à tergo continuè sequentibus, ac prementibus adiguntur, ut sic fiat eorum continuus per corpus vivens influxus, & circulus; Atque ita quoque ex dictis tubulis latex nutritius receptus de

28 DE NUTRIT. FŒTUS EXERCIT.

deponitur in sacculis, five vesiculis inter chorion, & amnion, in quibus ad futuram foetus alituram reservatur: Ex his vero in formam vaporis, vel roris, quidni etiam (dum omnia ibi calent, ac proinde pori valde patuli sunt) tenuis liquoris, quam primum spatium aliquod à particulis recedentibus intra amnion membranam relinquitur, propellitur (quoniam in corpore vivente humorum circulus est continuus) intra eandem, atque sic, dum vacuum non datur, in abeuntium locum succedit.

§. 26. Omittere tamen hoc loco non possum, quod mihi nuper contigit de membranâ, seu vesiculis, centesimâ vix investigatione reperendis, inter chorion, & amnion contentis, quarum mentio §. præcedenti facta est, quæque suum hîc usum habent: postquam igitur chorion ab amnio separassem, placentamque eluisssem, ac ea aliquamdiu reposita fuisset in aquâ calidâ, antea ab invicem diductas ejus membranas diligentius inspicere cœpi, passimque inveni membranæ amnio adhærentem etiam aliam membranam mollem admodum, ac fere pituitæ instar seu mucij alicujus constantioris (forsan, quod jam aliquamdiu in aquâ calidâ posita fuisset placenta) ita tamen, ut membranaceam referret formam, sed quæ, aquâ aliquatenus tumentibus cellulis, straminis latitudinem circiter æquabat; cellulosa enim erat, aut quasi ex par-

parvis sacculis, seu vesiculis conflata, quæ tenellis valde membranulis constabant.

§. 27. Quod autem corpus hoc vesiculare, seu cellulotum, inter dictas membranas intermedium, nunquam (:quod sciam:) aliis fuerit conspectum, nec facile quoque conspici possit, id fieri putem, primò, quia ultimis gestationis diebus cellulæ istæ non ita sunt repletæ, sed evacuantur magis, quia fœtus tum indiget multo nutrimento, & deinde tam pressione partium matris externarum, quàm fœtus internarum magis exprimitur in cavitatem, quæ fœtum continet; tertio, quod quamvis aliquatenus adhuc tumeant, mox, membranis fœtum amplectentibus in partu ruptis, liquor ille dictis cellulis contentus emanet, & sic maximam partem effusus sit, antequam secundæ ab utero sint separatæ, & ab obstetrice conspiciendæ tradantur; quartò quod ideo portio restans statim omnis effundatur, præsertim quando amnion vi, imprudentiâve à chorio avellitur, unde fit, ut sacculi, seu cellulæ rumpantur porrò, & hinc non conspicuæ sint, quoniam tum nullo replentur liquore; vel denique licet aliquatenus conspiciantur à peritioribus Anatomicis, animum tamen non attendunt forte ad hanc membranam intermediam, quia recurrunt ad hoc, quod singula membrana in plures alias dexteritate quadam (quod non nego) possit separari, & sine
du-

30 . DE NUTRIT. FŒTUS EXERCIT.

dubio ita, quamvis casu videant, negligunt illam, quam chorio, & amnio cautè à se mutuo separatis, elutâque dein placentâ, mihi ita videre contigit, idque haud dubiè factum est, quod aquâ tepidâ (cui insuper admixtus erat experimenti capiendi causa liquor quidam spirituosus) in quâ secundæ jacuere aliquamdiu, oscula, seu pori hujus intermediî corporis, quid ni etiam aliquatenus ejus cellulæ, quibus constat, partim calore aquæ, partim dicti liquoris spirituosî particulis subtilioribus sint aperta, atque sic levifriktione, pressione, & continuâ à manibus meis factâ secundarum devolutione aqua sensim ingressa fuerit, & quidem eò magis, quod secundum illam membranam, cui intermedia cellulosa adhærebat, inter interstitia harum duarum membranarum, aquæ portio præ tenuitate suâ descenderit, & per apertiores poros hic illic ipsos sacculos intraverit, cum hi præterea ab unâ parte membranâ chorio destituerentur, atque adeo aquæ major daretur transitus: unde etiam mihi tandem corpus hoc cellulosum intermedium conspicuum factum est: In hoc itaque concludo humorem pinguem, & resinosum ex uteri tubulis delatum colligi, & ad nutritionem reservari. Nam inde per poros membranæ amnii, vel per vasa, aut tubulos peculiares, ex ista intermedia cellulosâ substantia exsurgentes, impellitur in intimam, quæ foetum continet,

DE NUTRIT. FŒTUS EXERCIT. 31
cavitatem, ut sic ei in os impulsus tandem cedat
in nutrimentum.

§. 28. Quoniam ex his itaque patet non ne-
cesse esse, ut fœtus à matre accipiat sanguinem,
ac consequenter per venam umbilicalem humor
nutritivus cum eo embryon intret, demonstnan-
dum restat sanguinem ex matre in fœtum, aut
vice versa circulari non posse: Id autem patet ex
eo, quod vasa placentæ cum vasis uteri non
uniantur, ut sanguis transeat; neque enim ita
uniri possunt. Nam quo naturæ instinctu in-
citata, & expergefacta ad recludenda semet,
ut sanguinem in vasa embryonis effundant, ex-
spectent vasa matris, quaque facultate, aut pro-
videntia ibi etiam jam jam parata existant illa
embryonis, ut sanguinem maternum recipiant,
& illic ita uniantur, & sibi met quasi ictu oculi
applicentur, sane non video.

§. 29. Præterquam autem, quod demonstrare
non possunt, quo pacto illa applicatio, & unio
fiat, probare aggredior vasa embryonis sangui-
duca cum maternis nec uniri, nec uniri posse,
ac per consequens nullam habere transfusionis
communicationem: Dico itaque Primò, ante
imaginariam illam vasorum unionem prius &
embryonis, & matris arterias, venasque aperiri
debere, unde magnum sanguinis oboriretur
profluvium, præsertim si mater sese multum
moveret, ex quo sanguinis profluvio non solum
mag-

magna, & gravia symptomata, sed etiã embryonis mors, five abortus, imo aliquando, si non excluderetur, mater ipsa tandem obiret, dum cuivis Anatomes vel modicè gnaro satis innotescat uterum tempore imprægnationis arctissimè claudi, ac proinde sanguinem illum, negato exitu, putrescentem haud dubie istorum accidentium causam fore.

§. 30. Secundò, venas esse continuationes arteriarum, ac proinde embryonis sanguinis circulationem tantum fieri per ipsius propria vasa, quare consequenter cum ita sese habeant matris venæ, arteriæque, nullam sanguinis transfusionis communicationem vasa foetus cum matris habere possunt: Esset etiã contra sanguinis circulationem, si dicta transfusio vera foret, quoniam arteriæ tendunt, sanguinemque ferunt à centro ad circumferentiam, venæ autem revehunt. Et hîc arteriæ matris adducerent ad centrum, ad cor scilicet embryonis, quæ venarum usus: Sed dicet quisquam arterias maternas in placentâ in venas sanguinem immittere. At ille revehi dici non potest, quam diu metam, id est centrum non accesserit, sed eâdem lineâ adhuc progrediatur: Atqui à corde matris, posita circulationis communicatione, usque ad cor foetus progredi pergit, (nam profectò nemo demonstrare potest cursum ejus verti, quam diu non ad cor embryonis pervenerit) ergo tum re-

vehi nondum dici potest, ac per consequens circulationi, id est solito cursui sanguinis repugnat: Ut hinc clare pateat error, & fallitas istius transfusionis. Præterea embryonis vasa ita, ut sanguis transfundatur, conjungi æque impossibile putem, quam homini, cui pars corporis minus notabilis amputata esset, postea consolidatione factâ alia amputatæ similis applicetur ita, ut vasa utriusque sanguiduca sibi invicem adhæreant, ac ritè procedat circulatio.

§. 31. Tertiò; monstrat ipse usus uteri faciem internam esse glabram, & quasi viscosâ, aut resinosa quâdam materia obsessam, quæ ostiola vasorum uteri obliniendo, ac obducendo tali casu occluderet, & proinde efficeret, quo minus sanguis per eadem transire in vasa embryonis, eaque, cum matris vasis uniri possent. Sed dicat mihi quispiam, quomodo sanguis, five humores embryonis, cum nondum, vel saltem non notabiliter affigeretur utero, circulum absolvent. Si absque matre. Quid ni postea, illo accrescente, ita circulari pergant? nihil sane impedit: Et cum ejus arteriæ, ac venæ inter se communicationem habeant, antequam utero affigitur, & postquam ex eodem est exclusum, quare etiam non unitæ manerent, quando placenta utero vel affixa jam est, vel qua facultate transitus humorum per embryonis propria vasa

cessaret, & inverteretur, ut sic transeat per vasa materna?

§. 32. Quartò; Si sanguis genitricis in fœtum, & vice versa circularetur, vita fœtus dependeret à matris, quod falsum est. Fermentatio enim sanguinis in fœtu non crebrior tum esset, quam in matre, quia impossibile est, ut, in statu præcipuè sano, sanguinis circulatio in una corporis parte sit crebrior quam in altera, quoniam sanguis æqualiter ex sinistro cordis antro utrique lateri distribuitur. Atque ideo ex corde matris non potest quoque in placentam, & in fœtum celerius propelli, ac in aliam quamlibet materni corporis partem, dum etiam fœtus, si sanguis reciprocè transfunderetur, æque ac aliæ materni corporis partes ejuldem corporis esset continuatio, & pars: Atque post partum fœtus pullum præter propter altero tanto crebriorem, quam matris, aut adulti hominis deprehendimus; ideoque dicendum est fœtum minimè continuationem matris, sed corpus esse, ut ita loquar, separatum, quale si sit, separata etiam erit circulatio, nec ejus vita à materna dependebit, uti revera non dependet.

§. 33. Nec obstat, quod secundum alios forte longe aliter fiat circulatio in embryone, quam in infante jam ærem respirante, multumque eâ respiratione augeatur sanguinis motus: ipse enim non augeri illum, at contra retardari multum

tum propter particulas aëris nitrosas, acidasve contendo. Quod in iis clarum est, quibus impeditur respiratio; In his enim sanguinis longe major est motus, ipsique plus calefcunt, rubentibus admodum partibus exterioribus, quoniam dictis aëris particulis motus sanguinis non refrænatur, nec sanguis temperatur: Uti etiam videre est in incubo, anginâ, pleuritide &c correptis, qui vel respirare timent ob dolorem ex partium inflammationum motu, aliarumve attactu nasciturum, vel nequeunt propter vias valde angustatas, quare tandem suffocarentur, ni commodis mediis admittatur aër. Sic quoque experimur nitrosa exhibita sanguinis motum multum imminuere. Puto etiam insuper magnam partem ob materiam aëris nitrosam, aut acidam (in quâ frigus aëris consistere judico) uti & ob alimentum, quod post partum fœtus assumit magis crassum, foramen rotundum, & ovale sensim collabi, & evanescere, quia circulationi sanguinis ob dictas causas hunc magis crassum, & tardum reddentes multum celeritatis decedit, unde illorum foraminum expansio minor est, quam antea, cum præterea viæ istæ (præsertim nunc patientiores, ut §. 24. diximus) sufficiunt, quæ extra hæc foramina existunt, & perpendiculares, seu rectæ sunt; ob quas etiam sanguis, (qui indies crassior, ac proinde gravior evadit) suâ gravitate per perpendicularem lineam, seu

36 DE NUTRIT. FŒTUS EXERCIT.

viam potius propelletur, quam per curvam, quoniam insuper dictæ viæ, vasa nempe pulmonalia, ipsi sufficiunt, & perquam necessarium est, ut tantum illas ingrediatur, quod sanguini isti crassiori binâ cordis fermentatione nunc opus sit, ut inde tanto magis dividatur, & attenuetur. Porro foetus rhythmum (sive arteriarum agitationem) longe alienum esse à foetæ, aut cujusdam adulti pulsu, id est crebriorem, in ipso partu licet experiri, si videl: hac manu carpum matris, illa umbilicalem funiculum tangas.

§. 34. Quin etiam crebrior longe sit foetus circulatio, & pulsus necesse est. 1. Est enim sanguine materno longe fluidior foetus sanguis, utpote ex tenuiore, ac multo subtiliore alimento proveniens: fluida autem, quibus tanta divisione non opus est, citius fermentari quis ignorat? Illud ipsum autem in moribundis quibusdam liquet, quorum secessionem faciente sanguine, eave jam facta, fluida portio supernatans multo fermentatur crebrius, quam quidem antea: Atque hinc moribundis pulsus quandoque creber. 2. in utero per diaphoresin, & expirationem (per hanc enim continuo etiam multas particulas subtiles deperdimus, uti id singulis expirationibus ex expulso vapore copiam satis patet) ac per diuresin non tantum, quantum extra eundem, particularum foetus sanguinis

guinis fluidarum, & subtiliorum fit dispendium, quia innatat fluido fere æque subtili, ac quod transpiratur, ita ut ex illius corpusculo subtiles particulæ, uti quidem quando degit extra uterum, non tam abire possint : 3. Non ita sanguini fœtus adhucdum matrici inclusi, ac jam geniti commiscentur particulæ aëris nitrosæ, quas ejus motum retardare jam dixi. 4. Continuò fovetur ab utero, & partibus ejus proximis, & propterea ob dictarum aëris particularum minorem quantitatem fœtus prorsus liberatur à frigore illius externo, à quo quomodo sanguinis motus retardetur, quantaque inde proveniant mala, imo aliquando ipsa mors, unicuique satis innotescit. Ex allatis etiam fœtum ita rubere putem. Illo namque calore, quin & crebriore motu, ac tenuitate sua sanguis ratione sanguinis minima vasa subintrat; unde ille color, qui sensim iterum evanescit cum propter frigus externum, tum propter alimenta crassiora, & inde crescenti fœtui crassiores redditam cutem. Ex his itaque quivis facile perspexerit fœtus sanguinis circulationem in utero celeriores esse, quam cum diutius extra cum degit jam adultior.

§. 35. Quinto si vasa umbilicalia conjungerentur cum uterinis, ac sanguis matris transiret in fœtum, hujus sanguis æque crassus esset, ac illius : Nihil tamen istius crassitie in placen-

ta deponitur, nec deponi potest, quia sanguis in statu integro nunquam extravasatur : Fœtus autem sanguis dilutus est, & fluidus, ut ex crebriori pulsu patet, ac jam demonstratum est.

§. 36. Sexto æque duco impossibile duo dari in uno corpore corda, quam uno in circulo duo centra : Etenim si circulatio à fœta in fœtum concedatur considerandus est hic tanquam materni corporis pars, haberetque adeo duo corda genitrix, ac consequenter duo centra circulus, quod in hoc ponere uti absurdum, sic & in illa id statuere non minus ridiculum est : Fœtum autem, si sanguis à matre, & reciprocè transferatur, aliter ac matris continuationem, sive partem considerari non posse, cum plenius demonstraverim §. 32 plura addere superfedeo.

§. 37. Postquam vero jam multis ostendi matricis, placentæque vasorum talem non esse unionem, ut sanguis, & cum illo alimentum transfundatur, quæro insuper, cur ovum, seu embryon, si utero nondum annexum crescat, nutriaturque, non etiam jam annexum eodem modo posset accrescere, atque nutriri? At dicet quispiam illo casu ita procedere nutrimentum, & incrementum, uti hæc fiunt in oviparæ ovo ex ingenito ei succo. At nec sic quidem argumenti vim eludet. Dispar enim longè utriusque ovi est ratio. Non enim majus sit oviparæ ovum, viviparæ contra : Proinde toto in-

cu-

cubationis tempore illi ovo non apportatur novum alimentum. Viviparæ autem ovo nondum affixo, crescentique novo quotidie opus est nutrimento; incluso namque liquore usque adeo incrementum non potest, ut uterus distendat: procul dubio enim, antequam utero firmiter annexum est, sexies, aut octies majus evasit, quam fuit, cum ingrederetur; ut cuivis pateat incrementum id non ab ingenito quodam provenisse succo: Deinde, si circulatio absque sanguinis materni transfusione fiat in ovorum pullis matri non affixis quare similiter non fiat in foetu humano? sane non invenio inde quidquam nutritioni obstaculi, quoniam receptio succi nutritii per poros, aut tubulos secundarum intra ipsarum cavitatem est perfacilis, & magis clara, multoque minus periculosa, quam si immediate per vasa sanguiduca ex matre in eum, qui utero includitur, fieret. Præterea si nutritio seminum, plantarum, arborum ita fiat per transudationem, non imaginariam, aut occultam, sed protrusivam, cum per corticum poros succi terræ ope materiæ æthereæ intro propelluntur in tubulorum (qui ipsis sunt tanquam venæ, & arteriæ) poros, velut in ora: Quid impedit, quo minus assumamus etiam succos ex matre per poros membranarum embryon, tanquam corticum, involventium, propelli intra earum cavitatem, & sic ejus os ingredi?

§. 38. Porro si communicatio vasorum sanguiniferorum matris cum fœtus talis esset, qualis ad nutrimentum cum sanguine materno accipiendum requireretur, unio dictorum vasorum Fœtum, seu potius placentam tam firmiter fere utero affixam teneret, quam quamvis aliam materni corporis partem, ita ut vix ab utero divelli posset: Et licet illa vehementissimis parturientis conatibus, ut & fœtus calcitationibus, nec non obstetricis abstractionibus divelleretur, ex divulsione cujusque conjuncti vasis tot vulnera exorirentur, ut vehementem, & copiosam ab utero hæmorrhagiam brevi post sequeretur matris interitus, cujus contrarium docet experientia; nisi cum, obstetrice, vel aliâ placentam, ejusque membranas vehementer, subitoque nimis avelente, vasa uteri propullulantia ita lacerantur, & rumpuntur, ut præ nimio sanguinis fluxu mater extinguatur. Quod etiam accidere potest, si parturientis sanguinis ita incitetur motus, isque ita tenuis, acrisque sit, ut vasa illa, quæ hîc illîc aliquatenus ex dicta avulsione, licet non violenta, plerumque læduntur, immensum aperiantur. Non tamen diffitemur post partum, & placentæ avulsionem sequi hæmorrhagiam, sed tanta non est, quanta quidem esset, si unumquodque unitum vas rumperetur; deinde nego omne id, quod post partum ab utero profluit, purum putum esse sanguinem, verum multum lymphæ
resino-

resinosæ, qualis gestationis tempore in placentam ad fœtus nutrimentum transfudat, sanguini isti esse admixtum, quem mixtum liquorem *lochia* dicunt. Iple autem putem ideo post partum cum dictâ lymphâ non nihil sanguinis ab utero defluere, quod in partu à matre, & fœtu, & post hunc exclusum placentæ à matrice divulsione, quædam Anastomoses, ut ajunt, & vascula exteriora propullulantia lædantur, rumpanturque, ac sanguinem effundant, qui lymphæ antea in secundas, & nunc in cavitatem uteri transfudanti, commixtus lochia constituit.

§. 39. Hæc autem lochiorum fluxio major est vel minor, & citius cessat, vel tardius, prout vasa uteri externa, & forte propullulantia, plus minus à matris pressionibus, & fœtus calcitationibus vehementioribus, avulsionibusve placentæ ab utero nimis subitaneis læduntur, habita etiam ratione numeri, magnitudinisque ruptorum vasorum: Sanguinis etiam ex utero profluvium eò copiosius, & magis diutinum est, quo sanguis maternus est acrior, unde læsa vascula plus aperiuntur, vel quo magis movetur, fluidiorve est: Hinc enim facilius, celeriusque effluit per aperturas. Contra aliquando contingit, uti mihi narratum est, ut post unum demum, alterumque diem à fœtus exclusione solitæ fiant fluxiones. Hoc autem ideo fieri judico, quod sanguis puerperæ ex partu difficiliore (nec enim id contingere

42 DE NUTRIT. FŒTUS EXERCIT.

aliter putem) admodum defatigatæ spirituum inops multò moveatur minus, adeoque ejus pressio ad uterum, & dilatatio vasculorum ex isto minori motu collapsorum sit multò minor, & forsan simul ejus transitus præ crassitie nimia difficilior, quare non mirum, si minor, vel nullus sit sanguinis ab utero effluxus: postea autem, motu sanguinis cardiacis, ut vocant, fomentationibus, alimentisque, ac potibus corroborantibus iterum aucto, solitus utero venit fluxus.

§. 40. Continuantur vero lochia per aliquot dies, quia uterus ob humores substantiâ spongiosa contentos, copiamque sanguinis, quo vasa uterina præ eorum amplitudine replentur etiamnum, & expanduntur, non tam subito collabi potest, sed, humoribus illis pedetentim effluentibus, & hinc etiam sensim uteri vasis collapsis, magis ac magis, ut ita dicam, contrahitur, id est partes, sive cellulæ, seu fibræ, sustinente causâ sublata, magis se invicem accedunt: Hinc primò angustatis illis viis, & poris, per quos succus nutriens gravitationis tempore in membranas, fœtum involventes immittebatur, illius succi, uti & sanguinis cessat effluxus: sed quædam tamen aquosa remanet fluxio, quam ex læsis vasculis sanguiducis, vel forte & lymphæducis provenire crediderim, quæ huc usque viis illis, seu tubulis, per quos nutriturus humor gestationis tempore

pore deterebatur, ampliores existunt, non obstante, quod simul cum dictis viis sint collapsa, & compressa, non ita tamen, ut tam lymphæ, quam sanguini transitum denegent. Denique fluxio ex his vasis etiam cessat, quia humores non tam copiosè in illa impelluntur, quod fit, cum quod in mammaria vasa ob eorum majorem, quam uterinorum, proportionem habitâ, amplitudinem copiosius deferantur, tum quod substantia uteri collabatur, ejusque vasa iterum intorqueantur, angustenturque. Cessat etiam fluxio, quoniam uteri interna superficies glabritie sensim obducitur: Illo namque humorum in uteri vasa affluxu non ita forti, aut copioso existente, particulæ crassiores lymphæ non ita propelluntur, sed sensim adhærendo augentur, sicque aperturas vasorum occludunt, consolidanturque, ac fluxus in totum cessat; haud secus ac in vulnere aliquo, aut contusione contingit, ubi primum videmus effundi sanguinem, deinde ichorem, postea lympham, ultimo deprehendimus succum quendam resinofum, aut limosum, & tandem fit consolidatio: Tali itaque modo in utero quoque, magis magisque resinosa, ac limosa illa lymphæ occlusis tubulis, & ruptorum vasorum aperturis, rem sese habere suppono.

§. 41. Ut autem eò, unde digressi sumus, redeamus, repetendum hîc, quod §. 36. jam dic-

44 DE NUTRIT. FŒTUS EXERCIT.

dictum, absurdum esse duo in uno eodemque corpore dari corda, adeoque vanam è fœtâ in fœtum circulationem, cum fœtus sua vivat animâ, nec spiritibus vegetetur maternis. Hujus autem veritatem jam supra ex pulsu crebriore probavi, pleniusque demonstrat sectio Cæsarea, quæ satis indicat aliam esse circulationem fœtus, aliam matris, ac consequenter fœtus circulationem, vitamque minimè dependere à circulatione, vitæ maternæ, nisi quatenus suum nutrimentum à matre accipit; experientia namque docet hac sectione fœtus sæpe manere superstites matribus diu emortuis. Imo materno in cadavere aliquot haud dubie dies superviverent, ni frigus, quod oritur post matris obitum, impediret; nam cessatione motus sanguinis progressivi, ac per consequens spirituum, qui tubulos, & poros partium apertos tenent, separationis, & influxionis defectu omnia collabascunt, frigescuntque: Itaque fœtus si vita, & sanguis ejus à matre profluerent, hac extincta, extemplo etiam extingueretur: cessante enim circulatione matris, cessaret fœtus sanguinis circulatio, quoniam ille egrediens ex fœtu, impeditusque à coagulato, aut saltem valde incrassato materno sanguine, necessario fœtum, imo & ante matris mortem interimeret; quoniam appropinquante interitu partes inferiores prius languescunt, ac frigescunt, quam principales, & superiores, ideoque calor

lor ipsius fœtus sanguinis, utpote ab utero derivati, primo omnium deficeret, dum crassior sanguis suâ gravitate descendit, partesque inferiores petit: Ex hoc itaque solo dictam circulationem imaginariam esse, ac falsam intellexeris. Quod etiam luce meridiana clarius comprobat exemplum illud Parentis mei admodum venerandi *Observ. 32. part. 2. fol. 355.* de fœtu membranis suis incluso extra matricem vivo in aquâ reperto, posteaque educato: Si verò id cuiuspiam minus videatur verum, quamquam illud fat manifesta probent testimonia, à me nuper factum id satis confirmaverit experimentum; cane enim gravidâ, non hujus, sed aliûs experimenti gratia, vivâ dissectâ, postquam uterus extra abdomen proruiisset, & hujus pullum unum, & alterum ex utero examinaturus cepissem, placuit reliquos, qui, matre jam diu mortuâ, per mediam circiter horam aëri externo expositi nihilominus vivebant, membranis involutos in aquam tepidam immittere, & reperi etiam post aliquot horas eorum pulsus.

§. 42. Hisce, ut & hypothesi huic colophonem addam, eamque tanto magis confirmem, contrariam verò destruem, adjungam breviter, quid mihi nuper in secundis tam hominum, quam brutorum experiri licuerit, quod, quia huc etiam facit, paucis addam. Humanam itaque placentam purgans observavi primo aquam,
quam

quam siphonis ope per arteriam umbilicalem infundebam, per alteram non effluere partem, nisi ubi illa parum rupta erat. Secundo aquam illam, sæpius, at leniter manibus pressa placenta, sensim per venam non sine grumoso rediisse sanguine. Tertiò purgatâ placentâ, & parenchymate liberata, aquam denuo infusam corpus placentæ fungosum tumidum reddidisse, nec tamen, nisi loco parum læso, effluxisse, at puram, claramque per venam fuisse expulsam, adeo ut, quibus meam hypothefin confirmem, non videantur plura requiri argumenta. Quid enim plenius, quam, quod modo adduxi, experimentum, demonstrat fœtus vasa nullam sanguinis transfusionis communicationem habere cum genitricis vasis, adeoque illius sanguinem per sua vasa, & minimè per materna circulari, consequenterque fœtum per ea non nutriri. Quarto etiam comperi ne guttulam quidem ceræ liquidæ per arteriam, deinde per venam ad saturationem postea infusæ effluxisse, cujus contrarium fane in aliis placentis sæpius fui expertus, è quibus cera ita profluxit, ut totas minimè implere potuerim.

§. 43. Denique comperi placentam (uti videndi cupidis domi meæ demonstrare possum) à convexâ, uteroque obversa parte membranâ obductam fuisse, sed multo minus æquali (ob internæ uteri faciei inæqualitatem) quam quâ
con-

concava pars tegitur, quam productam à
 membrana chorio, seu potius prolongationem,
 aut continuationem illius esse puto. Ideo autem
 placentam hanc nec aquam, nec ceram emisisse
 putem, quod dicta membrana non, nisi pa-
 rum admodum uno loco, fuerit læsa; ex aliis
 contra copiosè aqua, & cera effluxerunt, quo-
 niam in illis membrana hæc multum læsa, lace-
 rataque fuit, vel etiam abfuit, ideoque alios
 non animadvertisse, aut examinasse non adeo
 mirum est. Nam illa, si placenta nimis subitò,
 & incaute divulsa fuerit, cum firmiter valde ac-
 crescat, vel in utero remanet, vel lacerata par-
 tim utero, partim lobulis placentæ adhæret, ita
 ut non videatur, saltem ad eam non attendatur,
 eoque minus, dum placenta à convexâ parte est
 inæqualis, & ex diversis lobulis aut quasi coty-
 ledonibus, non dissitis, ut in vitulis, sed sibi in-
 vicem contiguis constat: Si vero utero adhæ-
 reat (ut plerumque fieri opinor) non tamen
 firmiter propter frequentes huc illuc distractio-
 nes, ac eâ de causa dein putrescat, gravia symp-
 tomata, imo mortem inferre potest, præser-
 tim si insuper portio ipsius placentæ substantiæ
 ei adhæsit: uti cuidam haud dubie è consangu-
 neis meis contigisset, ni postea putrefacta non-
 nihil (unde quolibet momento vitæ extremum
 expectabamus) frustatim ab utero decidens
 egrotam liberasset: Hæc frustula vero exami-
 nans

48 DE NUTRIT. FŒTUS EXERCIT.

nans aliud nihil esse reperi, quàm partes dictæ membranæ cum adhærente ipsius placentæ substantiæ portione. Hæc addo obstetricis, reliquarumque parturienti inservientium cautelæ gratiâ, ne ita, ut plerumque, sollicitæ sint, cum membranæ fœtum amplectentes minus sunt integræ, sed præcipue, num placentæ convexa pars sit integra, videant, utpote quæ multo facilius putrescat, quàm, quæ cingit, membrana, atque ita, si qua in utero adhuc restent, commodis educant remediis.

§ 44. Placentæ autem quam domi meæ habeo, membrana ea propter procul dubio nihil, aut minimum læsa fuit, quod leniter, & caute admodum fuerit ab utero separata, quare ne guttulam quidem liquefactæ ceræ transmisit; quod certe absque hujus effusione haud successisset, si sanguis ex matre in fœtum, & vice versâ transfunderetur, circulareturque, sed per aperturas ex laceratione, & ruptione unitorum (ut fertur) vasorum relinquendas omnis, aut saltem plurima pars ceræ effluxisset, uti satis paruit ex aliis, quas mihi servo, placentis, quarum membrana convexam illarum in utero partem tegens defuit, vel lacerata, ruptaque adfuit.

§. 45. Observationem hanc secundarum humanarum confirmant etiam brutorum secundæ. Eodem namque modo se habent cotyledones, quo humana placenta, quos vaccæ hujus loco ha-

habent; & si recte placentam inspicias, eisdem fere cotyledonibus, seu lobulis gaudet, nisi quod hîc sibi mutuo incumbant, non ita verò in secundis vaccinis, per quas passim dispersi sunt figuræ ovi gallinacei minoris non dissimiles, nec tamen in tantam altitudinem propullulantes, sed magis plani, & intro vergentes: Horum cotyledonum in his secundis nullos fere vidi laceratos, sed singulos membrana obductos, atque prorsus illæfos; in illis iterum multos ruptos, suâque membranâ orbos, sanguinemque effundentes, cujus laceratio eo modo facta est, quo membranæ placentæ humani fœtus, ictibus nempe, aut calcitrationibus in lucem prodeuntis vituli, vehementioribusque matris parturientis pressioni-
bus, nec non rusticorum fortioribus (præ nimis firmâ secundarum adhæsi-
one) vituli ex matre avulsionibus; sic quoque vidi hujus vaccæ partum multò fuisse difficiliorem, quam illius, quod confirmat dictæ membranæ ruptionem à magis, vel minus firmâ secundarum agglutinatione solum dependere.

§. 46. Sciant autem membranam illam in vitulis magis esse conspicuam ob majorem crassitiem, & sæpius conspici, quia, dum matrix brutorum magis est membranosa, humanâque intus æqualior, facilius separatur, seceditque. Ex hac igitur membranæ secundarum, tam hominum, quam bestiarum observatione, uti & su-

50 DE NUTRIT. FŒTUS EXERCIT.

pra ex aquæ, & ceræ denegato transitu abunde etiam patet nullas esse Anastomoses, aut sanguinis transmissionis communicationem cum vasis uterinis, & placentæ, ac per consequens fictum sanguinis materni in placentam, & porrò in ipsum fœtum transitum, sed proprium esse fœtus sanguinem, qui per placentam circulatur, ac proinde aliam esse matris, aliam fœtus circulationem, aliasque per vias succi nutrituri receptionem: Alia insuper his addi possent Hypothesin confirmatura. Sed ne nimia turgescat mole hæc dissertatio, vela contrahere jubeor. Sufficiant hæc ad dilucidationem, confirmationemque methodi, quâ fœtus nutrimentum non per vasa umbilicalia, at per os tantum (quod demonstrandum erat) accipit: dicam tamen summatim, quomodo particulæ succi nutritii resinossæ cedant in nutritionem, & incrementum fœtus, & quo pacto tandem non sufficiens in dies grandescenti fœtui ille succus partum accelerantium causerum una sit.

§. 47. Dum itaque pro modulo, quibus potui, invictis argumentis, demonstrationibusque ostendi fœtum omnem materiam in ejus nutritionem cessuram per os accipere, ac postea exposui, quomodo eadem ex ore descendat per œsophagum in ventriculum, ulterius explicabo, qua ratione sanguinem, & postea particulæ ejus nutritiæ partes solidas accedant, Matris itaque motu, pressione videl. muscutorum abdominis, & motu dia-

diaphragmatis reciproco, & ab intestinis ab hoc deorsum propulsis, &c. uterus deprimitur, consequenterque commovetur liquor cum innatante fœtu: His autem motionibus, ut & fœtus diaphragmatis, ac ejus ventriculi, & intestinorum peristaltico motu, dictus liquor eo, quo dixi, modo in os impulsus, ac nonnihil in ventriculo mutatus per pylorum expellitur in intestinum duodenum, & jejunum, ubi tenuior ejus pars dicta methodo, mediantibusque intestinorum, duodeni, ac jejuni valvulis, quibus liquoris progressus ad reliqua intestina quodammodo impeditur, propellitur in orificia vasorum chyli ducorum, & sic porro per hæc ad pancreas Afellii, atque hinc per secundi generis dicta vasa ad saccum chyli ferum, & in ductum thoracicum, indeque pressione partium vicinarum, & particularum chylosarum subsequen-
tium, ac ope valvularum hujus ductus impredientium, quo minus chylus ille, qui jam hunc ductum ascendit, retrogrediatur, repellaturve, in venam subclaviam protruditur. Deinde cum sanguine in venam cavam descendentem, seu superiorem, ad cor, ut sic denique in auricula cordis dextra etiam cum sanguine, ex inferioribus corporis partibus per venam cavam ascendentem, seu inferiorem, illuc reducto, misceatur ad coctionem, seu fermentationem, ejus ulterio-
ris divisionis gratia, in corde subeundam, & tandem lege circulationis omnibus partibus so-

52 DE NUTRIT. FŒTUS EXERCIT.

lidis, ad earum augmentationem, distribuendam.

§. 48. Notandum autem est circulationem sanguinis in fœtu alia methodo, quam in adultioribus, procedere: ideoque non possum non illam, ut à me in fœtu recens nato seria viarum investigatione, improboque labore fuit observata, hîc paucis referre, ut sic demum ex istâ circulatione, sive sanguinis motu progressivo, nutritionem, & incrementum fœtus explicemus. Sanguis itaque ex utraque vena cava effusus in auricula cordis dextra chylo permixto imprægnatus ex eâ auriculâ pro parte per foramen rotundum in sinistrum (secus ac in adultis) cordis thalamum rectâ transit, pro parte etiam in dextram cordis auriculam pergit, ac ex ea (ut *omnis* sanguis in adultioribus) in dextrum cordis antrum delabitur; inde per *latum communum truncum* à basi cordis longitudinem minimi digiti transversî habentem in *utramque arteriam pulmonarem* (hic *latus communis truncus* in adultioribus, cum in majorem altitudinem excreverit, vulgo dicitur arteria pulmonaris, quæ postea in duos dispescitur ramos, quos hîc ob faciliorem explicationem arterias pulmonares voco, idem & de vena pulmonari intelligas.) per quas non *omnis* tamen tendit, sed tertia ejus circiter pars illo impetu, quo ex cordis ventriculo dextro paulo superius per *foramen ovale* (quod quidam recte *canaliculum arteriosum* ex similitudine vocitant pellitur, effunditur in

arte-

arteriam aortam, ubi illa sese incurvat, & inferiora petit, ita ut hujus sanguinis pars etiam tantum semel fermentetur, nimirum in dextro cordis specu, quia ex dextro cordis thalamo per communem truncum arteriosum egressus sanguis non omnis per utramque arteriam pulmonarem pulmones transit, ut sic ex iis redeat per *utramque pulmonarem in communem truncum venosum*, atque (ut in adultioribus) effundatur in sinistrum cordis antrum, sed *tantum duæ circiter ejus partes*; suppono enim, dum supra communem truncum arteriosum *trivium* ab utraque arteria pulmonari, & canaliculo arterioso relinquitur, duas præterpropter sanguinis partes per utramque arteriam, in utramque venam pulmonarem ad sinistrum cordis ventriculum, atque unam etiam per ovale foramen in aortam arteriam transire partem; ita ut sanguis in fœtu semel tantum fermentetur, quia nondum dimidia pars *istius sanguinis*, qui quidem effunditur ex utraque vena cava in dextram cordis auriculam, per pulmones pergit, cum in adultis contra omnis ex dicta auricula in cordis ventriculum dextrum protrusus exinde per arterias pulmonares pulmones permeet, & ita semel fermentatus ex pulmonibus per venas pulmonares rediens secunda vice in sinistro cordis thalamo fermentetur.

§. 49. Sanguis fœtus itaque cum admixto chylo in corde fermentatus ex ejus sinistro specu, uti

54 DE NUTRIT. FŒTUS EXERCIT.

& canaliculo arterioso in aortam arteriam propellitur, atque ita per totum fœtus corpusculum dispergitur. Et sic quidem fluidarum ejus, qui in utero est, partium explicuimus nutritionem, solidarum tantum accretionem exponere restat, quam hac methodo peragi statuo, dum suppono sanguinis motu progressivo in corde orto, vel saltem aucto, latera arteriarum distendi, iisque distensis poros dilatari, ut & hinc commodiorem particulis chylosis dari transitum. Harum itaque simul cum subtilioribus, quæ illis vehiculi sunt instar, per poros extrusarum quædam aptiores adhæfioni solidis applicantur partibus non qualitate quadam assimilatrici, aut electrici; verum diversis corporis partibus (vel carni vel ossi, &c.) quibus obviam fiunt, pro diversitate suorum pororum, & partium superficierum ope ætheris corporum poros perfluentis agglutinantur; hic enim ex poris partis egressus, si harum particularum facilius, illarum difficilius transmeet poros, priores relinquet, posteriores removebit, uti id usque experiri licet, ex quavis duorum liquorum difficili commixtione; illæ itaque solidis quotidie partibus dicta methodo agglutinatæ sensim singulas partes increfcere faciunt: Quæ autem nimis flexiles, & mobiles, ideoque adhæfionibus minus sunt idoneæ, (qualis aqueæ &c.) motu illo, quem acceperunt à sanguine, quique, quam diu homo vivit, continuatur, partim in orifi-

orificia vasorum lymphaticorum initia in partibus solidis habentium impelluntur, partim per insensibilem transpirationem foras erumpunt, ac in auras evanescent, atque ita etiam nutritionem, augmentationemque partium fœtus solidarum ostendimus.

§. 50. Hæc autem augmentatio tam diu in utero continuatur, donec tandem fœtus fermentationes fortiores evadant, copiosiores spiritus gignantur, vires accrescant, & ille ob auctum idcirco calorem, humorisque, cui innatat, & quo nutritur, rarefactionem liberiori aura indigeat; præterea succo hoc alimentario imminuto, intestinorumque fæculentis, ac urina sensim acrioribus factis, ut & nimia sui copia partes continentes distendentibus, solito major spirituum in tubulos ventriculi, intestinorum, vesicæ &c. fit influxus. Hinc anima fœtus primo jam veluti somno expergefacti insolite affecta hoc jam molestiori, & incommodiori hospitio educere corpus gestiens determinat spiritus copiosius solito ad musculos movendis inservientes cruribus, unde pedum calcitationibus circumdantes, fœtum membranæ ut plurimum disrumpuntur, quem motum insuetum, utpote vim utero inferentem, non potest non statim insequi insolitus, & copiosior spirituum in uteri substantiam, vicinasque partes influxus, quo rotundior facta matrix os aperit, cui apertioni majori etiam fœtus capite, instante partu, huic interno

Oo 4

uteri

56 DE NUTRIT. FÆTUS EXERCIT.

uteri orificio plerumque proximus contribuit; nam uteri fundum calcitrando sese quoniam nec uterus, nec partes abdominis externæ (ut peritonæum, musculi ei superincumbentes &c.) amplius dilatationem patiuntur, nec cedunt, protrudit, atque ita ostioli uterini labia jam aliquatenus aperta ulterius dehiscere facit (ut cortices seminum, ac lapilli fructuum aliquamdiu terræ commissi ab intus intumescantibus nucleis diffringuntur, & diffiliunt) atque tandem perforat, aqua è membranis effluente interim vias pro faciliore ejus exitu madidas, ac lubricas reddente; & sic denique accedentibus matris conatibus (eo enim momento spiritus per totum nervosum genus à spinali medulla tanto feruntur impetu, ut omnes fere partes comprimantur, exprimaturque ex corpore fœtus) debilis, queruloque vagitu fortem deplorans superas visit auras.

Atque ita quidem constat, quo pacto lotium inter, ac oletum oriamur homunciones. Pari forte, pari naturæ lege prodit Cræsus, Irusque. Ne itaque superbiat quisquam; sed memor sit sui. Nascentes quippe excipiunt morbi, & ea lege nos esse natos Cicero ait, *ut nemo in perpetuum esse possit expers mali*. Denique, ut ejusdem verissimo utar dicto, *moriendum certe est, & id incertum, an eo ipso die.*

F I N I S.

COROLLARIA.

- I. **R**ationem tam in, quàm extra Medicinam, experientiâ longè nobiliorem contendendo.
- II. Adeoque calumniari illos, qui veram Medicinam conjecturalem esse dicunt.
- III. Quare illa absque Philosophiâ ceca, atque empyrica, ac proin valde periculosa est.
- IV. Porro Anatomia, & Chemia cognitio Medicum perfectiorem reddit.
- V. Ventriculicerebri spirituum promptuaria mihi sunt.
- VI. Virginem imprægnari posse, illæ sâ virginitate, assero.
- VII. Testes virorum nil sunt (quidquid alii de glandulis clamant) quam glomer, & intorsio vasorum.
- VIII. Viros non habere semen statuo;
- IX. Id autem mulieribus esse dico.
- X. Idcirco hominem ex animalculo generari subtilius voco figmentum,
- XI. Nec non ex utriusque sexus (ut alii) seminis in utero commixtione: aut viri solius spermatis (quæ major chymara) in eodem coagulatione.
- XII. Qui negant fermentationem alimentorum in ventriculo, & præcipue quidem sanguinis in corde, negant propriam vitam, quam consistere ajo in motu sanguinis progressivo, qui extra hujus circulationem, & hæc extra il-

COROLLARIA

- lius in corde fermentationem dari nequit.*
- XIII. *Corpus magis nutritur noctu, quam interdiu.*
- XIV. *Ex terrore solo hominem peste, aut alio diuturno morbo corripì posse absurdum.*
- XV. *Omnis dolor oritur ex obstructione,*
- XVI. *Ideoque morbos calidos, quos vocant, calida item tollant medicamina, nisi quis mendosam velit instituere curationem: namque*
- XVII. *Intemperiem salinam volatilem dari pernego;*
- XVIII. *Quoniam omnes morbos à sanguine praternaturaliter crasso (exceptis à causâ externâ subito advenientibus) oriri suppono.*
- XIX. *Atque hinc eorum elucescit error, qui iulapiis, claretisque, ac decoctis frigidis, & emollientibus morbos calidos, ut vocitant, dum pellere conantur, immane quantum augent.*
- XX. *Crassitie sanguinis praternaturalis acidum semper causam agnoscere erroneum.*
- XXI. *Atque ideo Scorbutum non nisi ab acido produci falsissimum.*
- XXII. *Verum causam ejus triplicem quidem crediderim.*
- XXIII. *Plethoram affirmo dari nullam, nisi respectu cacochymie, seu dictæ crassitie sanguinis.*
- XXIV. *Quâ de causâ in omni morbo vene sectio*
(ubi

C O R O L L A R I A.

(ubi requiri putatur) ante omnia instituenda est.

XXV. Etenim, qui post purgationem hanc jubent instituere, oleum, & operam perdunt, imo illa tum plus nocet, quam prodest.

XXVI. Ubi adest intemperies acris, itidem sanguinem praternaturaliter crassum statuo:

XXVII. Sic emollientia morbos acres adaugent.

XXVIII. Et inde quoque morbi nonnulli insani-
biles antiquioris sectæ sequacibus, nobis autem
nulli, nisi forte solutæ unitatis, ac malæ con-
formationis quidam.

XXIX. Morborum causas à primis viis, & par-
tibus solidis deducere in praxi superficietenus
tantum procedere est,

XXX. Quod hæc intemperata dici nequeant, nisi
respectu sanguinis.

XXXI. Quapropter stomachica, splenica, hepa-
tica, cephalica, pectoralia, uterina, & hu-
jusmodi generis plura nullius momenti, & in
unam redigenda videntur classem.

XXXII. Hinc in morbis curandis ratio ventri-
culi curationis non est habenda, sed sanguinis.

XXXIII. Medico in initio quarundam afflictio-
num adhibere licet remedia indicationi cura-
tivæ plane contraria.

XXXIV. Cucurbitula, præsertim sacrificata,
setones, fonticuli tanquam stultissima, &
tormenta inutilia è medicinâ proscribenda
sunt.

XXXV. Sic

C O R O L L A R I A.

- XXXV. *Sic sectio sanguiducorum vasorum in fronte, temporibus, sub linguâ non solum nugatoria, sed periculosa est.*
- XXXVI. *Exsiccantia ubique mala, imo pessima.*
- XXXVII. *Potiones, decocta &c. æque operantur, & sua præstant ratione quantitatis, ac qualitatis.*
- XXXVIII. *Acida subtiliora in Medicinâ maximi usus esse profiteor.*
- XXXIX. *Crassa & terrestria possunt motum sanguinis angere.*
- XL. *Siquis asseveret Panacœam dari, illi equidem non multum repugnabo.*

F I N I S.

Carmen in laudem Domini

PETRI STALPARTII

VANDER WIEL.

P Laudite Pierides, sincero plaudite corde;
Et placidos, hilares, comites, nunc ducite
faltus:

Finiit, En! cursum studiorum *Vester Amicus.*

Nectite Pierides, ex auro nectite ferta

Cultori Vestro: Qui jam conamine claro,

Parnassi docti spinosa cacumina vicit.

Fundite Pierides STALPARTO, fundite vota.

Ut mox magna *Patris Praclari* nomina portet.

Nomen & augustum celsissima sidera tangat.

Sic Magni Stalpartii Filio unico:

Arti imprimis Apollinari na-
to: Hujusque Candidato du-
dum meritissimo, ex affectu
l. m. que gratulabatur.

JOHAN EGIDIUS EUTH,

Med. Doct. Archiater Saxoniae
Ducis Pr. Hag. Batav.

*Ad Doctissimum, & in rebus Medicis
versatissimum*

D. PETRUM STALPARTIUM
VANDER WIEL

Cum, emenso studiorum stadio, Intricatissimam, maximéque arduam illam

DE

FOETUS NUTRITIONE
MATERIAM,

*Pro Gradu Doctoratus, Disputatione
solidissima extricaret.*

ERgo dies venit, quo *Tu STALPARTIA Proles*
PETRE, sodalitiij portio multa mei,
Scandis in excelsum Lauri sublimis honore;
Per reliquam turbam dum mea vota volant?
Maçtetuis cœptis; iter hæc ad sidera pendent,
Virtutique dabunt præmia digna tuæ.
Sic dulces poteris fructus gustare laborum,
Sic erit ex animo pallida cura procul.
Gaudia, crede, mihi, simul injecere stuporem,
Quæ nunc ingenii das documenta tui.
O quoties lecta illa mihi, quotiesque relecta,
Cum satiare animum non potuere meum!
Sed mihi quid mirum est, ferias quod vertice
cœlum,

Unde

Undè tibi seculi fama sequētis eat?
Suxisti CRANI dio manantia lacte
Ubera, cui semper fama perenniserit.
Quin celebri multum gnatus genitore superbis,
Indignus quondam nec Patre gnatus eris.
Nam te per majora vehet fastigia rerum
Multæ anima virtus, nec minus artis amor. !
Ille ego sed non sum, raras depingere mentis
Quæ valeam dotes, ingenii que tui.
Vos sed, Pierides, ad tempora læta vocatæ
Fundite concordēs ore favente sonos!
Dicite Io Juvenes, & Io bis dicite, cani:
Transseat hic totus nunc sine nube dies!

Sic gracili modulatus avenâ est

JOHANNES BROEN,

Med. Doct. Leydens.

Ad Ornatissimum Dominum

P. STALPART. VANDER WIEL,

Post demonstratam

FOETUS IN UTERO
NUTRITIONEM,

Medicinæ sacris initiandum.

PETRE mihi haud fictos inter, proba corda, so-
dales

Optime; Theseâ cognite Petre fide;

Tu jam, digna equidem suboles, genitoris anhelis
Gressibus insilens dulce subibis onus?

Quamque laboranti tanto tulit ille catervæ

Tempore, nec tanto tempore fractus opem,

Tunc animis, validisque vicens Tirynthius annis

Hanc miseris spondens jam velut alter ades?

Sic quondam impatiens nimii prope ponderis Atlas

Sentiit Herculeas lætus adesse manus.

Sic trepidas aquilæ nequeunt generare columbas,

Gignentisque ferox robore fervet equus.

Promovet ingenii multum vis insita dotes,

Auget & has noti justa cupido boni.

Tu patrii felix laudem, exemplumque laboris,

Quod faveat studiis, nec leve calcar habes.

Mira Parens nuper nobis spectacula pandens,

† Scriptio, ait, natum hæc excitet usque meum.

Est

† Ita quidem Pater *Præfat Part. I. Obs. Medic.*

Est tibi relligio carum luisse parentem :

Optantis votis par tibi cura fuit.

Sic, quisquis patriam visurus venerat Hagam,

Hic, testis, stimulus quam tibi inesset, erat.

Dumque unam solers, quâ per nascentia gliscat

Membra novum robur, das bene nosse viam :

Quis non perspiciat, quæ sint tibi robora, mentis

Quæ bona, quæ menses non peperere decem ?

Ergo ubi conceptis promissa silentia verbis,

Nec tibi jam sanctam fas temerare fidem ;

Dicendis damna nocitura silentia rebus,

Quarum à te multos mentio facta juvet.

Cumque premes quondam amissi vestigia patris,

Emeritum quis non occubuisse neget ?

Hæc fiant votis, STALPARTI, ardentibus opto :

Degenerem nunquam si qua juvare queant.

Consilio, prece si nequeam, montitisque placebo :

Hoc noster Fluddo non neget arctus amor.

Cum tibi Pæoniâ cingentur tempora lauro,

Et meritum cernes præmia tanta caput :

Esto memor vasti quos campos æquoris intres,

Sustineasque datâ munera quanta fide.

Mille tibi infestas pestes, hydrasque renatis

Frontibus, & totidem monstra parata putes.

Nec leve credideris mortis tela horrida avaræ,

Spiculave indomitæ perdomuisse luis.

Ergo animis opus Alcidx. Sic vincere morbos,

Sic & fas Stygium dibilitare genus.


Nec sequere illorum male cautam inglorius ar-
tem,

Quos error multis perniciosus agit.

Ast imitare viros, ratio quos sana gubernat;
Si qua nocent, mentis nubila pelle tuæ.
Illud ut efficiat labor improbus, utere verno
Ætatis spatio. Sit didicisse leve.
Adjice Craniadæ præceptis, longior usus
Quod monstrat. Quemvis non eadem herba
levat.
Quod juvenem Æaciden, non illud Nestora sanet;
Sanguinis est alter dives, at alter inops.
Præcipue vilis non sit tibi vita gementum,
Somnia nec Samii sint tibi vera senis.
Hac ratione dabis famæ super æthera nomen
Ferre, & Apollineâ quondam eris arte potens.
Sic, postquam attigeris actæ spatia ultima vitæ,
Cœlestes poteris carus adire choros.
Vos autem gaudete ægri, quæcis membra fatiscunt
Languida, nunc miseris non licet esse diu:
Auxilium fessis novus en Asclepius artus.
Quamlibet infractos ille levare venit.
Quæ mala, morborum quæ me nunc lædere pe-
stes,
Heu, juveni nimium quæ nocuere! queant;
Si senior, qui me juvit, STALPARTIUS, olim,
Invalidum junior si minus esse sinat?
Tutior at gemino fautore superbiat Haga,
Hinc opifer si stet filius, inde pater.

J. FLUD. A. GHILDE Hagiensis:





Lisa Leonard Baskin

Bound by S. Clifford. Deer Isle. 1967.

Gift. 1967.

STALP.
OBSERV.
RARIORUM

AD.
SCHOONK

2

LEIDEN
1687